





HISTORIA
ECCLESIASTICA.

HISTORIA ECCLESIASTICA VARIIS COLLOQUIIS DIGESTA

U B I

PRO THEOLOGICÆ CANDIDATIS

*Res præcipuæ , non solum ad Historiam , sed etiam ad
Dogmata , Criticam , Chronologiam , & Ecclesiæ
Disciplinam pertinentes , per breves Interroga-
tiones , & Responsiones perstringuntur ,
& in præclaro ordine collocantur .*

TOMUS SEXTUS

Complectens Sæculum Ecclesiæ
Decimum Quintum .

A U C T O R E

FR. IGNATIO HIACYNTHO

AMAT DE GRAVESON

Sacræ Facultatis Parisiensis Doctore , & Collegii
Casanatenensis Theologo, Ord. Fratrum Præd.

*Ex dono R^{mi}
P. Dormilia*

*Abbat. Exynli
Bibl. & B. & M.*

ROMÆ MDCCXX.

Ex Typographia Tinassii.

de Deitona.

SUPERIORUM PERMISSO.

HISTORIA
ECCLIASTICA
VARIIS COLLOQUIIS DIGESTA

PRO THEOLOGICIS CANDIDATIS

TOMUS SEXTUS

Completione saeculi theologiae
Decimum Quintum.

NOTAE

TRICENARIO HICENITICO

ANAL DE GRAVATION

ANAL DE GRAVATION

Ex Libris
Bibliothecae
Universitatis
Lugdunensis

NOS FR. ANGELUS GULIELMUS M O L U S

Sacræ Theologiæ Professor, ac totius Ordinis
Fratrum Prædicatorum humilis Vica-
rius & Procurator Generalis
salutem .

TEnore præsentium nostrique auctoritate Officii li-
centiam facimus Reverendo admodum Patri Fra-
tri *Ignatio Hyacintho Amat de Graveson* in Sacra Fa-
cultate Parisiensi Doctore ac in Collegio Casanatenſi
Conventus Sanctæ Mariæ super Minervam de Urbe
Theologo, Provinciæ nostræ Provinciæ Alumno, ty-
pis edendi Opus in plures Tomos distributum, cui ti-
tulus est: *Historia Ecclesiastica variis Colloquiis dige-
sta, &c.* dummodò prius approbatum fuerit à duobus
Ordinis nostri in Theologia Magistris, & aliis servatis
de jure servandis. In quorum fidem &c. Datum Ro-
mæ in Conventu nostro Sanctæ Mariæ super Miner-
vam die 2. Aprilis 1720.

FR. ANTONIUS GULIELMUS MOLUS
Vic. & Proc. Generalis Ordinis.

Loco † Sigilli .

*Fr. Bernardus d'Arcet Magister,
& Socius .*

Registr. fol. 82.

EPISTOLA AMICI

Clerici Regularis Scholarum Piarum
S. Pantaleonis de Urbe

AD AUCTOREM,

SACRÆ FACULTATIS PARISIEN-
SIS DOCTOREM,

Et Collegii Casanatensis Theologum.

IN variis homines juratos Artibus annos
Absoluūt: sunt qui lunares nocte labores
Aspiciant sævi metuentes omina Cœli,
Vanarumque Orbem quatiant terrore mi-
narum.

Sunt qui res Scriptis memorent, quas tur-
ba Deorum

Gesserit in Latio; quæ Marti templa decoro,
Quæ Floræ, & Veneri surgebant marmore;
quanto

Tibridis Vrbs strepitu resonabat, cùm Sa-
liorum

Stulta cohors terram pede percutiebat
inani.

At nil suavius est, quàm docta volumina
Sacris

Implere Historiis; quid enim sermone pro-
phano.

Indiget hæc ætas in terram curva, nimisque
Ver-

Vergente in Vitium Naturâ cerea flecti :
Propterea tua Scripta tubis , Vir maxime ,
fama

Ultima Tyrreni feret ultrâ littora ponti ,
Cum res Divinas , & Sancta negotia Sedis
Romanæ Populis memorent celebranda fu-
turis.

Posteritas etenim in studium propensa vi-
debit ,

Vecta triumphali quotiès Capitolia curru
Religio ascendit victrix spolia inter &
arma ;

Res tot Sæclorum mirabitur ordine recto
Descriptas : quis enim tot posset tempora
solus

Amplecti , & Veteris Latii Sermonibus uti ,
Hic , ubi barbara lingua sagaces verberat
aures ?

Ergò tibi meritos porrexit Gallia honores ,
In primâ cum te sapientum Sede locavit ,
Et Sacram Capiti dedit , aptavitque co-
ronam .

Præterea tua laus fit major , dum studiorum
Heroi egregio rationem providus offers ,
Palladis Ausonię qui Sacras protegit Ædes ;
Ille etenim centum effigies disponit avorum
Porticibus , qui purpureo velamine fulgent ,
Aut Romam , & terras divinâ lege coercent ;
Nam quæ progenies tot jactat signa , vi-
rosque

Præclaros, quot Gens Burghesia? majus in
Urbe

Nil hâc gente vident Populi, Martisque
Nepotes.

Ergò animum studiis agita, mentemque la-
bore

Gallorum decus eximium, tibi Pallas amica,
Mæcenasque favet longinquis notus ab In-
dis.

A P P R O B A T I O.

Sextum Historiæ Ecclesiasticæ Tomum , à spectatissimo viro *Fr. Ignatio Hiacynto Amat de Graveson* , Sacræ Facultatis Parisiensis Doctore , & Collegii Casanatensis Theologo conscriptum , Jubente Rmo Patre *Fr. Gulielmo Molo* , totius Ordinis FF. Prædicatorum Vicario , & Procuratore Generali, maximâ animi cum voluptate legi, per- voluique . De cujus præstantissimo Auctore , hoc candidum certè Judicium ferre nullus dubito: partes scilicet ipse omnes præcellentissimi Historici cumulatissimè explevit . Genus scribendi ejus do- ctum, nitidum, tersum, pressumque . Rerum ipsa- rum sedulus scrutator , severus Iudex , ab affecti- bus immunis : nihil enim temerè , sed omnia ne- cessariis argumentis confirmat . Iàm verò , quid Collegæ nostri, mihiq; multis nominibus cha- rissimi, summam prudentiam, quid reconditam, eruditionem , quid cæteras, quibus excellit, vir- tutes commemorem persequarque. Uno verbo to- tum ipsius elogium complectar . Decimi Quinti Ecclesiæ Sæculi Historiam contexuit non minori gravitate , stylique elegantia, quàm integritate, & eventuum narratione fideli, quæ cultissimo cuilibet ingenio, quantum admirationis sit allatura, intelli- get sanè, quisquis eam haud perfunctoriè lectita- bit. Quamobrem, cum Opus istud, nihil aliundè cõ- tineat, quod Fidei, aut bonis moribus non sit con- sentaneum, ut publici quantocyùs juris fiat, dignum omninò esse censeo. Datum Romæ, in Conventu S. Marię super Minervam, die III. Aprilis, Anni 1720.

*Fr. Patricius Plonket Ordinis Prædicatorum,
Sacræ Facultatis Parisiensis Doctor , &
Collegii Casanatensis Theologus. AP-*

A P P R O B A T I O.

BEnè habet, jam Vir Cl. *Ignatius Hyacinthus* *Amat de Graveson*, Sacræ Facultatis Parisiensis Doctor, & Collegii Casanatenfis Theologus, Ordinis Prædicatorum, quatuordecim emensus est Sæcula stylo eleganti, terfo, polito, facili, & claro elaborata. In præfenti solitæ inhærens methodo sex Colloquiis absolvit Historiam Sæculi decimi quinti, quam commendare lubens abstineo; brevi, Deo fortunante, postrema duo Sæcula editurus, sicque coronidem impositurus Operi arduo, egregio, & perutili, cujus laudes multis jam pridem celebratas si persequi velim, actum agere videar. Quid aliud reliquum est, quàm ut Historiæ Ecclesiasticæ studiosos, maximè verò Theologiæ Candidatos, quorum in gratiam scribere se profitetur Author, non minùs singulari modestia, quàm summâ eruditione conspicuus, etiam atque etiam adhorter, ut Opus hoc aureum diligenter & accuratè pervolvent, in eoque immorentur, haud immemores præclari Moniti, quod habet Seneca Epistolâ secundâ: *illud vide, ne ista lectio multorum auctorum, & omnis generis voluminum, habeat aliquid vagum, & instabile. Certis ingeniis immorari, & innutrirî oportet, si velis aliquid trahere, quod in animo fideliter sedeat.* Cæterùm, tomus iste sextus decimi quinti Ecclesiæ Sæculi complectens Historiam, nil habet quod ejus editionem remorari posse videatur, immò, nullus dubito, quin hoc volumen sextum magnam præstantissimo Concinnatori famam apud æquos rerum æsti-

æstimatores conciliet . Datum Romæ in Con-
ventu Sanctæ Mariæ super Minervam Calendis
Aprilis anno 1720.

*Fr. Antonius Bardon , Sacræ Facultatis
Parisiensis Doctor Theologus, Catedrati-
cus Casanatensis, Ordinis Prædicatorum.*

I M P R I M A T U R,

**Si videbitur Reverendissimo Patri Magistro
Sacri Palatii Apostolici .**

T. Episcopus Heraclia Vicesgerens .

APPRO-

A P P R O B A T I O.
 REVERENDI ADMODUM PATRIS
 LEONIS A' S. FELICE

*Carmelitæ Discalceati, Sacræ Theo-
 logiæ Prælectoris, & Definito-
 ris Provincialis.*

Sæculi Decimi Quinti Historiam Ecclesiasticam novâ Methodo, Methodicâ claritate, clarâ eloquentiâ, eloquentiori profunditate, profundiori eruditione, eruditiori veritate, Verissimâ, ingeniosissimâ, ac Doctissimâ subtilitate Ideatam, delineatam, adamussimque exaratam ab Admodum Rev. P. Magistro Ignatio Hiacintho Amat de Graveson, Sacræ Facultatis Parisiensis Doctore, & Collegii Casanatenfis Theologo, Ord. Prædicat. de Mandato Rm̃i P. Fr. Gregorii Selleri Sac. Apost. Palat. Magistri, maximâ animi jucunditate revolvî; atque ex Auctoris Nomine Omen, ex Omine, si (a) *Doctrina sua noscitur vir*, illicò percepi hominem (b): Qui elevans se supra se, ineptas, & aniles fabulas devitando, ac Doctrinam senum auferendo, protulit de Thesauro (c) Omniscix suæ mentis nova, & vetera (d): A Sæculo siquidem, & usque in Sæculum considerans Multitudinem librorum, & difficultatem volentibus aggredi narrationes Historiarum propter multitudinem rerum, per (e) Sæcula aptare, disponere, ac Sapientissimè redigere cu-

721

(a) Proverb. 8. (b) 1. ad Timot. cap. 4.

(c) Job. 12. (d) Matth. 13. (e) 2. Maccab. cap. 2.

ravit, volentibus quidem legere, ut esset animi oblectatio, Studiosis verò ut facilius possint memoriæ commendare, omnibus autem legentibus utilitas conferatur. Orbi ergo Litterario Illucescat, ut etiam ab Historiæ (f) veritate auditum avertentes, & ad fabulas convertentes illuminet, ac semitam Sæculorum custodire cupientibus in Historiis (g), ostendat viam bonam, per quam ambulent ne ad falsitatis lapidem offendant pedem suum. (h) Ita judicare minimè dubitavi, dum Heterodoxum omne detestatur, & Impugnat acriter, Orthodoxum Dogma amplectitur, & propugnat feliciter. Datum Romæ in Collegio Sanctæ Mariæ de Victoria 12. Ianuarii 1720.

(f) 2. ad Timot. cap. 2. (g) Job. 22.

(h) Psalm. 90.

Fr. Leo à S. Felice Carmel. Discalceat. Sacræ
Theol. Prælector, & Definitor Provin-
cialis.

IMPRIMATUR,

Fr. Gregorius Selleri Ordinis Prædicato-
rum, Sacri Palatii Apostolici Magister.

INDEX COLLOQUIORUM

Quæ in sexto Historiæ Ecclesiasticæ Tomo continentur.

COLLOQUIUM I.

IN quo describitur status Ecclesiæ sub Imperatoribus Orientis & Occidentis, & sub aliis Orbis Christiani Principibus Sæculi XV. pag. 5.

COLLOQUIUM II.

In quo texitur series Episcoporum, qui illustriores Ecclesiæ Sedes, Romanam præsertim & Constantinopolitanam, Sæculo XV. tenuerunt. pag. 85.

COLLOQUIUM III.

In quo recensentur Hæreses & Controversiæ, quæ Sæculo XV. Ecclesiam exagitarunt. pag. 162.

COLLOQUIUM IV.

De Conciliis tàm Oecumenicis, tàm Nationa-

*nalibus, seu Provincialibus, in quibus
Sæculo Ecclesiæ XV. profligatæ sunt Hæ-
reses, extincta Schismata, & restaurata
Ecclesiæ Disciplina.* pag.241.

COLLOQUIUM V.

*De Viris Illustribus, qui Sæculo XV. tam
in Oriente, quàm in Occidente, Do-
ctrina, Vitæque Sanctimonia florue-
runt.* pag.341.

COLLOQUIUM VI.

*De Doctrina, Disciplina tam Ecclesiastica,
quàm Monastica, & Ethica Cristiana
Sæculi XV.* pag.437.



M E N D A,

Quæ irrepsērunt in Editionem hujus Tomi
sexti Historiæ Ecclesiasticæ.

MENDA

Pag. Lin.

10. 28. suum
28. 8. *Theodorus*
80. 21. quadringentesimo
80. 32. Colloquo
88. 29. conterferit
113. 6. peritissimus
190. 13. libri 2.
233. 26. *Haredoxi*
238. 14. salvo conducto
260. 25. *Jo: vigesimi tertii*
368. 18. MCCCCXVIII.
414. 30. MCCCCCIV.
459. lin. ult. nnuere

CORRIGE.

suam
Theodoricus
quingentesimo
Colloquio
contorferit
peritissimus
libri xi.
Heterodoxi
salvo conductu
Jo: vigesimus tertius
MCCCCXCVIII.
MCCCCXLIV.
innuere

HISTORIA

DECIMIQUINTI

ECCLESIAE SÆCULI

Variis Colloquiis digesta.



ISTORIA decimi quinti
Sæculi varios ac memora-
biles complectitur even-
tus, quos dùm Ecclesia-
stici Scriptores referunt,
nunc lugentem exhibent
Ecclesiam lethali Hære-
sum, & diuturni Occi-
dentalis Schismatis vul-
nere petitam, nunc eam
lauro coronatam de Hæ-

resibus triumphantem, & extincto funesto illo Schis-
mate, sub uno tandem Capite in terris visibili, Ro-
mano videlicet Pontifice, feliciter adunatam de-
pingunt, maximisque laudibus extollunt summam
vigilantiam Romanorum Pontificum, & zelum
Sanctissimorum Anrhistitum, qui bellum id ætatis
enatis Hæresibus, flagitiis, improbitati, lapsis in
deteriora moribus indixerunt, collapsam Ecclesiæ
disciplinam severitate legum, seu Sacrorum Cano-
num, sanxerunt, veterem Ecclesiæ dignitatem con-
stituerunt, & quæ temporum labe obrepserant vi-
tia emendarunt. Ecclesiam gravissimis malis Sæ-

culo XV. confictari permisit Deus, ut indè illustrior, & innumeris decorata palmis gloriosior appareret. Illam quidem exagitarunt *Wicleffistæ*, quorum hæresis sub finem præcedentis, seu Sæculi decimi quarti, jam in Anglia pullulare cœperat. In eam vexillum quoque erexerunt Hussitæ, alique nefandi Hæretici, qui Religionem impia novitate, opinionum portentis, & flagitiorum monstris deformare tentarunt. At illa, potentissimo Dei adjuncta præsidio, omnes illos hæreticos in perniciem, avitæ Religionis conspirantes exarmavit, & clarissimos de illis retulit triumphos. Luctuosa itidem fuit Sæculo ineunte decimo quinto Ecclesiæ Romanæ facies, dùm *Gregorius XII.* & *Benedictus XIII.* Sedem *Petri* eodem sibi tempore vindicarent. Suos uterque habebat Auctores, Patronosque maximos ac sanctissimos; hinc inde Provinciæ, Regna, Reges, Doctores, Jurisconsulti, Præsules, Concilia, jura stabant. Unum rebus desperatis, & abolendo Schismati præsentissimum remedium afferri posse videbatur, si cederet uterque contendentium, uterque Pontificatum abdicaret. Visa erat ea sententia, potior inprimis Sacræ Facultati Parisiensi, cujus tum prudentia singularis & fides maximè enituit. Sed cogi posse *Benedictus XIII.* negabat, ac se Gallorum, & Aragonum, qui eum, cœu legitimum Pontificem, agnoscebant, opibus sustentans, bellum atrox & intestinum fovebat. Instabat interim *Sigismundus* Imperator Occidentis, & Galliam, Hispaniam, Angliam, Italiam circumcursabat, ut disidentes & convulsas Orbis partes componeret; sed nihil omninò promovebat. Episcopi, qui ad dirum istud tollendum Schisma Concilium Pis-

num

num celebrarunt, nihil profecerunt aliud, nisi ut ad duos Pontifices Maximos tertius adderetur. Tandem, pacem ac concordiam frustrà quæsitam à Regibus, Imperatoribus, Jurisconsultis ac Doctoribus, dedit Deus Ecclesiæ magnis hætenùs jactatæ procellis, & graviora mala metuenti, effecitque, ut *Carolus VI.* Galliarum Rex in celeberrimo Præsum Regni sui, & Procerum conventu juberet suis subditis, ut ab obedientia & causa *Benedicti XIII.* qui Avenione sedebat, recederent. Sic *Benedictus XIII.* à Gallia destitutus, in ordinem redactus est, & brevi postea in Concilio Constantiensi electo in Romanum Pontificem *Martino V.* vetus ac fersale istud Schisma post annos ferè quinquaginta sustulit Deus Optimus Maximus, & sævissimam tempestatem in diu optatam tranquillitatem convertit. Hanc communem Fidelium ex istius Schismatis extinctione profectam lætitiā cumulatit etiam Deus felici illa unione Ecclesiæ Græcæ cum Latina, quæ eodem Sæculo XV. in Concilio Florentino celebrato anno mccccxxxix. cum ingenti plausu, & festivis omnium gratulationibus facta ac promulgata est. Sed, proh dolor! hæc unio diuturna non fuit. Captâ namque à *Mahomete II.* Turcarum Imperatore anno mcccccliii. Constanti-nopoli, Regiâ Græcorum urbe, pulsi sunt Græci, vel qui remanserunt, durum Barbarorum jugum subierunt, & à Latinis perpetuò deinceps Schismate fuerunt separati. Hæc tamen Imperii Græcorum ruina, ita disponente Deo, cessit in maximam Ecclesiæ Latinæ utilitatem. Græcorum quip-pè doctissimi à Barbaris patriâ pulsi, *Theodorus Gaza*, *Argyropulus*, *Georgius Trapezuntius*, *Bessario*, aliique

aliique plurimi in Italiam venêre , ut inde barbariem, ac subinde è Germania, & è Gallia expellerent . Excepti fuerunt summâ humanitate , & liberalissimè habiti à Pontificibus Romanis , & à Principibus Italiæ , maximè à *Medicæis* & à *Valesiis* Regibus Galliæ ; humaniores litteras , & præcipuè Græcas, docuerunt cum summo applausu , cum incredibili frequentia & fructu auditorum, atque eorum Scholis prodierunt innumeri viri , ingenio, eruditione & eloquentiâ præstantissimi , quorum, alii ad Episcopales Infulas , alii ad Purpuram , alii ad Pontificiam dignitatem evecti, de tota Ecclesia, quâ libris editis , quâ confutatis Hæresibus , quâ sancitâ in Conciliis Ecclesiasticâ Disciplinâ , optimè meriti sunt , nomenque suum seræ posteritati consecrarunt . De variis illis eventibus , qui Sæculo XV. contigerunt, quosque summatim hîc perstrinxi, ut eos uno sub aspectu videre posses, copiosè differemus in sex Colloquiis , quibus Historiam Sæculi XV. comprehendemus . In primo describemus Statum Ecclesiæ sub Imperatoribus tam Orientis, quàm Occidentis, & sub aliis Orbis Christiani Principibus . In altero texemus seriem Episcoporum, qui illustriores Sedes , Romanam præcipuè, Sæculo XV. tenuerunt . In tertio proferemus Hæreses & Schismata , quibus eodem Sæculo vexata est Ecclesia . In quarto agemus de Conciliis tùm Oecumenicis , tùm Nationalibus , seu Provincialibus , in quibus vel profligatæ fuerunt hujus Sæculi Hæreses, vel extincta Schismata , vel restaurata Ecclesiæ disciplina . In quinto producemus in medium celebriores Scriptores , qui Sæculo XV. doctrinâ & pietate tam in Oriente , quàm in Occiden-

dente floruerunt . Ultimum Colloquium erit de
Doctrina Fidei , de Disciplina tum Ecclesiastica ,
tum Monastica , necnon de Doctrina Morali Sæ-
culi XV.

COLLOQUIUM PRIMUM,

*In quo describitur Status Ecclesiæ sub Impe-
ratoribus Orientis & Occidentis, & sub
aliis Orbis Christiani Principi-
bus Sæculi XV.*

DISCI-
PULUS.

Quo loco fuerunt res Ecclesiæ Sæ-
culi decimi quinti sub Impera-
toribus Orientis ?

MAGISTER. Pessimo loco fuerunt res Ec-
clesiæ Sæculi XV. sub Imperatoribus Orientis, præ-
sertim post captam à Turcis Constantinopolim an-
no MCCCCLIII. quo anno *Mahometes* hujus nomi-
nis II. abolito penitus Græcorum Imperio , longè
latèque in Oriente Turcarum imperium propaga-
vit . Imperabat in Oriente Sæculo ineunte decimo
quinto *Manuel Palæologus* , Græcorum Imperator ,
qui, ut observavimus in Colloquio I. in Historiam
Sæcul. XIII. & XIV. cum à *Bajazethe* Turcarum
Rege bello premeretur , & numerofo ipsius exerci-
tui repellendo impar esset , totam penè Europam
peragravit , ut à Principibus Christianis , potissi-
mum à Gallorum , & Anglorum Regibus , copias
auxiliares impetraret, quas tamen ob Anglicos tu-
multus , Regisque Christianissimi *Caroli VI.* mor-
bum, cum obtinere haud potuisset , rebus infectis

in Orientem rediit , & gratissimum in itinere nuntium accepit de soluta Constantinopolis obsidione à *Bajazethe*, ob *Tamerlanis* , celebris Tartarorum Regis, in Syriam irruptionem, ingentesque Turcarum strages ab illo editas . Obiit *Manuel Palæologus* , Græcorum Imperator , Apoplexiâ correptus anno mccccxxv. cùm biduo ante obitum Monasticam vestem induisset , sumpto *Matthæi* nomine . Orientis , seu Græcorum Imperii hæredem *Manuel Palæologus* filium suum reliquit *Joannem Palæologum*, qui omnem curam , operam , & industriam contulit ad promovendam Ecclesiæ Græcæ cum Latina unionem , ut indè à Principibus Christianis faciliùs eliceret auxilium ad frangendas Turcicas vires, & ad tutandos jam nutantis Imperii Græcorum fines sibi omninò necessarium . Quamobrem *Joannes Palæologus* , Græcorum Imperator , cum fratre *Demetrio* , simulque *Josephus* , Constantinopolitanæ Ecclesiæ Patriarcha, multique Græcorum Episcopi, Presbyteri, & Laici nobiles ad littus Venetorum appulerunt ; & indè solventes Ferrariam versùs ad flumen Padum sitam navigarunt, quò jam *Eugenius IV.* Concilium in Basileensi civitate cœptum transtulerat . Sed cùm in civitate Ferrariensi cœpisset paulò post grassari pestis, necessitas Patribus incubuit, indè abscedendi , eâque de causâ *Eugenius IV.* Pontifex Maximus Synodum Ferrariensem anno mccccxxxix. transtulit Florentiam , primariam Tusciæ civitatem, quam Arnus præterfluit. In hac Synodo Florentina, cui interfuit *Joannes Palæologus* Græcorum Imperator , feliciter completa est, post varias hinc indè Græcos inter & Latinos altercationes, unio Ecclesiæ Græcæ cum Latina, sicut

sicut in Colloquio IV. agendo de Florentina Synodo operosius ostendemus. Felicem profectò *Joannem Palaeologum* Græcorum Imperatorem, si initam in Concilio Florentino Ecclesiæ Græcæ cum Latina unionem, quam ipsemet summo animi studio, magnisque curis & laboribus procuraverat, à suis Græcis sollicitè conservari ac retineri curasset. Tunc enim ab *Eugenio IV.* Summo Pontifice, qui jam profusâ liberalitate ei suppetias contra Turcas tulerat, majora subsidia accepisset, quibus ferocium Turcarum impetus nullo negotio retudisset, & eorum molitiones ac machinationes omnes inanes planè reddidisset. At *Joannes Palaeologus*, officii sui immemor, non eam, uti debuerat, ad ever-tendum Schisma, sollicitudinem adhibuit, suâque negligentia occasionem dedit *Eugenio IV.* Pontifici Maximo suas itidem curas de copiis auxiliaribus destinandis remittendi, ut videre est in Epistolis ejusdem Pontificis ad *Constantinum Palaeologum*, *Joannis Palaeologi* filium, datis xi. Kalend. Maji anni MCCCCXI. Vitam protraxit *Joannes Palaeologus*, Græcorum Imperator, usque ad annum MCCCCXLIX. quo mortuus est die xxxi. Octobris, ætatis suæ LVIII. Imperii xxiv. Mortuo *Joanne Palaeologo*, Græcorum Imperium affectavit *Demetrius*, filius *Joannis Palaeologi*, sed ætate junior, & natu minor, dictusque *Porphyrogenitus*, hoc est Imperatore patre natus; hujus tamen *Demetrii* factio compressa est, & decretum tam à Græcis, quàm ab *Amurathe* Turcarum Principe, ut *Constantinus*, filius natu maximus *Joannis Palaeologi*, anteponeretur *Demetrio* juniore, eique Græcorum deferretur Imperium. Fuit autem iste *Constantinus Palaeologus* magni ani-

mi Imperator , & bellicâ fortitudine nulli secundus, qui sæpiùs Turcas fudit, vicit, profligavit , ob idque *Draconis* nomen consecutus . Ad eum gravissimas litteras scripsit *Nicolaus V.* successor *Eugenii IV.* ut ipsum hortaretur ad Concilii Florentini Decreta promulganda, sanctæque unionis consummandum opus, quod si exequi renueret, & Schisma penitus non aboleret, Constantinopolis expugnationem, totiusque Imperii excidium ei infra triennium à Deo est interminatus . Veritatem hujus Pontificiæ comminationis, heu nimium ! comprobavit eventus . Anno siquidem millesimo quadringentesimo quinquagesimo tertio *Mahometes* hujus nominis *II.* Turcarum Princeps, Constantinopolim validissimâ obsidione oppressam post quinquaginta quatuor dies cepit , & invasit numero potius militum, quàm virtute expugnatam . Captâ civitate, ipse quoque Imperator *Constantinus* , dum acriter pugnat, vulneratus, & à trepida multitudine abreptus, ad portas urbis ad fugam tractus est , ubi fugientium impetu conculcatus & obtritatus fuit . Agnito per paludamentum cadavere , abscissum est ipsi caput, paloque affixum per Barbarorum castra ad terrorem Christianorum circumlatum est. Dein, Barbari civitate potiti innumera impietatis, & crudelitatis ediderunt monimenta , quæ non tam verbis exprimi , quàm sanguineis lachrymis deplorari debent .

Sacrosanctum Corpus & Sanguinem Christi Domini in terram projecerunt , Crucifixi imagini impiè insultarunt, eamque sputo, luto, sordibus inquinaverunt , cæteras Sanctorum Imagines aut confrugerunt, aut combusserunt ; Sacras Reliquias can-

nibus ac suis objecerunt; Templâ prophanarunt, vasa diripuerunt, Altaria destruxerunt, Virgines sacras constuprarunt, adolescentibus impudicè abusi sunt, Viros Ecclesiasticos ac Monachos, cæterosque omnis generis, sexus, ætatis homines ignominiosè traxerunt, vendiderunt, aut crudelem in eos carnificinam exercuerunt; thesauros omnes abstulerunt, nec Augustalibus sepulchris parcentes, ea suffoderunt, cadavera dissiparunt, ut inde aurea ornamenta auferre possent. Hæc fuit horrenda, Urbis Constantinopolitanæ calamitas, & Græcorum Imperii ruina, quæ tamen fuit iusta Dei animadversio in Græcos, in sui Schismatis defensione obduratos. Inde enim totius origo mali, ad quod curandum, quantum egerint Romani Pontifices consiliis, litteris, legationibus, hortationibus, comminationibus, precibus, expensis, auxiliis; arguentes, obsecrantes, increpantes, instantes opportunè importunè, nihil denique omittentes, quò possent eos in viam veritatis reducere, satis in præcedentibus Colloquiis monstravimus. Sed surdis cecinerunt Romani Pontifices, & cuncti eorum conatus apud obstinatissimam illam, & ad relapsum pronissimam gentem ad nihilum reciderunt: uno verbo, perire voluerunt Græci, & quantò plus Turcæ eos provinciis & urbibus spoliabant, tantò acriùs & animosius inter se digladiabantur, ita videbantur dolere de tarditate suæ ruinæ, quæ tandem contigit, Deo ita permittente, & Græcos his verbis, quæ leguntur Proverbiorum capite primo, increpante: *Vocavi & renuistis, extendi manum meam, & non fuit, qui aspiceret. Despexistis omne consilium meum, & increpationes meas neglexistis;*

Ego

Ego quoque in interitu vestro ridebo , & subsannabo , cum vobis , id quod timebatis , advenerit , cum irruerit repentina calamitas , & interitus , quasi tempestas ingruerit , quando venerit super vos tribulatio & angustia . Tunc invocabunt me & non exaudiam , manè consurgent & non invenient me .

Sunt nonnulli Scriptores , qui testantur , Constantinopolim à Turcis captam fuisse an. MCCCCLII. die ipsâ Pentecostes Spiritui Sancto sacrâ , idque occulto Dei judicio factum esse putant , eò quòd Græci à fide Spiritus Sancti à Patre , Filioque procedentis sæpiùs recessissent . Verùm , quamvis hæc sententia aliquos haud ignobiles nacta sit patronos , optimè tamen monet *Spondanus* ad ann. MCCCCLIII. communem esse antiquorum opinionem , Constantinopolim à Turcis captam esse anno MCCCCLIII. die XXIX. mensis Maji , in quam diem prædicti anni non incidit Pentecostes , sed incidit in diem XX. mensis Maji anni MCCCCLIII. Cùm igitur die vigesimâ nonâ mensis Maji ejusdem anni MCCCCLIII. contigerit expugnatio Urbis Constantinopolitanæ , sequitur Constantinopolim captam fuisse biduo post Octavam Pentecostes , & non ipsâ die Pentecostes , sicut modernis illis Scriptoribus , qui mysteria quærunt , de quibus philosophari possint , perperam visum est . Et sanè , quamvis præcipua causa malorum & miseriarum , quibus tandem oppressi sunt Græci , suum ex Schismate ab Ecclesia Romana , & Hæresi de processione Spiritus Sancti à solo Patre originem habuerit , nullis tamen diebus alligatus est Deus ad faciendam vindictam in nationibus , cùm habeat ipsius providentia suos numeros , & terminos , quibus res convenientiùs peragat ,
quàm

quàm quod homines cogitare , aut philosophari possunt .

D. *Constantinus* ille *Palæologus* , Græcorum Imperator , qui , ut mox observasti , in excidio urbis Constantinopolitanæ periit , reliquitne aliquos superstites liberos , qui prostratum Græcorum Imperium erigere , armisque recuperare possent ?

M. *Constantinus Palæologus* , ultimus Græcorum Imperator , duas quidem uxores habuit , sed nullos ex illis liberos procreavit , sicut ostendit *Carolus Du Fresne Dominus Du Cange* in *Historia Byzantina* pag. 246. ubi erroris arguit Scriptores aliquot , *Monstrelletum* scilicet , qui *Amurathem* uxori *Constantini* in ipsa æde *Sophiana* stuprum intulisse , hancque in *Serajo* inclusisse Sultanum *Mahumetem* commemorat : *Crucium* etiam scribentem , uxorem *Constantini Palæologi* , ejusque liberos coram Sultano ad mensam prandente truncatos : *Theodorum* quoque *Zygomalam* asserentem , filios *Constantini Palæologi* , pridè quàm *Urbs Constantinopolis* caperetur , divinis munitis Sacramentis , jussu *Constantini Palæologi* morti traditos fuisse , ne in Barbarorum manus inciderent : denique *Æneam Sylvium* , qui *Epistolâ* CLXI I. ait , *Constantini Palæologi* filium , captâ à Turcis urbe Constantinopoli , *Peram* confugisse , ibique à Turcis obsidione cinctum . Quæ quidem omnia , ut à veritate Historiæ penitus aliena jure merito rejiciuntur à *Carolo Du Fresne* , & tanquam futilia confutantur ab *Allatio* , viro doctissimo , libro 1. de *Eccles. Orient. & Occid. consensu* . Nullos itaque liberos cum procreasset *Constantinus Palæologus* , ultimus Græcorum Imperator , in ipso semel mortuo defecit omninò Christianorum

Orien-

Orientis Imperium, &, ut omnes memorant, atque observatione dignum censent Scriptores, sicut Occidentale Imperium ab *Augusto* inchoatum in *Augustulo* desierat, ita Orientale Imperium à *Constantino Magno* institutum, sub altero *Constantino* eversum est anno MCCCCLIII. Fuit autem Imperium Orientis à *Constantino Magno* institutum an. CCCXXX. ac subindè duravit annos mille centum & viginti tres annos. Hujus Imperii non exigua est amplitudo. Comprehendit quippè duas integras Imperii Romani Diœceses Illyrici nempè & Orientis, quarum nomine continebantur Macedonia, Dacia, Oriens in specie sic dicta, Ægyptus, Asia, Pontus, & Thracia, quas simul cum inferioribus earum Provinciis enarratas habes apud *Pancirollum* in Notitia Imperii Orientalis. Vide etiam Anonymum *Histor. Orbis Terr. Geogr. & Civ. cap. 10. De Imperio Turcico*, ubi Catalogum exhibet omnium Historicorum, qui de utroque hoc Imperio aliquid litteris prodiderunt.

D. Cùm Turcæ, captâ urbe Constantinopoli anno MCCCCLIII. Orientis Imperium invaserint, illudque armis longè latèque propagaverint, necesse est ut breviter hîc attexas seriem Imperatorum, quos Sæculo XV. Turcæ in Oriente habuerunt.

M. Ut ea, quæ de Turcarum Imperatoribus dicturus sum, faciliùs percipere possis, in memoriam revocare debes omnia, quæ jam in Colloquio I. in Historiam Sæcul. XIII. & XIV. observavimus de Turcarum Origine, de *Bajazethis* eorum, Regis victoriis, de ejus clade & calamitatibus à *Tamerlane* Tartarorum Rege ei illatis, ac postremò
de

de illius morte, quam sibi, instar feræ, cavcâ incluso, & ad ludibrium ab eodem *Tamerlane* hac illac circumducto conscivit anno mcccci. Hunc in modum è vivis sublato *Bajazethi* Turcarum Regi quinque superstites manserunt filii, qui totis duodeci n annis mutuum in cædem semper armati, de Regno Patris acerrimè disceptarunt, illud fœdè dilacerantes; Asiamque & Europam cruentis præliis infestantes. Tandem anno mccccxiv. unus è digladiantibus *Bajazethis* filiis, dictus *Mahometes*, Principis Tryballorum & Thraciæ, Ducumque ad ipsum deficientium auxiliis adjutus, Turcico Imperio positus est. Hic *Mahometes* Turcarum Rex, vir bellicosus fuit, ut videre est apud *Leunclavium* in Historia Musulmana, & in Annalibus Turcicis. Pacem pepigit cum Græcis, sed bello laceessivit Venetos propter regionem, quæ Jonium spectat, debellatâ tamen Turcarum Classe à Venetis, qui tredecim Barbarorum naves commisso prælio ceperant, pacem cum illis inire coactus est: Dein, cum Caramaniæ Principe pugnavit, eumque in Prusiam cum exercitu irrumpentem debellavit, suamque in potestatem redegit, quem tamen libertati restitutum ac muneribus cohonestatum in suam Provinciam remisit, postquam ab eodem Caramaniæ Principe trium Oppidorum & unius Castri deditioem accepisset. *Ismaeli*, Sinopæ Principi, bellum denuntiavit *Mahometes*, eumque ad pacem Tributi pensitatione redimendam adegit. Walachos itidem bello aggressus, ad Danubium Castra locavit, ipsisque Tributum imperavit. Sedem Imperii sui Prusâ Bithyniæ, ubi Majores ejus habuerant; Adrianopolim, nobilem Thraciæ civitatem, transtulit, recuperatis

ratis in Asia iis , quæ *Tamerlanes*, Tartarorum Rex, patri ejus *Bajazethi* armis ademerat . Obiit Mahometes in Regia Urbe Adrianopoli anno mccccxxii. sicut asserit *Leunclavius* , qui ex Turcarum Annalibus res à filiis *Bajazethis* toto Anarchiæ tempore gestas, & Historiam istius *Mahometis* , qui filiorum *Bajazethis* Turcarum Regis minimus fuit, & paterni Imperii hæres, accuratè quinque integris libris, seu 8. 9. 10. 11. & 12. suæ *Historiæ Musulmanæ* descripsit . Inter fratres *Mahometis* Turcarum Regis unus fuit , quem *Chalcondylas* lib. 4. de rebus Turcarum *Jesum* appellat, *Phranzes* verò lib. 1. cap. 21. *Josephum* nominat. Hic ad Græcos se recipiens , Christo nomen dedit , dictus in Baptismo *Demetrius*, cui frater *Mahometes*, Turcarum Rex, liberalissimè res vitæ necessarias providit, & aliquot post annos ad Superos migravit ; Christo, cujus fidem in terris professus fuerat , æternum in Cœlis potiturus . Quatuor superstites filios legitimos moriens reliquit *Mahometes* Turcarum Rex , sed suis injunxit , ut *Amurathem* natu maximum in Sultatum acciperent, jussitque celari mortem suam diebus quadraginta , donec *Amurathes* ex Asia rediisset, Regnumque esset adeptus . At Græci *Amurathi* opposuerunt *Mustapham*, qui filius *Bajazethis* dicebatur, quique Græcis pollicitus est Calliopolim , quam tamen Turcæ , evecto in Regnum Turcicum *Mustapha* , reddere noluerunt . Hunc *Mustapham* , qui jam Serras occupaverat , ac Romaniam totam in deditionem acceperat , armis aggressus *Amurathes* , debellavit ac strangulari jussit . Hoc victo , alium *Mustapham*, fratrem *Amurathis*, substituerunt Græci, quem similiter oppressit ac suffocavit *Amu-*

rathes, qui hoc pacto in Imperio Turcico confirmatus, Græcorum vires debilitavit, Thessalonicam cepit, & Christianis maximas intulit clades. Post captam Thessalonicam *Amurathes* hujus nominis II. continuo victoriæ cursu omnem circa Peloponnesum regionem usque ad Sinum Corinthiacum incredibili celeritate perdomuit, à quo ut *Joannes Castriotus*, qui in Epiro, & eâ parte Macedoniæ, quæ ad Adriaticum vergit, Albanix nomine hodie celebris, regnabat, quietem & pacem impetraret, cum se bello sustinendo imparem prospiceret, Crojâ, ditionis suæ Metropoli, urbe munitissimâ, *Amurathi* cessit, obsidesque fidei dedit filios, inter quos *Georgius* minimus, qui indole animi, & formâ corporis præstans, tantam apud *Amurathem* gratiam iniit, ut familiarissimum ipsum in suo palatio haberet, quem litteris & moribus Turcicis instructum ad Mahometanæ legis disciplinam traduxit, atque ob miram proceri vim corporis, & præstantis ingenii, expeditique consilii vigorem, *Scandebergum*, hoc est, *Alexandrum Dominum*, cognominavit, ejusdemque virtute ac fortitudine multis privatis certaminibus affatim probatâ, usus etiam deinceps est ejus victrice operâ in bellis copiisque ducendis tam contra Mahometanos in Asia, quàm Christianos in Europa. At *Georgius Castriotus*, dictus *Scandebergus*, & eo nomine in Historia celebratissimus, cum videret, defuncto Patre suo Epiri Rege, ejusque ditione ab *Amurathe* occupatâ, & veneno fratribus, ejusdem *Amurathis* insidiis, de medio sublati, nullam sibi affulgere spem ditionem paternâ recuperandi, quanvis ei ab *Amurathe* promissam; Turcicum excutere jugum, & pa-

ter-

ternam occupare ditionem generosè deliberavit, ac feliciter susceptum propositum perfecit anno MCCCXLI II. post celebrem illam victoriam, quam *Uladislaus* Ungariæ Rex eodem anno ad Moravum fluvium reportavit. In hac victoria enituit maximè virtus *Huniadis Vairvodæ*, fortissimi exercitus Regis Hungariæ Ducis, qui nocte concubiâ cum decem millibus Equitum Barbaros aggressus, eorum triginta millia cæcidit, quatuor millia cum novem signis cepit, cæteris fugâ dilapsis ad centum millia. Hinc ad fines Thraciæ & Macedoniæ procedens, objectum sibi *Carambejum* Præfectum Asiæ, virum manu & ingenio promptum, cepit, ejusque copias grandi pariter cæde prostravit. Huic pugnæ ad Moravum fluvium commissæ aderat *Georgius Castriotus*, dictus *Scandebergus*, & in exercitu Turcarum militans, post cladem acceptam, occasionem ipse arripiens rebus suis consulendi, & paternam ditionem recuperandi, cessit *Huniadi*, & Secretarium Balfæ, Turcici exercitus Ducis, captum scribere nomine *Amurathis* compulit litteras ad Præfectos Crojenses, & Epirotas, ut ei urbes redderentur. Deinde, ingenti celeritate *Crojam*, urbem paternæ ditionis caput, adiens, eam maximo Crojensium, & omnium Epirotarum gaudio obtinuit; Turcis indè, aliisque plurimis munitionibus & locis, aut pulsis, aut cæsis. Post insignes illas victorias anno MCCCXLI II. de Turcis ab *Uladislao* Poloniæ & Ungariæ Rege, auxilio & ministerio *Juliani* Cardinalis & Legati Pontificis, & *Huniadis Vairvodæ*, necnon *Georgii Castrioti*, dicti *Scandebergi* partas; *Amurathes*, Turcarum Rex, militaribus Christianorum apparatibus ac victoriis territus,

pacem

pacem honestis conditionibus obtulit Christianis, eamque cum illis sanxit, quam tamen, Turcis Asiatico bello distentis, cum imprudenti consilio abruptissent Hungari, Christianus exercitus à Turcis ad Warnam profligatus est, & in eo prælio *Uladislaus* Hungariæ Rex, & *Julianus* Legatus Pontificis cæsi sunt, ac Christiani multâ clade affecti anno MCCCXLIV. sicut eleganter in suo Commentario *De rebus gestis Uladislai Regis*, & pugna *Varnensi* describit *Philippus Callimachus*, natione Tuscus, sed jussu *Pauli II.* in Poloniam profugus, ex quo *Bonsinius* in *Rebus Hungaricis*, *Cromerus* in *Polonicis*, & alii Scriptores res gestas in hoc funesto prælio exscripserunt, ut videre est apud *Spondanum* in *Continuatione Baronii* ad annum MCCCXLIV. Post hanc victoriam de Christianis relatam, *Amurathes*, *Turcarum* Rex, arma vertit in *Georgium Castriotum*, dictum *Scandebergum*, *Epiri* Regem, qui, ut mox diximus, ab eo defecerat, & Christianitatem iterum professus, paternam ditionem recuperaverat. At infeliciter *Amurathi* cessit Martis alea. A *Scandeberg*o siquidem, *Epiri* Rege, non semel repulsus, victusque *Amurathes*, dum ejus Regni caput *Croam* obsideret, ac tandem coactus turpiter obsidionem *Crojæ* solvere, ex mœrore & apoplexia diem clausit extremum, cum nimiam vini copiam se se in convivio ingurgitasset anno MCCCCLI. Ejus Corpus relatum est *Prusam Bithyniæ* ad Sepulchra *Ma-*
orum.

Amurathi II. successit in Turcico Imperio ejus filius *Mahometes* hujus nominis IX. unius & viginti circiter annorum adolescens, quem nonnulli Auctores falsò scripserunt Christianam matrem natum,

Maria scilicet, sive ut alii vocant, *Irene*, filia *Georgii Bulcovizii* Serviorum Despotæ, quæ puerum Christianis præceptis & moribus imbuerit. Hoc siquidem falsum esse manifestò liquet ex Annalibus Turcicis, & annorum supputatione, ut demonstrat *Leunclavius* in Pandectis Historiæ Turcarum Numero 1. & 96. idque confirmant testimonia Græcorum *Chalcondylis*, & *Spandugini*, quorum ille *Mariam*, seu *Irenem*, filiam *Georgii* Serviorum Despotæ, quam *Amurathes* uxorem duxit, appellat non *Mahometis* matrem, sed novercam: hic verò disertis verbis tradit, *Amurathem* nullam sobolem ex *Maria*, seu *Irene*, *Georgii* Serviorum Despotæ filia, suscepisse. Non potuit ergo *Irenes*, seu *Mariæ*, esse filius *Mahometes*. Hic ille est, qui, ut antea dicebamus, Urbem Constantinopolim, devicto *Constantino Paleologo*, ultimo Græcorum Imperatore, cepit anno millesimo quadringentesimo quinquagesimo tertio, & Turcarum Imperii fines latè propagavit. Duo quippè Christianorum evertit Imperia, Constantinopolitanum videlicet & Trapezuntinum; Regna duodecim, & Urbes supra ducentas expugnavit. Venetis *Corinthum*, *Lemnon*, *Mitylenam*, *Eubæam* eripuit, Genuensibus abstulit *Theodosiam*, seu *Capham*, & in Italia *Hydruntum* occupavit; *Albam* tamen Græcam, nunc vulgò *Belgradam* appellatam, & *Rhodum* frustra tentavit, hanc Insulam egregiè propugnante Rhodiorum Equitum Magistro *Petro Albussonio* natione Gallo. Quatuor linguas, præter suam Arabicam, novisse *Mahometem II.* Græcam, Latinam, Chaldaicam, Persicam, testatur *Phranzes*, & Astronomiæ studio addictissimum, ex Syderum conversionibus didicisse, Regna & Pro-

vincias postea se subacturum, quas revera tum fortitudine, tum calliditate obtinuit. Obiit *Mahometes II.* Nicomediae anno MCCCCLXXXI. quinto Nonas Majas, ut tradit *Bonfinius*. De hujus Turcarum Imperatoris crudelitate, perfidia, libidine, aliisque vitiis, necnon de quarumdam specie virtutum, victoriis, & rebus gestis plura apud *Chalcondylem* libris 8. 9. & 10. de *Rebus Turcicis*, apud etiam *Joan- nem Leunclavium* in *Historia Musulmana*, in *Anna- libus Turcarum*, & in *Pandectis Historiae Turcicae* legi possunt. Hic breviter dumtaxat observabo, quosdam esse Scriptores, qui, post *Isidorum* Cardina- lem Ruthenum in Epistola de expugnatione Ur- bis Constantinopolitanae, asserunt, hunc *Mahome- tem II.* Turcarum Imperatorem, tam infenso odio Christianos fuisse persecutum, ut, Christiano sibi obviante, tanquam inde foedaretur, oculos & os abluere solitum esse. Verum, id à Græcis in Tur- carum odium de industria fuisse confectum autu- mant periti alii Scriptores, vel saltem, ut ait *Spon- danus* ad annum MCCCCL. Num. XI. id intelligen- dum est de initiis Imperii *Mahometis II.* cum postea saepius etiam benignè cum Christianis illum egisse, saltem postquam cepit Constantinopolim, certum sit. Narrat enim *Spondanus* ad annum MCCCCLIII. *Mahometem II.* captâ Constantinopoli, tribusque diebus peractis, quibus eam direptioni militum, permisit, cum triumphum duxisset, ultrò Christia- nis facultatem concessisse Constantinopolim red- eundi, & secundum Religionis suae ritus vivendi. Quò autem Christiani libentius ad Urbem incolen- dam allicerentur, voluit *Mahometes*, ut Episcopi Patriarcham eligerent, cumque ab ipsis *Georgius*

Scholarius fuisset Patriarcha electus, & mutato, pro more, nomine *Gennadius* esset appellatus, ac pristinae consuetudinis esset, ut electo Patriarchæ Imperator Virgam Pastoralem auream lapillis & margaritis distinctam donaret, hæc pronuntians verba: *Sancta Trinitas, quæ mihi Imperium donavit, te in Patriarcham novæ Romæ deligit*, & equum de Regio Stabulo, albo & aureo stratorio ornatum, cui Patriarcha insidens, toto Procerum comitante cœtu, cum faustis acclamationibus in Patriarchium ducebatur, præstitit *Mahometes* eadem omninò officia *Gennadio* Patriarchæ Constantinopolitano. Hæc *Spondanus* refert ex *Phranze*, qui Scriptor coævus est, & tunc Constantinopoli præsens erat. Addit etiam ibidem *Spondanus*, quòd cùm *Mahometes* in Patriarchium aliquandò introisset, colloquio blando cum *Gennadio* Patriarcha per Interpretem habito, de Religionis Christianæ dogmatibus eum interrogaret, & cum omni fiducia respondere compelleret; præstitit id graviter Patriarcha, ac præclare de Sanctissima Trinitate, & Verbi Divini Incarnatione disseruit. Quæ adeò lubentèr *Mahometes* ab eo accepit, ut non solum ab eo tempore Patriarcham majori veneratione coluerit, & Græcis benevolentio rem se se exhibuerit; verum etiam ipsam Patriarchæ de articulis Fidei Dissertationem sibi dari voluerit, quæ Græcè, Latine, & Turcarabice extat libro 2. *Turco-Græciæ*, viginti Capitulis distincta, egregium sanè Fidei Christianæ monumentum. Hæc pauca ex *Spondano* hic observanda esse duxi, ut his Scriptoribus assensum minimè præbeas, qui, re non satis perspectâ, confidenter asseverant, *Mahometem II. Turcarum Imperatorem*,
toto

toto Imperii sui tempore implacabilis in Christianos odii fuisse . Sed redeamus ad seriem Turcarum Imperatorum . Mortuus *Mahometes Secundus* anno, ut jam diximus , millesimo quadringentesimo octogesimo primo, quo in Rhodios , in Sultanum Ægypti, & Italiam bellum parabat; duos reliquit filios, *Bajazethem* natu majorem, & *Zemem*, inter quos de paterno obtinendo Imperio haud parva suborta est contentio . Magna Procerum pars *Zemi* favebat , quòd, licet ætate minor , ad tractanda tamen arma aptior, & moribus humanior esset , eâque de causa etiam à patre dignior Imperio judicatus esset *Bajazethe* , qui quietis amantior , & libidini deditus ab armorum strepitu abhorrebat . Prævaluit tamen *Bajazethes* hujus nominis II. & paterno Imperio potitus est . Id ægrè tulit *Zemes* , ejus frater , qui Prusam, antiquam Regum Bithyniæ , ipsorumque Othomanorum Regiam, actutum occupavit, ut saltèm Asiatico frueretur Imperio . Verùm, *Zemes* victus ab *Achmete Bassa* apud Neapolim Natoliæ , fugit in Ægyptum, inde Mecham, & indè expulsus, confugit Rhodum, seque Summo Rhodiorum Equitum Magistro *Petro Albussonio* tradidit . Ubi verò *Bajazethes* fratrem suum *Zemem* Rhodi esse, audivit , amplissima ad Magnum Magistrum munera misit, eumque impensè rogavit , ut *Zemem* diligentissimè custodiret, ne quid turbarum inter Turcas cieret, quadraginta insuper millia ducatorum singulis annis ad ejus alimenta se numeraturum pollicitus est, pacemque cum Christianis perpetuò culturum . Oblatas condiciones accepit *Petrus Albussוניus*, & in Arverniam , Galliæ Provinciam, *Zemem* misit, annuente Rege Christianissimo *Ludovi-*

co XI. qui tamen Legatos à *Bajazethe*, Turcarum Imperatore, ad se missos, & in Provinciam appulso, statim regredi, & Galliâ excedere jussit, nihil sibi cum Christiani nominis hostibus commune esse animo planè Christianissimo professus; nec ipsum *Zemem* videre voluit, quòd Mahometanæ legis cultor esset. Mansit autem *Zemes* in Gallia, detentus in quadam Equitum Arce, cui nomen *Burgonovo*, usque ad annum MCCCCLXXXIX. quo anno Romam ad *Innocentium VIII.* Pontificem Maximum ductus, sub illius, & *Alexandri VI.* Pontificatu in honesta custodia vixit, *Bajazethe* ad ejus sustentationem quadraginta ducatorum millia annuatim mittente. Tandem *Zemes* è Romana custodia dimissus, Terracinam perductus est, ubi veneno ei propinato extinctus est anno MCCCXCV. Mortuo *Zeme*, majoribus turbis agitatum est Turcarum Imperium. *Bajazethes* siquidem Turcarum Imperator, frater *Zemis*, tres filios habuit, *Achmetem*, *Corcutem*, & *Selimum*, qui impotenti regnandi ambitione abrepti, civile bellum, ac seditiones accenderunt. *Achmetem* filium natu maximum anno MDXI. sibi successorem destinavit *Bajazethes II.* At *Selimus* tertio loco genitus, cæteris audacior arripere conatus est Imperium, sed commisso prælio victus à patre, *Midgen* aufugit, Oppidum versùs Varnam situm. Non tamen despondit animum, sed anno sequenti, seu MDXII. Janizzari, qui duritiem & feritatem *Achmetis*, majoris natu filiorum *Bajazethis*, ferre haud poterant, & in *Selimum* magis propendebant, quòd fratribus suis vigilantior ad bella gerenda videretur, *Bajazethem* Imperium abdicare, & *Selimo* filio rerum administrationem tradere compulerunt. Exaucto-

ratus *Bajazethes*, cùm *Didymoticum*, *Thraciæ* urbem, in qua natus erat, se se reciperet, jussu filii sui *Selimi*, veneno in itinere sublatus est, ut testatur *Leunclavius* in *Pandectis Historiæ Turcicæ*. Nec hoc parricidiali scelere contentus *Selimus*, statim in *Asiam* transgressus, fratres suos *Achmetem*, & *Corcutem* de medio sustulit, illorumque, quos in sua potestate habuit, filiorum fauces elidi jussit. Sæviit quoque in amicos fratrum, & in eos, quos ipse sibi ante Imperium proximos, conjunctissimosque habuerat; veritus ne aliquandò ab his impeteretur, quibus animi sui motus perspectos exploratosque esse probè noverat. Sed de *Selimo*, *Turcarum* Imperatore, plura dicemus in Colloquio primo in *Historiam Sæculi decimi sexti*, in quo obiit, seu die *xxii. mensis Septembris anni MDxx.*

D. Extinctum Christianorum in Oriente Imperium, totque à ferocissima *Turcarum* gente illatæ Christianæ Religioni clades, apertiùs, quàm vellem, probant, deploratissimum fuisse Sæculo decimoquinto Ecclesiæ Orientalis statum, nec possum quin vehementer doleam miseram Christianorum sortem, qui eo Sæculo Barbarorum tyrannidem subire coacti, durâ nunc servitute oppressi ingemiscunt. Ne igitur diutiùs ante oculos versetur hæc acerba, nimiumque funesta Ecclesiæ Orientalis calamitas, expone, quæso nunc, quo loco fuerint Sæculo decimo quinto res Ecclesiæ sub Imperatoribus Occidentis, eorumque seriem ac gesta describe.

M. Imperabat in Occidente sub finem Sæculi decimi quarti *Wenceslaus* filius *Caroli IV.* cujus mentionem fecimus in Colloquio I. in *Historiam Sæcul. XIII. & XIV.* Sed cùm hic Imperator gulæ,

inertiæ, crapulæ, libidini, omnique turpitudini fese dederet, eamque ob causam variis carceribus detentus, nec mores mutaret; tandem, ne sub ipso corrueret Imperium, & labefacteretur Ecclesia, fuit ab Electoribus anno millesimo quadringentesimo exauctoratus, eique statim successit *Fridericus*, Dux Brunsvicensis, egregius sanè Princeps, industrius, & rei militaris peritissimus, qui eâ, quâ pollebat, fortitudine, labans Imperium erigere ac firmare potuisset, nisi rediens è Comitibus à *Waldekiano* Comite fuisset propè Frislarium occisus, jussu, ut fertur, Archiepiscopi Moguntini. Occiso *Friderico* substitutus est ab Electoribus *Robertus*, sive *Rupertus* Baviaræ Dux & Comes Palatinus, cognomento *Parvus*, quod corporis parvi esset, sed magni animi, justitiæ cultor, belli pacisque artibus clarus, & Imperialis Majestatis conservandæ studiosus. Suam depositionem flocci fecit *Wenceslaus*, ac pristinam flagitiosam vitam in suo Bohemiarum Regno, quod se recepit, agere perrexit, ingenti Principatus dedecore, atque Religionis, litterarum, & civilis status maximo detrimento. Quin, & vecors adq̃d fuit *Wenceslaus*, ut cum Cives Nurembergenses detrectarent obedire *Ruperto* electo Imperatori, nisi prius annueret *Wenceslaus*, eique ad assensum suum præbendum viginti aureorum millia offerrent, ipse, repudiato auro, cesserit jure suo, & tantum ab illis exegerit aliquot optimi vini plaustra. Quo facto ignaviam suam prodidit, docuitque, se pluris convivium, quàm Imperium facere. Sed mittamus *Wenceslaum*, qui post depositionem suam reliquum vitæ in Bohemia egit, & ut inquit *Cuspinianus*, obiit tanquam porcus in volutabro. Ejus in Imperio Oc-

cidentis successor *Rupertus* totum se contulit ad reparanda damna, quæ *Italiae* præsertim *Wenceslaus* intulerat. Urbem, ditionemque *Mediolanensem*, *Joanni Galeatio*, Virtutum Comiti, vendiderat *Wenceslaus*, ipsumque primi *Mediolanensium Ducis* titulo insignierat. Fuit autem iste *Joannes Galeatius*, teste *S. Antonino*, Authore cœvo, 3. part. *Chronici*, tit. 22. cap. 3. Magnus utique Dominus, seu potius tyrannus in *Italia*, sicut quicumque alius ex longis temporibus retroactis statura procerus erat, & pulcher aspectu, non mediocriter literatus, eloquentia clarus, callens ingenio, & in agendis astutus & sagax, adeo ambitione devictus, ut, Dei timore postposito, proditionibus non parceret, & veneficiis, ut omnibus dominaretur per tyrannidem, & demum Rex *Italiae* fieret. Duas uxores habuit successive, quarum primam filiam Regis *Franciæ* veneno extinxit. Secundam uxorem suscepit consobrinam, scilicet filiam *Bernabonis avunculi* sui sine dispensatione, licet postea obtinuerit. Unum ex consobrinis suis veneno perire fecit; exinde sub prætextu devotionis voti sui implendi pergens *Mediolanum*, *Bernabonem* ipsum (avunculum & socerum suum) sibi paternaliter obviantem capi, & incarcerari mandavit, & veneno vitam finire, ejusque duos filios interfici jussit, alios duos perpetuo exilio relegavit, ut dominio eorum, & patris usurpato liberiùs potiretur. Sic *Joannes Galeatius* magnis in dies successionibus clarior, totius *Italiae* Principatum agitabat animo, cum præter *Insubres*, *Bononiam*, *Senas*, *Perusiam*, *Pisas*, *Umbriæ* partem, *Veronam* insuper, & *Vicentiam* cum aliis civitatibus obtineret, ac *Florentinorum* rebus inhiaret, cum quibus continua bella gessit, quæ *S. Antoninus* tum à se visa, tum à *Leonardo*

Aretino, Historico Florentino, descripta, loco mox à me laudato refert. Ad hanc coërcendam *Joannis Galeatii*, non Etruriæ solùm, sed universæ Italiæ formidabilem potentiã, in Italiam à Bonifacio IX. successore *Urbani VI.* & à Florentinis invitatus *Rupertus* Imperator, bellum indixit *Joanni Galeatio*, ni omnes civitates & loca Romano Imperio subiecta, quæ in Italia occupabat, quamprimum restitueret. Hanc conditionem pacis repudiavit *Galeatius*, asserens, se illa omnia jure à *Wenceslao* legitimo Imperatore possidere, eademque adversus ipsum *Rupertum* Imperii invasorem defensurum. In Italiam itaque adversus *Joannem Galeatium*, Mediolanensem Ducem, cum exercitu properavit *Rupertus* Imperator, sed ab illo repulsus, in Germaniam, nullo operæ pretio factò, rediit. Mortuo paulò post, seu anno mccccii. *Joanne Galeatio*, multæ civitates se à servitute vindicarunt, quarum aliæ ad pristinos dominos reciderunt, & inter cæteras Bononia, Perusia, Assisium ad Ecclesiæ Romanæ subjectionem; in aliorum aliæ ditionem venerunt, putà Veronam, & Patavium occuparunt Veneti anno mccccv. quo Scaligerorum & Carrariensium dominatus extinctus est. Pisæ Florentinorum jugum acceperunt. Alias alii invaserunt, renovatis etiam Guelforum & Gibellinorum factionibus, atque ingentibus ubique patratis crudelitatibus, proditionibus, nequitiiis, cædibus, direptionibus, cæterisque ejusmodi omnis generis malis, sceleribusque, quæ *S. Antoninus* loco citato pluribus prosequitur. Bello etiam id temporis Romam lacessivit *Ladislaus*, filius *Caroli Dyrrachini*, in quem *Urbanus VI.* Regnum Neapolitanum, abdicatâ eo Regno *Joanna* Re-

Regina, transtulerat. Hic, inquam, *Ladislaus*, flagitiosi patris non minus flagitiosa proles, Romana haud semel occupare conatus est, sed à *Ludovico* Duce Andegavensi, & filio hujus *Ludovici* Andium itidem Ducis, quem *Joanna* Regina Neapolitana, à *Carolo Dyrrachino* oppressa filium adoptaverat, quique contra *Carolus Dyrrachinus* indicto bello in Apulia vitâ exceſſerat, victus ac reſſus est anno mccccxi. Sed victoriâ suâ uti nescivit *Ludovicus*, & quietis amans, abiectâ rerum Italicarum curâ, in Gallias rediit. Quò factum est, ut *Ladislaus*, qui tunc Regnum Neapolitanum tenebat, animos reſumpſerit, ſoleretque dicere, si hostes eadem ipsâ die victoriam proſecuti fuiſſent, tam se, quàm Regnum in eorum potestate futurum, si alterâ die non se, sed Regnum; si tertiâ, nec se, nec Regnum, quoniam adversus eorum vim opportuna remedia adhibuiſſet. Tandem anno mccccxiii. *Ladislaus* Romam per fracta mœnia armatus invaſit; *Joannem* Papam *XXIII.* & Cardinales in fugam compulſit, Basilicas ſacras expilavit, honestas fœminas & ſacras Virgines effræni ſuorum libidini permiſit, in multos crudeliter ſæviit, ac majora molitus, totius Italiæ dominatum uſurpaſſet, niſi impius ac perfidus ille Rex, juſto Dei judicio, fœdâ, pudendâque morte anno mccccxiv. occubiſſet. His infeſtis bellis exagitata ac lacerata eſt Italia toto tempore Imperii *Ruperti*, qui amiſſâ omni ſpe hæc bella compeſcendi, de Italia non ultra ſollicitus Imperium per decem annos pacificè adminiſtravit, obiitque in oppido *Oppenheim* Baviaræ anno mccccx. & *Heidelbergæ* ſepultus eſt, ubi *Academiam* olim excitaverat. Poſt mortem *Ruperti*:

Imperator ab Electoribus designatus est *Jodocus*, Brandeburgi & Moraviæ Marchio, *Caroli IV.* Imperatoris ex fratre *Joanne Henrico* nepos, dictus *Barbatus* à proluxa, quam gestabat, barbâ. Sunt nonnulli Scriptores, qui asserunt, *Jodocum* fuisse electum Imperatorem immediatè post depositionem *Wenceslai*, sed dubium non est quin fallantur, cum *Theodorus Niemus* Scriptor coetaneus, & oculatus, in vita *Joannis Papæ*, & *Gobelinus Persona* in *Cosmiodromio* *Ætate* vi. cap. 90. testentur, *Jodocum* fuisse, dumtaxat electum Imperatorem post obitum *Ruperti*. Id etiam constat ex ejusdem *Jodoci* Constitutione *de resistendo Regiæ Majestati*, si contra Ordinationes Imperii fecerit; datâ *Francfordiæ* anno mccccx. Regni ejus primo; hæc autem *Jodoci* Constitutio extat inter Constitutiones Imperiales à *Goldasto* collectas. Verùm, iste *Jodocus* nunquam fuit Imperator coronatus, neque quidquam egit memoriâ dignum, utpotè homo ad res gerendas ineptissimus. Obiit *Brunæ* in *Moravia* sexto mense post electionem suam. In ejus locum statim ab Electoribus subrogatus est *Sigismundus*, Imperatoris *Caroli IV.* filius, & frater *Wenceslai*, quem propter inertiam exauctoratum esse diximus.

D. *Sigismundus* in regimine Imperii paremne sese exhibuit *Wenceslao* fratri suo, cui Principum consensu, ob flagitiosam ejus vitam, summa Imperii dignitas abrogata est?

M. *Sigismundus*, Princeps omni virtute clarus, Imperium optimè administravit, sibi que omnium subditorum animos sapientiâ, prudentiâ, munificentia, justitiæ, ac religionis studio devinxit, quos *Wenceslaus*, ejus frater natu major, segnitie & morum

rum turpitudine à se penitus alienaverat. Varia fuit *Sigismundi*, antequam ad Imperium eveheretur, fortuna. Inprimis, ex Marchione Brandeburgensi, Rex Poloniæ fuit designatus, & post mortem *Ludovici* Hungariæ Regis, qui filiam *Mariam* ipsi cum spe Regni desponderat, Rex Hungariæ salutat^{us} est anno mcccclxxxvi. At, post infelicem *Nicopolitanam Expeditionem*, quam copiis Galliarum Regis adjutus contra *Bajazethem* Turcarum Regem anno mcccxcvi. suscepit *Sigismundus*, & à Turcis victus è prælio fugere coactus est, in Hungariam, ob rem malè gestam, redire non ausus, primò Constantinopolim, indè *Rhodum*, & *Ægeum* Joniumque pelagus emensus, in Dalmatiam, & Croatiam venit, ac demùm post duodeviginti mensium absentiam, amicorum ope, in Hungariam reversus est, non paucis tamen Hungaris in ipsum conjurantibus, & secretò agentibus apud *Ladislaum*, qui post mortem *Caroli Dyrrachini* patris sui Regnum Neapolitanum tenebat, ut ad Regnum Hungariæ accipiendum acceleraret. Sed *Ladislaus* & patris sui miserabili fato absteritus, & varia Hungarorum ingenia suspecta habens; instantibus eorum suasionibus aures præbere cunctatus est, donec ab Hungaris, à fide *Sigismundi* apertè deficientibus, fuisset Rex proclamatus, & ipse *Sigismundus* à suis captus in custodiam anno mcccci. esset detrusus. Tunc *Ladislaus*, quasi de Regno Hungariæ capeffendo securus, *Jaderam*, Dalmatiæ urbem Hungarici Regni, pervenit, ibique confedit, dum quid rerum in Hungaria ageretur intelligeret, & quò tandem res vergerent expectaret. Quod sanè prudenter fecit. Nam *Sigismundus* vinculis solatus in Bohemiam

fugit,

fugit, ibique contractis copiis in Hungariam rediit, Regnumque Hungaricum recuperavit. *Ladislaus* autem suâ spe frustratus, Neapolim regressus est, prius tamen, ut ajunt, in compensationem sumptuum expeditionis venditâ Venetis Jaderâ, quam illi urbem obtinere maximè cupiebant, pretio centum millium florenorum auri. Pacem etiam cum *Sigismundo* Hungariæ Rege inivit *Ladislaus*, eique commendavit perfidorum Hungarorum ultionem, quam *Sigismundus* non statim præstitit, ne extremâ inimici desperatione correpti aliquid obstinatiùs molirentur, sed eam suo tempore cumulatissimè perfecit. Electus à Septemviris anno mccccx. Imperator *Sigismundus*, sese strenuum, & ad quælibet gerenda promptissimum exhibuit, facilèque *Carolos*, & *Ottones*, suos in Imperio decessores, æquasset, si ad pacis artes, quibus excelluit, parem felicitatem addidisset; sed sola ei defuit in bello felicitas. Quippè qui in bello, quod adversus Hæreticos Hussitas, Bohemiam hostiliter infestantes, suscepit, à *Joanne Zisca*, illorum Duce audacissimo, manuque & consilio prompto, sæpiùs acie victus fuit, pleraque Oppida ab eodem Duce intercepta, novaque Urbs in præcellis rupibus, situque munitissimis, *Thaboris* nomine condita, prædarum, & prædonum receptaculum, undè perduelles Hussitæ *Thaboritarum* sibi nomen indiderunt. Verùm, *Sigismundus* quod armorum felicitati defuit, pietate ac religionis studio uberrimè compensavit. Suas siquidem omnes curas ad extinguendum funestum Schisma, quo id temporis miserum in modum Occidentalis lacerabatur Ecclesia, contulit, nec solùm, ut pacem Ecclesiæ redderet, Legatos circumquaque ad Principes

cipes Christianos misit, sed etiam Galliam, Hispaniam, Angliam, Italiam adire non dubitavit ipse, ut hocce negotium pro Ecclesiæ utilitate susceptum ad optatum exitum perducere posset, quod tandem in Concilio Constantiensi, extincto trium Pontificatu inhiantium Schismate, feliciter perfectum est. Huic Concilio Constantiensi, necnon Concilio Basileensi interfuit *Sigismundus*, & in his duobus Conciliis egregiam Ecclesiæ navavit operam, effecitque ut Hæretici Bohemi & Hussitæ ad saniores mentem reducti in Ecclesiæ gremium revocarentur, sicut latius ostendemus in Colloquio quarto differendo de Conciliis, quæ Sæculo XV. fuerunt celebrata. *Sigismundi* Imperatoris temporibus Neapolitanum Regnum diuturno bello laboravit, Aragonibus, & Gallis de eo obtinendo acriter inter se decertantibus. Mortuo namque *Ladislao*, Rege Neapolitano, anno, ut superius diximus, millesimo quadringentesimo decimo quarto, *Joanna*, ejus soror, Regnum Neapolitanum jure hæreditario tenuit, levis, & impudica fœmina, quæ *Jacobo Borbonio* Marchiæ Comiti nupta, eundem postea summum sibi jus in Regno Neapolitano vindicantem fugere coëgit in Galliam, ubi mundo nuncium remittens, Regulam *S. Francisci* professus est. Post hæc, *Martinus V.* Pontifex Maximus, *Joannam* Regno Neapolitano abdicavit, omniaque illius Regni jura in *Ludovicum III.* Andegavensem transtulit. Quod ægrè admodum ferens *Joanna* in auxilium evocavit *Alphonsum* Aragoniæ, Siciliæque Regem, quocum de adoptione, Regni que successionem pacta est. Hinc atrox exarsit bellum *Alphonsum* inter & *Ludovicum*, sed secuta discordia inter *Joannam* Re-

gi-

ginam, & *Alphonsum*, occasionem dedit *Joanna* in gratiam & adoptionem recipiendi *Ludovicum III.* Andegavensem. Tandem post obitum *Ludovici III.* qui contigit anno MCCCXXXIV. recrāduit bellum inter eundem *Alphonsum* Aragoniæ Regem, & *Renatum* filium *Ludovici III.* Ducis Andegavensis, quem paritèr *Joanna* hæredem Regni Neapolitani dixerat; superior tamen fuit *Alphonfus*, quippè qui anno MCCCXLII. immisso per cuniculum aquæductus milite, Neapolim occupavit, & exindè in Gallias reverso *Renato* Andegavensi, summâ rerum in Regno Neapolitano, absque ullo competitore, positus est *Alphonfus*. His, & aliis bellis, quibus Italia *Sigismundi* Imperatoris temporibus conflavit, non fuit perturbata pax Imperii Romani, quod *Sigismundus* sapientissimè administravit usque ad annum MCCCXXXVII. quo in urbe Znoyma in Moravia obiit. Coronam Regni Hungariæ obtinuit *Sigismundus* anno MCCCLXXXVI. Coronam Regni Bohemiæ anno MCCCXX. & Coronam Imperii anno MCCCXXXIII. accepit ab *Eugenio IV.* Pontifice Maximo. Duas uxores habuit *Sigismundus*, quarum prima fuit *Maria*, filia *Ludovici* Regis Hungariæ, quæ, dotis nomine, Hungariæ Regnum detulit *Sigismundo*. Altera uxor fuit *Barbara*, filia *Hermanni* Comitis Ciliæ, impudicissima scœmina, quam *Sigismundus* paulò antè mortem detruferat in carcerem, quia de novis nuptiis agebat, cum Polonorum Rege in damnum filiæ suæ *Elisabethæ*. Sed, mortuo *Sigismundo*, soluta è carcere, sese in omnem luxuriam finè ullo pudore effudit, nullâ aliâ de causa sibi vitam expetendam dicens, nisi ut voluptati corporis sui inserviret.

Mortuo *Sigismundo* Imperatore, *Albertus* hujus nominis II. filius *Alberti* Austriæ Ducis, & *Joannæ de Bavaria*, qui *Elizabetham*, filiam *Sigismundi*, uxorem duxerat, in Soceri sui *Sigismundi* Regna & Imperium successit. Et primò Rex Hungariæ in Alba Regali coronatus est Kalendis Januarii anni MCCCXXXVIII. deindè Bohemiæ Rex pridie Nonas Maji ejusdem anni Pragæ salutatus est, ac tertio Kalendas Junii ejusdem anni solemnè pompâ inauguratus: tandèm decimo tertio Kalendas Aprilis à Septemviris denunciatus est Imperator. Tentarunt quidem nonnulli impedire, ne *Albertus* Regno Bohemiæ potiretur, & eâ de causa *Casimirum*, fratrem Regis Poloniæ, annorum tredecim adolescentem, evocarunt, eam in spem erecti fore ut *Casimirus* exercitu Polonorum fretus *Albertum* superaret, ac folio deturbaret. Sed *Albertus*, debellatis Polonis, *Casimirum* in patriam inglorium redire compulit. Nec Polonos tantùm, sed Moravos fudit *Albertus*, Sarmatas repressit, Hussitas Austriam devastantes in fugam egit, Turcas quoque ex Hungaria repellere jam inceperat; sed in medio rerum, cursu morte præreptus est, quam sibi ex nimio peponum esu comparavit. Obiit ex dysenteria non procul à Strigonio in pago cui *Longo* nomen, dum Budâ Viennam reverteretur, sexto Kalendas Novembris anni MCCCXL. Optimis artibus tum belli, tum pacis enituit, religiosus, liberalitate ac justitiâ præstans, in bellis audax, & manu promptus, magnusque planè futurus Imperator, si longiorem vitam egisset, qui tam brevi temporis spatio tam multa & præclara gessit, de quo verè dici potest: *Consummatus in brevi explevit tempora multa*, Sap.

cap.4. v.13. *Elizabetha* filia *Sigismundi* Imperatoris, quam *Albertus*, ut mox diximus, matrimonio sibi sociaverat, genuit *Annam*, *Elizabetham*, & *Ladislaum*, filium posthumum, quem Regina *Elizabetha* post mortem mariti Hungariæ Regem ab Archiepiscopo Strigoniensi consueto ritu coronari curavit.

In locum demortui *Alberti* Imperatoris, Septemvirum suffragiis electus est *Fridericus* hujus nominis III. Austriæ Dux, *Ernesti* Austriaci filius, & *Alberti* Augusti patruelis, viginti sex annorum juvenis, peregrinatione in Terram Sanctam illustris, dictus *Pacificus*, quod pacis artibus additus, à bello abhorreret. Bis Romam profectus est *Fridericus* III. Primò, Romam venit anno MCCCCLII. quo unà cum *Eleonora* Augustâ, conjugē suâ, Coronam Imperii à *Nicolao V.* Pontifice Maximo suscepit. In reditu *Borsium*, Marchionem Estensem, Mutinæ Ducem creavit, sed cum munera libenter acciperet, & nec liberalitatis, nec sapientiæ, cum per alium semper loqueretur, specimen ullum daret, ab Italis ferè contemptus in suam Germaniam recessit. Romam secundo venit *Fridericus* anno MCCCCLXVIII. tum ut votum persolveret, tum etiam ut cum *Paulo II.* Pontifice Maximo deliberaret de Expeditione contra Turcas suscipiendâ. Hungariæ Regnum turbis haud parùm agitarum est imperante *Friderico*, cujus fidei ac tutelæ filium suum posthumum, dictum *Ladislaum*, commiserat *Elizabetha* Regina Hungariæ, & uxor *Alberti II.* Imperatoris, Hungariæque Regis, post cujus obitum, qui, ut superius diximus, contigit anno MCCCXL. regnavit in Hungaria *Vladislaus*. Sed *Vladislao* Hungariæ Rege victo & occiso in pugna

gna, quam anno MCCCCXLIV. ad Varnam habuit cum Turcis, Hungari secundum hanc calamitatem *Ladislaum* posthumum *Alberti* Cæsaris, & *Elizabethæ* filium, puerum dumtaxat quinquennem, Hungariæ Regem anno MCCCCXLV. elegerunt, addito tamen Curatore Regni *Joanne Huniade*. Noluit *Fridericus* Imperator *Ladislaum*, quem mater *Elizabethæ* ejus tutelæ commiserat, reddere, & eam ob causam iratus *Joannes Huniades*, Regni Hungarici Curator, Austriam, aliasque *Friderici* Imperatoris Provincias armis pervastavit. Hic est ille *Joannes Huniades* fortissimus Dux, qui, ut antea dicebamus, regnante in Hungaria *Uladislao*, insignem de Turcis victoriam anno MCCCCXLIII. reportavit, sed anno sequenti à Turcis in pugna Varnensi victus est, quam ignominiam dum anno MCCCCXLVII. abolere parat, majorem cladem à Turcis, quos sæpè armis debellaverat, accepit in prælio Collovensi, è quo ipse perniciosissimo equo fugere coactus est. Mansit *Ladislaus* sub tutela *Friderici* Imperatoris usque ad annum MCCCCLII. quo anno ægrè ab Imperatore dimissus, Regna Hungariæ, Bohemiæ, & Austriæ, quæ ipsius pater *Albertus* possederat, obtinuit. Verum *Ladislaus*, quamvis Rex appellaretur, alieno tamen arbitrio ductus, in regnis suis Triumviratum instituit. *Joannes Huniades* Hungariam rexit, *Poggiebracius* Bohemiam, *Ulricus* Austriam. Mortuo tandem *Ladislao* Hungariæ Rege an. MCCCCLVII. non absque gravissima suspitione veneni à *Georgio Poggiebracio*, & *Joanne Rokysana*, tunc Hussitarum capitibus, propinati, *Matthias*, magni illius Herois *Joannis Huniadis* filius, & paternæ fortitudinis hæres, Rex Hungariæ electus est, belloque lacesavit

Fridericum Imperatorem, ac Viennam, Austriæ Metropolim, post aliquot mensium obsidionem fame ad extremum redactam, deditioe recepit anno mccccclxxxv. cum magno dedecore Imperatoris, qui, ut in Silesiæ Annalibus legitur, tum per Germaniam circumcursans, in parietibus hospitiorum hujusmodi sententiam scribere solitus erat: *Rerum irrecuperabilium summa felicitas est oblivio*. Bellum inter *Fridericum* Imperatorem, & *Matthiam* Hungariæ Regem perduravit usque ad an. mccccclxxxix. quo pax inter utrumque sancita est. Bellum etiam gessit *Fridericus* Imperator cum *Georgio Poggiebraccio*, viro forti, sed Hussita, qui post mortem *Ladislai* Rex Boheimiæ anno mccccclviii. fuit electus. Litteræ, imperante *Friderico*, per Italiam in magno splendore fuerunt, Græcorum doctissimis, qui captâ à Turcis anno mcccccli. Constantinopoli, ad eam accurrebant, æmulatione suâ Latinorum acuentibus studia, sicut opportuniùs ostendemus in Colloquio quinto agendo de viris Illustribus Sæculi XV. At Italia, litteris licet clara, funestis tamen bellis, imperante *Friderico* fuit funestata. Mortuo siquidem anno mccccclviii. *Alphonso* Aragoniæ & Sici-liæ Rege, quique Regnum Neapolitanum occupaverat, confestim *Joannes*, filius *Renati* Andegavensis, quem ab isto *Alphonso*, à Regni Neapolitani possessione depulsum, in Galliam, patriam suam, rediisse supra observavi, magno exercitu collecto, in Apuliam profectus est, collatisque signis *Ferdinandum*, filium *Alphonfi* acie victum, & Castris exutum in fugam egit, actumque omninò de eo fuisset, nisi *Scandebergus*, Epiri Rex, abjectâ omni cunctatione ei suppetias tulisset. Eo auxilio adjutus *Ferdinandus*

*du*s hostes repulit, & omnia sibi in Regno Neapolitano à Joanne Andegavensi erepta in potestatem recepit, uti refert *Marinus Barletius* libro decimo de *Gestis Scandebergi*. Alia bella, imperante *Friderico*, excitavit in Italia dominium Ducatus Mediolanensis. Mortuo namque sinè liberis *Philippo Maria* Duce Mediolanensi, *Joannis Galeatii* Ducis Mediolanensis filio, ad Mediolanense dominium *Fridericus* Imperator, *Alphonsus* Aragonum & Siciliæ Rex, *Carolus* Dux Aurelianensis, *Ludovici* filius, *Franciscus Sfortia* aspirarunt, & pro suo in illum Ducatum jure acerrimè decertantes, nova bella in Italia moverunt, de quibus legendus est *Æneæ Piccolomini* Cardinalis Senensis liber de *Europæ Statu sub Friderico Imperatore*. Obiit *Fridericus III.* Lyntzii die VII. Septembris anni MCCCCXCIII. Imperium tenuit per quinquaginta quatuor annos, nullusque Imperatorum, *Octavianum Augustum* si excipias, tamdiu imperavit. Multa circumferuntur præclara Apophtegmata ab hoc Imperatore dicta, quæ *Æneas Sylvius*, qui fuit postea Summus Pontifex, dictus *Pius II.* collegit, eaque Tomo II. *Rerum Germanicarum* inseruit *Marquardus Freherus*.

D. Quem in Imperio Occidentis successorem habuit *Fridericus III.*?

M. Successorem Imperii *Fridericus III.* reliquit filium, quem ex prima conjuge sua *Eleonora* genuit *Maximilianum* hujus nominis I. quem anno MCCCCLXXXVI. jam Imperii consortem fecerat, & Regem Romanorum ab Electoribus designari curaverat. Hujus electionis & coronationis *Maximiani I.* Historia describitur Tomo 3. *Rerum Germanicarum* *Marquardi Freheri*. Gubernacula itaque

que Imperii Occidentis post obitum patris suscepit *Maximilianus* annum agens ætatis suæ trigefimum quintum, Imperiumque per viginti quinque annos ab obitu patris administravit, utpotè mortuus anno MDXIX. De his, quæ egit *Maximilianus* Imperator ab anno MD. usque ad annum MDXIX., quo è vivis excessit, in Colloquio I. in Historiam decimi sexti Ecclesiæ Sæculi sermonem instituam, hìc verò breviter referam illius gesta ab obitu patris usque ad finem Sæculi XV. In primis, *Maximilianus* multum ab Historicis commendatur ob justitiam, clementiam, temperantiam, magnanimitatem, modestiam, liberalitatem, Christianæ pietatis cultum, & cæteras alias virtutes, quibus præditus erat. In Italiam non semel venit, sed Imperii coronam, à Pontifice non accepit, bellis semper implicitus cum Gallis, Helvetiis, & Venetis. *Maximilianum* Cæsarem in Italiam anno MCCCCXCVI. advocarunt *Ludovicus Sfortia* Dux Mediolanensis, alique Italiæ Principes, unà cum Venetis, qui *Caroli VIII.* Galliarum Regis bellicum metuebant apparatus contra Regnum Neapolitanum, quod Christianissimus ille Rex sibi vindicare in animo habebat; eorum votis annuens *Maximilianus* Expeditionem in Italiam suscepit, sed suo nomini ac dignitati valdè indecoram. Nam Ligurnum unà cum suis ac Venetorum & Ducis Mediolanensis viribus oppugnare volens, tūtpitèr indè à Florentinis, in Gallico fœdere constantissimis, repulsus, in Lombardiam rediit, & ibi mutatis sæpè pro levitate animi consiliis, demum in Germaniam adeò inglorius abscessit, ut sese Italiam, qui à multo tempore Cæsares armatos non viderant, virium suarum tenuitate ostensâ, deridendum

dum deinceps præbuerit, & Cæsareum nomen Longobardicis dictis objecerit . Nec felicius fuit exitus belli, quod anno MCCCXCIX. cum Helvetiis gessit *Maximilianus Cæsar* . Ab his quippè semper victus est, licet *Cæsariani non solum peditum numero essent superiores, sed & equitatu florentissimo instructi, ac in cunctis aliis, quæ ad bellicum pertinent apparatus, longè præstarent; animi autem virtute cederent minimè. Verum, dum nimiam audaciam maturis præferunt consiliis, talem sensere eventum, qualem contemptus, & nimia parere solet temeritas, ut ait Bilibaldus Pirkeimerus, Patritius Norimbergensis, in hujus belli, quam descripsit, Historia, quæ extat tomo 3. Rerum Germanicarum Marquardi Freheri. De bello, quod cum Venetis anno MDIV. egit Imperator Maximilianus, & de aliis ejus gestis usque ad ipsius obitum, qui, ut mox notavimus, contigit anno millesimo quingentesimo decimo nono, opportunius dicemus in Colloquio primo in Historiam Sæculi decimi sexti.*

D. Galliarum Regum pia pro Fidei Catholice propagatione, & extirpandis Hæresibus studia, curas, leges, necnon maximam reverentiam erga Summos Pontifices, quos interdum profugos exceperunt, foverunt, & contra eorum hostes ac Tyrannos armis potentèr adjuverunt, jam satis superque expendimus in nostris præcedentibus Colloquiis. At vehementèr timeo, ne istud florentissimum Regnum gravissimis Sæculo XV. fuerit calamitatibus oppressum, regnante præsertim *Carolo VI.* quem per dementiam regnandi impotem evasisse, memini te observasse in Colloquio I. in Historiam Sæculorum XIII. & XIV.

M. *Carolus VI.* Galliarum Rex , qui ab anno MCCCXXX. regnare cœpit, adeò populis suis charus fuit ob probitatem, mansuetudinem , pietatem, liberalitatem, aliasque Regias dotes, ut *Benè Amati* cognomen apud eos consecutus sit. Sed, postquam *Carolus* Rex anno MCCCXCII. in amentiam incidisset, reliquum ejus Regni tempus domesticis turbis , civilibus, externisque Anglorum bellis , tributorum gravitate, & diuturno , quod Ecclesiæ finum lacerabat, Schismate adeò funestum fuit , ut nisi Deus auxiliarem manum imminenti Galliarum Regni ruinæ supposuisset, in extremas clades & Anglicam servitutem corruisset illud Regnum, quod *Carolus VI.* ob continuam penè mentis & corporis infirmitatem per se regere haud poterat . Tot malorum fontem & originem hîc breviter aperire necesse est . *Joannes* Dux Biturigum, & *Philippus* Burgundiæ Dux, *Caroli VI.* patruî, administrationem Galliarum Regni , ob penè continuum Regis morbum susceperunt, secluso ejusdem *Caroli* Regis fratris *Ludovico* Aurelianensium Duce. Hinc Ducem Burgundiæ inter & Ducem Aurelianensem implacabile odium erupit, quod acrius recrudit & exarsit, postquam, mortuo *Philippo* Burgundiæ Duci, qui naturâ placidior erat, successit filius *Joannes*, ingenio ferox, qui bellorum civilium fomitem in Regno Galliæ subministravit, & in illud extraneas tandem Anglorum copias induxit. Tentavit quidem, ac diù multumque laboravit *Joannes* Biturigum Dux, ut ferales istæ inter consanguineos Principes discordiæ extinguerentur. Nihil tamen promovere potuit, eoque, exasperatis hinc inde animis, res perducta est, ut *Joannes* Dux Burgundiæ æmu-

æmulum suum *Ludovicum* Ducem Aurelianensem, è Palatio Reginae tunc ex puerperio decumbentis redeuntem, per summum nefas in media Parisiorum Civitate Sicariorum manu jugulaverit. Hoc immani perpetrato parricidio, in Flandriam, quæ ad se materno jure pertinebat, protinus aufugit Dux Burgundiæ, crimen suum armis defensurus. Hinc ad causam dicendam vocatus, multo equitatu fretus, & turbâ militum stipatus Parisios venit, & quamvis *Valentina*, Ducis Aurelianensis vidua, cum liberis, quos ex eo susceperat, Regis fidem imploraret, ne hoc parricidium inultum pateretur, Rex tamen, qui mentis compos non erat, veniam dedit armato Burgundiæ Duci, cujus parricidii defensionem impiè suscepit *Joannes Parvus* Theologus Parisiensis, ejusdem *Joannis* Ducis Burgundiæ stipendiarius, Ducemque Aurelianensem, ceu *Tyrannum*, licitè à quovis occidi potuisse propugnavit. Hæc venia Duci Burgundiæ à Rege concessa gravius excitavit belli incendium, nedùm sopivit. Dux quippe Burgundiæ cum *Henrico V.* Anglorum Rege fœderatus, in Gallias evocavit Anglos, quorum prima irruptio contigit anno mccccxv. quo ad *Azincurtium* propè Caletum prælium commissum est, in quo Galli ab Anglis victi sunt, & interempti eorum Duces *Alenconius*, *Barenfis*, *Brabantinus*, Comes *Nivernensis*, & *Marli*, *Alebreus* Magister Equitum, *Castilionæus* Maris Præfectus, Militum Francorum decem millia occubuerunt, captique Duces Aurelianensis, & *Borbonius*, Comes *Vindocinensis*, *Richemontius*, & *Bussicardus* Franciæ *Mareschallus*, ac nobilissimarum familiarum Proceres permulti. Interim, eodem anno mortuus est *Ludovi-*

dovicus Gallia Delphinus, *Caroli VI.* Galliarum Regis filius primogenitus, cui successit *Joannes* ejus frater, sed *Joanni* anno sequenti, seu *MCCCXVI.* ex immodico pilæ exercitio è vivis sublato, *Carolus*, ultimus filiorum *Caroli VI.* in Delphini locum ac spem Galliarum Regni successit. Contra *Carolum* Gallia Delphinum novas turbas excivit Dux Burgundia, quippè qui Rothomagum, Rhemos, Catalaunum, Trecas, Antisiodorum occupavit, & *Henricus V.* Anglia Rex, cum Duce Burgundia foederatus, Cadomum, omnemque Normanniam inferiorem aut expugnavit, aut deditione recepit. Tot malis *Carolus* Delphinus, in quo solo totius Regni Gallia spes inclinata recumbebat, pro virili occurrere satagebat, & Rothomagum quidè Duci Burgundia eripuit, sed *Henricus V.* Anglorum Rex longâ obsidione & fame Rothomagum domuit, Urbemque ingressus est die *XIX. Januar. an. MCCCXVIII.* Accessit eodem anno civilibus externisque bellis, quibus misera discerpebatur Gallia, Ducis Burgundia factio ex Laniis, vilissimisque conflata hominibus, qui ferrum in Aurelianos acuentes horrendas Lutetia Parisiorum cædes patrarunt, unoque die Comitem *Armeniacum* Regni Comestabilem, *Henricum Morleum* Cancellarium, cum aliquot Episcopis, Abbatibus, & Parlamenti Senatoribus adversantibus, aut suspectis Duci Burgundia, trucidarunt, tantâque rabie in alios promiscuè sævierunt, ut eorum cadavera feris & vulturibus objecta, aut in fluvium projecta, aut è furcis publicis ignominiosè pependerint. *Carolus* autem Delphinus, qui præcipuè ad necem deposcebatur, vix nudus ex ea strage subductus est à *Tanneguino de Castello*, forti & nobi-

li Britone . Inter hæc, delirus Rex *Carolus VI.* equo impositus & per urbem circumductus, hæc probare coactus est . Dux verò Burgundiæ, qui tunc versabatur apud Trecas unà cum Regina *Elizabetha*, Bavarâ, quæ se, amentemque Regem Duci Burgundiæ penitùs tradiderat, ejusque omnibus consiliis, quantumvis perversis, Regnoque exitialibus fortiter solita erat adhærescere, confestim Parisios accurrit, & à Parisiensibus ingenti pompâ receptus est, moxque novâ excitatâ in Aurelianos, seu Armeniacos (quo nomine *Caroli* Delphini fautores appellabantur) seditione per *Capelucham*, publicum & infamem Urbis servum, innumera scelera, sævitix & sacrilegia edita sunt . Tandem, divinam ultionem Dux Burgundiæ, belli fax, totque flagitiorum author, expertus est anno mccccxix. Cùm enim ad controversias dirimendas, pacemque amico fœdere stabiliendam, conventum esset, ut per Colloquii speciem *Carolus* Delphinus, & *Joannes* Dux Burgundiæ, cum denis omninò comitibus, venirent Montoriolum, quâ Icauna fluvius Sequanæ immiscetur, & ad id in medio pontis ligneum tabernaculum fuisset constructum; ibi inter Principum comites ortâ contentione, Dux Burgundiæ, inscio, nec istis insidiis consentiente Delphino, incertâ manu occisus est, atque ita mortem Duci Aurelianensi suo jussu perfidiosè illatam pari talione luit, & implevit Christi Domini dictum, *Matthæi* cap. 26. vers. 52. *Converte gladium in locum suum, omnes enim, qui acceperint gladium, gladio peribunt.*

D. Eâ Ducis Burgundiæ nece fuitne planè extinctum incendium ab eo in Galliarum Regno exci-

citatum , & tandem postliminio revocata Christianissimi hujusce Regni diù optata tranquillitas ?

M. Tantùm abest, ut Ducis Burgundiæ mors vastitate Regnum Galliæ , incensione urbes , internecione cives liberarit ; ut potiùs , majoribus concitatis turbis , oleum camino addiderit . At enim *Philippus* hujus nominis II. cæsi *Joannis* Ducis Burgundiæ filius, ad ulciscendam illatam patri suo necem Superos & Acheronta movit . In primis , Urbem Regiam, Carnutum, Trecas, Regem , & Regnam *Henrico V.* Angliæ Regi tradidit : deindè curavit , ut *Catharina* , Galliarum Regis *Caroli VI.* filia , matrimonium iniret cum eodem *Henrico V.* Anglorum Rege , eâ lege , ut *Henricus* gener , si focero suo *Carolo VI.* superstes foret , liberi-que ex *Catharina* procreati in Regnum Galliarum succederent . Postremò , consentientibus *Carolo VI.* qui nec sui , nec Regni , nec mentis potens erat , & *Elizabetha* Regina , quæ plusquàm novercali odio filium prosequabatur, *Carolus* Delphinum absentem postulavit in judicium de nece Ducis Burgundiæ, fecitque ut judicaretur indignus, qui in Regnum succederet , & omni spe regnandi dejiceretur . His ita constitutis, *Henricus V.* Angliæ Rex, quasi Orbis terrarum victor , in Angliam reversus est, fratremque suum Ducem Clarentiæ Parisiis reliquit cum titulo Gubernatoris Galliarum Regni . *Carolus* Delphinus in his rerum angustiis copias collegit, & prælium anno mccccxxi. cum Anglis ad Baugium in Andibus conseruit , in quo Angli magnâ clade affecti sunt , cæsusque Dux Clarentiæ , *Henrici V.* Anglici Regis frater . Hanc cladem, cùm accepisset *Henricus* Anglorum Rex , fraternos

manes ulturus, cum ingentibus copiis venit in Gallias, sed infausto exitu, nam totum penè ipsius exercitum pestis, fames, & rusticorum exercitus dissiparunt. Minuit tamen utcùmque dolorem, utriusque cladis *Henrico V.* Angliæ Regi genitus ex *Catharina* filius *Henricus*, hæres Galliarum Regni injustè designatus per pacta matrimonii *Catharinæ* Franciæ, *Caroli VI.* filiæ, cum *Henrico V.* Anglorum Rege, quæ Observationibus suis in Historiam *Caroli VI.* inseruit *Godefridus* pag.696. Verùm perbreve ex hoc nato sibi filio lætitiâ habuit *Henricus V.* Angliæ Rex. Anno siquidem sequenti, seu mccccxxi. *Henricus* Angliæ Rex in morbum incidit, eoque ingravescente, ad Vincennarum nemus delatus obiit, duosque sibi superstites fratres reliquit *Betfortium*, & *Glocesterium* Duces, quorum primo Regni Franciæ, alteri Angliæ Regni administrationem partitus est, eosque rogavit, ut ejus filio *Henrico*, qui unius duntaxat anni puer erat, patrum loco essent, donec adolereret. *Henrici V.* Angliæ Regis mortem secuta est eodem anno mccccxxi. *Caroli VI.* Galliarum Regis mors, atque ita demùm factum est, ut *Carolus* Delphinus, *Caroli VI.* Galliarum Regis filius, tot hæcenus sævis tempestatibus actus, defuncto patre, in jura regiæ successionis, & naturæ lege, & gentium Institutis, & Franciæ inconcussio jure vocatus sit, dictus Rex *Carolus VII.* cognomento *Victor*, eò quòd Regnum Franciæ ferè perditum, & ab Anglis occupatum recuperaverit tum bellica virtute, tum præsertim fretus auxilio Dei, qui his calamitosis temporibus *Joannam Darciam*, Aurelianensem Puellam, vulgò Gallicè dictam *La Pucelle d'Orleans*, velut

lut alteram *Deboram*, suscitavit, quæ ultima metuentium Gallorum animos erigeret, Patriam liberaret, Anglos profligaret, Regem, remque Francicarum in pristinum splendoris statum restitueret.

D. Gestio quàm maximè scire præclara facinora, quibus hæc Puella Aurelianensis, *Joanna Darcia*, Regem *Carolus VII.* à potentissimis hostibus Anglis, totumque Galliarum Regnum ab imminenti ruina vindicaverit?

M. Non omnia istius heroinæ Puellæ Aurelianensis toto Orbe celebrata facinora hîc referenda suscipiam, cùm bellica facta hujus Puellæ, quæ magnum Historiæ, & Galliarum Regni decus est & ornamentum, libri potius materiem, quàm Compendii Historici suppeditent argumentum; sed illa striora tantum ejus gesta perstringam, ut inde intelligas, Deum aliquando infirma eligere, ut fortis quæque confundat. *Joanna Darcia*, rusticana, & simplicis animi Puella, nata est in agro Tullensi Jacobo patre Agricola, & *Izabella* matre. A Deo dum pascendo ovium gregi intenta esset, jussa est ad Galliarum Regem proficisci, arma induere, collapsum absque ulla spe Regnum erigere, & perduellium populorum factiones viresque infringere. Redactus erat eo tempore ad ultimas angustias Gallorum Rex *Carolus VII.* & bis acie victus, *Rebus Biturigum* ab hostibus per ludibrium dicebatur. Aureliam, nobilissimam Galliæ Celticæ urbem, obsidione cinxerant Angli, eamque mox occupaturi erant, cùm ad Regem *Carolus VII.* cui ultimum imminebat periculum, hæc Puella divinis instincta vocibus venit, asserens se à Deo missam esse, ut Aureliam ab Anglica obsidione liberaret, & statu

tim Martio ardore succensa, in ferrum, ignem, gladios, & in omnia vitæ discrimina ultrò profiliens ad solvendam Aureliæ obsidionem intrepidè perrexit, & per hostium munitiones impetu factò, obsessis auxilia, commeatumque intulit. Dein, Anglos aggressa, crebris irruptionibus eos fregit, ab urbe repulit, ad *Patajum*, Belsiæ vicum, profligavit, capto *Talleboto* Anglorum exercitus Duce. Regem, *Carolus VII.* per medios hostes ad inaugurationem suscipiendam Remos perduxit, Urbes Trekas, Catalaunum, Remosque Regiæ potestati subiecit, Bellovacum, Laudunum, Sueffiones, Compendium, Silvanectum, aliaque Oppida Anglis eripuit. Tandem, irritò conatu Lutetiâ ab Anglis tentatâ, Compendiensibus ab iisdem Anglis obsessis suppeditas ferens hæc Puella, dicta Aurelianensis, urbem ingressa est, sed posteriâ die eruptionem faciens, ab hostibus capta, in Anglorum potestatem venit, à quibus Rothomagum ducta, & magiæ, hæreseos, & luxuriæ per calumniam accusata, ac nemine in ejus defensionem hiscere auso, Sæculari tradita Magistratui, viva in foro exusta est die xxxi. mensis Maji anni mccccxxxi. Verùm, istius heroinæ Puellæ Aurelianensis innocentia multis momentis liquidò comprobari potest. Primò, quia *Carolus VII.* Galliarum Rex, ei prædicanti, se à Deo missam fuisse, non priùs fidem adhibuit, quàm variis interrogationibus à Theologis, Jurisperitis, Proceribus, & Senatu Parisiensi tunc Pictavium translato, tentata ac probata fuisset, & ipsa prudentè, constantè ac sanctè ad omnia respondisset. Secundò, hanc Puellam innocentem, ac Deo charam fuisse facilè persuadent, tum secundissimus rei secutus exitus, qualem

lem non nisi Deo auctori adscribere fas sit : tum etiam ingentia ejusdem Puellæ , duodeviginti annos dumtaxat tum temporis natæ , in Regem , totumque Galliarum Regnum merita, quæ Rex *Carolus VII.* commendavit Regio Diplomate, quo mirabilem illam Puellam, ejusque patrem, matrem, fratres, consanguineos , ac eorum posteros , ad nobilium ordinem anno mccccxix. evexit , ut videre est apud *Dionysium Godefridum* , qui Regium istud Diploma refert in suis Observationibus ad Historiam *Caroli VII.* Tertiò, vitæ illius Puellæ innocentiam , ac Sententiæ in eam ab hostibus latæ iniquitatem luculentè ostendunt gravissimi Scriptores quos laudat *Joannes Hordal* in Vita ejusdem admirabilis Puellæ . Hi siquidem probatissimæ fide Scriptores, de illius Puellæ natalibus, vitâ, religione, moribus, rebusque gestis sermonem habentes testantur, Virginem illam injuriâ fuisse damnatam. Non inficior quidem, hanc Puellam Aurelianensem ab Universitate Parisiensi censurâ esse perstrictam tanquam proditricem, dolosam, crudelem, sitibundam effusionis sanguinis humani, seditiosam , & tyrannidem provocantem, Schismaticam , Apostatricem, divinatricem, blasphemam in Deum , contemptricem Dei in suis Sacramentis , Legis divinæ ac sacræ doctrinæ, Sanctionumque Ecclesiasticarum prævaricatricem , malè sapientem & errantem fide, atque de Idololatria suspectam &c. Hanc Universitatis Parisiensis Censuram *Egassius Bulæus* inseruit tomo 5. Historiæ Universitatis Parisiensis pag. 394. usque ad pag. 409. At, istius Censuræ Universitatis Parisiensis nulla ratio meritò haberi debet , tum quia extorta fuit ab *Henrico VI.* Angli

Rege, qui tunc Parisiis dominabatur, seque Galliae Regem appellabat, & à *Petro Cauchonio*, Vinitoris in agro Remensi filio, Episcopo Bellovacensi, insigni Anglorum fautore, patriæ, religionis & æquitatis proditore; tum quia etiam *Callistus III.* Pontifex Maximus, volens ut causa Puellæ Aurelianensis diligentius examinaretur, dedit anno MCCCCLVI. Judices *Joannem* Archiepiscopum Remensem, *Guilelmum* Parisiensem, *Ricardum* Constantiensem, Episcopos, qui, visis & accuratè expensis omnibus & singulis Processus Instrumentis, Actis, monumentis, & Scripturis, Puellam Aurelianensem innocentem dixerunt, pronuntiarunt, declararunt, & omnes Processus in ipsam factos, vel Sententias in eam latas, tanquam *dolum, calumniam, iniquitatem, repugnantiam, jurisque & facti errorem continentes* damnarunt, atque auctoritate Apostolicâ omninò resciderunt, & in irritum miserunt, ut constat ex Sententia ab his latâ, quam ex Regio Cartophylacio erutam, in suis ad Historiam *Caroli VII.* Observationibus edidit *Dionysius Godefridus* pag. 903. Legendus est etiam *Egassius Buleus* pag. 406. ejusdem Tomi Historiæ Universitatis Parisiensis, ubi apertè innuit, hanc Universitatis Parisiensis Censuram, contra Puellam Aurelianensem, instigante *Henrico* Angliæ Rege, qui etiam se Galliae Regem nuncupabat, factam fuisse, eâque de causâ eundem *Henricum* Regem, ne quid probri in Episcopum Bellovacensem, in Doctores Parisienses, aliosque, qui in hoc negotium inquisierant, jaceretur, eos suis literis immunes esse voluisse; Universitatem quoque Parisiensem ad Summum Pontificem, ad Collegium Cardinalium, & ad Imperatorem litteras

perscripſiſſe, in quibus totius negotii ſeriem, executionemque judiciſſi exponit. Quas Uniuerſitatis Pariſienſis litteras poſtquàm deſcripſit *Egaſſius Bullaus*, ſubdit: *Cæterum Valeranus Varanus*, Theologus Pariſienſis, ſub finem libri *IV. vitæ*, quam carmine conſcripſit, Puellæ Aurelianenſis, ait, *Cor Virginis Aurelianenſis mediis in cineribus illæſum intactumq; & ſanguine plenum fuiſſe inventum:*

*Poſtremo enituit pietas in morte Puellæ,
In cinerem cunctos dum flamma resolveret artus,
Illæſas cor habet venas, mirabile dictu,
Nec ſinceri animi temerant incendia ſedem;
Albaque tum viſa eſt orbi prædire columba,
Et petere Æthereos, multis ſpectantibus, Orbes.*

His & aliis momentis probatur innocentia Puellæ Aurelianenſis, quam ſtatim ac Angli iniquè damnarent ac vivam combuſſiſſent, toto Galliarum Regno pulſi ſunt magnis cladibus affecti, & omnes urbes, quas occupaverant, in *Caroli VII.* Galliarum Regis, ubique victoris, poteſtatem ac fidem receptæ. Sic res Anglorum poſt Puellæ Aurelianenſis ſupplicium in præceps ruentes documento fuerunt, hanc *Sampſonis* æmulam morte ſua & flammis plus eis, quàm vitâ & armis nocuiſſe. In iſtius gloriæ partem cum Puella Aurelianenſi optimo jure venire debet *Carolus VII.* ſapientiſſimus & fortiſſimus Galliarum Rex, qui ampliſſimas Urbes, & integras Provincias per nefariam conjurationem ab ejus obſequio diverſas partim armis, partim deditione recepit, ac ſummâ voluptate perſuſus omni in ſuo Regno derepente in melius mutata vidit quæ ipſe depoſita propemodùm & conclamata invenerat, dum, mortuo patre ſuo *Carolo VI.* Regi habet

habenas moderari cœpit. Regnavit autem in Galliis *Carolus VII.* annos triginta novem, & obiit anno MCCCCLXI. Fuit optimus Princeps, cujus pietatem, fortitudinem, justitiam, benignitatem, studium Religionis & pacis Ecclesiasticæ, ceterasque alias Regias dotes passim prædicant Scriptores. Eo regnante procusa est ab Episcopis Ecclesiæ Gallicanæ in Concilio Bituricensi anno MCCCXXXVIII. celebrato *Pragmatica sanctio*, quæ in Galliis viguit usque ad annum MDXVI. quo, inito *Leonem X.* Pontificem Maximum inter & *Franciscum I.* Galliarum Regem *Concordato Gallico*, ut vocant, abrogata est *pragmatica illa sanctio*, sicut fusiùs ostendemus in sexto Colloquio in Historiam Sæculi decimi sexti. Quatuor filios, & septem filias *Carolus VII.* suscepit ex conjuge sua *Maria*, filiâ *Ludovici II.* Ducis Andegavenis; sed duo dumtaxat filii ei superstites vixerunt *Ludovicus*, & *Carolus*, quorum primus *Carolo* patri successit in Galliarum Regnum, dictusque est *Ludovicus XI.*

D. Virtutum Patris sui *Caroli VII.* sicut, & Galliarum Regni, hæresne fuit ac studiosus sectator *Ludovicus XI.*

M. Patri suo *Carolo VII.* longè dissimilem sese in Galliarum Regni administratione exhibuit *Ludovicus XI.* qui, motâ in patrem rebellionem, apud *Philippum Burgundiæ Ducem* exul vixit, donec fuerit post mortem patris Galliarum Rex salutatus annos undequadraginta natus. Eum Principem fuisse ingenio quidem perspicaci, & acuto, sed callido, versatili, suspicioso, pervicaci, vario, & incerto, memoriæ prodiderunt Historici. Enituit in ipso ræsertim haud vulgaris prudentia politica, quâ

se è gravissimis periculis expedire, & à negotiorum difficillimorum ambagibus explicare solebat. Enim verò, sub exordium Regni sui ad Regis Aragoniæ cum *Henrico* Castellæ Rege dirimendam Controversiam electus arbiter *Ludovicus XI.* suis ipse rebus semper intentus, Comitatus Ruscinonensem, & Cerdaniæ Regno suo adjunxit. Nec iis contentus, quatuor ad Somonam urbes, *Sanquitinum*, *Peronam*, *Ambianum*, *Abbavillam*, cum Comitatu Pontinensi, & alia Oppida, quæ vi pacis Atrebatensis *Carolus VII.* Galliarum Rex, pretio quadringentorum millium aureorum *Philippo* Burgundiæ Duci oppignaverat, corrasis undequaque pecuniis, redemit. Id iniquo animo tulit *Carolus Comes Carolesii*, *Philippi* Ducis Burgundiæ filius, à quo Principes, & nobiles Galliæ sollicitati, se adversus Regem *Ludovicum XI.*, quem oderant, paratos ostenderunt, & in eum conjurationem fecerunt, quæ dicta est *Factio boni publici*, eò quòd conjurati illi Principes, licet peculiarem odii causam, & belli gerendi occasionem haberent, causam tamen boni publici prætexerent, & necessitatem tollendi vectigalia, quibus populus opprimebatur. Pugnam cum exercitu conjuratorum ad *Montem Lehericum*, qui ab urbe Lutetia octavo circiter lapide distat, commisit die xxvi. Julii ann. mccccxv. *Ludovicus XI.* sed cum neutri exercitu satis liquida victoria constitisset, & aliundè fœderati Principes, magnas undecumque copias accipientes, bellum acrius instaurarent; consultiū visum est *Ludovico XI.* sequi saluberrimum consilium sibi datum à *Francisco Sfortia* Duce Mediolanensi, ut videlicet Principibus contra ipsum

fœde

fœderatis omnia , quæ peterent , in præfenti con-
 cederet , diftractos deinde à fe invicem fingulos
 datâ occasione opprimeret . Eo confilio tempeftivè
 ufus *Ludovicus XI.* pacem cum Principibus conju-
 ratis pepigit ad *Confluentium* propè Parifios die v.
 menfis Octobris anni *MCCCCLXV.* cujus initæ pacis
 conditiones *Observationibus* fuis in *Historiam*
Philippi Cominai inferuit *Dionyfius Godefridus* pag.
 403. Editionis Regiæ . Hoc pacto difsipata eft illa
 Principum fœderatorum in *Ludovicum XI.* Gallia-
 rum Regem Faciò excitata potiffimùm à *Carolo*
Comite Carolefii , *Philippi Ducis Burgundiæ* filio ,
 qui unde fibi ditionum fuarum incrementa pol-
 licebatur , inde fibi ultimum excivit exitium .
 Nam cùm effet naturâ ferox , amplis opibus super-
 biens , & novarum cupidus rerum , finitimos laceffe-
 re non deftitit , præfertim *Renatum* Lotharingiæ Du-
 cem , quem Principatu fpoliatum compulfit in
 Franciam fugere . Poftèa , Helvetios aggreffus , in-
 felici Marte cum eis pugnavit , duobus præliis ma-
 gnâ fuorum internecone profligatus . Quò factum
 eft , ut *Renatus* Lotharingiæ Dux opibus *Ludovici XI.*
 uffultus , ademptum fibi Principatum recuperarit ,
 quem , dùm *Carolus Comes Carolefii* , *Philippi Ducis*
Burgundiæ filius , iracundiâ præceps , denuò invade-
 re molitur , & *Nancejum* obfidet , à *Renato* Lotharin-
 giæ Duce , Germanicis , & Helveticis auxiliis in-
 rupto , victus , in prælio cecidit die v. Januarii anni
MCCCCLXXVI. unicâ relictâ filiâ *Maria* , quæ *Maxi-*
iliano , Imperatoris *Friderici* filio , nupta eft . Au-
 itâ *Caroli Ducis Burgundiæ* morte , *Ludovicus XI.*
 Galliarum Rex , Burgundiæ Ducatum occupavit ,
 iteremque in Belgio ditionem poteltati fuz

subjecit. Tandem *Ludovicus XI.* gravissimo ac diuturno morbo implicitus, mortisque horrore perculsus, omnibus Sanctis vota nuncupavit, ut valetudinem recuperaret, & longiori vitâ potiretur, cujus tanto desiderio tenebatur, ut Medico suo singulis mensibus decem millia nummum donaret. Quin etiam ex Calabria *S. Franciscum de Paula*, Ordinis FF. Minorum Fundatorem, evocavit, à quo de voluntate Dei, qui ipsum ex hoc mundo vocare decreverat, admonitus, ejusdem Sancti precibus, & adhortationibus mortem tranquillo animo expectavit, & omnibus Ecclesiæ munitus Sacramentis obiit die xxix. Augusti anni mccccclxxxi. ejusque Corpus in Æde *B. Mariæ de Cleriaco* sepultum est. Filio suo *Carolo*, quem ex *Carola*, filiâ *Ludovici Sabaudicæ Ducis*, susceperat, egregia ante obitum suum documenta dedit, quæ legi possunt inter *Observationes Dionysii Godefridi* pag. 488. Legendus pariter est *Philippus Comineus*, qui *Ludovici XI. & Caroli VIII. Gallicæ Regum Historiam* Gallicè scripsit, quam *Justus Lipsius* in *Notis ad primum librum Politicorum* judicat esse dignam, quæ ab omnibus *Alexandris* legatur, & quam sibi, veluti in Breviarium Imperatorium, assumpserat *Carolus V. Cæsar*.

D. Mortuo *Ludovico XI.* nullisne turbis agitatum est Galliarum Regnum?

M. Moriens *Ludovicus XI.* tutelam filii sui *Caroli*, qui tertium decimum agebat annum, commiserat *Annæ* sorori suæ, quam *Petrus Borbonius*, *Bellijoci Dominus*, uxorem duxerat. Eam sibi prælatam ægrè tulit *Ludovicus Aurelianensis Dux*, qui ad *Franciscum* *Britanniæ Ducem* fugiens ac bellifacem præferens, plerosque Regni Procere in-

socie

societatem vocavit; sed commisso ad Fanum *Albini* in *Aremoricis* cum regiis Ducibus prælio, Dux *Aurelianensis* victoriâ pariter ac libertate cecidit anno *MCCCLXXXVII*. & à Galliarum Rege *Carolo* hujus nominis *VIII.* filio *Ludovici XI.* per triennium in carcere detentus est. Supplici tamen *Britanniæ* Duci eâ lege venia concessa est, ut quod armis Regis *Caroli VIII.* partum erat, id in illius potestate maneret. Inter hæc, *Francisco* *Britanniæ* Duce defuncto, *Annam*, ejus filiam, *Maximiliano* Romanorum Regi pactam, matrimonio sibi copulavit *Carolus VIII.* repudiatâ *Margarita*, filiâ *Maximiliani*, quam, Patre *Ludovico XI.* auctore, sibi desponderat. Id autem omninò necessarium esse, duxit *Carolus* Rex, ut *Britannia*, pro qua toties cruentis admodum præliis decertaverant Galli, redemptis, ac conciliatis eo conjugio Britonum, animis, pristinâ quiete frueretur, & ut prædicta Provincia, quæ ad arcendas Anglorum Classes maximè opportuna erat, Gallico Dominio in perpetuum amico fœdere uniretur. Hujus matrimonii Pacta *Carolus VIII.* inter & *Annam*, *Britanniæ* Ducis filiam, inita die *XIII.* mensis *Decembris* anni *MCCCXCI.* publicavit *Dionysius Godefridus* in suis *Observationibus* pag. 622. eademque ex *Argentæo* *Aremoricæ* *Historiæ* *Scriptore* *Latine* inseruit in suis *Observationibus* in *Commentarios* *Philippi Cominæ* pag. 518. Hoc *Caroli* Regis matrimonium haud parùm movit *Maximiliani* Romanorum Regis stomachum, tum ob repudii filiæ suæ *Margaritæ* opprobrium, tum maximè ob sibi abreptam *Britanniæ* prædam, quam ex matrimonio *Anne*, *Britanniæ* hæredis, seipsum consecuturum sperabat.

Suâ itaque spe delusus *Maximilianus* bellum *Carolo VIII.* Galliarum Regi intulit, sed cùm ei viribus impar esset, pacem cum ipso, receptâ filix dote, inire coactus est. Hujus sancitæ pacis *Tractatum*, *Silvanecti* confectum die *xxiii.* mensis *Maji* anni *mccccxciii.* refert sæpè laudatus *Dionysius Godefridus* in *Observationibus* ad *Historiam Caroli VIII.* pag. 640. & ad *Philippi Cominæ* *Commentarios*, pag. 507. Eo *Austriaco* bello feliciter confecto, paceque in Regno compositâ, *Carolus VIII.* Expeditionem *Italicam* magno animo suscepit, ad eam præcipuè instigatus à *Ludovico Sfortia* *Mediolani* Principe, qui exitialibus odiis à *Ferdinando* Rege *Neapolitano*, & ab *Alphonso* ejus filio dissidebat. Anno itaque *mccccxciv.* *Carolus* Rex superatis *Alpibus* in *Italiam* descendit, eamque repentino terrore complevit. *Pisis*, *Florentiæ*, & *Romæ* magnificè exceptus, rectâ *Neapolim* duxit exercitum, totoque Regno, nemine obsistente, potitus est. Hic rapidus victoriarum, triumphorumque, cursus timorem incussit *Venetis*, & *Ludovico Sfortia* *Duci Mediolanensi*, qui adiunctis sibi *Maximiliano* Imperatore, & *Ferdinando* *Hispaniæ* Rege, clam etiam *Alexandro VI.* Pontifice Maximo favente, conjurationem fecerunt, & *Carolum VIII.* *Galliæ* Regem, ordinatis in *Apulia* rebus, in *Galliam* redeuntem intercludere decreverunt. Erant in *Venetorum* castris millia quadraginta armatorum, *Carolo* verò Regi septem haud amplius millia militabant. Nihilosciùs, commisso, apud *Forum-Novum* non longè à *Parma* Civitate distans, prælio, ab exigua Gallorum manu perrupta sunt hostium castra, & Rex è tantis angustiis, Deo faven-

favente , liberatus , gloriæ ac decoris plenus rediit in Gallias anno mccccxcv. Hic fuit exitus illius Expeditionis Italicæ , in qua , ut candidè fatear , bellica Gallorum virtus , quàm prudentia magis emicuit , tantâ siquidem incuriâ Galli , oblectationibus ac ludis dediti , hoc administrabant Regnum , ut ad id dissipandum , non occupandum venisse viderentur . Hinc anno sequenti , seu mccccxcvi. Neapolitani , cæterique omnes ad *Ferdinandum* defecerunt , & paulò post , mortuo *Gilberto Momperio* Prorege Neapolitano , Galli ex Italia excesserunt , tam facilè perduto Neapolis Regno , quàm parto . *Carolus VIII.* in Galliam reversus , obiit Ambasiæ in Turonibus die septimâ Aprilis anni mccccxcviii. annos natus duodetriginta , repentinâ morte , seu Apoplexiâ sublatuſ , prævisâ tamen , ac maculis conscientiæ paulò ante deterſis accuratè per pœnitentiam , & Confessionem Sacramentalem . Fuit optimus Princeps , magnificus , comis , pius , ac liberalis . Waldenses Hæreticos in Vallibus , aliisque Delphinatus locis adhuc degentes partim exterminavit , partim ad Catholicam Religionem cum summa sollicitudine revocavit . *S. Franciscum de Paula* maximâ veneratione , prosecutus est , & Ordinem FF. Minorum recens ab eo institutum fovit , & Regiâ munificentiâ ipsis plura Cœnobia fundavit , *Plessiaci* nimirum , *Ambasiæ* , & *Romæ* celebre illud *Trinitatis de Monte* , in quo statuit , annuente Romano Pontifice , ut Superior , quem *Correctorem* vocant , semper Gallus esset , nullique unquàm Fratres in eo recipi possent , nisi è Galliis oriundi . Quam legem etiamnum accuratissimè observant ejusdem Cœnobii Patres ,

veri

veri filii *S. Francisci de Paula*, cujus sanctitatem ar-
 ctiſſimâ, ſibiſque ſempèr conſtanti vitæ regularis
 diſciplinâ æmulantur, & ſuaviſſimum virtutum,
 odorem longè latèſque diffundunt. Nullum ſuperſti-
 tem filium reliquit *Carolus VIII.* Galliarum Rex.
 Quapropter ei ex lege ſucceſſit *Ludovicus*, Dux Au-
 relianenſis, agnatione proximus, qui Rhemis
 inauguratus, dictus eſt *Ludovicus XII.* Rex ſine
 controverſia magnus, ſingulari fortitudine, pru-
 dentiâ, & clementiâ nulli ſecundus, tantâque ergâ
 ſuos ſubditos charitate præditus, ut dulce, ac
 Principibus perhonorificum *Patris Populi* cogno-
 men promeritus ſit. Adeò à vindicta alienum gere-
 bat animum, ut à nonnullis incitatus in eos, à qui-
 bus ſub *Carolo VIII.* offenſus fuerat ac vexatus, in-
 cunctantèr reſponderit: *non eſſe Regis Francorum*,
vindictam ſumere de injuriis Duci Aurelianenſi il-
latis. Ut primùm Galliarum Rex ſalutatus eſt *Luo-*
dovicus XII. ſe utriuſque Siciliae, ac Hieroſolymo-
 rum Regem, & Mediolanenſem Ducem appellari
 voluit, ad Expeditionem Italicam animum ap-
 pulit, totuſque in eam incubuit. Sed de hac Expe-
 ditione Italicâ, è qua magni prodierunt tumultus,
 qui totam Italiam, ac propè Galliam concuſſerunt,
 ſicut & de aliis Geſtis *Ludovici XII.* Galliarum Re-
 gis, commodiùs agemus in primo Colloquio in
 Hiſtoriam Sæculi decimi ſexti, quo ineunte abiit è
 vivis *Ludovicus Rex*, ſeu anno milleſimo quingente-
 ſimo decimo quinto.

D. Galliam irruptionibus Anglorum Sæculo
 decimo quinto fuiſſe infeſtatam, ac tandem, ſu-
 premo favente numine, excuſſio illorum jugo, priſti-
 nam libertatē recuperaviſſe, ſatis hæc enūſ expoſuiſti.
 Nunc

Nunc verò, quo loco Res Ecclesiæ in Anglia essent, breviter ostendere debes, exhibendo seriem, Gestaque Regum, qui Sæculo decimo quinto summâ rerum in Angliæ Regno potiti sunt.

M. Regnabat in Anglia sub finem decimi quarti Sæculi *Richardus* hujus nominis II. sicut ostendimus in Colloquio I. in Historiam Sæcul. XIII. & XIV. At *Richardo* Rege anno millesimo trecentesimo nonagesimo nono injustè exauctorato & abdicare coacto, *Henricus*, filius *Joannis* Ducis Lancastriæ, Regnum Angliæ usurpavit, sibi que parricidio firmavit, sublato è vivis *Richardo* legitimo Rege, quem detrusum in Turrim Londinensem captivum detinebat. Occiso itaque *Richardo*, Regno Angliæ potitus est *Henricus* hujus nominis IV. qui tamen eo Regno parto tam grandi scelere, usus non est. At enim, præter varios motus, conjurationesque Procerum, *Henrici Percii*, & *Duglassii* Comitissæ Scoti, bellaque civilia, quæ in Wallia excitata ejus Regnum turbulentum, & inquietum reddiderunt; nihil propius fuit, quam, ut acerrimo bello, eoque justissimo à Gallis impeteretur ob dotem *Isabellæ* filiæ *Caroli VI.* Galliarum Regis, quam *Richardus II.* Angliæ Rex uxorem duxerat. At *Isabella* cum dote, & suppellectili in Galliam remissâ, pacem cum Gallis composuit *Henricus IV.* Turbas etiam in Regno Angliæ excitarunt Hæretici *Wicleffistæ*, quos Rex *Henricus IV.* semper execratus, & infectatus est, cùmque, Parlamento Conventriæ Congregato, Proceres quidam *Wicleffianæ* hæreseos veneno infecti ei suaderent, ut, exhausto Regni ærario, in Ecclesiæ bona manum mitteret, & huic pravo consilio animosè resi-

resisteret *Thomas Arundellius* Archiepiscopus Cantuariensis, respondit Rex, sibi propositum esse, Ecclesiæ Jura, libertatemque servare. Ecclesiæ leges perutiles tulit *Henricus IV.* Angliæ Rex, inter quas edixit, ne Clerici ad Sæculare Tribunal raperentur, & ne pueros infra annū ætatis decimum quartum Religiosi Mendicantes Monastico habitu induerent, absque parentum, vel Tutorum consensu. Obiit *Henricus IV.* dùm Expeditionem Hierosolymitanam cogitaret, die xx. mensis Martii anni mccccxiii. Londini in Ædibus Abbatis Westmonasteriensis, in Cubiculo, cui nomen *Jerusalem*, ex quo statim intellexit Rex, sibi ultimum vitæ terminum imminere, impletumque illud vaticinium, quo prænunciatum fuerat, *Jerusalem* sibi fatalem fore. Collegium Vvindeforienne magnificis Ædibus, possessionibus, privilegiis, & præsertim, delato illuc S. *Georgii* Martyris, Ordinis Periscelidis, & Militiæ Anglicanæ patroni capite, ornavit, & alia præclare gessit, quæ legi possunt apud *Polydorum Virgilium* in Historia Anglicana, & *Nicolaum Harpsfeldium* Sæculo xv. *Historiæ Ecclesiasticæ Anglorum*. Mortuo *Henrico IV.* in Angliæ Regnū successit *Henricus V.* ejus filius, annos natus xxvi. Princeps bellicosus, qui suo non contentus Regno, æstu ambitionis abreptus Galliæ Regnum invadere, armisque subigere pro viribus tentavit. Hinc, ut paulò antè diximus, captatâ occasione ægritudinis *Caroli VI.* deliri Galliarum Regis, & feralium dissidiorum, quæ inter Principes fervebant, Galliæ bellum intulit, Gallisque Azincurtio prælio victis, occupatâ Normanniâ, & aliis captis Provinciis, ipsum *Carolus VI.* Galliarum Regem in suam

quam potestatem redegit, *Catharinam*, ejusdem *Caroli* Regis filiam, duxit uxore, ac tandem *Parisi*os veniens ingenti lætitiâ à stulto populo exceptus est, Regni-
que *Galliarum* Rector, ac Hæres fuit renunciatus Anno millesimo quadringentesimo vigesimo. Verum, tot victoriarum *Henrici* Regis *Angliæ* cur-
sum citò abruptit Deus rebus *Gallicis* maximè propitius. Anno siquidem millesimo quadringentesimo vigesimo secundo, die ultimâ *Augusti* obiit in castro *Saltus Vincennarum* propè *Parisi*os *Henricus V.* *Angliæ* Rex, & moriens testatus est, votum se concepisse petendi *Hierosolymam* ad sanctam Civitatem de manibus Infidelium eruendam. Quâ profectò Expeditione sacrâ majorem gloriam consecutus fuisset, quàm *Christianos* sine causa invadendo, & *Carolus* Delphinum, legitimum *Galliarum* Regni hæredem, proscribendo, eumque iudicando indignum, qui in Regnum succederet. Undè non mirum, si *Carolus* *Galliæ* Delphinus, ab hac iniquissima Sententia ad Deum provocans, eum auxiliatorem fuerit expertus, ejusque potentissimo adjutus præsidio, non solum *Anglis*, sed & aliis hostibus in ipsum conspirantibus par, immò superior extiterit, sicut superius ostendimus. Cæterum, piè ex hac vita migrasse *Henricum V.* *Angliæ* Regem, eumq; magnanimitate, prudentiâ, fortitudine, scientiâ militari, aliisque virtutibus inter omnes sui temporis Principes eminuisse, testantur *Historici Polydorus Virgilius, Harpsfeldius, & Walsinghamus*. Inter ejus pietatis opera, hæc potissimum à laudatis illis Scriptoribus celebrantur, quòd videlicet sub exordium Regni sui solutiorem Adolescentiæ suæ vitam, ejectis ex Aula voluptatum,

tum, lascivizque sociis, ita emendaverit, ut exteris virtutis, & modestiz exemplo esset: Quod Carthusianis, & Brigitanis Virginibus duo Cenobia extruxerit, fundarit, locupletarit: Quod denique ad Magistratus & publica munera viros integerrimos, & ab omni avaritiz labe, aut partium studio alienos adlegerit. Filium unicum *Henricus V.* Angliz Rex reliquit ex conjuge sua *Catharina*, Regis Galliarum *Caroli VI.* filia, dictum *Henricum VI.* paterni Regni heredem, anniculum puerum, cujus specialem educationis curam *Thomæ Exoniensi* Duci, & *Henrico Vintoniensi* Episcopo credidit. *Joannem*, Ducem *Bethfordiz*, fratrem suum, Regni Francorum: *Humfredum*, fratrem alterum, Ducem *Glocestrensem*, Regni Anglici Procuratorem instituit. Interea, vehementibus licet bellorum, tam civilium, quam externorum, Gallia adhuc quateretur turbinibus, res tamen Christianissimi, Regis *Caroli VII.* per cœleste auxilium *Joannæ*, dictæ *Puellæ Aurelianensis*, cujus jam mentionem fecimus, cum prosperiorem fortirentur exitum, Angli ad res suas collabentes in Galliis sustinendas magis, quam promovendas, Regem suum *Henricum VI.* annum ætatis suæ duodecimum agentem ex Anglia Parisios cum majoribus copiis evocarunt, eundemque in Parisiensi Ecclesia Beatissimæ Virgini Mariæ sacrâ Regem Francorum coronarunt anno mccccxxi. Quem Regis Franciæ titulū sine re hætenus Reges Angliæ retinuerunt. Hæc nihilominus Regis *Henrici VI.* inauguratio Parisiis facta nullo pacto Gallos impedivit, quominus rerum secundarum cursu uterentur, Anglorumque impetus, variis consertis præliis, ita retunderent

et tandem eorum Rex *Henricus sextus*, non solum
 ut est rerum humanarum vicissitudo) omnia,
 quæ in Gallia pater occupaverat, verumetiam,
 vitum Angliæ Regnum unà cum vita, tam suâ
 osius, quam propinquorum, culpâ perdiderit, sicut
 isertè testatur *Nicolaus Harpsfeldius* Sæculo xv.
Historiæ Ecclesiasticæ Anglorum, his verbis: *Henricus*
extus Rex Franciæ ab Anglis proclamatus & coro-
atus, haud diu potitus est iis, quæ Pater ipsi in Gal-
 lia reliquerat. Hebetata sunt, paulòque post interiere
 omnes Anglorum vires & recens gloria; & quæ Pa-
 ter in Gallia, aut re aut spe possedit universa, &
 tum etiam postea regnum, intestinis dissidiis, importu-
 aque suorum ambitione, cum ipsa vita filius perdidit.
 Quî autem id factum fuerit, paucis aperiam. Ortâ
 in Anglia factione Principum, & *Humfredo*, Anglici
 Regni Procuratore, ab æmulis trucidato, Angli
 intra quinquennium totius Normanniæ, & Aquia-
 niæ jacturam fecerunt, Galliâque demum peni-
 tis pulsî sunt anno millesimo quadringentesimo
 ninquagesimo tertio. Sed gliscente in Anglia
 domestica illâ Principum factione, cujus author
 rat *Richardus* Dux Eboracensis, ei sese strenuè op-
 osuit *Henricus* Rex, qui tamen collatis signis à
Richardo Duce Eboracensi superatus est, atque de
 Consilii Decreto sancitum, ut post mortem *Henrici*
 VII in Regnum Angliæ succederet *Richardus* Ebo-
 racensis, & interim Regni Rector esset. Tam insi-
 gnem injuriam illatam Regi *Henrico VI.* pati mini-
 nè potuit *Margarita*, Renati Andegavensium Du-
 cis filia, & *Henrici VI.* Conjux, virili animo præ-
 litata mulier, quæ haud exiguâ manu contractâ,
 ad asserendum in libertatem maritum suum, qui
 Lon-

Londini captivus detinebatur, commisso prælio *Richardum* Eboracensem vicit & interfecit, moxque *Richardum* alterum, Comitem Vvarvicensem, caltris exutum in fugam conjecit, ac virum suum *Henricum VI.* non solum libertate donavit, sed in Regnum Angliæ restituit. Verum, cum copias reparasset *Eduardus* Merchiæ Comes, *Richardi* Ducis Eboracensis filius, Comitis Vvarvicensis fretus auxilio, *Henricum VI.* vicit, eum ex Anglia cum *Margarita* conjuge in Scotiam fugere compulit, Rexque ipse Angliæ renunciatus est tertio Kalendas Julii anni millesimi quadringentesimi sexagesimi primi. *Eduardus* itaque, quem alii hujus nominis *IV.* alii melius *VII.* appellant, Regnum quidem Angliæ occupavit, sed eo pacificè potitus non est. Ortâ siquidem inter illum & *Richardum* Comitem Vvarvicensem simultate, ab eodem Comite Regno ejectus est, & *Henricus VI.* pristinam ad dignitatem reductus anno MCCCCLXXI. *Eduardus* tamen, opitulante *Carolo* Burgundiæ Duce, amissum Regnum eodem anno recuperavit, *Richardum* Comitem Vvarvicensem in prælio occidit, *Eduardo* Vvalliæ Principi, unico Regis *Henrici VI.* filio, necnon ipsius *Henrico* patri vitam eripuit. Sic Regnum, vitamque perdidit *Henricus VI.* qui regnavit in Anglia annos triginta octo, & post receptum Regnum sex menses. Vixit annos LII. Princeps fuit, test *Polydoro Virgilio* Historiæ Anglicanæ libro vigesimo tertio, miti, simplici que ingenio præditus, quæ pacem bello, quietem sollicitudini, honestum util & otium curis anteponebat. Eo nihil sanctius nihil castius, nihil probius. In eo pudor, modestia, integritas, patientia in adversis summa. No
inhi

inhiabat ad opes, non sitiebat honores, & animæ tantum saluti studebat, quâ solâ sapienter quidem bona, ejusque amissione, mala metiebatur & desinebat. Denique, ejus sanctitatem comprobarunt miracula ad ipsius sepulchrum edita, de quibus agit Nicolaus *Harpfeldius* Sæculo xv. Historiæ Anglicanæ cap. 4. & 5. Quibus permotus *Henricus VII.* Angliæ Rex, apud Summos Pontifices *Alexandrum VI.* & *Julium II.* suas preces, curasque interposuit, ut *Henricus VI.* ejus in Regno Angliæ decessor, Sanctorum Fastis adscriberetur. Sed *Henricus VII.* morte interceptus, antequàm debita inquisitio perfici potuisset, negotium istud, quod maximè in votis habebat, ad optatum exitum perducere nequivit.

D. *Eduardus* hujus nominis *VII.* qui tam inustè vitam, Regnumque eripuit *Henrico VI.* gubernavitne diu Angliæ Regnum?

M. *Eduardus* hujus nominis *VII.* regnavit in Anglia viginti & tribus annis, & extinctus est anno MCCCCLXXXIII. Duos filios minorennes reliquit, scilicet *Eduardum* Vvalliæ Principem, annos tredecim natum, & *Richardum* Ducem Eboracensem, biennio minorem, sub tutela *Richardi* fratris sui, Glocestriæ Ducis, hominis scelerati, qui primò quidem *Eduardum*, natu majorem, Angliæ Regem proclamavit ejus nominis *Octavum*, sed paulò post regnandi ipse cupidus, *Eduardum* ipsum ac *Richardum* fratrem, nothos, atque *Elizabetham* Reginam matrem, adulteram impudentissimè asserens, Regnum occupavit, Rexque appellatus est, *Richardus* hujus nominis tertius. Nec tam immanem adorasse calumniam contentus *Richardus* Regni Angli-

glici inuasor, insuper duos regios pueros *Eduardum* & *Richardum* interfecit, & multa ejusmodi tyrannica exercuit. Longa non fuit tam gravibus parta sceleribus dominatio. Suscitavit quippè Deus in ultionem hujus Tyranni *Henricum* Richemundiæ Comitem, *Joannis*, qui erat frater *Henrici Sexti*, filium, Anglici Regni legitimum hæredem, qui à Proceribus ad excutiendum tyranni jugum in Angliam invitatus, acceptis à *Carolo VIII.* Galliarum Rege auxiliis, in Vvalliam appulit, ubi justo prælio *Richardum* Angliæ tyrannum fudit, cæciditque anno MCCCCLXXXV. biennio videlicet postquàm tyrannidem in Anglia invasisset *Richardus*. Londinum absque mora properans *Henricus*, uxorem duxit *Elizabetham* Regis Angliæ *Eduardi VII.* filiam, ex Eboracensi familia oriundam, per quod matrimonium famosa illa Lancastriorum & Eboracensium odia restincta sunt, eorumque toti Angliæ perniciosissimæ factiones, post tot bella, totque Regum ac Principum ex utraque parte neces, in unam tandem societatem coierunt. Regnum suum anno MCCCCLXXXVI. auspicatus est *Henricus* hujus nominis *Septimus*, eique Deus contra personatos *Eduardi* Regis, & *Georgii* Ducis Clarentiæ filios, aliasque obortas gravissimas conspirationes præsentissimam opem tulit, ac summam ab omnibus tam domesticis, quàm externis bellis quietem indulxit. Obiit *Henricus VII.* Angliæ Rex, xi. Kalend. Maji ann MDIX. ætatis suæ LII. postquàm regnasset ann. XXIV. Ejus præclaras animi, corporisque dotes, insignem prudentiam, modestiam, benignitatem, animum ab omni fastu & arrogantia alienissimum, justitiæ unicuique reddendæ sollicitudinem, quàm judicio

rum severitatem misericordiâ & lenitate, ut sese dabat occasio, prudenter temperabat; amorem erga pauperes, quorum miseras effusissimâ liberalitate sublevabat, Religionis cultum, optimam Regni administrationem *Polydorus Virgilius* sub finem libri xxvi. *Historiæ Anglicanæ* valdè commendat. Moriens *Henricus VII.* Edictum toto Regno Angliæ promulgari jussit, quo omnibus poenam remisit, qui leges generatim violassent, exceptis tamen homicidis & furibus, quòd hæc facinora non ipsum, sed alterum læssissent. Eo regnante, linguæ Græcæ, & Hebraicæ, necnon Artes liberales, quarum studium diu in Anglia neglectum fuerat, & viri undecumque doctissimi floruerunt, quos inter *Polydorus Virgilius* plurimum laudibus effert *Joannem Coletum*, Patriâ Londinensem, & Ecclesiæ S. Pauli ejusdem Civitatis Decanum, de cujus doctrina, virtutibus, & Scriptis plura dicemus in Colloquio quinto, ubi agemus de Illustrioribus Sæculi XV. scriptoribus. Denique, *Henricus Septimus* Regni Anglici successorem reliquit filium suum *Henricum* jus nominis *Octavum*, patri valdè dissimilem, & de Ecclesia Catholica pessimè meritum. Ille quippè fuit *Henricus VIII.* Angliæ Rex, qui primò quidem, ignum adversus enatam *Lutheri Hæresim* sustulit, & ob id præclarum à Romano Pontifice *Fidei Defensoris* nomen fuit consecutus. Sed postea nefariæ cupiditatis æstu abreptus, Christi Ecclesiam propriis omnibus, ac ludibriis affecit, Pontificem Romanum publicè in Comædia, atque Scenâ traduxit; schisma Anglicanum conflavit, & eâdem regiâ manu, quâ *Lutheri* deliramenta & aniles fabulas paulò ante confutaverat, eâdem, inquam, manu scripsit

librum, in quo se hostem Religionis infensissimum denunciavit, & vim omnem inauditæ cujusdam acerbitatis in Ecclesiam Romanam effudit. Sed de *Henrici VIII.* sceleribus, sacrilegiis, apertâ ab Ecclesia Catholica Romana defectione, & incredibili in viros pios immanitate fusè differemus in Colloquio I. in Historiam Sæculi XVI.

D. Non possum, quin vehementer doleam Anglorum post nefarium istud *Henrici VIII.* Schisma deplorandam sortem, ac cæcitatem, quæ tanta est, ut nesciant quid teneant, quid credant, & in his locum hodie habeat accurata illa hæreticorum descriptio, quam facundissimus *Vincentius Lirinensis*, Scriptor mihi familiaris, tradit cap. 25. sui *Commonitorii* his verbis: *Heu, miseranda conditio! quantum illi curarum æstibus! quantis turbinibus exagitantur! Nunc etenim, quæ ventus impulerit, incitati, errore rapiuntur. Nunc in semetipsos reversi, tanquàm contrarii fluctus reliduntur. Nunc temeraria præsumptione, quæ incerta videntur, approbant. Nunc irratiônabili metu etiam, quæ certa sunt, expavescunt. Incerti quò eant, quò redeant, quid appetant, quid fugiant, quid teneant, quid dimittant. Ecce, quò tandem Anglos, olim Fidei Catholicæ addictissimos, nunc verò ab avita fide extorres, & in varias Sectas distractos, abripuit ferale istud ac luctuosum *Henrici VIII.* Schisma. Sed, missis Anglis, ad lætior progrediamur, & ostende, si placet, statum Ecclesiæ sub Regibus, qui Sæculo decimo quinto in Hispania Regnum Castellæ moderati sunt.*

M. Ab anno millesimo trecentesimo nonagesimo ad annum usque millesimum quadringentesimum septimum Castellæ Regum administrav

Henricus hujus nominis III. dictus *Valetudinaris*,
 cujus gesta ab anno mcccxc. quo regnare cœpit,
 usque ad annum mcccc. jam descripsimus in pri-
 mo Colloquio in Historiam Sæculorum XIII. &
 XIV. Alia nunc paucis referemus, quæ gessit ab
 anno mcccci. ad annum usque mccccvii. quo è vi-
 ta migravit. Quamvis adversâ plerùmque valetu-
 dine oppressus *Henricus III.* Hispaniæ, seu Castellæ
 Rex, magnis rebus foris gerendis impar esset, ad
 lilitandam nihilofeciùs, & nominis sui & Regni
 amam, ad finitimos, longinquosque Principes tam
 Christianos, quàm barbaros, Legationes mittere
 solebat, sed præcipuè anno mccccii. ad *Tamerlanem*,
 magnam illum Tartarorum Regem, qui Orientis
 Regna ac Provincias, instar torrentis, devastabat,
 misit Legatos, qui prælio *Tamerlanem* inter & *Baja-*
ethem Turcarum Regem commisso cùm interfuis-
 sent, à victore postea *Tamerlane* honestè habiti, in
 Hispaniam remissi sunt, novo ab ipso ex sua gente
 Oratore adjuncto, qui *Henrici* Hispaniæ Regis ami-
 titiam expeteret, ejusque victoriarum præconia
 promulgaret. Nullis bellis turbatum est Castellæ
 regnum sub *Henrico III.* cujus hæc egregia vox erat,
opuli se execrationes amplius quàm hostium arma
timidare. Hinc ad consulendum tranquillitati &
 commodis subditorum, severè animadvertit in-
 nocentes Regni administratos, & pecuniarum publi-
 carum profusores, quos corrasas pecunias, & ab-
 sorpta lucra evomere compulit. Quod si & cæteri
 quique Reges ac Principes imitarentur, inquit
Pondanus ad annum mccccvi. Num. ix. & obsequen-
 tes ministros haud dubiè haberent, & tum po-
 alorum indemnitati, tum regiis vectigalibus lon-

gè cautius esset , magno Reipublicæ commodo , & ipforum nominis gloriâ . Mortuo anno mccccvii. *Henrico III.* Hispaniæ Rege, qui in veste Franciscana, pietatis ergò, sepeliri voluit, successit ejus filius *Joannes* hujus nominis *II.* Sed cùm esset tantum bimulus, & ad peragenda Regni negotia nequaquàm idoneus , Regiam dignitatem *Ferdinando* , ejus patruo, Proceres ultrò detulerunt , quam tamen *Ferdinandus* maximâ animi moderatione , fideque & amore in nepotem, recipere noluit , cùmque rursum in confessu publico ad capeffendum Regnum urgeretur, indignantis habitu, contentâque voce , non alium Regem futurum dixit , quàm fratris sui filium . Quâ magnanimâ voce sese *Ferdinandus* totius Orbis Imperio dignissimum ostendit, & coronam regiam conservavit nepoti suo , qui Rex Castellæ proclamatus est, dictusque *Joannes* hujus nominis *II.* Regina verò *Catharina* ejus mater , & patruus *Ferdinandus* ex testamento patris Regni procuratores fuerunt declarati . Hic est ille *Ferdinandus* , cui , seclusis aliis Regni Aragoniæ competitoribus , Sanctus *Vincentius Ferrerius* Ordinis Prædicatorum, unus è Judicibus , qui ad finiendam controversiam post mortem *Martini* Regis Aragoniæ de jure successionis in ejus Regnum inter amplissimas familias obortam electi fuerant, omnium nomine Regnum Aragoniæ adjudicavit, an. mcccc eique author fuit, ut ipse, ejusque subditi Aragonenses recederent ab obedientia *Petri de Luna* Pseudo Pontificis, dicti *Benedicti XIII.* in retinendis Pontificiæ Dignitatis Insignibus pertinacis. *Ferdinandi* Regis Aragoniæ, patruus *Joann. II.* Castellæ Regis, & *Catharinæ* Reginæ, ejusdem *Joannis* Regis matris præ-

proprio obitu , graves , continuique motus in Regno Castellæ eruperunt , quibus occasionem dederunt Aulici, quorum Imperio *Joannes* Rex in umbra & mollitie educatus regebatur . Sed unus inter illos dictus *Alvarus Luna*, qui summâ apud Regem gratiâ & auctoritate pollens, intestina dissidia in Castellæ Regia fovebat , ad tyrannidem tandem Regio favore abusus, cùm ipsimet Regi metuendus evasisset, datis Judicibus capite damnatus est. Contra Mauros in Hispania grassantes bellum Granatense suscepit *Joannes II.* Castellæ Rex, ac commisso prælio , supra decem Maurorum millia cæcidit , paucis è suis amissis , facilèque Urbem Granatam cepisset, nisi impediisset auro Saracenico corruptus *Alvarus Luna*, qui tunc temporis, majori , quàm par fuisset, auctoritate apud Regem valebat . Obiit *Joannes II.* Castellæ Rex Vallisoleti XIII. Kalendas Augusti anni MCCCCLIV. Fuit optimus ac religiosissimus Princeps , litterarum cultor & amator , & Mæcenas virorum eruditorum, quos suis colloquiis sæpè dignabatur . Pacis Ecclesiæ tempore Schismatis promovendæ cupidissimus , obedientiam *Petri de Luna*, seu *Benedicti XIII.* Pontificatui cedere, pervicaci animo detrectantis, abdicavit, & ad Concilium Constantiense, in quo, sublato funesto trium Pontificatui inhiantium Schismate, electus est *Martinus V.* Pontifex Maximus , Oratores misit , qui ejus nomine novo electo Pontifici, ceu verò Christi Domini in terris Vicario, obedientiam exhiberent. Quam beneficus erga suos subditos esset *Joannes* Rex, aperte probat hæc præclara ipsius vox : *Malo subditos abundare, quàm Fiscum ; quia potentissimi Regni Princeps pauper esse non potest .* Genuit ex *Maria*,

filia *Ferdinandi* Regis Aragonum , uxore suâ ,
Henricum hujus nominis *IV.* qui Patri in Regnum
 Castellæ successit, annum agens ætatis trigesium,
 cùm paulò antè Patris obitum, *Blancam* , filiam Re-
 gis Navarræ , quam uxorem duxerat, post deci-
 mum quartum conjugii annum repudiasset , causa-
 tus, eam quasi maleficio veneris usu prohibitam
 fuisse, ac impotentem evasisse. Hæc divortii Senten-
 tia ab administratore Segobienſis Ecclesiæ pro-
 nunciata primùm , confirmata deindè est ab Ar-
 chiepiscopo Toletano auctoritate *Nicolai V.* Ro-
 mani Pontificis anno *MCCCCLIV.* Multis vitiis obno-
 xius fuit *Henricus IV.* Castellæ Rex, ardenti quidem
 præditus animo, sed pusillo, oppletoque fœditate ,
 moribus dissolutis , atque omnibus turpitudinum
 maculis vitâ deformi . Hinc factum est , ut ejus
 Regnum, quod viginti annorum fuit , turbulentum
 extiterit, quòd ei prudentia non minùs ad cives in
 pace regendos deesset , quàm ad pacandos intesti-
 nos motus in Regno excitatos . Duo ei cognomina
Impotentis, atque etiam *Liberalis* afficta sunt; unum
 à naturæ vitio, quo in venerem usque ad insaniam
 propensus erat ; alterum ex profusa liberalitate ,
 quâ in profundendis sinè judicio thesauris Majores
 suos superabat . Ad finiendam controversiam, quæ
 Catalanos cum Aragoniis dudùm commiserat , &
 cujus judicium arbitrio *Ludovici XI.* Galliarum
 Regis dissidentes partes permiserant , colloquium
 habuit *Henricus IV.* Castellæ Rex cum Christianissi-
 mo Rege *Ludovico XI.* anno *MCCCCLXIII.* *Ludovi-
 cus XI.* ad insignem pagum *S. Joannis de Luzio* con-
 stitit, *Henricus* verò Castellæ Rex ad Fontarabiam,
 singuli ad fines suorum Regnorum . Sed illud Col-

loquium nullo alio operæ pretio solutum est, quàm quòd utriusque Regis aulici naturâ dicaces, sese mutuis aculeis, derisionibus, dictæis punxerunt, & conspirationes inter Procères Regis Castellæ seminatae sunt, quibus tandem Regem suum ad miserissimam conditionem redegerunt. Enim verò, totâ Hispaniâ anno mccccclxiv. ob tumultus ex controversia Catalanos inter & Aragonios excitos, in armis existente, Procères Regni Castellæ opportunitatem nacti, in Regem suum *Henricum* conspirarunt, *Alphonso*, ejus fratre, puero annorum duodecim, in partes factionis abrepto. Inter causas, quas suæ conjurationis obtendebant Regni Castellæ Procères, hæ præcipuæ erant: quòd videlicet eorum Rex *Henricus* Mauros apud se versari permitteret; quòd *Bertrandum*, conjugis suæ Reginae adulterum, dignitatibus augeret; quòd filiam *Joanam* ex adulterio natam, contra Regni leges, contra fas, jusque *Alphonso*, fratris sui, Regni hæredem enunciasset; quòd denique, Magistratus venales exponeret. Tanta socordia Regem invaserat, ut is monitionibus nullo pacto ad vindictam, aut ad defensionem moveri potuerit, cumque induci haud esset ad arma capienda, concordia his conditionibus pacta est, ut *Alphonso* frater *Henrici* Regis, jure hæres Regni Castellæ esset, *Bertrandus*, Reginae adulter, Magisterio S. *Jacobi* sese abdicaret, & *Joanne*, filia spuria ex Regina adulterio nata, omnis ad regnum spes adempta foret. His pacis conditionibus, quibus acquievit *Henricus* Rex, inita quidem concordia est, & utcūque sopita, sed non dissipata conjuratio. Anno enim sequenti, seu mccccclxv. rore correpti Procères, inigni dedecore, & sceler-

lestissimo ausu Regem *Henricum* exauctorarunt, & *Alphonsum*, ejus fratrem, Castellæ Regem proclamarunt, cujus execrandi sceleris *Alphonsum Carilium*, Toletanum Archiepiscopum, magno virum animo, sed turbido & inquieto, sese Principem exhibere non puduit. Post tam flagitiosum editum, facinus, Conjurati Summum Pontificem *Paulum II.* decipere studuerunt, quem ut faciliorem sibi redderent, insinuarunt in litteris ad ipsum datis, hæc omnia consilio ipsius Deceßoris *Pii II.* fuisse facta. Quam calumniam *Jacobus* Cardinalis Papiensis, honoris ac nominis *Pii II.* studiosissimus, coram Pontifice *Paulo II.* & Cardinalibus egregiè admodum confutavit, ut videre est apud *Spondanum* ad annum MCCCCLXV. Num. x. Eâ in continuatione bellorum civilium, præ cæteris variis locis factis certaminibus, inter *Henricum* Castellæ Regem & rebelle Procere, ad Oppidum *Olmedum*, acriter quidem sed ancipiti victoria pugnatum est XII. Kalenda Septembris anni MCCCCLXVII. Tot bellorum tumultus, quibus id temporis perstrepebat Hispani frequenti famâ Romam perlati induxerunt Summum Pontificem *Paulum II.* ut Legatum Apostolicum in Castellam mitteret *Antonium Venerium* qui conjuratos Episcopos ac Procere ad Regis obsequium, Censurarum Ecclesiasticarum terrore revocaret. Ast rebelles, ob insitam Regis ignaviam, & impudicitiam Reginæ, quæ sese aliis ostendissimè prostituebat, arrogantiores & proterviores facti, consilia, minasque Legati Pontificis palam contempserunt, semel & iterum cum verborum contumelia repulerunt, & ad has angustias ipsummet Regem *Henricum* redegerunt, ut in tar

tis malis penè ab omnibus destitutus , mente dejectus videretur, privati propemodùm habitu, decem tantummodò Equitibus stipatus, hâc illâc oberraret, coactus tandem sese permittere Comiti Placentiæ, à quo magnificè in ejus Urbis arce exceptus est, ibique quatuor mensibus hæsit, sicut pluribus narrat *Mariana* lib. 23. de *Rebus Hispanicis*. Tandem post varias tempestates, quibus miserè jactatus est *Henricus IV.* Castellæ Rex, ad ejus obsequium redierunt rebelles, & à Rege veniam, hasque pacis conditiones acceperunt. Primò, ut *Isabella*, *Henrici* Regis soror, Regni hæres renunciaretur, priùs tamen juramento obstricta, ne cui nuberet absque Regio assensu. Præterea, ut Regina, multorum virorum scortum, & *Joanna* ejus filia notha, in Lusitaniam amandarentur. Postremò, ut Proceres bonis omnibus, pristinisque restituerentur honoribus, quibus antè dissidium fruebantur. Has sancitæ pacis conditiones non servavit *Isabella*, quippè quæ, inscio, & inconsulto Rege, nupsit *Ferdinando* Aragoniæ Principi. Clandestinum istud matrimonium ferre haud potuit *Henricus* Castellæ Rex, & irâ percitus, *Joannam* filiam notham, quam *Carolo* Aquitaniæ Duci, Christianissimi Regis *Ludovici XI.* fratri, matrimonio collocaverat, non spuriam, sed justam prolem esse cum Regina juravit, eam Regni Castellæ hæredem, Proceribus assentientibus, declaravit, atque *Isabellam* sororem suam, publicis tabulis jure ad Castellæ Regnum abdicavit. Hæc Regis *Henrici* declaratio omni proculdubio gravissimi belli Hispanos inter & Gallos materiem subministrasset, nisi *Caroli* Aquitaniæ Ducis mors, quæ antè matrimonii consumma-

tio-

tionem contigit, imminentem tempestatem aver-
tisset, locumque dedisset reconciliatæ gratiæ Hen-
rici Regis cum *Isabella* sorore sua. Obiit *Henri-
cus IV.* Castellæ Rex anno mccccclxxiv. sub cujus
turbulento Regno graves in Disciplinam Ecclesia-
sticam irrepsisse abusus, testatur *Joannes Mariana*,
libro 23. de *Rebus Hispanicis* cap. 18. his verbis :
*Invaserat pudenda litterarum inscitia in Sacerdotes
Hispaniæ, usque eò ut pauci Latine scirent, ventri, gu-
laque servientes. Avaritia rapaces in Ecclesiam Dei
manus injecerat. Emere Sacerdotia, olim simonia,
tunc industria erat: neque intelligebant cæci Princi-
pes, cæcique Pontifices, irato Deo fieri impium com-
mercii genus, quòd facias, an patiaris, perindè est.*
His malis in perniciem Ecclesiæ latè in Hispania,
grassantibus remedium attulit impetratum à Ro-
mano Pontifice Diploma, cujus fragmentum de-
scribit *Mariana*, & quo statutum est, ut in singulis
Ecclesiis Hispaniæ Cathedralibus binæ institueren-
tur Præbendæ; quarum unam Theologus, alteram
Jureconsultus obtineret, sicque, depulsis tam-
densæ ignorantiae tenebris, studium tam Sacræ
Theologiæ, quàm Juris Canonici restitutum Cle-
rici Hispaniæ ardentius colere ac frequentare
possent.

D. Reliquitne *Henricus IV.* aliquem super-
stitem filium Regni Castellæ successorem?

M. Mortuo absque mascula prole *Henrico IV.*
Regnum Castellæ ad *Isabellam* ejus sororem, *Ferdi-
nando* Regi Aragoniæ nuptam pervenit, & hoc pa-
cto Aragoniæ, Castellæque Regna antehac divisa
unam in Monarchiam coaluerunt. Magnum certe
Hispania è sapientissimo regimine *Ferdinandi*, &
Isa

Isabella gloriæ & potentæ suscepit incrementum. *Ferdinandus* quippè Hispaniæ Rex (ut nihil in præsentia dicam de *Isabella* ejus uxoris honestissimis moribus, animi magnitudine, & singulari prudentiâ, quâ inter cæteras Regiasque dotes omnibus excellebat) *Ferdinandus*, inquam, Princeps fuit justitiæ cultu, Imperii modestiâ, Religionis amore, bonarum artium studio, aliisque virtutibus ita clarus, ut inter omnes Hispaniæ Reges, paucos pares, nullum verò meritis superiorem habuisse videatur. Regni sui primordia pietati & Religioni consecravit, quam præsertim totis viribus promoveri studuit in Regno Castellæ, in quo superiorum temporum licentiâ, Mauris, Judæisque cum Christianis nullo non commercii genere promiscuè versantibus, haud pauci Christiani pravâ illâ consuetudine inficiebantur, plures verò è Mauris, & Judæis, qui Christianæ Religioni nomen dederant, fide postea inconstanti, ab ea, nullo vetante, deficiebant, & ad patriam superstitionem impunè, tanquam canis ad vomitum, vel sus lota ad volutabrum, revertebantur. Ad hoc malum radicitus extirpandum, *Ferdinandus* sacram in Regno Castellæ Inquisitionem instituendam curavit, cui præfectus est *Thomas Turrecremata*, Ordinis FF. Prædicatorem, Segobienfis Conventus Prior, eximiâ pietate, & singulari doctrinâ præditus, de quo *Antonius Possëvinus* in suo *Apparatu sacro* rem narrat scitu dignissimam, quam hîc silentio prætermittere haud possum. Narrat, inquam, *Possëvinus*, Reges Catholicos magnitudinis & felicitatis Hispaniæ auctores, *Ferdinandum*, & *Isabellam*, Decreto statuisse, Judæos suis ditionibus depellere, sed

manda-

mandatum Regium avaritiâ Ministrorum , tentatâ vi magnæ pecuniæ à Judæis numerandæ , inhibi- tum fuisse. Quod ubi rescivit *Thomas Turrecremata* Regnorum Castellæ , & Aragoniæ Inquisitor , ma- ximæ apud *Ferdinandum* Regem , & *Isabellam* Re- ginam authoritatis , & utrique à Confessionibus , ad Palatium accessit Crucis imagine munitus , quam pallio occultabat , tûm invictâ animi constantiâ Regem , Reginam , & Ministros compellans , Cru- cis imagine apertâ : Nûmquid , inquit , satis est Do- minum Jesum à Judæis semel triginta argenteis em- ptum , ut de illo iterum Judæis vendenda triginta mil- libus aureis , majori quidem pretio , sed nihilo minor injuria cogitetis ? Quibus verbis ita omnes omnium animos perculit , ut nullâ interpositâ morâ , Judæ ex Ditionibus *Ferdinandi* , & *Isabellæ* fuerint ejecti & hac illac dissipati. Depulsis toto Regno Judæis *Ferdinandus* , Castellæ Rex , bellum , dictum *Grana- tensense* contra Mauros suscepit , illudque per de- cem annos gestum , feliciter tandem confecit Maurorum Imperio , quod septingentis amplius annis steterat in Hispania altis nixum fundamen- tis , penitus convulso , & captâ Granatâ , quæ Princeps illorum sedes erat , ut videre est apud *Joannem Marianam* libro xxv. De Rebus Hispanici. Bellum quoque Africanum , quod *Ximenio* Hispa- niæ Cardinali , Archiepiscopo Toletano , author ac duce , aggressus fuerat *Ferdinandus* Castellæ Rex , lætum ac faustum habuit exitum . Multæ civitates , quas inter Oranum , Bugia , Algerium Tripolis , captæ sunt . Tunesus Rex & Tremem- senius vectigal annuum victori *Ferdinando* obtulerunt , omnesque Christianos , quos captivos detineban

nebant, libertate donarunt. Regnante in Hispania *Ferdinando*, Americam, novum Orbem appellant Hispani, primus felici navigatione detexit *Christophorus Columbus* Genuensis anno mccccxcii. cujus dominationem *Ferdinandus* Rex ab *Alexandro VI.* Pontifice Maximo impetravit. Hæc nova Orbis pars, quæ primum à *Christophoro Columbo* detecta est, paulo post nomen *Americæ* sumpsit ab *Americo Vesputio* Florentino, qui *Emmanuelis* Lusitanie Regis auspiciis à *Gadibus* profectus anno mccccxcvii. eam Orbis partem iterum navigatione detexit, veteribus prorsus incognitam, quod sanè humanæ admirationis modum excedere videtur. Consideratâ namque cùm antiquorum in describendo Orbe, terrarum diligentia, & attentis amplissimorum Imperiorum ad perquirendas regiones commoditate, opportunitate, navigatione, tum humani generis dirâ atque insatiabili auro atque argento anhante cupiditate nihil non tentante, quibus hæ regiones incredibili copiâ abundant, tamdiù potuisse hanc Regionem Orbi nostro latere, homines docti non semel mirati sunt. Sed nunc omnibus novus est antiquorum error, qui *Antipodas*, seu populos adversis vestigiis nobis oppositos, quasi commentitios rejiciebant, tantumque abest ut nostrâ ætate illi populi in dubium revocentur, ut potius ad eos mittantur Viri Apostolici, veritatis Christianæ præcones, à quibus æternæ salutis viam locentur, & salutarē doctrinam accipiunt. In Americam semel detectam frequentèr postea navigant Hispani, Galli, & Angli, quorum alii aliis regionibus detectis nomina suâ quique linguâ imposuerunt. Extant in Hispanica, Gallica, Italica,

& An-

& Anglica linguis non pauci Scriptores, qui hujus, novi Orbis, seu Americæ, situm, solum, fertilitatem, & statum depingunt, quos inter præcipue legendus est *Hugo Grotius*, qui de *Gentium Americanarum Origine Disquisitionem* scripsit, ad quam Notas & Observationes edidit *Joannes de Laet Antuerpianus*. Obiit *Ferdinandus* Rex Catholicus in vico Madrigalegio ad Castra Julia, dum Hispalin peteret, x. Kal. Februarii anni MDXVI. Sacramenti Ecclesiæ munitus à *Thoma Matiensio* Ordinis FF Prædicatorum, qui ei à Confessionibus erat; Testamentum ante mortem condidit, quo Cæsareum gustanum Præsulem Aragoniæ Regno præfecit Castellæ verò Regno Cardinalem *Ximenium*, donè *Carolus*, Nepos, omnium Regnorum hæres, qui tunc in Belgio agebat, in Hispaniam veniret. *Carolus* itaque de *Ferdinandi*, Hispaniæ Regis, Ausui, obitu certior factus, statim se Regem Hispaniarum dixit, & coronam Imperialem post mortem *Maximiliani* Imperatoris, hujus nominis anno millesimo quadringentesimo decimo non adeptus, dictus est *Carolus Hispaniarum Rex*, & Imperator hujus nominis *Quintus*, cujus rectè præclarèque Gesta referemus in Colloquio primo in Historiam Sæculi decimi sexti.

D. Plenam atque ex omni parte absolutam ut video, tradidisti notitiam Status Ecclesiæ tam sub Imperatoribus Orientis, & Occidentis, quam sub Regibus, aliisque Principibus Sæculi decimi quinti.

M. Duas hic addam Observationes, quibus Colloquio nostro finem imponemus. Prima Observatio spectat Imperium Moscorum, seu M
se

Moscovitarum, quod Sæculo XV. seu anno MCCCCLXIX. magnum suscepit incrementum, postquam *Joannes Basilii*, eorum Princeps, quem *Magnum Ducem* vocant, magnam *Novogardiam* Russiæ Metropolim, civitatem amplissimam & opulentissimam, totiusque Septentrionis celeberrimum emporium, occupasset. Amplum quidem hic *Joannes Basilii*, Moscovitarum Dux, Principatum à Majoribus acceperat, sed Tartaris adeò obnoxium, vectigale ac tributarium, ut Legatis Tartaricis, atque etiam veterariis tributa petentibus, cum equis veherentur, Dux ipse pedibus obviam prodiret, & lactis equi (qui potus est Tartaris gratissimus) poculum generabundus porrigere, & unà cum suis Proceribus litteras Tartarorum Imperatoris auditurus, venia flectere cum summa abiectione cogeretur. Hanc duram servitutem *Joannes*, Moscovitarum Dux, cum ferre minimè posset, Tartarorum jugum, impellente potissimum conjuge suâ natione præcâ, excutere suum in animum induxit, sumptisque armis, complures arces atque Castella finitima Russiæ, quæ *Alba* dicitur, & Magno Lituorum Duci parebat, in potestatem suam redegit, tandem cepit *Novogardiam*, cujus Principatus se extendit usque ad Lituaniam, Filandiam, Peciã, & Norvegiam, tantumque ex Novogardiæ civium opibus, sed præcipuè ex Archiepiscopiario, auri, argenti, unionum, gemmarum, & omnis generis divitiarum per multos annos confectarum exportavit *Joannes* Moscovitarum Dux, trecentos currus iis oneravit, præter cæteræ propellectilis infinita propemodùm plaustra. Hinc formidolosum adeò præbuit, ut Poloniæ Rex,

idemque Magnus Dux Lituaniæ, satiùs duxerit cum eo inducias pacisci, quàm cum tam potente & continuis bellis exercitato hoste, multisque victoriis insigni congredi, &, commisso prælio, ejus vires nervosque experiri. Sic crevit, & latè propagatum est Imperium Moscovitarum, qui Religionem quidem Christianam profitentur, sed Græci sunt Schismatici, Patriarchæ Constantinopolitano subditi, & à Catholica, seu Romana Ecclesia, extorres. Russiam quoque, quam incolunt Moscovitæ, suis erroribus Lutherani, Zuingliani, & alii ejusdem furfuris hæretici postremis hisce temporibus infecerunt.

Altera Observatio, quam hìc subjiciam, erit de Insulæ Cypri Regno, quod Sæculo XV. seu anno MCCCCLXXVI. ad Venetos transiit, etsi jus ac istud Regnum Sabaudia Duces sibi vindicent, ejusque titulum & Insignia hætenùs conservarint. Hoc Insulæ Cypri Regnum Græcorum Imperi ademptum *Isaacius Comnenus* pro gubernatore missus tyrannicè usurpaverat, sed illud eidem *Isaac. Comneno* per vim ereptum *Richardus*, Angliæ Rex *Guidoni de Lusiniانو* eâ lege tradidit, ut *Guido* omne jus cederet, quod habebat in Regnum Hierosolymitanum, à quo, ut observavimus in Collquio I. in Historiam Sæculi duodecimi, prædictus *Guido de Lusiniانو* à Saracenis dejectus fuerat. Oblitam conditionem ultrò excepit *Guido de Lusiniانو* & Cypri Regno absque sudore potitus, illud à suis posteris transmisit. Contigit autem progressu temporis, ut apud Salaminam, illius Regni caput, Genuenses omnes, à quibus hæc Insula commercium frequentabatur, orto tumultu occidere

derentur, eorumque merces & opes diriperentur. Hanc atrocem injuriam ut Genuensis Respublica, ulcisceretur, *Trugosium* cum valida classe militum, qui Cypri Insulam dominio Genuensium subjecit, captivosque Regem, & Reginam, Genuam abduxit, quibus apud Genuam in carcere degentibus infans natus est, qui nomine Reipublicæ in Baptismo susceptus, vocatus est *Janus* à Civitate *Janua*, quæ *Genua* itidem dicitur. Hunc Respublica postmodum in Cyprum remisit, retentâ sibi primariâ Regni civitate *Salamina*, quæ etiam *Famagusta* nuncupatur, & est emporium negotiationibus & mercimoniis frequentissimum. Huic *Jano* in Regno Cypri successit *Joannes Lusinianus*, qui *Helenam* ex Regia Palæologorum progenie uxorem duxit, ex qua filiam suscepit nomine *Carlota*, ex concubina verò filium dictum *Jacobum*. Nupsit *Carlota*, sola proles legitima, cum spe dotalis Regni *Ludovico* Duci Sabaudix. Spurium autem *Jacobum* Pater ipsius *Joannes Lusinianus* Rex Cypri, ut spe Regni excluderet, Nicosiensem Episcopum consecrari curavit. At hic, defuncto patre, Sultanum Ægypti adiit, à quo, post ei obstrictam clientelæ & juramenti fidem, obtinuit, ut è solio dejectis Duce Sabaudix, & *Carlota* ejus conjuge, depulsis quoque ex urbe *Famagusta* Genuensibus, Regno Cypri potiretur. Impetratum Regnum quò magis firmaret *Jacobus*, Rempublicam Venetam adversus Genuensem sibi conciliavit, matrimonium ineundo cum *Catharina*, filiâ *Marci Cornarii*, quam sibi Senatus Venetus adoptavit, moxque mortuo *Jacobo*, & extincto ejus filio cognomine *Jacobo* posthumo, cui mater *Catharina* successit, istud Cypri Regnum, quasi

hereditario jure Venetorum ditionibus accessit anno MCCCCLXXVI. juri tamen suo in Regnum Cypri non cesserunt Sabaudia Duces, sed potius illud meliori titulo sibi vindicare asserentes, soliti erant singulis quinquenniis à Senatu Veneto Regnum repetere, à quo tandem, post multas hujusmodi postulationes, hoc Davidicum acceperunt Responsum: *Cælum Cæli Domino, Terram autem dedit filiis hominum*. Quo responso innuere volebant Veneti, se Regno Cypri, quo fruebantur, armis strenuè defendere paratos esse. Huic Controversiæ de Regno Cypri Duces Sabaudia inter & Serenissimam Rempublicam Venetensem obortæ finem tandem magno Religionis Christianæ damno imposuit, saltem quoad possessionem, anno MDLXX. *Selimus* Turcarum Imperator, qui Cypri Regnum, octoginta circiter annis jam à Venetis possessum, invasit, ac Turcico adjunxit Imperio, sicut fusiùs ostendemus in primo Colloquio in Historiam Sæculi decimi sexti.

COLLOQUIUM II.

*In quo texitur series Episcoporum , qui
illustriores Ecclesiæ sedes , Romanam
præsertim & Constantinopolitanam
Sæculo XV. tenuerunt .*

DISCI- **H**istoriam Pontificum , qui Sæcu-
ULUS . lo XV. nobiliores Sedes occupa-
runt , cùm sis in isto Colloquio
descripturus , ab his exordium ducere debes , qui
Sedem Romanam , dignitate & autoritate cæteris
longè præstantiorem , tenuerunt , ac universam ,
quæ latè patet , Ecclesiam pietate , sapientiâ , &
doctrinâ illustrarunt .

M. Ut seriem , gesta que Pontificum , qui
sæculo XV. Ecclesiæ Romanæ præfuerunt , accu-
ratori ordine percensere valeamus , necesse est , ut
etiam aliùs repetamus , eaque paucis verbis contra-
amus , quæ de Pontificiâ Sede per *Clementem V.*
Româ Avenionem translatâ , & de eâdem per
Gregorium XI. Avenione Romam revocatâ uberius
exposuimus in Colloquio secundo in Historiam
sæculorum XIII. & XIV. *Clemens V.* Pontifex Ma-
ximus , natione Gallus , studio & operâ *Philippi*
*Bogno*mento *Pulchri* , Galliarum Regis , in Ro-
manum Pontificem electus , cùm antea esset dum-
taxat Archiepiscopus Burdigalensis , Sedem Pon-
tificiam Avenione collocavit , ubi annis circiter
septuaginta sederunt Summi Pontifices , *Clemens V.*
Joannes XXI. vulgò dictus *XXII.* *Benedictus XI.* seu ,

ut alii volunt XII. *Clemens VI. Innocentius VI. Urbanus V. & Gregorius XI.* quorum ultimus, relicta Avenione, Romam, suadente potissimum S. *Catharina Senensi*, Ord. Prædicatorum, remeavit, atque Sedem Pontificiam reduxit. At, *Gregorio XI.* Romæ anno MCCCLXXVIII. defuncto, cum Cardinales, qui majori ex parte Galli erant, ad eligendum successorem Conclave, ut moris est, ingressi fuissent, Populus Romanus veritus, ne Sedes Pontificia denuò in Gallias transferretur, concitato tumultu irrupit in Conclave, sæpè mortem, sæpè incendium Electoribus interminatus, nisi Italum Pontificem eligerent. Perterriti Cardinales elegerunt absque mora in Romanum Pontificem *Bartholomæum*, Barensem Archiepiscopum, qui in Pontificatu dictus est *Urbanus VI.* cujus morum severitate & austeriori regimine offensi Cardinales, Anagninam Primùm, dein Fundos secesserunt ubi electionem *Urbani VI.* irritam, ac veluti gravissimo extortam metu palàm declararunt, & *Robertum* ex illustrissima Comitum Genevæ prosapia oriundum, Cameracensem Episcopum & Cardinalem, renuntiaverunt Pontificem, qui *Clemens VII.* dici voluit. Hinc originem habuit exitiale illud Schisma, quo diu afflicta est Ecclesia. Romæ *Urbanus VI.* hæsit, & *Clemens VII.* Avenione Sedem fixit, quodque gravius est, morte utriusque Pontificis enatum istud Schisma extinctum non fuit, sed decimo quinto sæculo adhuc perduravit *Urbano* siquidem hujus nominis VI. Romæ sedent successit *Bonifacius IX.* Hunc excepit *Innocentius VII.* qui successorem habuit *Gregorium XI.* Cardinales verò, qui ab *Urbani VI.* obedientia

recesserant , in locum defuncti *Clementis VII.* qui Avenione sedebat , suffecerunt *Petrum de Luna* , Hispanum , dictum apud suos *Benedictum XIII.* qui usque ad mortem nomen Pontificis per triginta annos insanabili pertinaciâ retinuit .

D. Locumne habent in serie , seu Catalogo Romanorum Pontificum *Clemens VII.* & *Benedictus XIII.* qui tempore Schismatis suam Avenione Sedem fixerunt ?

M. Nulli Romanorum Pontificum Catalogo accensentur *Clemens VII.* & *Benedictus XIII.* qui Avenione tempore Schismatis suam Sedem habuerunt . Quod quidem argumento est , sensum Ecclesiæ Catholicæ esse , *Urbanum VI.* ejusque successores , qui tempore Schismatis Romæ sederunt , veros ac legitimos Romanos Pontifices extitisse , cum hi soli in Catalogo Romanorum Pontificum rependantur ab omnibus Orbis Catholici nationibus , etiam ab illis , quæ olim *Clementi VII.* & *Benedicto XIII.* tanquam dubiis Pontificibus adhæserunt . Hunc etiam esse Catholicæ Ecclesiæ sensum , duo aperte probant Romanorum Pontificum exempla , quorum primum est *Julii Medicei* , qui an. MDXXIII. electus Romanus Pontifex , voluit appellari *Clemens VII.* nullâ prorsus habitâ ratione hujusce *Clementis VII.* qui Avenione tempore Schismatis contra *Urbanum VI.* sederat . Alterum exemplum est *Antonii Pignatelli* Archiepiscopi Neapolitani , qui Romanus Pontifex anno MDCXCI. electus , *Innocentius XII.* ab universa Ecclesia fuit appellatus , qui *Undecimus* dicendus fuisset , nisi *Innocentius VII.* qui tempore Schismatis Romæ sedit , verus ac legitimus Pontifex censeretur , Hunc denique esse Ecclesiæ

Catholicę sensum profitentur ipsimet Galli Scriptores, quos inter unum dumtaxat laudabo *Henricum Spondanum*, qui in *Continuatione Baronii* ad annum MCCCCLXXVIII. Num. XVII. hæc habet: *Et quod mirabilius est, fuit jus partium adeò dubium & incertum, ut inter Principes (quod observat Sanctus Antoninus) peritissimos quosque Theologos & Jurisconsultos habuerit utraque pars sive obedientia, necnon religiosissimos viros, &, quod majus est, etiam miraculis fulgentes, qui suam partem sanctam, adversam profanam assererent; nec potuerit unquam sic illa quæstio decidi, quin semper remaneret apud plurimos dubia, quod etiam ex ipsismet Actis Conciliorum Generalium Pisani & Constantiensis apertè intelligi datur. Fuisse tamen videtur Catholicæ Ecclesiæ sensus, (quod cæterorum omnium rationibus & disputationibus, necnon incertis visionibus & Prophetiis atque miraculis, quæ circa hæc contigisse dicuntur, præponderare debet) Urbanum VI. ejusque successores Italianam colentes extitisse veros ac legitimos Pontifices. Observat etiam ibidem Spondanus, quòd Cath. in Senensis, tertii Ordinis S. Dominici Virgo Sanctissima, quæ ad promovendam Urbani VI. Obedientiam suis ad Reges & Principes litteris quidquid sibi inerat ingenii, facundiæ, zeli, & auctoritatis ob pervagatissimam Sanctimonix famam contulit hoc unum præ cæteris validissimum adversus Clementis VII. Avenione sedentis intrusionem telum conterferit, quòd videlicet tam ipse Clemens, quam cæteri Cardinales ejus fautores, suis litteris & gestis per aliquot mensium spatium universo Orbæ persuasum voluissent, Urbanum VI. ritè electum fuisse, & ex eorum sententia omnes ubique popul*

hic opinati fuissent . Si plura de *Urbani VI.* in Romanum Pontificem electione scire desideres , legis *Baldum* , doctissimum Sæculi XIV. Jurisconsultum , qui Tractatum edidit pro *Urbano VI.* ad calcem Tomi xvii. Annalium Ecclesiasticorum *Odo-rici Raynaldi* adjectum .

D. Haberine debent pro Schismaticis populi illi , qui , tempore Schismatis , *Clementi VII.* & *Benedicto XIII.* Avenione sedentibus adhæserunt , & paruerunt , adversus *Urbanum VI.* ejusque successores , qui , tempore ejusdem Schismatis , Romæ Pontificiam Sedem tenuerunt ?

M. Hanc Quæstionem *S. Antoninus* Archiepiscopus Florentinus , Ordinis Prædicatorum , 3. par. Chronicorum Titul. xxii. Cap. ii. diluit in hunc modum : Indè inchoatum est Schisma pessimum ; ut duo dicerentur in Ecclesia Dei , *Urbanus* , seu *VI.* & *Clemens* , dictus *VII.* *Urbano* ut vero Pontifici adhæret Italia , *Alemannia* , & *Hungaria* . *Clementi* verò *Francia* , *Hispania* , *Catalonia* . Asserebant Obedientes *Clementis* , suum esse verum Papam , ex electione ejus Canonica , ut potè libera , non coacta ; non illam *Urbani* , quia metu coactam , & ejus sequaces Schismaticos & excommunicatos . E contrario Obedientes *Urbano* , *Clementem* affirmabant Apostaticum , non Apostolicum &c. Multæ disputationes factæ sunt circa istam materiam , multi libelli editi pro utriusque partis defensione . Peritissimos viros in sacra Pagina & jure Canonico habuit toto illo tempore , quo duravit Schisma , utraque pars , seu Obedientia , ac etiam Religiosissimos Viros , & [quod majus est] etiam miraculis fulgentes : nec unquam sic potuit illa quæstio decidi , quin semper apud plurimos remaneret dubia .

Nam,

Nam, *etsi* necessarium sit credere, sicut unam esse Catholicam Ecclesiam, non plures; ita & unicum ejus Pastorem, Vicarium Christi, juxta id Joannis cap. x. Fiet unum Ovile, & unus Pastor: tamen si contingit plures per Schisma creari seu nominari Pontifices summos uno & eodem tempore, non videtur saluti necessarium credere istum esse vel illum, sed alterum illorum, qui scilicet fuerit Canonice assumptus. Qui autem fuerit Canonice electus, non tenetur quis scire, sicut nec jus Canonicum, sed in hoc populi sequi possunt Majores suos seu Prelatos. Et Titulo sequenti, seu xxiii. cap. viii. sic concludit Sanctus ille Archiepiscopus: Unde, qui erraverunt in eo, satis excusavit eos apud Deum ignorantia facti, & quasi invincibilis. Et propterea, Spiritu Sancto operante, ad unionem faciendam sumpta fuit via cessionis, cum non sufficeret via disceptationis. Quibus verbis S. Antoninus à Schismatis crimine purgat Prælatos, Clericos, Fidelesque cæteros, qui Clementi VII. & Benedicto XIII. ante Pisanum Concilium adhæserunt, eò quòd illos omnes ignorantia invincibilis, bona fides, adhæsiō firma Cathedræ S. Petri, quæ est unitatis Ecclesiasticæ centrum, animus ad parendum comparatus, infantes & alienos à Schismate præstiterunt; non secus ac ab hæreseos crimine vindicantur quidam antiqui Patres, qui Millenariorum errorem, vel de rebaptizandis Hæreticis amplexi sunt, antequàm hujusmodi Controversiæ eliquatæ ac finitæ fuissent solemnī Ecclesiæ judicio, in quo acquiescere corde & animo parati erant. Legendus est idem S. Antoninus secundâ parte sua Summæ Titulo iii. Cap. xi. de Schismate, ubi dat operâ hanc quæstionem, quæ præsens Schisma

spe

ſpectat, diſcutiens ait : Ideò in illo Schiſmate illi fuerunt verè & propriè Schiſmatici , qui præſentes ſcienter factum , contra jura ſcienter , vel contra conſcientiam fecerunt Schiſma tale , paſſionibus ducti amoris , vel odii , cupiditatis , & ambitionis . Alii verò , qui uni vel alteri , Urbano ſcilicèt aut Clementi obediētes adhærebant , moti ad hujusmodi tenendum non temporaliter , ſed ex conſcientia , ex auditis conſiliis peritorum , non erant verè & propriè Schiſmatici , etiamſi ei , qui non erat verus , adhæſiſſent , quia præter intentionem erat error & diviſio eorum . Quod ibidem S. ille Archiepiſcopus multis argumentis probat . Idem planè cum S. Antonino docent duo egregii Doctores ejusdem Ordinis Prædicatorum , Joannes à Turrecremata , Cardinalis , in Summa De Eccleſia Lib. iv. Part. i. Cap. xiv. & Henricus Inſtitoris in libro, quem edidit adverſus Pikardos , & Waldenſes Hæreticos. Facile itaque ipſe crediderim , eos , qui , tempore Schiſmatis , Clementi VII. & Benediçto XIII. Avenione ſedentibus ante Concilium Piſanum adhæſerunt (quos inter numerantur Petrus de Luxemburgo Cardinalis à Clemente VII. creatus , quique ſanctimonia & miraculis clarus Avenione colitur , & S. Vincentius Ferrerius Ord. Præd. doctrinâ , zelo Apoſtolico , aliisque Chaſmatibus & miraculis illuſtris) crediderim , inquam , ipſe , eos ob bonam fidem , & ignorantiam invincibilem , quâ in hac quæſtione facti , quod obſcurum erat , & difficultatibus penè inextricabilibus implicatum , laborabant ; propriè Schiſmaticos cenſeri haud debere , quia , ut docet S. Thomas ſecundâ ſecundæ Quæſt. xxxix. Art. i. illi dumtaxat propriè Schiſmatici dicuntur , qui propria ſponte

& intentione se ab unitate Ecclesiæ separant , quæ est unitas Principalis . Porro , qui , tempore Schismatis , adhæserunt ante Concilium Pisanum *Clementi VII. & Benedicto XIII.* non propriâ sponte , & intentione se ab unitate Ecclesiæ separarunt , nec Romano Pontifici subesse unquam detrectarunt , quem potius Christi Domini Vicarium , *S. Petri Successorem* jure Divino potestatem ac jurisdictionem habere in tota Ecclesia & super Fideles universos credebant , se ad parendum ipsi teneri ultrò profitebantur , illi dumtaxat parère volebant ; & in hoc dumtaxat fallebantur , quòd *Clementem VII.* ejusque successorem *Benedictum XIII.* post diligens ac diuturnum in tanti momenti negotio examen à viris eruditis adhiberi solitum , post Principum , & integrarum Ecclesiarum judicium , canonicè electū ac verum Pontificem esse existimarent errore & ignorantia invincibili , quæ eos subindè à Schismate excusare debet , non secùs ac Patriarcha *Jacob ad Liam* pro *Rachele* suppositam accedens , ab adultério & incestu excusatur , quia ignorantia facti suam esse putavit , & bonâ fide , maritalique affectu ad ad eam accessit .

D. Cùm *Clemens VII. & Benedictus XIII.* qui , tempore Schismatis , Avenione federunt , nullum in Romanorum Pontificum Catalogo locum habeant , rogo te , ut eorum dumtaxat Pontificum qui Romæ Sæculo decimo quinto Sedem tenuerunt , ac pro veris legitimisque Pontificibus agnoscuntur , seriem & gesta hìc breviter describas .

M. Iniiit Sæculum decimum quintum *Bonifacio Nono , Urbani VI.* successore , clavum Ecclesiæ gubernante . Electus fuerat Pontifex Romanus

Boni

Bonifacius Nonus anno MCCCLXXXIX. & annum undecimum sui Pontificatus agebat anno MCCCC. quo Romæ celebratum est Jubilæum. Præcipua Summi Pontificis gesta perstrinximus in Colloquio primo in Historiam Sæcul. XIII. & XIV. ubi etiam observavimus, illum morum integritate ac virtutum cultu cum probis & utilibus Ecclesiæ Pontificibus jure merito adnumerari debere, atque conservandæ castitatis adeò tenacem, ut, cum morbis continuis vexaretur, & à medicis admonitus esset, sanari quidem posse si rem cum fœmina haberet, auditu horruerit, ac mori quàm fœdari maluerit. Hinc audiri non debet *Theodoricus Nievius*, qui *Bonifacium IX.* avaritiæ, congerendarum pecuniarum aviditatis, aliorumque criminum inunulat. Hic quippè scriptor in Opere, quod editum est *De Schismate Universalis*, Pontifices tempore schismatis Romæ vel Avenione sedentes acerrimè sectatur ac discerpit, totque injurias, calumnias & contumelias in ipsos è suo ulceroso stomacho egerit, suæque acerbitalis virus evomit, ut ejus Opus unà cum Authore inter reprobata Scripta connumerata legantur, ut videre est apud *Henricum Hondanum* ad annum MCCCCX. Num. 3. Obiit *Bonifacius IX.* anno MCCCCIV. postquàm sedisset annos undecim, minùs dies triginta quatuor. Defuncto *Bonifacio IX.* eique Justis persolutis, Cardinales illius Obedientiæ Conclave ingressi, ante omnia se juramento obstrinxerunt, ut quisquis eorum Pontifex esset electus, liberè se Pontificatu abdicaret, si necesse foret ad extinguendum Schisma, quod fœstabat Ecclesiam. Præmissis Consiliis, studiisque omnibus ad tollendum Schisma necessariis, omnium

omnium suffragiis (postquam Sedes vacasset quindecim diebus) electus est Romanus Pontifex *Coſmatus de Melioratis* patriâ Sulmonensis (quæ Provinciæ Aprutii civitas est) doctrinâ , rerumque agendarum experienciâ clarissimus , qui per omnes dignitatum gradus provectus , ex Bononiensi Episcopo , Cardinalis , & Archiepiscopus Ravennas : *Bonifacio IX.* creatus , ad Sedem tandem Pontificiam sublimatus est die xvi. Kalend. Novemb anni mcccciv. nomenque sumpsit *Innocentii VI.* Quàm præclaris dotibus in Pontificatu præfulseri *Innocentius VII.* docet *Onuphrius* in suis Additionibus ad *Platinam*, ubi asserit, hunc Summum Pontificem cunctis maximi & optimi Pontificis dotibus fuisse ornatum, vitæ integritate, egregiis moribus humanitate, eruditione, pietate, & liberalitate præstantissimum; Ditionis Ecclesiasticæ ac libertatis assertorem intrepidum, uno verbo, tam p in Pontificatu se gessit *Innocentius VII.* ut *Theodoricus Niemus*, Clericus Lucensis, qui, ut mox observavimus, passim in suis Scriptis invehitur in Summos Pontifices, qui Romæ tempore Schismatis sederunt, cum tamen, ipsâ rei evidentiâ compulſus, hoc elogio capite trigesimo nono libri secundi de *Schismate universali* commendavit: *Iste Pontifex fuit mitis, benignus, & compatiens afflictis nec erat aliqua superbia in eo, neque apud ipsum affectio personarum: libens poscentibus audientiam dabat & ferè diebus singulis certis horis supplicationes porrectas sollicitè signabat. Consistoria privata & publica tenebat diebus & horis consuetis, nec alicui reſectus, neque cupidus, seu avarus exiſtebat. Simoncos exosos habuit &c.* Sub initium Pontificatus

ocentii VII. Roma haud parùm turbata est à *Ladis-*
ao, Rege Neapolitano, quem maximis beneficiis
 dem Pontifex cumulaverat, pro quibus insignes
 ille reposuit injurias. At enim *Ladislaus* Urbis do-
 minationi inhians, primò, Romanos in Pontificem
 oncitare cœpit, deindè, simulans favere Pontifi-
 ci, pacis interpretem ac sequestrem se constituit,
 hac factâ conventionem, ut gubernatio Urbis in-
 temporalibus penès populum resideret, illa autem
 pars, quæ dicebatur *Leonina*, scilicèt circa S. *Pe-*
rum, in Summi Pontificis potestate cum Castro
S. Angeli remaneret, Senatorque Urbis de volun-
 tate Pontificis, & consensu populi assumeretur.
 Sed hæc initæ concordie pacta, quæ legi possunt
 apud *Odoricum Raynaldum* ad annum mcccciv. Nu-
 mero xvi. & sequentibus, diù firma non perman-
 erunt ob novos tumultus, quos Gibellinorum, &
 Guelphorum factiones Romæ excitarunt. Gibel-
 lini, quos suo patrocinio fovebat Rex *Ladislaus*, &
 quorum Duces erant *Columnenses*, *Sabelli*, & qui-
 lam alii Romani Proceres, populum spe recupe-
 andæ libertatis ad rebellionem impellebant, qui-
 bus ex adverso strenuè obsistebant Guelphi, quo-
 rum Duces erant *Ursini*, auctoritatem Romani
 Pontificis inconcussâ fide tuentes. Variæ inde in-
 ter utramque factionem mutuis odiis exacerba-
 tam secutæ sunt pugnae, aliaque scelera, & probra
 hostilia perpetrata, donec à Gibellinis evocatus
Ladislaus Rex, turbas utcùmque composuit, electis
 à factione Gibellina septem Viris, qui Urbem ad-
 ministrarent. Non quieverunt tamen *Columnenses*,
 Gibellinæ factionis Duces, qui clandestinis sollici-
 tationibus *Ladislaum* Regem ad capeffendum Ur-
 bis

bis dominium continuò instigabant , & iniquis petitionibus fatigabant animum Pontificis , qui , ut eorum animos emolliret , in omnibus complacere eis studebat , & unum ex familia Columnensi Cardinalem creavit , qui postea fuit electus Papa , dictusque *Martinus V.*

Tantâ Pontificis mansuetudine flecti noluerunt rebelles, cùmque nova ac perniciosa molirentur consilia , contigit , ut *Ludovicus de Melioratis* , Nepos *Innocentii VII.* juvenis quidem audax , sed temerarius , undecim seditiosos è Romanorum Proceribus , dum è Palatio Apostolico redibant , immanitèr trucidari jussèrit, inscio tamen *Innocentio VII.* illudque facinùs detestante , sicut testantur *Leonardus Aretinus* , *Theodoricus Niemus* , & *S. Antoninus* . Interim, rebelles ad arma concurrunt , fugit Pontifex Viterbium , & statim *Joannes Columna* Palatium occupat , plebs Pontificiam suppellectilem diripit, Libros , Regesta & Epistolas lacerat *Innocentii* Papæ stemmata luto commaculat , recipiuntur à Cōjuratis copię à Rege *Ladislao* missę, quatenus , dum in urbem penetrare , ac eam *Ladislao* Imperio totis viribus subicere conantur , à Romanis , id ægrè ferentibus , propulsantur , & à *Paulo Ursino* , Pontificii exercitus Duce, dissipantur . Tum Romani ad officium & obedientiam *Innocentii VI* reversi , eum multis Legationibus in Urbem revocarunt, in qua anno mccccvi. summâ totius populi gratulatione , tanquam legitimus Dominus , exceptus est . In conjurationis reos anathema statim vibravit Pontifex , sed præcipuè in *Ladislao* Regem , quem Campaniæ & Maritimæ Præfecturæ Regno, terrisque , quas in feudum ab Ecclesiâ t

nebat, & quibus ad opprimendam Ecclesiam Romanam abutebatur, privavit. Hoc Pontificio fulmine perculsus *Ladislaus*, veniam pacemque per Oratores supplex exoravit, & arcem Sancti Angeli, quam occupabat, restituit. Supplicis *Ladislai* preces benignè audivit *Innocentius VII.* &, ut erat ad clementiam propensissimus, non solum Censuras in illum, ejusque fœderatos latas actutum dissolvit, sed eum pristinis honoribus restitutum, novâ Vexilliferi Romanæ Ecclesiæ dignitate auxit. Pacta Conventa Diplomate Pontificio confirmata refert *Doricus Raynaldus* ad annum mccccvi. quo anno dem Summus Pontifex *Innocentius VII.* obiit die, extâ Novembris, & Concilium Generale, quod pro unionē Ecclesiæ & extinctione Schismatis celebrare Romæ decreverat, illudque litteris publicis indicaverat, propter urbicas seditiones, & proximè cutam mortem cogere non potuit. Non possum hic silentio prætermittere duas res memoriâ dignas, quas in suo Pontificatu gessit *Innocentius VII.* Regulam Fratrum & Sororum Tertiî Ordinis de cœnitentia *S. Dominici* anno primo sui Pontificatus probavit Constitutione, quæ incipit: *Sedis Apostolicæ*, quæ in Bullario Romano edita est; & Aca-
demiâ Romæ excitavit, ad quam doctissimos omnium Facultatum Professores evocavit, qui Philosophiam, Theologiam, Jus Canonicum & Civile Urbe docerent. Vacante post obitum *Innocentii VII.* Sede Pontificiâ, dubitaverunt Cardinales, in electioni Romani Pontificis supersederent, nam-
mè cum *Benedictus XIII.* juramento Gallis, qui parebant, pollicitus fuisset, sese abdicaturum, ut collegio Cardinalium utriusque partis convenien-

te, legitimum Ecclesiæ Caput eligeretur, sicque penitus aboleretur Schisma. Vicit tandem eorum sententia, qui eligendum quidem Pontificem suadebant, sed prius solemnî juramento obstringendum, ut, adversario se abdicare volente, ipse quoque Pontificatum ultrò dimitteret. Eâ mente, Cardinales Conclave ingressi elegerunt in Romanum Pontificem *Angelum Corarium*, natione Venerum, Tituli S. *Marci* Presbyterum Cardinalem, dictum in Pontificatu *Gregorium XII.* Virum doctrinâ, religione, pietate ac probitate morum, ut tradunt *Leonardus Aretinus*, & *S. Antoninus*, omnium commendatione dignum, nisi tergiversationibus quibus ad retinendû Pontificatû contra præstitum juramentum usus est, & collusionibus cum adversario suo *Petro de Luna*, dicto *Benedicto XIII.* harum virtutum famam commaculasset. At enim, *Gregorius XII.* qui in exordio sui Pontificatus magnam spem omnibus fecerat restitutionis pacis Ecclesiæ & ad eam promovendam Reges, Principes, Republicas, Prælatos, atque Universitates per litteras fuerat adhortatus; Imperii postea degustatâ duccedine, promissis & juramento stare noluit, secutus prava consilia propinquorum, quos nimio affectu complectebatur, quique tergiversationis collusionis, de qua cum suo æmulo certavit, authores fuerunt. Divisi erant in duas partes Europæ Principes, ita ut periculum esset, ne partium studiis ac novorum Pontificum subrogatione Schisma æternum propagaretur. Opportunè tamen accidit, ut Christianissimus Rex *Carolus VI.* q. *Gregorium XII.* & *Benedictum XIII.* de Pontifica contendentes suis collusionibus mundo illuderet.

perspectum habebat, omnibus suis subditis præceperit, ut ab Obedientia *Benedicti XII.* recederent, egregiamque scripserit Epistolam Paræneticam, quâ breviter narratis, quæ hætenus eâ in causa egisset, universos Principes & Antistites, omnemque populum Christianum hortabatur, ut obedientiam utrique contendenti subtraherent. Hæ Regis Christianissimi *Caroli VI.* Litteræ legi possunt apud *Theodoricum Niemum*, apud *Gersonium* Tomo 1. pagina 315. & apud *Egassium Bulaum* Tomo v. *Histories Universitatis Parisiensis* pag. 137. 138. 141. & 147. Cardinales Obedientiæ *Gregorii XII.* eum sæpius hortati fuerant, ut pro Ecclesiæ unitate & pace Pontificatui cederet, & Cardinalium Collegio, aut tiam Generali Concilio totum conciliandæ pacis negotium committeret. Cessionem quidem pollicebatur *Gregorius*, sed eâ appositâ conditione, ut *Benedictus*, ejus æmulus, primus cederet. Tandem Cardinalibus innotuit, tam *Gregorium*, quàm *Benedictum*, moras datâ operânectere, & universo Orbi Christiano fucum facere, cùmque contra pacta, conventa, & juramentum in Conclavi præstitum, post creationem suam renovatum, quatuor novos Cardinales *Gregorius XII.* creasset, toto suæ Obedientiæ repugnante Collegio, Cardinales ab eo seceserunt, Pisas secesserunt, suæ secessionis rationem Fidelibus universis exposuerunt Encyclicis litteris, quæ apud *Odoricum Raynaldum* ad annum *ccccvii.* Num. *viii.* habentur. Pisas itaque cùm triusque partis Cardinales adventassent, in unum collegium convenerunt, atque Concilium celebrarunt, dictum *Pisanum*, in quo utrumque de Pontificatu contendentem citarunt ad audiendam Sen-

tentiam definitivam Concilii in causa unionis Ecclesiæ, Fidei & Schismatis. De hoc Generali Concilio Pisano plura suo loco, idest, in Colloquio quarto, dicemus. Sufficiat hic observasse, Patres istius Concilii Sententiam tulisse in *Petrum de Luna*, qui *Benedictus XIII.* & in *Angelum Corarium*, qui *Gregorius XII.* dicebantur, tanquàm in notorios Schismaticos, & antiqui Schismatis nutritores, defensores, approbatores, fautores, pertinaces &c. eis inhibuisse, ne aliquis eorum pro Summo Pontifice se gereret, ac sub pœna excommunicationis vetuisse Catholicis ne eis parèrent. Post latam hanc exauctorationis Sententiam in *Gregor. XII.* & *Benedictum XIII.* qui de Papatu improbè contendebant, nec voluntatem habebant tollendi Schisma per viam cessionis ab Ecclesia electam; Cardinales numero viginti quatuor concordibus suffragiis die xv. Junii anni mccccix. Summum Pontificem elegerunt *Petrum Philargum*, vulgò *de Candia* nuncupatum, Ordinis Fratrum Minorum, Cardinalem, & Archiepiscopum Mediolanensem, qui *Alexandri V.* nomen sibi sumpsit.

D. Hac *Alexandri V.* Pontificis Maximi electione fuitne extinctum Schisma?

M. Qui de Papatu contendebant, *Gregorius XII.* & *Benedictus XIII.* nec Concilii Pisani Sententiæ adhærere, nec Pontificatui cedere voluerunt. *Petrus de Luna*, qui *Benedictus XIII.* dicebatur, & cujus gesta sub finem istius Colloquii, describemus, Pontificatus Insignia usque ad mortem invictâ pertinaciâ retinuit. *Angelus Corarius* dictus *Gregorius XII.* Concilium Austriæ in Aquilensi Provincia anno mccccix. celebravit, in quo

Co

Concilium Pisanum disturbare ac evertere conatus est, & in Cardinales, qui ab ipso defecerant, ulit exauctorationis Sententiam, cujus tamen ab Ecclesia nulla ratio habita est, ut videre est apud *Theodoricum Raynaldum* ad annum mccccix. Num. 1. Rebus Ecclesiæ hunc in modum perturbatis, *Ladislaus* Siciliae Rex, qui in aquis turbidis piscari estiebat, Romam occupavit, & alias plerasque Status Ecclesiastici civitates & castra invasit, sed confestim à *Paulo Ursino* Romanæ libertatis indice repulsus, abscedere coactus est. Insignia pontificatus retinuit *Angelus Corarius*, dictus *Gregorius XII.* usque ad annum millesimum quadringentesimum decimum quintum, quo prioris collationis maculam eluit, & per *Carolus de Malatestis* pontificatum liberrimâ cessione deposuit in Concilio Constantiensi sessione xiv. sicut in Colloquio quarto, ubi de Conciliis sæculo XV. celebratis agendo, fusiùs ostendemus. Eâ factâ cessione, devenit eadem Synodus Constantiensis, *Angelum Cararium*, antehac nuncupatum *Gregorium XII.* fore semper Cardinalem Episcopum sub titulo per eandem Synodum, vel futurum Romanum Pontificem declarando (quem fuisse Portuensem *Theodoricus Niemus*, Tusculanum *Onuphrius* ait) ita ut secundus esset Romanum Pontificem dignitate & ordine haberetur. Insuper creatus est perpetuus Legatus Apenini, seu Marchiæ Anconitanæ, & obiit Recaneti anno mccccxvi. sicut ex ejus Epitaphio colligitur.

D. Seditne diù *Alexander V.* qui, ut mox agemus, fuit in Concilio Pisano, abdicatis *Benedicto XIII.* & *Gregorio XII.* electus Pontifex Romanus?

M. Magno Ecclesiæ damno brevissimus fuit

Pontificatus *Alexandri V.* de cujus patria, gestis & Infulis, quibus ante Pontificatum insignitus est, pauca hîc ex *Luca Wadingho* in Annalibus Ordinis Minorum referre haud pigebit. In primis, *Alexandri V.* qui ante Pontificatum *Petrus Philargus* appellabatur, patria omninò incerta est. Probat tamen *Lucas Wadinghus* Tomo V. Annalium Minorum ad annum Christi mccccv. ex Chronicis MSS. cum fuisse ortu Cretensem. In hoc consentiunt omnes Scriptores, *Petrum Philargum* ex obscuris progenitoribus natum esse, atque à pueritia, studio, & favore cujusdam Minoritæ, eò religiosæ vitæ ac doctrinæ in Ordine S. *Francisci* provectum, fuisse, ut Græcis & Latinis linguis apprimè excultus, ac Doctoratus lauream in Facultate Parisiensi adeptus, Mediolani postea maximâ cum laude docuerit. In maximo honore *Petrus Philargus* fuit apud *Joannem Galeatium* Vicecomitem, qui magnâ tum temporis in Insubria autoritate pollebat, quique illum sibi addictissimum ad plures Episcopales Insulas promoveri curavit, quas varii Authores ei adscribunt, videlicet Novariensem, Vicentinam, Brixensem, Placentinam, Patriarchatum Gradensem, ac postea Mediolanensem Archiepiscopatum. De Brixensi tamen & Gradensi Episcopatibus valdè se subdubitare innuit *Lucas Wadinghus*. Pro tot acceptis honoribus *Petrus Philargus*, ut benefactori suo *Joanni Galeatio* Vicecomiti vice-rependeret, ei ab Imperatore *Wenceslao* Ducis Mediolanensis titulum impetravit. Ab *Innocentio VII.* Pontifice Maximo Romam accitus *Petrus Philargus*, Presbyter Cardinalis tituli Sanctorum XII Apostolorum renunciatus est anno mccccv. ac tandem

em in Concilio Pisano anno mccccix. indicto electus est omnium suffragiis, nemineque reclamante, in Romanum Pontificem, dictusque *Alexander V.* qui in Solio Pontificio constitutus, magna quæque sollicitus est, ut Ecclesiæ unionem solidâ pace stabiliret; & corruptos hominum mores, ortosque eximiam, tempore Schismatis, Clericorum licentiâ abusum stirpitum eradicaret. Eam ob rem *Alexander V.* longam scripsit Epistolam Encyclicam ad Reges, Proceres, Prælatos, Clerum, Populumque totius Reipublicæ Christianæ, quâ Schismatis ortum, progressum, damnaque inde nata, & unionem Ecclesiæ Catholicæ uno sub indubitato Pastore in Concilio Pisano feliciter procuratam explicat, sanctosque hortatur, nè subsidio, favore, obsequio, obedientiâ, aut aliâ re Romano Pontifici debitâ pseudo-Pontifices *Petrum de Luna*, dictum *Benedictum XIII.* & *Angelum Corarium*, nuncupatum in Italia Obedientia *Gregorium XII.* prosequantur. Hic tractis, *Alexander V.* Pontifex Maximus diris devovit *Ladislaum*, Siciliæ cis Pharam, seu Neapolis Regem, qui Ecclesiam Neapolitanam armatâ manu perturbabat, eumque privavit hoc Regno, cuius dominium transtulit in *Ludovicum* Ducem Andegavensem, Opem tulit idem Summus Pontifex *Sigismundo* Hungariæ Regi, Turcarum potentiâ victo, Principesque Christianos ad sacram militiam contra illos capitales Fidei Christianæ hostes simulavit. Mox ad fidei injurias vindicandas Sanctissimus ille Pontifex sese convertit, & hæreticum *Joannem Hus*, ejusque sequaces, qui Hæresiarchæ *Vicleffi* errores in Bohemia spargebant, misso ad *Winkonem* Archiepiscopum Pragensem Diplomate,

reprimi, atque adhibitâ severitate legum coerceri præcepit. Hoc *Alexandri V.* ad *Sbinkonem* diploma exhibet *Odoricus Raynaldus* ad annum mccccix. Num. lxxxix. In gratiam Religiosorum Mendicantium Constitutionem, quæ incipit his verbis: *Regnans in excelsis*, edidit *Alexander V.* contra quam reclamarunt Doctores Parisienses, qui tam ampla Privilegia Religiosis Mendicantibus concessa ægris ac lividis oculis cernebant, multasque turbas & tragædias occasione prædictæ Constitutionis Pontificiæ in Galliis contra Religiosos Mendicantes excitarunt, ut videre est apud *Egassium Bulaum* Tomo v. *Historiæ Universitatis Parisiensis*. Denique, dum Sanctissimus ille Pontifex summo studio satageret Sedis Apostolicæ dignitatem perfectâ unione & morum reformatione restituere, Græcos Ecclesiæ Latinæ adjungere, Beneficia Ecclesiastica dignis conferre, simoniam procûl ab Ecclesia eliminare, Canonum observationi invigilare, superstites Schismatis fibras evellere, pacem terris restituere, serpentia vitia tollere, ac virtutes postliminio revocare, inopinatâ morte obiit Bononiæ die quartâ Maji anni mccccx. Pontificatus mense decimo, die octavo. Eum venenato clystere extinctum fuisse testatur *S. Antoninus*. Hunc Romanum Pontificem, de Ecclesia licet benè meritum, *Theodoricus Niemus*, maledicus Pontificum sui temporis conviciator, acriter insectatur, & calumniis incessit, à quibus *Wadinghus* in Annalibus Minorum ad annum mccccx. eum egregiè vindicat testimoniis gravissimorum Scriptorum, qui testantur *Alexandrum V.* fuisse Pontificem magno erectoque animo summâ prudentiâ, tantâque erga pauperes liberalitate

litate, ut ad eos sublevandos nihil omninò sibi reservaret, Memorat etiam *Platina* in Opere *De Viris Pontificum*, *Alexandrum V.* per jocum dicere solitum esse, se divitem Episcopum fuisse, pauperem Cardinalem, mendicum Pontificem.

D. Quem in Sede Pontificia successorem habuit *Alexander V.*

M. In locum defuncti *Alexandri V.* Pontificis Maximi, septemdecim Cardinales, qui Bononiæ erant, in Conclave ingressi, suffecerunt *Baltazarem Cossam*, seu *Coxam*, Neapolitanum, qui die Dominicâ, seu die vigesimâ quintâ mensis Maji an. mccccx. coronatus est, dictusque *Joannes XXIII.* cum tamen, juxta seriem Romanorum Pontificum, qui eo nomine donati sunt, dici deberet *Joannes XXII.* Hic, dum juvenis esset, Juri Civili & Pontificio Bononiæ operam dedit, ibidemque Doctoratus gradu fuit insignitus. Dein, Romam profectus, à *Bonifacio IX.* Pontifice Maximo inter Cubicularios ascitus est; mox Archidiaconus Bononiensis, postea Protonotarius Apostolicus, inde Cardinalis *S. Eustachii*, & Legatus Flaminiae constitutus; quâ Legatione adeò præclare functus est, ut Bononiam, & plures alias civitates à diversis tyrannis occupatas recuperaverit, & in Ecclesiæ potestatem redegerit. Interfuit Concilio Pisano anno mccccix. & tandem electus est Pontifex Maximus anno, ut diximus mccccx. Eum belli, quàm pacis artibus meliorem, & parùm aptum ad Pontificatum fuisse, testantur *Leonardus Aretinus*, *Theodoricus Niemus*, & *S. Antoninus*. Sub exordium Pontificatus, *Joannes XXIII.* anathemate perculit *Ladislaum* Neapolis Regem, Ecclesiæ hostem, &

Ange-

Angeli Corarii Pseudo-Pontificis fautorem, atque ut ejus potentiam, quâ toti jam Italiæ terribilis evaserat, armis reprimeret, in eum immisit *Ludovicum* Ducem Andegavensem, adjuncto illi *Paulo Ursino*, copiarum Pontificiarum Duce, qui *Ladislaum* aggressi, eum magnâ strage fuderunt. Sed Ducibus victoriâ suâ uti nescientibus, animos viresque resumpsit *Ladislaus*, qui tamen territus sacro bello, quod in ipsum velut in Ecclesiæ hostem, indixit *Joannes XXIII.* pacem iniit cum Summo Pontifice, ad ejus obedientiam accessit, relicto *Angelo Corario* Pseudo-Pontifice, dicto *Gregorio XII* qui se recepit Ariminum ad *Carolum Malatestam*, amicum suum, ibique extitit, donec in Concilio Generali Constantiæ anno mccccxiv. celebrato Pontificatum deposuit. At perfidus *Ladislaus* fœdus ictum cum *Joanne XXIII.* citò abrupit, & adjuvantibus fautoribus suis, per mœnia fracta subiit Romam, compulitque in fugam Pontificem qui Florentiam venit, indèque duos Cardinales ac *Sigismundum* Imperatorem misit, tum ut ejus opem imploraret adversus *Ladislaum*, impium tyrannum qui Italiam armis & populationibus infestabat tum etiam ut cum ipso agerent de loco Concilii Oecumenici proximè celebrandi, quod commun consilio indictum est Constantiæ, quæ est perampla Imperii civitas, quam Rhenus interfuit. Hanc Concilii Generalis Constantiensis celebrationem præcessit mors *Ladislai* Regis propudiosæ libidinis & Ecclesiæ insensissimi hostis, qui ex immani luxuriæ intemperantia, seu ex nimio coitu, sive, ut alii volunt, correptus igne sacro, quo ejus pendenda cum violentissima febre exarserunt, misere perii

periit anno MCCCCXIV. Hoc de morte *Ladislai* Regis accepto nuncio, quo universa Italia, ab ejus tyrannide tandem aliquandò libera, exultavit; Bononiâ digrediens Pontifex *Joannes XXIII.* per Tridentinum agrum transmissis Alpibus Constantiam accessit, ibique solemni pompâ & honoribus exceptus initium dedit Concilio Generali Constantiensi, de quo latè differemus in quarto Colloquio. Hic obiter observabo, *Joannem XXIII.* in secunda Sessione hujusce Concilii solemne juramentum & votum edidisse, ac promississe, se, ad tollendum Schisma, & ad reddendam, absolutissimam Ecclesiæ Catholicæ pacem, Pontificatu ultrò cessurum, si huic quoque duo alii æmuli, videlicet *Petrus de Luna*, qui *Benedictus XIII.* & *Angelus Corario*, qui *Gregorius XII.* dicebantur, renunciarent; immò ad deponendum Pontificatum sese paratissimum exhibuit *Joannes XXIII.* quotiès exoptatissima Ecclesiæ unio ejus cessione procurari posset. Verùm, paulò post *Joannem XXIII.* facti pœnituit, & ne cessionis promissum juramento ac voto confirmatum exequi cogeretur, tacitus abscessit, & dissimulato habitu, operâ *Friderici* Ducis Austriæ, fugit Schaffusam, Oppidum ejusdem *Friderici*, quod quatuor milliariibus ab urbe Constantiæ distabat. Hæc inopinata Pontificis fuga terruit quidè omnes Concilii Patres, quibus animos fecit *Sigismundus* Imperator, pollicitus auxilium & operam, donec pax certa Ecclesiæ redderetur. Tandè in Sessione XII. Concilii Generalis Constantiensis lata est in *Joannem XXIII.* exauctorationis Sententia, cui ipse, ad promovendam Ecclesiæ pacem, se parère humiliter professus, Pontificiæ Dignitatis insignia deposuit.

fuit. Nihilominus, ne à proposito resiliaret Pontificatu abdicatus *Joannes XXIII.* ductus est primùm *Haldebergam*, deinde ad Castrum *Gotlevem*, & triennio diligentissimè custoditus. Indè tamen eductus, cum ad *Martinum V.* qui in Concilio Constantiensi Romanus Pontifex fuerat electus, duceretur, fugâ evasit, sed Ecclesiæ pacis conservandæ cupidus, suâ sponte Florentiam venit, ubi tunc *Martinus V.* Pontifex Maximus agebat, eum, ut verè & legitimè electum agnovit, & omnia, quæ Concilium Constantiense adversus illum decreverat, rursus cum ingenti omnium voluptate approbavit ix. Kalendas Julii anni mccccxix. A *Martino V.* Pontifice Maximo cum summa benignitate exceptus, statim Cardinalis Episcopus Tusculanus, & Sacri Collegii Decanus renunciatus est, eique, ob memoriam Romani Pontificatus, quem aliquandò justè ac legitimè gesserat, concessa fuit Sedes propè Pontificiam paulò eminentior, quàm ceterorum Cardinalium. Obiit tandèm Florentiæ die xxii. mensis Decemb. ejusdem ann. mccccxix. Plura de depositione *Joannis XXIII.* dicemus in Colloquio iv. ubi omnia, quæ ad abolendum Schisma, & ad unitatem, pacemque Ecclesiæ refarciendam in Concilio Generali Constantiensi gesta sunt, singillatim expendemus: breviter tamen dicam eximiâ laude dignum sese præbuisse *Joannem XXIII.* dum ad procurandam Ecclesiæ unitatem, quæ aliter consummari haud poterat, depositioni suæ in Concilio Constantiensi factæ consentit, secutus hac in re egregium documentum Sancti *Augustini* in Epistola ad *Marcellinum* Tribunum ante Collationem Carthaginensem datâ, & insertâ

libro ejusdem Sancti *Augustini* De Gestis cum Emerito Donatistarum Episcopo, ubi hæc habet Sanctus ille Doctor: Quid enim dubitemus Redemptori nostro Sacrificium istius humilitatis offerre? an verò ille de cælis in humana membra descendit, ut membra ejus essemus, & nos, ne ipsa ejus membra crudeli divisione lanientur, de Cathedris descendere formidamus? Propter nos nihil sufficientius, quàm ut Christiani, Fideles, & obedientes simus. Hoc ergò semper sumus. Episcopi autem propter Christianos populos ordinamur. Quod ergò Christianis Populis ad Christianam pacem prodest, hoc de nostro Episcopatu faciamus.

D. Jam probè intelligo, ad procurandam Ecclesiæ pacem in Concilio Generali Constantiensi Angelum Corarium, qui dicebatur Gregorius XII. Pontificis Insulas spontè deposuisse, & Petrum de Luna, nuncupatum Benedictum XIII. nec non Joannem XXIII. fuisse exauctoratos. At nunc scire velim, an per electionem Martini V. eodem in Concilio factam, pax fuerit omninò redintegrata, & universa Ecclesia sub uno vero ac legitimo Romano Pontifice tandem adunata?

M. Maxima omnium fuit de electione Martini V. Pontificis Maximi lætitia. Imperator Sigismundus incredibili gaudio effusus, gratias omnibus egit, qui tantum virum, & Reipublicæ Christianæ propè extinctæ necessarium delegissent. Solus Petrus de Luna, dictus Benedictus XIII. in quem Concilium Constantiense Sessione xxxvii. peremptoriam tulerat Sententiam velut in periurum, schismaticum, pertinacem, & hæreticum, communem lætitiæ, ac redditam Ecclesiæ pacem magno

gno quidem sed inani studio perturbare molitus est. Ille quippè, ab omnibus licèt desertus, Ipse Conciliorum Pisani & Constantiensis Decretis Insignia Pontificis ad extremum usque spiritum pertinax retinuit, quamvis Ecclesia tota ipsum ceu Antipapam, execraretur: immò, paulò ante quam moreretur, duobus Cardinalibus, qui ipse adhuc adhærebant, sub interminatione maledictionis æternæ iussit, ut alium Pontificem post ejus obitum eligerent. Supremis hujus Pseudo-Pontifici mandatis obtemperarunt duo isti Cardinales Schismatici, & statim post ejus obitum, *Ægidium Sancti Munionis* Aragonensem, *Barcinonensem* Ecclesie Canonicum, elegerunt Antipapam, qui *Clemens VII.* appellari voluit. At iste larvatus & umbratili Pontifex post innumeras tergiversationes, tandem anno mccccxix. ornamenta Pontificalia deposuit ad pedes *Martini V.* sese abjecit, cumque, ut verum & legitimum Pontificem agnovit & coluit. Tunc penitus desiit funestum illud ac diuturnum Schisma, quod per annos quinquaginta & unum Ecclesiam exagitavit, hoc est, ab anno millesimo trecentesimo septuagesimo octavo, quo *Urbanus VI.* Romæ, & *Clemens VII.* Avenione Sedem Pontificiam tenere cœperunt, usque ad annum millesimum quadringentesimum vigesimum nonum, quo Pseudo-Pontifex *Clemens VIII.* se *Martino V.* legitimo Pontifici subjecit.

D. Quo anno *Martinus V.* electus fuit Pontifex Romanus, & quibusnam potissimum dotibus in Pontificatu præfulsit?

M. Concordibus suffragiis die xi. Novemb. anni mccccxvi. *Odo de Columna*, patriâ Romanus

ex illustrissima Columnensium prosapia oriundus, Cardinalis Tituli S. *Gregorii in Velabro* seu ad Velum aureum, Pontifex Romanus electus est, dictusque *Martinus V.* qui tamen juxta Ordinem Romanorum Pontificum, qui eo *Martini* nomine nuncupati fuerunt, dicendus esset *Martinus III.* Ad hunc honoris apicem cum cæteræ virtutes, quibus insignitè conspicuus erat, tum eximia præcipuè moderatio, humanitas, mansuetudo, justitia, morum integritas, & insignis prudentia diuturno rerum usu comparata, eum extulerunt. Tali profecto Pontifice, inquit Platina, indigebat Ecclesia Dei, qui naviculam Petri, Schismatis & omnium seditiorum fluctibus quassam, redigere in portum salutis, gubernaculo admotus sciret ac posset. In Sede S. Petri collocatus *Martinus V.* nihil antiquius habuit, quam ut refarciret damna, quæ prolixissimum & adhuc fumigans Schisma intulerat Ecclesiæ, atque in Regno Bohemiæ, & Marchionatu Moraviæ serpentes *Wickleffi*, *Johannis Hus*, & *Hieronymi de Praga* pestilentissimas hæreses penitus profligaret. Eam ob rem VIIII. Kalendas Martias anni MCCCCXVIII. Constitutionem edidit, quâ Archiepiscopis, Episcopis, & Hæreticæ pravitatis Inquisitoribus jussit, ut ejusmodi Hæreticos, eorumque fautores ac deinceps, ex præscripta judiciorum formâ coercent. Misit etiam in Bohemiam, & Hungariam legatum Joannem Dominici Cardinalem Ragusinum Ordinis FF. Prædicatorum, cui ad extirpandas hæreses, & Hæreticos ad veritatem Catholicæ Fidei, ad gremium Ecclesiæ, & Sedis Apostolicæ obedientiam revocandos amplissima dedit maiestata, quæ *Odoricus Raynaldus* exhibet ad annum

num mccccxviii. Num. ix. Sacram Expeditionē ac
versus Hæreticos Hussitas indixit *Martinus V.* qui
tamen felici exitu caruit, ob ingentem cladem
quam Catholicus exercitus, ita Deo permittente
accepit ab Hæreticis, quorum Dux erat *Joanne
Ziska*, Vir fortissimus, qui, ut in primo Colloqui
observavimus, sæpius *Sigismundum* Imperatorem
pro Catholicis pugnantem devicit ac superavit.
Interea, animum non despondit *Martinus V.* se
potius omnes suas curas ad delendam Hussitarum
Hæresim intendit. Litteras ad *Vladislaum* Poloni
Regem scripsit, quibus ei gratulatus est, quod Bo
hemici Regni coronam ab Hussitis Hæreticis obli
tam respuisset. *Conradum* Pragensem Archiepiscopum,
qui ejuratâ fide Catholicâ, Hæreticis Hussi
tis se se adjunxerat, eorumque pestiferos errores
coactio Conciliabulo confirmare ac propagare præ
sumpserat, anathemate perculit, eumque, la
Sententiâ, dignitate Archiepiscopali dejecit,
omni honore, ordine, Statu, Beneficio, Privile
gio, privatum edixit, ut videre est apud *Odor
cum Raynaldum*, qui prædictam Summi Pontificis
Sententiam refert in suis Annalibus ad annum
mccccxxvi. Num. xi. *Jordanum* Cardinalem De
Urfinis Albanensem Episcopum, in Germaniam
Hungariam & Poloniam Legatum Apostolicum
misi, ut Sacram Expeditionem adversus Boh
mos hæreticos promoveret. Principes Christi
nos, præsertim *Witholdum*, Magnum Lituaniæ D
cem, hortatus est, ut Catholicis opem ferret co
tra Hussitas, quibus ut perpetuam infamiæ nota
inureret Summus Pontifex, jussit, ut ossa *Joann
Wikleffi*, cujus errores mordicè defendebant Hus
sita

fitz, exhumarentur, exurerentur, ejusque cineres in profluentem abjicerentur. Verùm, tot curas *Martini V.* in extinguenda Hussitarum Secta, totque Sacras indictas ab ipso Expeditiones inanes planè reddidit *Joannes Ziska*, Hussitarum Dux militiæ peritissimus, qui quamdiù vixit, crudelem in Catholicos exercuit carnificinam, & moriens jussit, cadaveri suo detrahi pellem, ex qua tympanum fieret, quod in Bello esset Catholicorum terriculum: Tympanum, inquit, facite, atque hoc in prælio Duce[m] habete: nam quovis locorum Theuton[um] solum ejus audierint, mox terga dabunt, *Ziskam* in tympano formidantes, sicut refert *Aeneas Sylvius* (qui fuit postea Summus Pontifex dictus Pius II.) in *Historia Bohemica* cap. 46. & Epistola 122. libri primi.

Non solum Wicleffistarum & Hussitarum Hæreses exterminare curavit *Martinus V.* Pontifex vigilantissimus, sed etiam in excidium Hæreticorum Patrullorum, qui vulgò *Fratres de Opnione* in Italia dicebantur, totus ardentissimo zelo incutit. Ejus litteras ad Præsides & Inquisitores ead[em] re editas exhibet *Odoricus Raynaldus* ad annum ccccxxviii. Num. xi. Dedit etiam idem Summus Pontifex Albanensi, & Portuensi Episcopis Cardinalibus amplissimam ad illos hæreticos ordinem redigendos auctoritatem. *Nicolaum Serarium* Ordinis Eremitarum S. *Augustini* damnavit, quòd Sacramenta ab impiis Sacerdotibus, & concubinas publicè foventibus validè confici, & sanctos religiosè coli negaret. Aliquot etiam errores, in quos lapsus est *Matthæus Grabon*, Ordinis Prædicatorum Professor, proscripsit idem.

Summus Pontifex , ut opportuniùs ostendemus in sequenti Colloquio , ubi errores & Hæreses , quæ Sæculo Ecclesiæ decimo quinto eruperunt , accuratè referemus . Apostolicam in Christianos Principes beneficentiam explicuit *Martinus V.* dissidente conciliare studuit , Ecclesiæ jura ac libertates ac versùs ipsos intrepido animo tuitus est . *Vladislaus* Poloniæ Regem propter bella in Barbaros præclarè gesta magnis auxit privilegiis . Regnum Siciliæ *Ludovico* Andegavensi Duci , quem *Joanna* Siciliæ Regina in filium adoptaverat , vindicavit , ejusque jura adversùs *Alphonsum* Aragonum Regis tyrannidem propugnavit . *Henricum V.* & *Henricum VI.* Angliæ Reges ad pacem cum *Carolo VII.* Galliarum Rege incundam , missis Legationibus , vehementer est adhortatus . Græcos à Schismate revocare satagit Optimus Pontifex , datis ad *Manuelem* , & *Joannem Palæologos* , Græcorum Imperatores , Litteris missisque Nuntiis , qui de conjunctione Ecclesiarum cum ipsis & *Josepho* Patriarchâ Constantinopolitano , cui hæc unio maximè in votis erat , agerent , ac Latinorum auxilia contra Turcas ipsi Pontificio nomine pollicerentur , statim ac Sacrum fœdus fuisset instauratum . Sed hæc utriusque Ecclesiæ unio peracta est dumtaxat in Concilio Oecumenico Florentino sub *Eugenio IV.* Summo Pontifice & successore *Martini V.* Concilium Generale ad reformandos mores , & sanciendam Ecclesiasticam Disciplinam Ticini , seu Papiæ , indixerat *Martinus V.* sed cum pestiferâ lue tum temporis , seu anno MCCCXXIII. inficeretur Papiense Cœlum , placuit Pontifici Concilium transferre Senas , quod tamen ob exiguum Prælatorum numerum ,

ingruentes undique bellorum procellas, sed maxime metu *Alphonſi*, Aragonum Regis, aliorumque nonnullorum, qui Schisma renovare moliebantur, diſſolvit *Martinus V.* aliudque Concilium, ſeptennio poſt *Baſileæ* celebrandum decrevit. Diſciplinæ Eccleſiæ inſtaurandæ ſtudioſſimum fuiſſe *Martinum V.* probat non ſolùm ea Sententia, quam tulit in omnes Simoniacos tam occultos, quàm publicos, quos Cenſuris Eccleſiaſticis percuffit, ſed etiam mira illa prudentia, quâ in dandis Beneficiis utebatur. Non enim, teſte *Platina* in ejus Vita, unicuique petenti ea conferebat, ſed ſtatim mente agitabat, quis potiffimùm eſſet idoneus, cui talis cura demandaretur. Quod ſi homines Provinciarum non noſſet, in quibus vacare Beneficia contigiffet, ſtatim peritos regionum conſulebat, quis aut in Curia, aut Gymnaſiis publicis eſſet doctrina, nobilitate, moribus tanta provincia dignus. Atque hac quidem ratione & Eccleſiis, & hominibus honore dignis pariter conſulebat cum maxima celebritate nominis ſui. Decretum *Urbani IV.* de Feſto Sanctiſſimi Corporis Chriſti celebrando confirmavit *Martinus V.* novisque propoſitis Indulgentiis Fidelium ergà Auguſtiſſimum Sacramentum pietatem excitavit. Tandem, poſt innumera præclarè geſta, quæ hic reſerre nimis longum eſſet, obiit Romæ *Martinus V.* x Apoplexia die xx. Februarii anni mccccxxxi. um ſediſſet annos tredecim, menſes tres, ac dies duodecim. Huic Summo Pontifici, inquit *Spondanus*, Eccleſia unionem, Italia quietem, Roma reſtaurationem debuit, ceteræ nationes eximiam de omni-bus benè merendi voluntatem agnoverunt. Hæretici accuſant *Martinum V.* primò, quòd conceſſâ diſpen-

satione cuidam permiserit ut matrimonium cum sorore germana contraheret. Sed hoc putidum commentum esse evincitur testimonio *S. Antonini* qui 3. Part. Summæ Tit. 1. Cap. xi. disertè ait hanc dispensationem à *Martino V.* fuisse concessam cuidam, qui matrimonium contraxerat cum femina, cujus sororem occultâ fornicatione constupraverat. Super cujus affinitatis impedimento quod nec juris naturalis est, nec divini, Summum Pontificem dispensare posse, in confesso est apud omnes Theologos, & Canonici juris Interpretes. Secundò, Hæretici accusant *Martinum V.* de nimis cumulandarum pecuniarum cupidine. Sed idem *S. Antoninus* in Chronico Tit. 21. Cap. 8. parag. ab hac calumnia *Martinum V.* vindicat eo potissimum nomine, quòd ejusmodi pecuniæ insumptæ sint in stipendiarios, & ad debellandos Ecclesiæ hostes; vel ad restaurationes Ecclesiarum, aliæque Urbis ornamenta fuerint expensæ. Quâ de re videtis etiam Spondanum ad annum mccccxxx Num. 3.

D. Perge, quæso, aliorum Pontificum, qui Sæculo XV. Sedem Romanam tenuerunt, seriem Gestaque describere.

M. Post iusta funebria *Martino V.* Pontifici Maximo de more persoluta, Cardinales, qui tunc temporis in Urbe erant, ingressi sunt Kalendæ mensis Martii anni millesimi quadringentesimi trigesimi primi Conclave, quod habitum est in Conventu *S. Mariæ super Minervam* Ordinis Fratrum Prædicatorum, & in Summum Pontificem elegerunt, *Gabrielem Condulmerium* patriâ Venetum illustri sanguine oriundum, *Gregorii XII.* ex foro nep

nepotem, Tituli S. Clementis Presbyterum Cardinalem, qui sumpto nomine *Eugenii IV.* Coronam Pontificiam in Basilica S. Petri accepit v. Idus Martii ejusdem anni. Fuit *Eugenius* Papa, teste S. *Antonio* 111. Par. Chronicorum Tit. xxii. Cap. x. *statura rocerus, gratiosus aspectu, nec animo minor, liberalissimus ad pauperes, ad reparationem Ecclesiarum unificus, Religiosos Deum timentes eximio fovebat sectu pariter & effectu, cultus divini, & Christiane Religionis dilatandæ zelator præcipuus.* Ipso sui pontificatus exordio civilem seditionem à Communesibus, *Martini V.* nepotibus, passus est *Eugenius IV.* eò quòd immensum thesaurum processitatibus Ecclesiæ congregatum, ab ipsis injurè illum retinentibus severè exegisset. Sed illorum audaciam repressit Pontifex, subsidiariis Florentinorum ac Venetorum copiis in ipsos immisissis, lata in eos Sententiâ, quam refert *Odoricus Raynaldus* ad annum mccccxxxi. De abolendâ Hæreticorum Hussitarum Sectâ per Bohemiam latè diffusâ multum sollicitus *Eugenius IV.* Legationem, quam *Martinus V.* ad sacram Expeditionem contra hujusmodi Hæreticos promovendam, & ad synodum Basileensem celebrandam, Cardinali *Juano Cesarino* crediderat, litteris ad illum datis confirmavit. At, tam sacræ adversùs Hæreticos assitas susceptæ Expeditionis, quam Synodi Basileensis infelix exitus fuit. *Fridericus* quippè *Martio Brandeburgensis*, quem *Sigismundus Imperator* huic Expeditioni sacræ præfecerat, in Bohemiam cum exercitu quadraginta millium Equitum Germanorum ingressus, primùm rem bene gessit, populationibus, cæde, incendiis, quibus Hæreti-

corum villas devastavit, oppida diripuit, nullâ que sexus, ætatisve habitâ ratione, in omnes promiscuè Hæreticos Hussitas ferro flammâque sæviit. Sed, audito Bohemorum, seu Hæreticorum Hussitarum adventu, *Fridericus*, Germanici exercitus Dux, terrore panico correptus, suas passus est diffluere copias, tamque præcipitem arripere fugam ut, teste *Michovio* cap. 52. libri quarti *De Rebus Polonicis*, castra Germanorum cum curribus omnigenere divitiarum & epularum plena victrici Hæreticorum Hussitarum exercitui in prædam relicta sint, captaque etiam fuerit Crux Legationis Cardinalis *Juliani Cesarini*, ac ejus vestes ludibrio Bohemis habitæ. Nec feliciorem exitum nacta est Synodus Basileensis, cui tanquam Legatus Summi Pontificis *Eugenii IV.* præfuit jam laudatus *Julianus Cesarinus*. Hanc Synodum statim Romanus Pontifex dissolvere, ac Bononiam transferre decrevit, tum quia grave tunc in omni Basileæ vicinia Burgundum inter & Austriacum Duces bellum ferveret, & in armis starent Bohemiæ Moraviæque populi Hussitarum Hæresi infecti, quorum in justis postulatis Synodus haud poterat assentiri tum quia etiam ineundæ Græcorum cum Latinæ unioni commodior videretur Bononia, quàm Basilea. Huic de Synodi Basileensis dissolutionis Decreto ab *Eugenio* Pontifice lato intercesserunt cum *Juliano Cesarino*, Cardinali Legato, Basileensis Concilii Patres, ac tandem allaborantibus per Legatos *Sigismundo* Imperatore, *Carolo VII.* Galliarum Rege, aliisque Principibus Christianis, Decretum dissolutionis rescidit Summus Pontifex Concilii Basileensis celebrationem ac continuatio-

nem approbavit, lataſque in Patres Baſileenſes Cenſuras irritas declaravit Diplomate dato die xviii. Kalendas Januarii anni mccccxxxiv. quod Baſileæ Nonis Februarii Sèſſione xvi. promulgatum eſt. His ità compoſitis, Concilium Baſileenſe, conſentiente *Eugenio* Pontifice Maximo, & præſentibus Sedis Apoſtolicæ Legatis, continuatum eſt uſque ad Sèſſionem xxv. in quâ Summum Pontificem inter & Synodum Baſileenſem novum merſit diſſidium circâ locum, in quo futurum Concilium de unionè Græcorum cum Latinis celebrari debebat. *Eugenius* Papa, Diplomate dato die xiv. Kalendas Octobris anni mccccxxxvii. Concilium Baſileenſe Ferrariam tranſtulit ob aduentum Græcorum, qui jam longi itineris laboribus fracti, nolebant aſperam, diſſicillimamque proſectionem uſque Baſileam per arduos & præuptos montes glacie & nivibus opertos aggredi. Hanc Concilii translationem ægrè admodum tulerunt factioſi quidam Antiltites Baſileenſes, qui ſpitu ſchiſmatico acti Sententiam exauctorationis in *Eugenium IV.* Pontificem Maximum tulerunt, *Amedeum*, Sabaudix Ducem, ſub *Feliciſ V.* nomine Papam ſalutarunt, ſeu potiùs Pſeudo-Pontificem obtruſerunt, ſibiſque grande vituperium ac ſcandalam maculam accerſiverunt, novum in Eccleſia excitando Schiſma. *Eugenius* Papa ſibi ſemper conſtans, ſpretis citationibus, minis, ſuſpenſionis Sententiâ in ſe latâ, dictoque in illos factioſos Antiltites Baſileenſes anathemate, Concilium Ferrariæ aperuit, quod tamen, peſtilentiâ Ferrariæ graſſante, Florentiam tranſtulit, ubi tandem utriusque Eccleſiæ, Græcæ & Latinæ,

unio feliciter consummata est, & Armenorum, Jacobitarumque ad Ecclesiæ Romanæ gremium accessione cumulata totius Orbis Christiani lætitia, sicut in Colloquio quarto, agendo de Conciliis Sæculo XV. celebratis, copiosius ostendemus. Hæc Græcorum cum Latinis unio, sicut & postea consecutus Syrorum, ac Mesopotamenorum, Chaldæorum, & Maronitarum ad Ecclesiæ Romanæ Communionem reditus summâ quidem voluptate *Eugenium IV.* perfuderunt. At eum paulò post maximo mæore confecit infaustus exitus Sacre Expeditionis, quam in Hungaria contra Turcas urgendam decreverat *Juliani Cæsarini* Cardinalis operâ, & *Vladislai* Poloniæ, & Hungariæ Regis virtute. Commisso namque Varnensi prælio, cujus in superiori Colloquio mentionem fecimus, cuique *Amurathes* hujus nominis II. Turcarum Imperator interfuit, profligatum Christianorum exercitum, cæsum *Vladislaum* Polonorum Regem, & *Julianum Cæsarinum* Cardinalem Legatum interemptum luxit Pontifex Maximus anno MCCCXLIV. Sedit *Eugenius IV.* annos XVI. minùs diebus octo, & obiit VII. Kalend. Martii anni MCCCXLVII. Fluctuantem turbulentissimis illis temporibus Petri naviculam peritè rexit Summus ille Pontifex, quem *Platina* ait fuisse aspectu insignem, gravem in dicendo, liberalem in omnes, præsertim in litteratos, quos inter *Leonardum Aretinum*, *Carolus Poggium*, *Blondum*, viros id ætatis doctissimos, singulari benevolentia complexus est. Testatur etiam Author Vitæ *Eugenii IV.* cujus MS. à *Ferdinando Ughello* secum communicatum laudat *Odoricus Raynaldus*, hunc Summum Pontificem raro
vinum

vinum bibisse, & unico ferculo fuisse contentum; contemptorem auri eximium extitisse, in vili & aspero lecto dormivisse, in pauperes beneficentissimum, & in executione rerum, quæ bonum Ecclesiæ regimen spectabant, adeò constantem, ut nullis Principum precibus ab æqui tramite unquam deflexerit. *Sigismundum* Romanorum Regem coronam Imperii solemnî ritu anno mccccxxxiii. Romæ ab *Eugenio IV.* Pontifice Maximo accepisse, iam observavimus in præcedenti Colloquio. Alia præclara *Eugenii IV.* Gesta collecta in unum legesit *pud Platinam, & Ciacconium*, qui *Vitas Romanorum Pontificum* scripserunt.

D. Mortuo *Eugenio IV.* Pontifice Maximo, consensitne universa Ecclesia in electionem veri ac legitimi Romani Pontificis, sublato *Amedeo*, Duce Sabaudia, quem contra *Eugenium IV.* rebelles Anistites jam dissoluti Concilii Basileensis Pseudopontificem intruserant?

M. Post obitum *Eugenii IV.* & exequias per novem dies de more actas, Cardinales Conclave ingressi elegerunt in Romanum Pontificem *Thomam Sarzonensem*, humili genere ortum, tituli *Suzannæ* Presbyterum Cardinalem, & Bononiensem Episcopum, virum doctrinâ & omni fermè scientiarum genere clarissimum, tantâque modestiâ præditum, ut Pontificatum, ad quem omnium suffragiis proventus fuerat, omni operâ à se amori tentaverit, hac dignitate indignum se prædians. Coactus tandem impositum subire onus, thronum Apostolicum conscendit, voluitque appellari *Nicolaus V.* ob memoriam *Nicolai Alberti* Cardinalis, cujus antea in obsequiis ac familiar-

liaritate fuerat , atque ab eo prædictionem Summi Pontificatus acceperat . Placuit omnibus Principibus Christianis hæc *Nicolai V.* Pontificis Maximi electio . *Fridericus* hujus nominis *III.* Romanorum Rex in solemni Ordinum Imperii Conventu vetuit omni cum Antipapa *Felice V.* & Basileensibus Patribus communicatione , obedientiam ab omnibus Imperio subditis *Nicolao V.* tanquam vero & legitimo Pontifici Romano exhiberi jussit . *Carolus VI.* Galliarum Rex, indicto Lugduni Conventu, pacem Ecclesiæ dare statuit , & *Felici V.* Gebennæ tum agenti persuasit, ut Pontificatum abdicaret , sequens *Nicolao V.* vero Pontifici subjiceret . Hujus Christianissimi Regis precibus & adhortationibus victus *Amedeus* , dictus in sua Obedientia *Felix V.* magno Ecclesiæ bono , umbratilem Pontificatum quem invitus susceperat , ac novem annos potius injustam *Eugenii IV.* depositionem gesserat , ad pedes *Nicolai V.* ultrò abdicavit anno MCCCXLI. Publicas hujus cessionis tabulas exhibet *Odoricus Raynaldus* ad hunc annum Num. III. Magnos honores *Amedeo* , antea in sua Obedientia *Felici V.* nuncupato, concessit *Nicolaus V.* videlicet ut in ditionibus Ducis Sabaudie Vicarius , & Sedis Apostolicæ perpetuus esset Legatus ; ei venienti Pontifex assurgeret , ille tantum osculum oris redderet omnia reservaret ornamenta & Insignia Pontificalia, demptis tamen delatione Corporis Christi, anulo Piscatoris, Cruce in pedibus ac umbella. Cardinales, quos *Amedeus* dictus *Felix V.* creaverat, recepit *Nicolaus V.* eosque veris ac legitimis adnumeravit . Omnia, quæ tam in foro contentioso, quàm in foro conscientie in personis, & locis , quæ *Felici* antea obe

obe

obediebant, facta fuerant, pro bono pacis & unionis Ecclesiæ, de Apostolicæ plenitudinis potestate approbavit ac confirmavit *Nicolaus V.* Omnes itidem personas cujuscumque dignitatis, ordinis & conditionis, quæ, ob adhæSIONem *Felici* & Concilio Basiliensi jam dissoluto, Beneficiis aut jurisdictionibus ab *Eugenio IV.* Pontifice Maximo privatæ fuerant, in integrum itidem restituit, ac tandem omnia, quæ contra eundem *Felicem*, vel ei adhærentes odiosè dicta vel scripta fuerant, nulla & irrita declaravit, aque omnia ex Regestis *Eugenii IV.* & aliis quibuscunque locis aboleri & expungi jussit, datis in eam tribus Constitutionibus, quibus voluntatem suam universo Orbi testatam esse voluit, ut videre sit apud *Spondanum* ad annum MCCCCXLIX. Num. IV. his tribus *Nicolai V.* Constitutionibus sancitâ Ecclesiæ pace, *Amedeus*, dictus in sua Obedientia *Felix V.* secessum suum Ripalliam repetiit, & deposito Pontificatu gloriosior, quàm recepto, sanctè obiit, multisque post obitum miraculis effulsit, sicut *Philippus Bergomensis*, & alii testantur. Quâ de re legendus est etiam *Monodus* in *Amedeo Pacifico*. Observat *Spondanus* ad annum MCCCCXLIX. Num. III. *Amedeum* dictum *Felicem V.* quò potentior apud omnes videri poterat, utpotè consanguinitate vel affinitate cunctis fermè Christianis Principibus conjunctus, eò gratiorem Deo esse quæsisse perpetuo & eximio veræ humilitatis exemplo, quod *Gregorius* adeò acceptū habuit, ut ejus solo fortè merito confesserit, nunquàm hætenus ab eo tempore ullum succedere in Ecclesia Romana Christi Sponsa Schisma, quibus antea frequentissimè concutiebatur. Restitutâ Ecclesiæ pace, *Nicolaus V.* Pontifex Maximus, renascen-

tem

tem in Bosniâ Manichæorum Hæresim exscindere, sategit. In Bohemiam Hussitarum hæresi infectam Nuntios misit, & inter illos *Aneam Sylvium*, & *Joannem de Capistrano*, Concionatorem Apostolicum, Ordinis Fratrum Minorum, qui multos hæreticos ad Ecclesiæ gremium reduxit. Jubilæum anno MCCCCL. Romæ incredibili ex toto Orbe Christiano concursu celebravit idem Summus Pontifex, eodemque anno *S. Bernardinum Senensem* Sanctorum Fastis adscripsit. Proximam Græcorum ruinam, quam ante prædixerat, & Urbis Constantinopolitanæ expugnationem à Turcis anno MCCCCLIII. factam eò gravius luxit *Nicolaus Quintus*, quòd funestam illam cladem nec impedire, nec reparare potuerit, licet nihil non egerit, ut Principes Christianos ad sacrum bellum foederaret. Sed Turcarum potentiam cum domare non posset, libros totâ Græciâ perquisitos, tum Sanctorum Patrum, tum Philosophorum, Hæreticorum, Oratorum, Theologorum, Mathematicorum, omnium facultatum, omnium artium, ingentibus sumptibus ad se adferri, & latinitate donari jussit, itaut jure optimo dici possit, hujus Summi Pontificis munificentia non periisse in suo excidio doctam Græciam, sed in Italiam commigrasse. *Friderico III.* Imperii coronam imposuit *Nicolaus V.* anno MCCCCLI. Urbem Romam multis ac maximis ædificiis exornavit. Summus litterarum ac Litteratorum Patronus, omnes ferè Sæculi sui viros doctrinâ insignes stipendiis ditavit, & Bibliothecam Vaticanam veteribus ac novis Codicibus ornatissimam instruxit. In patrimonio *S. Petri* plurimas ac munitissimas arces opportunis locis erexit. Pauperibus largas

eleemosynas suppeditavit, & inopes Virgines, quarum pudicitia periclitari poterat, pecuniâ suâ maritis collocavit. Parùm abfuit quin Summus ille Pontifex Romæ conjuratione *Stephani Porcarii* obtrueretur, quam tamen supremo favente Numine dissipavit, ejusque Authore ad muros Arcis S. *Angheli* ignominiosè suspensio, se ipsum ingenti periculo liberavit, & Romanæ Sedis dignitatem, Imperiumque servavit Pontifex Maximus, sicut refert *Aeneas Sylvius* in *Cosmographia de Europa* cap. 58. *Nicolaus V.* Maximus & Religiosissimus Pontifex annos octo & dies aliquot, obiitque die xxiv. Aprilis anni mccccclv. Ejus Vitam scripsit *Jannius Manettus*, patriâ Florentinus, ipsumque laudibus celebrant S. *Antoninus* part. 3. *Chronicorum*, tit. 22. Cap. 12. *Aeneas Sylvius* de Statu Europæ, *Franciscus Philolphus* in Epistola ad *Callixtum III.* *Loggins* in Oratione Panegyrica, *Platina*, & alii, qui Vitas Romanorum Pontificû litteris consignarunt.

Peracto demortui *Nicolai V.* Pontificis Maximi funere, plerique Cardinales decreverunt eligere in Romanum Pontificem *Bessarionem* Cardinalem, natione Græcum, quod is omnibus aptior ad ecclesiam gubernandam videretur. At præter illorum expectationem contigit, ut facto Scrutinio cardinalis *Bessario* numero exciderit, & *Alphonsusorgia* Cardinalis SS. Quatuor Coronatorum, natione Hispanus, septuagenario major, canonicè in Romanum Pontificem die 8. Aprilis ann. mccccclv. electus fuerit, dictusque *Callixtus III.* cui supremam hinc Ecclesiæ dignitatem S. *Vincentius Ferrerius* ordinis Prædicatorum spiritu prophetico afflatus, à Deo fuerat auguratus. Cùm primùm Pontifi-

tificatum iniit *Callixtus III.* ad bellum sacrum contra Turcas promovendum voto sese obstrinxit, & ut quod voverat, reipsâ præstare posset, ad Christianos Principes misit Legatos, qui ipsos ad fœdus contra Christiani nominis hostes adhortarentur eisque suaderent, ut facultatum aliquid opumque suarum ad eam Sacram Expeditionem conferrent Indixit quoque Summus Pontifex per universum Orbem Christianum preces & supplicationes publicas ad implorandam opem, & amplissimas militibus indulgentias concessit. Christianorum preces de Cœlo exaudivit Deus, eisque insignem de Turcis ad *Belgradum*, seu *Albam Gracam*, Servimunitissimam urbem, victoriam dedit, in qua Turcæ, qui hanc Urbem anno MCCCCLVI. obsidebant fugati, cæsi, profligatique fuerunt. In memoriam celebris hujusce victoriæ, Festum Transfigurationis Christi Domini à Papa *Callixto* institutum, & per universum Orbem die VI. Augusti celebrandum jussu esse asserunt *Platina*, *Ciacconius*, *Genebrardus* & plerique alii. Sed his meritò non assentitur *Baronius*, qui in Notis ad Martyrologium Romanum VIII. Idus Augusti invictè probat, Festum Transfigurationis Christi Domini ante tempora *Callixti III.* Pontificis Maximi fuisse jam in Ecclesia institutum. Quapropter *Callixtus III.* hoc Festum non Instituit, sed solum instauravit, & celebrare esse voluit erogando indulgentias Fidelibus, qui hujus Solemnitatis Officio recens edito interessent Pontificium ea de re Diploma datum Romæ VII. Idus Augusti anni MCCCCLVII. legitur apud *Odoratum Raynaldum* ad hunc annum, Num. LXXXI. De antiquitate Festi Transfigurationis Christi Domini

nam in Ecclesia Græca, quàm Latinâ, idem omnino cum *Baronio* sentit *Spondanus* ad ann. MCCCCLVI. Num. IV. Pacem inter Principes Christianos conciliare summopere studuit *Callixtus III.* nunquam tamen eorum precibus aut postulatis ab honesto abduci potuit. Hinc cum *Alphonso* Aragonum ac Siciliæ Rege similitates exercuit, quod is peteret episcopatus his dari, quibus vel propter ætatem, vel ob ignorantiam committi non debebant. Restitit etiam idem Summus Pontifex *Friderico III.* Imperatori, apud quem à Germanis iniquè cum de pecuniarum extorsione, tum de Concordatorum violatione fuerat accusatus. Has quippè falsas criminationes diluit Pontifex datis ad *Fridericum* Imperatorem litteris, quæ apud *Odoricum Raynaldum* reguntur ad annum MCCCCLVII. Num. XL. Objectiones verò Germanorum de Concordatorum violatione injustas ac futes esse ostendit *Aeneas Sylvius* Cardinalis Senensis Epistolâ CCCXXXVIII. ad *Martinum Mayer* Jurisconsultum, necnon Tractatu de moribus & conditione Germaniæ scripto. In Controversia, quæ de Primatu Archiepiscopum Lugdunensem inter & Rothomagensem fervebat, Rothomagensis Archipræsulem à Lugdunensis imperio liberum pronunciavit *Callixtus Tertius* Diplomate dato VIII. Idus Julii anni MCCCCLVIII. quod refert *Odoricus Raynaldus* ad eundem annum Numero XXXVII. Vetuit idem Summus Pontifex, ne quis, inconsulto Sacri Palatii Magistro, Orationem Sacello Pontificio haberet, & nisi prius ostenso Sermone, ab eoque diligentè examinato, & si bonus fuerit, emendato. B. *Vincentium Ferrerium*, Ordinis Prædicatorum, Virum Apostolicum anno

an. mcccclv. die SS. Apostolis Petro & Paulo Sacra
& Beatum Osmundum Sarisberiensem Episcopum.

an. mcccclv. inter Cœlites retulit *Callixtus II*
qui, postquam Ecclesiam rexisset annos tres
menses quatuor, Romæ obiit octavo Idus Augusti
anni mccccv. Fuit optimus Pontifex, in victis
parcus, in sermone modestus, in pauperes libera-
lis, in Bellum Turcicum maximè intentus, in ci-
jus sumptus centum & quinquaginta aureorum
millia moriens reliquit, ut testatur S. *Antoninus*

D. Vacavitne diù Sedes Pontificia po-
situm *Callixti Tertii*?

M. Finitis *Callixti III.* Pontificis Maximi ex-
quis, decimâ die post ejus obitum Cardinali
Conclave ingressi elegerunt xiv. Kalendas Septem-
bris ejusdem anni mccccv. in Romanum Pon-
tificem *Æneam Sylvium*, Tituli S. *Sabinæ* Presby-
terum Cardinalem, patriâ Senensem, ex illustri Pi-
colomineorum prosapia oriundum, litteris, ek-
quentiâ, dexteritate & prudentiâ nulli secundum
qui *Pii II.* suscepto nomine, inauguratus est Pon-
tifex Maximus tertio Nonas Septembris ejusdem
anni mccccv. annos natus quinquaginta tres.
Quæ ante Pontificatum gessit *Pius II.* & honores
quos consecutus est, accuratè ipsemet describit in
Epistola CLXXXVII. ad *Petrum de Noxata* Equi-
tem Neapolitanum, in qua hæc habet: cum dare
juri Civili operam, exorto bello, patriam & studium
coactus sum relinquere; accessi tamen grande illud Ba-
sileense Concilium, invenique gratiam in oculis *Pe-
tri*. Scriba in Synodo fui, & litterarum abbrevi-
ator, & unus de duodecim viris, qui Magistratum
illic quasi Censorius videbatur; neque enim sine du-

decim viris ad consultandum de rebus conciliaribus
 quisquam admittebatur, & admissi, qui non erant ido-
 rei, his jubentibus, amovebantur. inter Collato-
 res Beneficiorum sum electus; Legatus ab ipso Concilio
 ad complures Principes missus. Cùm Pontificatum
 Amedeus Dux Sabaudia suscepisset, Felix nuncupatus,
 Secretarium sum ab eo accitus, nec diu post vocatus
 ad Fridericum Imperatorem, Protonotariatus officium
 ab eo sum adeptus [sic Germani Secretarium appel-
 lant] Dùm Legationes Cæsaris obo, universam fermè
 Germaniam circui. Dissidebant Theutones cum Euge-
 nio Maximo Pontifice; at neque illi, neque Felici
 obedientes, Neutrales vocabantur. Concordia pluri-
 us in Conventibus agitata est, quibus, jubente Cæsare,
 interfui. Bis cum tractatu pacis ad Eugenium veni:
 ratio nationis illius Apostolicæ Sedì obedientiam at-
 tuli. Secretariatus, & Subdiaconatus honorem,
 Eugenio, & mox, illo defuncto, à Nicolao
 scepi, cujus Conclavis cùm eligeretur, cum ceteris
 principum Legatis custodia præfui. Lapsus est postea
 breve tempus, in quo me Nicolaus Tergestina Ecclesiæ
 hiltale merentem præfecit Episcopum, quadriennio-
 re ab in te decurso, Senensis Orbis, undè mihi origo
 , Pontificatum ad me detulit &c. Tandem anno
 sciter MCCCCLVI. ab Imperatore Friderico III. in
 uliam missus Aeneas Sylvius, ut de bello Turcis
 ferendo cum Pontifice, aliisque Principibus
 consuleret, Cardinalitiâ purpurâ à Callixto III.
 Pontifice Maximo donatus est, & post Callixti mor-
 tu anno MCCCCLVII. Pontifex Romanus electus,
 stusque, ut jam innuimus, Pius II. Multa in suo
 Pontificatu præclare gessit, quæ hic breviter attin-
 mus. In primis, edidit retractationis Bullam, in

qua omnia, quæ contra *Eugenium IV.* Pontificem Maximum in Concilio Basileensi egerat, revocavit. Legem quoque tulit, ne à Censuris, Sententiis, aut Mandatis Apostolicis ad futurum Concilium quis appellaret, & sic appellantes Excommunicationem ipso facto incurrere declaravit, à qua nisi per Romanum Pontificem, extra mortis articulum, absolvi possint. Præterea, solemnem Mantuæ indixit Conventum, in quo de bello contra Turcas gerendo deliberatum est, & ut Principes Christiani adversus illum communem hostem arma converterent, variis Legationibus pacem inter illos procurare summopere studuit. Trium Patriarcharum Orientalium Alexandrini, Antiocheni, & Hierosolymitani, qui sese Romanæ Ecclesiæ subiciebant, & Latinos obnixè rogabant, ut ab eorum cervicibus Turcicæ tyrannidis jugum excuterent, Legationem suscepit, ac benignè audit Oratores, quos Monobassienes, olim Spartani dicti, ad ipsum miserunt, ut se, suamque civitatem Romano Pontifici darent, quorum voti annuens *Pius II.* Præfectum misit, qui huic populo nomine Ecclesiæ Romanæ, cui per suos Oratores fidei Sacramentum præstiterat, jus diceret, & annonam, quâ egebat, ministraret. Dùm ad Christianos Orientis à Turcarum Tyrannide liberandos, eosque Græcorum Schismate implicitos ad Ecclesiæ Romanæ gremium revocandos strenue allaboraret *Pius II.* suas itidèm curas in Occidente ad vindicandam ab Hæreticorum erroribus Catholicam fidem sollicitè impendebat. In *Georgium Pogebrachium*, Bohemiæ Regem, qui ab Hæreticorum Hussitarum partibus stabat, Excommunicationem

Sententiam tulit, quam refert *Joannes Cochleus* lib. xii. *Historiæ Hussitarum*. Quæstionem de Sanguine Christi in triduo mortis, magnâ animorum contentione FF. Minores inter & Prædicatores agitatam, voluit *Pius II.* coram se anno mccccclxi i. i. disceptari. Propugnabant FF. Minores, Sanguinem pretiosum Christi Domini in triduo passionis effusum & in terra jacentem ab unionè Hypostatica Verbi Divini planè excidisse, adeoque cultu Patriæ non fuisse adorandum. Contrariam Sententiam pro aris ac focis tuebantur FF. Prædicatores, quam major pars approbavit, pauci, cum Minoribus sensere. *Pius quoque* (Pontifex Maximus) ex majori parte vit : sed non est visum eo tempore fieri Decretum declarationis, ne multitudo Minorum, cujus erat contra iurcas Prædicatio necessaria, offenderetur : in aliud tempus decisionem referre placuit, Verba sunt *Joannis Gobelini* libro xi. *Rerum sui temporis in Italia, Hussitarum*. Sed de hac Controversia plura in sequenti colloquio dicemus, ubi de Hæresibus, Schismatibus, & Controversiis, quæ Sæculo XV. emerferunt, præterea operâ differemus. A *Ludovico XI.* Galliarum Rege Pragmaticæ Sanctionis abrogationem obtinuit *Pius II.* Pontifex Maximus, qui tamen Gallos haud parum offendit, dum *Ferdinando*, filio notho *Alphonso*, Regum Regis, Regnum Siciliæ adjudicavit ac confirmavit, spreto depulsoque *Renato* Duce Andegavensi, quem illius Regni legitimum esse hæretici Galli pertendebant. Tentavit quidem *Joannes*, filius *Renati* Ducis Andegavensis, Regnum Siciliæ, à cujus possessione ipsius pater depulsus fuerat, magno exercitu collecto recuperare, & in Italiam profectus, collatisque signis, *Ferdinandum*.

acie victum, & castris exutum egit in fugam, actumque omninò de eo fuisset, ni *Scanderbergus* Epiri Rex, illius, & *Pii II.* precibus adductus presentissimum ei attulisset auxilium, quo *Ferdinandus* pulsus hostibus, brevi omnia sibi à *Joanne* Duce Andegavenfi armis ablata in potestatem accepit. Rationes, ob quas *Pius II.* Pontifex Maximus magis fuerit affectus ergà *Ferdinandum*, filium spurium, & non semel per Sedem Apostolicam injustum Regni Siciliae invasorem declaratum, quam erga *Joannem* filium *Renati* Ducis Andegavenfis qui per eandem Sedem verus ac legitimus Apuliae & Siciliae Rex fuerat denunciatus, leges apud *Spondanum* ad annum MCCCCLIX. Extrema Pontificatus sui tempora bello contra Turcas parando impendit *Pius II.* dumque ingentem Cruciatorum militumque subsidiariorum exercitum conflasset & Anconam profectus fuisset, quò innumerabili Christianorum multitudo armata confluit, morbo ibi correptus, omnibusque Ecclesiae Sacramentis munitus è vivis excessit XIX. Kalendas Septembris anni MCCCCLXIV. Pontificatus sexto minù quinque diebus. Vir fuit sine dubio magnus, & ob plura ingenii sui monumenta, quæ posteris reliquit, quæque nos in Colloquio quinto commodius referemus, multum ab eruditis laudatus. *S. Catharinam* Senensem Virginem Ord. Prædicatorum sacris Fastis inscripsit III. Kalendas Julii anni MCCCCLXI. ac Officium in ejus Festo celebrandum composuit, sacrisque Stigmatibus, dùm viveret velut divini amoris caracteribus eam fuisse insignitam apertè innuit in Hymno ad Vesperas, in quo sic Sanctam illam Virginem compellat:

*Vulnerum formam miserata Christi
exprimis ipsa.*

D. Quisnam post obitum Pii II. Pontificis
Maximi Ecclesiam Romanam rexit?

M. Sacris Novendialibus Pio II. ut moris
est, peractis, summo Cardinalium consensu ele-
ctus est Pontifex Romanus *Petrus Balbus*, Patriâ
Veneret, *Nicolai*, & *Philoxenæ*, Sororis *Eugenii IV.*
lius, Tituli S. *Marci* Presbyter Cardinalis, qui
Pontificatu cum se primò *Formosum* appellari
vellet, deindè *Marcum*, tandem se *Paulum II.* nū-
cipari maluit. Leges ad optimam Pontificiæ ad-
ministrationis rationem à Cardinalibus in Con-
cilio conditas *Paulus II.* Jurejurando, votoque pro-
miserat se religiosè observaturum, quas tamen,
iniquâ Summi Pontificis auctoritatem plus æquò
stringere sibi visas, abrogavit, easque ut rescin-
derent, compulit Cardinales, præter *Joannem Car-
dinalem* Cardinalem Hispanum, Virum septuage-
narium, & morum Sanctimoniâ illustrem, qui
quod nunquàm se juvenem fecisse meminerat, ut
quandò mutaret sententiam, id jam ætatis non
commisurum summâ constantiâ respondit, ut te-
statur *Jacobus Papiensis* Cardinalis libro 2. Com-
mentariorum. Ad Solium Pontificale sublimatus
Paulus II. de conficiendo Bello contra Turcas ad
Christianæ Religionis defensionem, à suo Decessore
Pio II. suscepto, maximè sollicitus fuit, sed præ-
cipuè ad exterminandam Hussitarum Hæresim, per
Boemiæ Regnum latè diffusam, suas curas inten-
dit. Hinc *Georgium Pogebrahium* Bohemiæ Re-
gem, Hussitis addictum & Catholicorum perse-
cutorem, Sententiâ in Consistorio an. MCCCCLXVI.

latâ , hærescos damnavit , anathemate perculit , Regno exuit , omnesque ac singulos ei adhaerentes assistentes , obsequentes , faventes , aut consilium , auxilium , vel favorem clâm vel palâm , directè vel indirectè præbentes , cujuscumque dignitatis , gradus , ordinis , præminentia , vel nobilitatis essent , Ecclesiæ communione privavit . Curiam Romanam à Simoniaca labe purgavit . Gubernatoribus locorum Ditionis Ecclesiasticæ ne munera acciperent districtè prohibuit , Constitutione , quæ incipit : *Munera* , quæque data est xv. Kalendas Aprilis anni mccccclxvi. Jubilæi celebritatem ac annum xxv. revocavit Diplomate , quod incipit *Ineffabilis Providentia* , dato xiiii. Kalendas Maij anni mccccclxx. Bona Ecclesiastica alienari , aut ultrâ triennium locari vetuit Diplomate dato Kalendis Martij anni mccccclxvii. Gratiâ Expectativas inhibuit . Suas Opes in Virginum Pauperum dotem , Viduarum solatium , Pauperum levamen Templorum ornamenta , Venetorum contra Turcas subsidia liberalitè profudit . Hæc sunt , quæ i Pontificatu præclarè gessit *Paulus II.* quæ tamen nonnullis nævis infuscavit , de quibus jam laudatus *Jacobus Papiensis* Cardinalis Epistolâ cclxx eum liberè monuit , quòd videlicet nimium gloriæ avidus , nominis immortalitatem hisce rebus quæreret , quibus præci Cæsares , non Sancti Pontifici gloriabantur ; quòd pretiosis gemmis impensè delectaretur : quòd Bacchanalium pompam , ludosque publicos Romæ in Carnisprivio auxisse De his , inquam , *Paulum II.* liberè monuit *Jacobus Papiensis* Cardinalis , magnus Vir , testis oculatus & rigidus morum Censor . Cæterum , quam

*Paulus II. nec valdè laudandus , nec vituperandus dici possit , ut ait Spondanus ad annum mccccclxxi. nulla tamen his , quæ de isto Pontifice scripsit Platina ides adhibenda est , cùm hic Scriptor ab hoc Pontifice longo carcere subactus , immò ob conspirationem , & impietatem tormentis subiectus , multa in eum temerè effutierit ultione nec erudito , nec Historico , nec homine Christiano dignâ . Sed ferendum non est putidum commentum , quod sparserunt Hæretici , illudque in suo *Mysterio Iniquitatis* recoxit procacissimus *Plessæus Mornæus* , asserendo *Paulum II. Pontificem Maximum* in ipso actu venereo à diabolo fuisse strangulatum , cùm tamen *Platina* , huic licèt Pontifici iniquior , cæterique alii , qui Vitas Pontificum scripserunt , disertè tementur , hunc Summum Pontificem obiisse ex apoplexia , cujus causa fuisse credita est frequens peonum , pisciumque cum aquæ frigidæ potu comestio: Ex istiusmodi esculentorum ac potus mala & turulenta concoctione , variis surgentibus flatibus , tùm i meatus , per quos fit respiratio , illicò sunt obstructi , tùm mors continuò , nervorumque omnium contractio consecuta . Sed ii , qui aut huiusmodi causas aturæ ignorant , aut sunt animi livore , atque odio in sanctissimum Patrem illum exulcerati , alii inscitia , alii malevolentia , novas fabulas per Italiâ dispergunt , ta de causa mortis huius Summi Pontificis scribit *Franciscus Philelphus* in Epistola , quam direxit ad *Sixtum IV. successorem Pauli II. quæque inter ejus Epistolas est i. libri xxxv. Obiit Paulus II. Pontifex Maximus xvii. Kalendas Augusti anni Æræ Christianæ mccccclxxi. Pontificatus vii. Primus omnium fuit , qui Cardinales rubris Caputiis**

ornavit, quibus soli Pontifices antehac utebantur, pannoque ejusdem coloris equos ipsorum stratos esse jussit, dum equitarent, sicut *Jacobus Cardinalis Papiensis*, & *Platina* testantur.

D. *Sixtum IV.* in Sede Pontificia successorem fuisse *Pauli II.* mox insinuasti, sed quæ memoriâ laudeque digna in Pontificatu gesserit, & quorundam annos Clavum universæ Ecclesiæ gubernaverit, strictim nunc attingere debes.

M. Mortuo *Paulo II.* Pontifici maximo susceptus est unanimi omnium Cardinalium suffragio *Sixtus IV.* antea *Franciscus à Ruvere* appellatus, natione Italus, patriâ Ligur, è civitate Savonensi oriundus, quem alii ex nobilissima prosapia *Ruverea* suum genus duxisse, alii patrem navicularium Piscatorem habuisse volunt. Qua in re nihil certi pronunciare audemus. Illud omninò constat, eum Ordini S. *Francisci* nomen dedisse, Philosophum & Theologum doctissimum, atque egregiis Scriptis illustrem extitisse, & ex Ministro generali sui Ordinis à *Paulo II.* Pontifice Maximo factum esse Cardinalem, adnitente potissimum Cardinali *Bessarione*, cui ob singularem virtutem & doctrinam acceptissimus erat. In Solio Pontificio collocatus *Sixtus IV.* duo summi momenti pro Christiana Religionis, & fidei Catholicæ propagatione negotia suscepit, Bellum videlicet contra Turcas, & Hussitarum Hæresis in Regno Bohemiæ longè latèque diffusæ ultimum exterminium. Ab Expeditione sacra adversus *Mahometem* hujus nominis II Turcarum Tyrannum, qui Christianos armis infestabat, variasque eorum regiones jam invaserat, suum Pontificatum auspicatus est, & in eam
omnes

omnes suas curas ingenti animo convertit . Eam ob rem misit Legatos ad Principes , ut eos à mutuis diffidiis , & infestis armis revocare , pacem inter illos componere , eosque ad communem Religionis hostem junctis umbonibus expugnandum hortari satagerent . Per totam Italiam Prædicatores distribuit , qui Crucesignatorum exercitum convocarent , & fidelium subsidia colligerent . Classis Maritimæ Legationem & Præfecturam *Oliverio Carase* Cardinali Neapolitano demandavit Pontifex . Nihil præclari tamen hæc Classis tantâ sollicitudine parata & instructa gerere potuit , quia usquàm comparuere Turcæ , sed Bosphoro seque Helle ponto continuerunt . Eâ Expeditione *Attalia* , Urbs Pamphiliæ , hodie *Satalia* dicta , arrito conatu impugnata est , sed *Smyrna* , Joniæ civitas opulenta , à Classe Pontificia expugnata est . Quibus peractis *Oliverius* Cardinalis , & Classis Maritimæ Præfectus , Romam ovans reversus , duodecim Camelos prædâ onustos , & viginti quinque Turcas nobiles captivos totidè generosis equis confidentes in triumpho duxit , & vexilla non pauciora de Barbaris capta ante fores Basilicæ Vaticanæ suspendit . Hic fuit exitus sacre illius Expeditionis , quam anno *MCCCLXXII.* suscepit *Sixtus IV.* Aliam Expeditionem in Turcas anno *MCCCLXXXI.* paravit idem Summus Pontifex . Cum enim *Mahometes II.* Turcarum Tyrannus cum ingenti Classe in Calabriam appulisset , *Hydruntem* , vulgò *Otrante* , expugnasset , ac per Italiam Barbari fœdè grassarentur , in tanto rei Christianæ discrimine *Sixtus IV.* curas omnes ad eos propulsandos adhibuit , Principum opem imploravit , ac tandem

Hy-

Hydruntem vindicavit à tyrannide Turcarum , quæ eodem anno MCCCCLXXXI. nuncio de morte *Mahometis II.* accepto , ex Italia secesserunt . Ad profligandam Hussitarum Hæresim , Regnum Bohemiæ *Matthiæ Hungariæ Regi* , qui Sedis Apostolicæ consilio restituendam Religionem eo in Regnum collapsam susceperat , adjudicavit *Sixtus IV.* Pontifex Maximus , & fidei Sacramentum , quod Bohemi præstiterant *Uladislao* , Poloniæ Regis filio auctoritate Apostolicâ rescidit , ut videre est in Diplomatis , quæ eâ de re edidit , & quæ exhibentur ab *Odorico Raynaldo* ad annum MCCCCLXXI. Num. xxxii. & xxxiii. Religiosis Ordinibus Mendicantium multa Privilegia concessit idem Pontifex , sed præcipuè Ordini FF. Minorum , ut legitur in eorum Annalibus apud *Lucam Vadinghūm* ejusque Abbreviatorem *Franciscum Haroldum* ejusdem Ordinis . Fidei puritati sedulò invigilans *Petri Oxomensis* , Theologi Salmanticensis , Hæreticas propositiones confixit , de quibus in sequenti Colloquio commodius agemus , sicut & de quibusdam Controversiis , quæ sub ejus Pontificatu fuerunt excitatæ . Hujus Summi Pontificis magnificentiam prædicant etiamnum ædificia , cum sacrum profana , quæ Romæ vel à fundamentis excitavit , vel instauravit ; inter quæ præcipuum locum habent Pons ab ejus nomine nuncupatus , super Tyberim erectus ; & Bibliotheca Vaticana , quæ libris ex omni Europa advectis instruxit , ornavit , locupletavit , eique præfecit *Platinam* , qui in ejus administratione egregiam navavit operam . Multa doctrinæ suæ Monumenta , quæ ante Pontificatum ediderat , reliquit *Sixtus IV.* quæ suo loco

referemus , seu in Colloquio quinto, ubi Illustrium
 Sæculi decimi quinti Scriptorum Opera percen-
 sebimus . Obiit *Sixtus IV.* Idibus Augusti anni
 MCCCCLXXXIV. Pontificatus XIII. Hunc Summum
 Pontificem Scriptores Ecclesiastici , quos sequitur
Odoricus Raynaldus , duplici in capite culpandum
 esse censent . Primò , quòd cum Ecclesiæ dispendio
 in suos nepotes nimio affectu propenderit . Sic
 enim refert *Odoricus Raynaldus* ad ann. MCCCCLXXII.
 Num. LIX. *Ductus præterea humanis affectionibus*
Sixtus , *Hieronymum Riarium* (nepotem suum) cui
Ecclesiastici Exercitus supremum contulerat imperium ,
Imolæ , & *Forolivii* toparchia donavit ; sed malè col-
 lectæ Ecclesiæ opes illi ac filiis exitium postea attule-
 re . *Bartholomæum Platinam* in Vita MS. *Sixti IV.*
 quæ in Vaticanis Archivis asservatur , & *Jacobum*
Cardinalem Papiensem Epistolâ 439. ad *Angelum*
Episcopum Tudertinum testes appellat idem *Odo-*
ricus Raynaldus , & ad ann. MCCCCLXXXIV. Num. XXIV.
 hæc habet : *Scriptis reliquas ejusdem Pontificis* (*Si-*
xti IV.) *res gestas Raphaël Volaterranus in Antropo-*
logia , qui simulandi nescius nonnullos ejusdem Ponti-
fis nevos perstringit , tum ejusdem virtutes in luce
 collocat . Suorum in primis ipsum fuisse amantissi-
 mum , nimisque in eos indulgentem ; quorum causa
 magnam sibi conflavit invidiam . *Petrum Riarum*
 (nepotem suum) *Franciscani Ordinis* , *Cardinalitia* ,
 dignitate donavit , juvenem luxui deditissimum ubi ex
 mendicitate emerfit , quique tabidus voluptate decessit ,
Hieronymum (alterum nepotem suum) *Forolivii*
Foricornelique Principem creavit , virum sæviorem in-
 genio , non sine rei Ecclesiasticæ damno , hætenus
Odoricus Raynaldus . Secundò , multi Scriptores
 accu-

accusant *Sixtum* Pontificem Maximum, quòd particeps fuerit tetre conjurationis, in Principes Mediceos Florentiæ factæ sexto Kalendas Majas ann. mccccclxxviii. in Ecclesia S. *Reparatæ*, in qua à conjuratis, quorum præcipui erant ex *Pazzorum* Florentina familia, Mediceorum æmulâ, cæsus est *Julianus Medicus*, minor nâtu, *Laurentius* verò nâtu major, levitèr in jugulo vulneratus, fugit in Sacrarium, portisque æneis, quas pater ejus *Petrus Medicus* posuerat, defensus est. Verùm, ipsi cum *Odorico Raynaldo* lubentiùs crediderim, *Sixtum IV.* optasse quidem ut Medicei, quos sæpiùs hostes expertus fuerat, à Reipublicæ Florentinæ gubernaculis depellerentur, eum tamen in nefandum istud flagitium à conjuratis inter Missarum solemnias in ipsos patratum nunquàm consensisse. Sic enim ad annum mccccclxxviii. Num. 3. scribit *Odoricus Raynaldus*: *Passim ab Historicis, etiam Pontificio nomini addiçtis, carpitur Sixtus ut Coitionis in Mediceos particeps, quamquàm illum patranda flagitii ratio ultimè à Conjuratis concepta latuit sed quòd Mediceos, quos sæpiùs hostes senserat, Reipublicæ Florentinæ gubernaculis depelli percuperet.*

D. In locum *Sixti IV.* qui jam senescente Sæculo XV. obiit, substitueruntne Cardinales alium Pontificem, qui ad finem usque ejusdem Sæculi Ecclesiam Romanam gubernavit?

M. Post obitum *Sixti IV.* duo adhuc fuerunt Pontifices, qui continuâ seriè sibi succedentes, Ecclesiam Romanam Sæculo decimo quinto rexerunt, *Innocentius* videlicet VIII. & *Alexander VI.* quorum gesta hic breviter, quoad ejus fieri poterit

attexam, quò plenam Romanorum Pontificum, qui Sæculo XV. Sedem Romanam tenuerunt, Historiam habere possis. In primis, post obitum *Sixti IV.* Cardinales in Conclavi congregati consentientibus suffragiis elegerunt in Romanum Pontificem *Joannem Baptistam Cibo*, Tituli Sanctæ *Cæcilie* Presbyterum Cardinalem, patriâ Genuensem, origine tamen Græcum, qui in Pontificatu dictus est *Innocentius VIII.* Sub ejus Pontificatu multa feliciter contigerunt, quæ tam ipsum, quam universam Ecclesiam summâ lætitiâ cumularunt, videlicet Granatensis Regni expugnatio à *Ferdinando*, & *Isabella* in Hispania regnantibus, & gloriosæ ab ipsis de Mauris reportatæ victoriæ, necnon ex tota dititione Hispanica expulsio Judæorum, ex quibus ejectæ sunt centum septuaginta familiæ, & ad octoginta ferè capitum millia; propagata insuper in Regno Congitano & apud Jolophos Æthiopiarum Occidentalis populos, atque in Benii Regno Catholica Religio, curis & auctoritate *Joannis* Regis Lusitanie: *Zemis*, fratris *Bajazetis II.* Turcarum Imperatoris, è custodia Gallica, in qua detinebatur, in Romanam translatio; Divinus cultus in Regno Granatensi restitutus; Tituli Crucis Christi Domini Inventio Romæ facta in Basilica Sanctæ Crucis in Hierusalem; oblatum & receptum à Legatis ejusdem *Bajazethis*, Turcarum Imperatoris, ferum Lanceæ, quo Christi latus perfoßum est, sed sine cuspide, quem *S. Ludovicus* Galliarum Rex à Turcis redemptum in Sacro Sacello Parisiis reposuit. Hæc, inquam, omnia, quæ in Christianæ Religionis decus, & fidelium pietatis incrementum, cede-

cedebant , magnam *Innocentio VIII.* totique Ecclesiæ lætitiā attulerunt . Prædecessorum suorum vestigiis insistens idem Pontifex , Legatos ad Principes Christianos misit , ut eos ad mutuā pacem armaque in Turcas convertenda excitaret . *Ferdinandum*, Neapolitanum Regem , Ecclesiæ jura violantem , & tyrannidem in Sedis Apostolicæ clientē exercentem armis fregit , & ad rogandā pacem compulit . Constitutionem contrā Maleficos quæ incipit his verbis : *Summis desiderantes affectibus* , edidit Nonis Decembris anni *MCCCCLXXXI* quæ extat in Bullario . Ad extinguendam Hussitarum Hæresim , quæ in Regno Bohemiæ altas radices egerat , suas curas pari cum antecessoribus suarum ardore , parique fructu intendit *Innocentius VI.* eoque sedente extinctam penitus fuisse Hussitarum Hæresim testatur *Odoricus Raynaldus* ad annum *MCCCCLXXXVIII.* Num. *LVIII.* *extincta sensim est* inquit , *Hussitarum Hæresis* , donec *Lutherus* eam *Hæresim* pluribus horrentem capitibus , in Christianorum exitium suscitavit . Libellum nongentarum Conclusionum , quas *Joannes Picus Mirandulæ* & *Concordiæ Comes* , juvenis annos dumtaxat viginti quatuor natus , ex Logica , Physica , Metaphysica , Morali , Theologia & Cabala , Romæ publicè propugnauerat , damnavit Summus Pontifex anno *MCCCCLXXXVII.* & sub pœna Excommunicationis ne legeretur prohibuit , quòd in his Conclusionibus nonnullæ essent , quæ Episcopis , & aliis Sacræ Theologiæ , & juris utriusque Professoribus , quos ad eorum examen Pontifex ipse nominaverat , suspectæ & hæresim sapientes visæ essent . Sed de hoc *Joannis Pici Mirandulæ* Comitē libro plura dicemus .

in Colloquio quinto. Denique, Ordinem Monia-
 ium sub Titulo Conceptionis Beatæ Virginis, à
 Beatrice à Sylva, nobili Virgine Lusitana, sub Regu-
 a Cisterciensis Ordinis institutum confirmavit In-
 nocentius VIII. anno MCCCCLXXXIV. & Leopoldum,
 Austriæ Principem, Sacris Fastis adscripsit VIII.
 idus Januarii anni MCCCCLXXXV. Sedit Summus ille
 Pontifex annos septem, menses decem, & dies vi-
 inti septem, excessitq; Romæ è vivis an. MCCCXCII.
 Raphael Volaterranus libro 7. Geographiæ asserit, In-
 nocentium VIII. permisisse Norvegis, ut sine vino
 alicem consecrarent, quòd in ea regione ob im-
 mensa frigora vinum importatum acesceret. Ve-
 ùm, hujusmodi dispensationem ab Innocentio VIII.
 nunquam fuisse concessam, ex eo potissimum pro-
 ant viri eruditi, quòd nulla illius apud alios Au-
 thores memoria, vel minimum extet vestigium, &
 falsa sit ratio, ob quam hujusmodi dispensationem
 concessam Volaterranus scripsit, quòd scilicet vinum
 in eam regionem importatum statim acescat, cum
 amen ibi vina generosissima conservari experien-
 tià compertum sit. Si quod tamen Pontificium
 hujus dispensationis Diploma alicubi publicatum
 sit, dicendum est cum nostro Bzovio in Annalibus
 ecclesiasticis ad annum MCCCXC. extitisse circa
 illud tempus nonnullos malè feriatos Sacerdotes,
 qui postea combusti sunt propter adulterata Pon-
 tificia Diplomata, à quibus falsam illam dispensa-
 tionem publicari potuisse verosimile est. Sed etiam
 oppositâ veritate illius dispensationis Pontificii
 diplomatis, responderet Bellarminus lib. IV. de Ro-
 mano Pontifice cap. 14. quòd Innocentius VIII. non
 edidit Decretum, quo universæ Ecclesiæ declararet, li-
 cere

cere sine vino Sacrificium offerre . Itaque si erravit erravit factò, non dogmate . Deindè non permisit, loci vini liquorem alium consecrari , quod fuisset materia Sacramenti pervertere ; sed id solum permisit , ut in altera tantum specie Eucharistiam consecrarent , id quod ob extremam necessitatem, cum in ea regione conservari non possit , quin statim ace scat . Quod quidem auctor nullus error est , aut certè exploratus error non est . Accedit mirum videri posse , si eo tempore vini usum non habuerint, cum hoc tempore adeò sit frequens , ut sine illo ne communicare quidem velint . Hactenus Bellarminus .

D. Nullus dubito , quin falsa ac planè commentitia sit ea , quæ ab Innocentio VIII. Pontifice Maximo concessa Norvegis dicitur dispensatio Calicem sine vino consecrandi . Sed veniamus ad Innocentium VIII. Successorem , seu Alexandrum VI. cujus vita & moribus cum Scriptores , ut nuper me audiui à Viris eruditis, varient linguis & sententiis, res tantum , quas in Pontificatu suo ad puritatem fidei conservandam , fideliumque salutem promovendam præclarè feliciterque gessit , à te præsentia audire percipio, omnis penitus aliis ejus Actis, quæ hic propalare nec decet , nec expediret, sed apposito silentii sipario prudenter obtegeri debemus .

M. Certum est , inquit doctissimus Melchior Canus lib. XI. De locis cap. VI. qui fictè & fallaci Historiam Ecclesiasticam scribunt, eos viros bonos que sinceros esse non posse , totamque eorum narrationem inventam esse aut ad quæstum , aut ad errorem quorum alterum factum est , alterum perniciosum . Istud vitii genus referendo præcipua Alexandri

Pontificis Maximi gesta, Deo dante, non impingam, neque enim aliquid fictè fallacitèrque dicam, sed solum habità ratione loci & temporis, attentisque prudentiæ Christianæ legibus, ejus mores silentio omninò prætermittam. Sic enim S. Augustinus in libro *contra Mendacium* excusat *Abrahamum* à fictione & mendacio dicens: *non dixit aliquid falsi, sed tacuit aliquid veri*. De moribus itaque *Alexandri VI.* Pontificis Maximi penitus filebo, secutus consilium Apostoli dicentis: *Omnia mihi licent, sed non omnia expediunt*. Epistolæ I. ad Corinth. Cap. v. v. 12. *Alexander VI.* dictus ante Pontificatum *Rodericus Borgia*, natione Hispanus, Cardinalis Portuensis, nepos *Callixti III.* creatus est Pontifex Maximus die XI. Augusti ann. mccccxcii. Ad puritatem fidei conservandam tria potissimum ummâ laude digna præstitit *Alexander VI.* Pontifex Maximus. Primò, Typographis, quibus odor ucri bonus est ex quacumque re, sub pœna Excommunicationis districtè prohibuit, ne libros, Tractatus, aut Scripta quævis typis mandarent sine Episcoporum licentia, prævio hujusmodi Operum examine concedendâ. Secundò, ad Fossariorum, seu Waldensium Hæresim, quæ in Bohemia, & Moravia pullulabat, excindendam, Præpositum Nurembergensem, & *Henricum Institoris*, Ordinis Prædicatorum, doctrinâ & pietate insignem Theologum, fidei Censores cum amplissima auctoritate instituit, sicut copiosius ostendemus in sequenti Colloquio, ubi agemus de Hæresibus, quæ sæculo XV. Ecclesiam exagitarunt. Tertiò, ad *Constantinum*, Georgianorum Regem, auxilia contra Turcas rogantem, & unionis cum Romana Ecclesia,

percupidum, Decretum unionis Ecclesiæ Græcæ cum Latina in Concilio Florentino editum misit, ut illud in Regni sui Ecclesiis promulgaret; cùmque de validitate Ruthenorum Baptismatis orta esset controversia, sanxit *Alexander VI.* prædictum Baptisma iis non esse repetendum, qui, ejurato Schismate, ad Romanæ Ecclesiæ gremium revertentur. Pontificiam eâ de re Constitutionem suis Annalibus Ecclesiasticis inseruit *Odoricus Raynaldus* ad annum MDI. Num. xxxvii. Ad promovendam fidelium pietatem tria itidem gessit Summi ille Pontifex, quæ à Scriptoribus Ecclesiasticis celebrantur. Pium siquidem morem, à *Callixto II.* institutum instauravit, ut videlicet Campanæ meridie pulsarentur, quò Fideles ad Orationem Dominicam & Salutationem Angelicam recitanda excitarentur. Præterea, Sacra Stigmata, quæ *B. Lucia*, patriâ Narniensis, & Ordinis *S. Dominici* Monialis, corpori suo divinitus impressa gestabat propriis oculis inspicere ac venerari voluit, ut videre est apud *Odoricum Raynaldum* ad annum MDI. Postremò, Ordinem Monialium *Annuntiationis B. Mariæ Virginis* auctoritate Apostolicâ approbavit pridie Idus Februarii anni MDI. Præter hæc, pro Ecclesiæ utilitate, & ad augendâ fidelium pietat præclarè gesta, *Alexander VI.* Pontifex Maximus habito cum Principum Oratoribus consilio, Bellum in Turcas, Ecclesiæ nomine, decrevit, & in eum finem reddituum Ecclesiasticorum decim imperavit. Venetorum, Gallorum, Rhodiorum fœderatorum Classem in Barbaros instrui procuravit, & *Vladislaum* Hungariæ, & *Joannem Albertum* Poloniæ Reges in Belli Sacri Societatem adse-

vit, decretis subsidiis, ac propositis Indulgentiis his, qui huic Bello nomen darent, & Christianorum Principum vexilla sequerentur. Disciplinam Ecclesiasticam illis temporibus valdè in Italia collapsam restaurandi, & depravatos Clericorum mores emendandi consilium iniit *Alexander VI.* Idque munus sex Cardinalibus demandavit, ut *Petrus Delphinus* Epistolâ xxxvii. libri I. ad Franciscum Cardinalem Senensem datâ, & *Guicciardinus* libro 3. testantur. Hoc tamen arduum refarciendæ disciplinæ, proscribendi in Ministris Ecclesiæ Sæcularem fastum & luxum, damnandi Sacrorum prophanam nundinationem, revocandæque eorum integritatis & sanctitatis consilium proovere haud potuit *Alexander VI.* Eo Sedente Pontifice Maximo, *Carolus VIII.* Galliarum Rex expeditionem Italicam suscepit ad recuperandum regnum Neapolitanum, sibi hæreditario Principum Andegavensium jure debitum, cujus tamen vestituram *Alexander VI.* mortuo *Ferdinando* Neapolitano Rege, concesserat *Alphonso* filio *Ferdinandi*. Ad arma Christianissimi Regis tota tremit Italia, ac Regno Neapolitano potitus est *Carolus VIII.* Sed, eo in Galliam reduce, *Alexander VI.* qui Gallis haud favebat, foedus cum *Maximiliano* Imperatore, *Ferdinando* Hispaniarum Rege, & Venetiarum, ac Mediolanensium Ducibus contra illos iniit, atque Neapolitanos ad excutiendum Illicæ dominationis jugum concitavit, sicut jam servavimus in superiori Colloquio. Sub Pontificatu ejusdem *Alexandri VI.* novi Orbis Insulas exivit *Chrystophorus Columbus*, patria Genuensis, antiquæ rei scientissimus, quas idem Pontifex im-

perio *Ferdinandi* Hispaniæ Regis asseruit. Eodem navigationis incensi studio Lusitani, alias terras invenerunt, Calecutum, Goam, Brasiliam, quas amplissimas regiones Regni Lusitanici appendice fecerunt. His navigationibus Sæculo XV. felicitate susceptis factum est, ut barbaris gentibus, ab æterna salute deviis, Christi fides illucesceret, & iter ad vitam æternam aperiretur, juxta *Isaiæ* Vaticinium Capite nono: *Populus, qui ambulabat in tenebris, vidit lucem magnam, habitantibus in regione umbæ mortis lux orta est eis.* Obiit *Alexander VI.* Pontifex Maximus die xv. Septembris anni MDIII. quem febre sublatum dicunt *Bzovius*, & *Odoricus Raynaldus* in Annalibus Ecclesiæ ad annum MDIII. idque probat *Odoricus Raynaldus* ex fide dignissimo manuscripto Diario, quod ex Archivo Vaticano descriptum & signatum litterâ L. ibidem exhibet. Complures tamen Scriptores *Alexandrum VI.* ante mortis genere extinctum esse produnt. Sed hæc nunc de Summis Pontificibus, qui Sæculo XV. Romanæ sederunt, & universam Christi Ecclesiam gubernarunt sat superque diximus.

D. Et si, ut jam observavimus, *Clemens VII.* & *Benedictus XIII.* qui, tempore Schismatis, Avinionensi sedes, locum non habeant inter veros & legitimos Romanos Pontifices, quos nunc agnoscit Ecclesia, à proposito tamen, quod in præsentis C. loquio suscepisti, Historiam Pontificiam Sæc. XV. describendi, non erit alienum, pauca quædam prætexere de vita tam *Clementis VII.* quam *Benedicti XIII.* ut singula, quæ spectant funestum illud Schisma, quod Sæculo XV. prorogatum est, omnibus vestigiis indagata, facilius percipiamur, meæ e

meæque memoriæ tenaciùs hæreere possint.

M. Vitam *Clementis VII.* qui Avenione tempore Schismatis sedit, ex MSS. Codicibus edidit, Notisque illustravit *Franciscus Bosquetus*, primum Lodovenfis, postea Monspeliensis Episcopus, in eam quam Parisiis anno MDCXXXII. publicavit, *Historia Pontificum Romanorum*, qui è Gallia oriundi in ea sederunt ab anno MCCCv. quo *Clemens V.* Sedem Romanâ Avenionem transtulit, usque ad ann. MCCCXCIV. quo obiit *Clemens VII.* Verum, cum Vitæ illorum Pontificum ab Illustrissimo *Francisco Bosqueto* editæ multis in locis mendosæ ac corruptæ essent, illas ad fidem veterum Exemplarium Biblioth. Regiæ, Colbertinæ, S. Victoris, et Fuxensis, emendavit, ac denuò Parisiis anno MDCXCII. cum amplissimis ac doctissimis Notis publicâ luce donavit vir eruditus *Stephanus Baluzius*, qui etiam, præter Vitas Romanorum Pontificum à laudato Cl. *Francisco Bosqueto* vulgatas, plures alias eorundem Pontificum invenit in antiquis Codicibus MSS. Biblioth. Regiæ, Colbertinæ, & Sorbonicæ, quas inter, lux extant Vitæ *Clementis VII.* qui tempore Schismatis Avenione sedit, & de quo hic pauca dicemus. Post *Gregorii XI.* obitum, qui contigit anno millesimo trecentesimo septuagesimo octavo, *Bartholomæus Prignanus*, Archiepiscopus Barenfis, Romanus Pontifex die vigesimâ septimâ Martii jussu anni electus est à Cardinalibus perterritis Populo Romano seditiosis vocibus inclamante, Romanum, vel Italum volumus; ignemque intente ante Conclavi, nisi Romanus, Italusve Pontifex rearetur. Peraçtâ electione *Bartholomæi*, Barenfis Archiepiscopi, qui *Urbanus VI.* appellatus est,

Cardinales ipsum ut verum Pontificem coluerunt sed deinde, partim asperis, intempestivisque ejus increpationibus offensi, partim violentiam in ejus electione causati ab eo defecerunt, illum, sententiâ latâ, intrusum denuntiarunt, ac Fundos secesserunt, ubi novum Pontificem elegerunt *Robertum Gebennensis* Comitis fratrem, Sanctorum XII Apostolorum Cardinalem Presbyterum, annos natum dumtaxat triginta sex, qui *Clemens VII.* appellari voluit, Sedemque suam Avenione fixit, dum Romæ sederet *Urbanus VI.* Quantum ad istud in Ecclesia exortum Schisma extinguendum adlaboravit Academia Parisiensis, patet tum ex frequentibus deliberationibus, quas in Comitibus Generalibus super hac re habuit; tum ex litteris, quas a *Clementem VII.* (quem Gallia ceu legitimum Pontificem agnoscebat) scripsit, quibus eum rogat, obtestatur, ut exoptatissimam Ecclesiæ concordiam, quæ in ejus manu sita erat, absque mora intendat; tum etiam ex litteris, quas direxit ad Cardinales Clementinos, quibus eos adhortatur, hunc laborem suum pro unione Ecclesiæ sincere susceptum fovere, adjuvare, urgere, & ad prosperum exitum perducere dignentur: Tum denique ex Epistola, quam eadem Academia Parisiensis anno mcccxciv. scripsit ad *Carolus VI.* Galliarum Regem, in qua ei proponit tres commodiores vias, quæ ad Schismatis extinctionem elici atque adhiberi poterant, videlicet Cessionem & renuntiationem plenariam utriusque de summo Pontificatu contendentis; vel mutuam Compromissionem amborum in aliquos eligendos, qui istud negotium summâ auctoritate decernerent ac firmerent

rent ; vel Concilii Generalis celebrationem¹. Has tres vias extinguendi Schismatis eâ in Epistola latè exponit Academia Parisiensis , alias tamen , *se quæ sunt commodiores seu faciliores*, minimè se excludere profitetur. Leges *Egassium Buleum* Tomo IV. Historiæ Universitatis Parisiensis , ubi inseruit omnes deliberationes , quas habuit Academia Parisiensis , Litteras , quas ad *Clementem VII.* & ad Galliarum Regem scripsit , cæteraque id genus monumenta , ex quibus facilè colligitur , Academiam Parisiensem ad abolendum dictum istud schisma suas omnes adhibuisse curas . Verùm , ipsem omnem concordix evertit pertinacia *Clementis VII.* qui , acceptâ Academix Parisiensis Epistolâ , furore ardens , eam nullo responso dignatus est , propositis ab ipsa Schismatis extinguendi viis nunquàm acquiescere voluit , ac tandèm XVI. Kalendas Octobris anni millesimi trecentesimi nonagesimi quarti interiit Avenione ex Apoplexia. Audito *Clementis VII.* obitu , Academia Parisiensis *Carolus VI.* Galliarum Regem obnixè rogavit , ut Cardinales Clementinos moneret , quatenus electione novi Pontificis supersederent , donec de unionis negotio fuisset plenius deliberatum , ac omnes utrò citròque convenissent de modo ac viâ promovendi sanctissimum illud opus . Academix Parisiensis Postulatis iubens annuit Galliarum Rex , habitoque cum suis Consilio litteras scripsit ad Cardinales rogans ut electionem differrent , donec Oratores de unione Ecclesiæ cum ipsis acturos misisset . Has *Caroli VI.* litteras exhibent Sandioysianus Monachus in Historia *Caroli VI.* Lucas Dacherius Tomo VI. *Spicilegii* , & *Egassius Buleus*

Tomo IV. Historiæ Universitatis pag. 710. Scripsit idem ad eosdem Cardinales Clementinos Academia Parisiensis, illos obsecrans ne electionem maturarent, donec *Bonifacii IX.* qui Romæ Sedebat, ad concordiam Ecclesiæ voluntas explorata esset, ac undique tentatæ omnes incundæ paci viæ, quam, defuncto *Clemente VII.* Avenione sedente, facilius obtineri posse constabat. Has Academia Parisiensis Litteras ex MS. Codice Victorinæ Bibliothecæ editas inseruit *Egassius Bulaeus* Tomo IV. Historiæ Universitatis Parisiensis pag. 711. Hæc tan Galliarum Regis, quam Academiæ Parisiensis Monita insuper habuerunt Cardinales Clementini, & die xxviij. mensis Septembris anni mcccxciv. in Pontificem elegerunt *Petrum de Luna*, S. Mariæ in Cosmedin Cardinalem, nobilissimo genere in Aragonia natum, qui in sua Obedientia dictus est *Benedictus XIII.* & juramentum, quo statim post electionem suam ad cedendum Pontificatu se obstrinxerat, si Cardinalibus Obedientiæ suæ pro bono pacis & Ecclesiæ expedire videretur, violavit atque, usque ad mortem, retentis Pontificiæ dignitatis Insignibus, Pontificum *Bonifacii IX.* *Innocentii VII.* *Gregorii XII.* *Alexandri V.* *Joannis XXII.* & *Martini V.* Romæ sedentium se se invictâ pertinaciâ æmulum præbuit. Quid *Carolus VI.* Galliarum Rex, Ecclesia Gallicana, & Academia Parisiensis egerint ut abolerent Schisma, & *Benedictum XIII.* ad viam Cessionis amplectendam inducerent, latè ostendit *Egassius Bulaeus* Tom. IV. & Historiæ Universitatis Parisiensis, ubi omnia Monumenta ad hocce negotium spectantia inseruit. A *Benedictus XIII.* Regis, Cleri Gallicani, & Academi

miæ Parisiensis vota multiplici tergiversatione
semper elusit. Quin, postquàm in Concilio Pisa-
no fuisset tanquàm pertinax, & Schismatis fautor
Sententiâ latâ damnatus, celebravit Perpiniân-
Conciliabulum, quo se adversùs Pisanam Syno-
dum muniret; nec parère voluit Decretis Conciliî
Constantiensis, in quo Sessione xxxvii. lata est in-
ipsum peremptoria sententia velut in perjurum,
Schismaticum, & Hæreticum, sed in Schismate
obfirmatus secessit Paniscolam, quæ Arx erat mu-
nitissima in Aragonia, ad mare sita, ditionis Lu-
nensium Procerum, ubi se legitimum esse Pontifi-
cem adeò persuasum habebat, quamvis universa
Ecclesia ipsum, ceu Antipapam, execraretur, ut
propedièm moriturus duobus Cardinalibus, qui
adhuc ipsi adhærebant, sub interminatione male-
dictionis æternæ præceperit, ut alium Pontificem
post obitum suum eligerent. (Mortuus est autem
Petrus de Luna, dictus in Obedientia sua *Benedi-
ctus XIII.* anno mccccxxiv.) Hujus Antipapæ ius-
sioni parverunt post illius obitum duo isti Cardi-
nales, & *Ægidium Sancii Munionis*, Barcinonensis
Ecclesiæ Canonicum elegerunt, qui ab *Alphonso*
Aragonix Rege, suis rationibus Ecclesiæ unitatem
ac pacem postponente, ad umbratilem suscipien-
dam dignitatem compulsus est, & *Clementis VIII.*
nomen usurpavit. Sed pace Regnum inter & Sa-
cerdotium sancitâ, *Ægidius* Antipapa, dictus
Clemens VIII. sponte se abdicavit, suisque Cardina-
libus author fuit, ut *Martinum V.* in Concilio Con-
stantiensi electum, tanquam verum & legitimum
Pontificem, agnoscerent, suaque ei obsequia exhi-
berent. Sic teterrimo Schismati, ut jam observavi-
mus,

mus, finis tandèm aliquandò impositus est, sub uno visibili capite, Christi in terris Vicario *Martino V.* Pontifice Maximo, congregata fu Ecclesia.

D. Continuum seriem Pontificum, qui Sæculo XV. Ecclesiam Romanam gubernarunt, non minùs copiosè, quàm accuratè texuisti. An vel Catalogum Patriarcharum Græcorum, qui Sæculo XV. Sedem Constantinopolitanam tenuerunt exhibere possis, valdè addubito, cùm *Mahometes II.* Turcarum Imperator, sicut in superiori Colloquio jam observasti, Urbem Constantinopoli anno MCCCCLIII. ceperit, Græcorum Imperium extinxerit, & latè etiamnùm Barbara illa gens profligatâ Christianâ Religione, in toto Orient Imperio dominetur. Ex hac Imperii Græcorum ruina, quæ Sæculo XV. contigit, facilè conjecturam facio, seriem Patriarcharum Græcorum Sedem Constantinopolitanæ fuisse eodem Sæculo interruptam.

M. Memini, in præcedentibus Colloquiis jam fuisse à me observatum, in numerandis Patriarchis Græcis Constantinopolitanis tantam esse apud Scriptores discrepantiam, ut non modò in eorum temporibus, sed etiam in ordine, immò & in nominibus plerùmque dissentiant, aliique alios præmittant, aut adjiciant. Seriem illorum Patriarcharum, qui sub finem usque decimi quarti Sæculi Ecclesiam Constantinopolitanam rexerunt, in meliorem ordinem digestam, ex variis Scriptoribus, præsertim ex Chronico *Onuphrii* excerptam dedimus. Nunc verò cæteros Patriarchas, qui Sæculo XV. Sedem Constantinopolitanam tenuerunt

runt, breviter referemus, & in annis cuique assignandis ea sequemur, quæ nobis probabiliora videntur. Sub finem Sæculi XIV. hoc est, circa annum MCCCXCVIII. præerat Ecclesiæ Constantinopolitanæ *Antonius* hujus nominis IV. Monachus Græcus, qui Sedit annos quinque, idest, ad annum usque MCCCCIII. *Antonio* successit *Callixtus* hujus nominis II. qui Sedit annos tredecim, seu ad annum MCCCCXVI. Ei in Sede Patriarchali Constantinopolitana successus est *Josephus* hujus nominis II. antehac Metropolitæ Ephesinus, cujus Patriarchatus exordia refert *Onuphrius* ad annum MCCCCXXIV. Sed errasse *Onuphrium* probat *Spondanus* ad annum MCCCCXIX. Num. XIII. ex relatione Nuncii à *Martino V.* Pontifice Maximo anno MCCCCXXII. missi, ex qua facile colligitur, *Josephum* etiam ad annum MCCCCXX. Sedem Patriarchalem Constantinopolitanam tenuisse. Hic est ille, *Josephus* Patriarcha Constantinopolitanus, qui Concilio Œcumenico, Florentino an. MCCCCXXXIX. ad redintegrandam unionem Ecclesiæ Græcæ cum Latina interfuit, ibidemque, conclusâ jam quoad præcipua Capita unione, Sessione ultimâ è vita migravit, antequam Definitio Fidei conderetur, sed sententiam suam circa Dogmata Græcos inter & Latinos controversa Scripto paulò ante mortem consignavit, ac suis Græcis reliquit his verbis: *Josephus* in benedictione divina Archiepiscopus Constantinopolitanus Novæ Romæ & Œcumenicus Patriarcha. Quoniam ad finem vitæ meæ perveni, soluturus jam commune debitum, Dei gratia scribo & subscribo Sententiam meam apertè universitati filiorum meorum. Omnia igitur quæ sentit & dogmatizat Catholica &

Apo-

*Apostolica Ecclesia Domini nostri Jesu Christi Sen-
ris Romæ, ipse quoque sentio, & iis me acqui-
scentem do ac dico. Profiteor quoque, Beatissimum P-
trem, & Maximum Pontificem, & Vicarium Dom-
ni nostri Jesu Christi antiquæ Romæ Papam, ad cert-
omnium fidem; necnon Purgatorium animarum. I-
horum quippè fidem subscriptum est die mensis Jun-
nono, anno millesimo quadrigentesimo trigesimo nono,
Indictione secunda. Demortuo Josepho Patriarcha
Constantinopolitano anno mccccxxxix. substitutus
est ab Imperatore Joanne Palæologo Constanti-
polim reverso Metrophanes Cyzicenus, qui Concilio
Florentino interfuerat, & post ipsius obitum
idem Imperator Patriarcham Constantinopolita-
num instituit Gregorium hujus nominis III. Hiero-
monachum, qui Sanctimoniâ & Prophetiæ don-
clarus, prænuntiato Imperii Græcorum interit-
qui contigit anno mcccccliii. quo à Turcis capta
Urbs Constantinopolis, sese Patriarchali digni-
te abdicavit. Post captam à Turcis Urbem Co-
stantinopolim, Græci pro sua congenitâ levitate
ad vomitum redierunt, à Latinorum unione
tracti Schisma renovarunt, elegeruntque in Pa-
triarcham Constantinopolitanum Georgium Sch-
larium, dictum etiam Gennadium, acerrimum
sertorem Schismatis, in quo ejus Successores
hæc ulque tempora perseverarunt. Circà hæc
Georgium Scholarium, Patriarcham Constanti-
nopolitanum, non levis apud Viros eruditos subor-
tur disceptatio, utrùm videlicet diversus sit
illo Georgio Scholario Græco, qui Concilio Flor-
tino interfuit. Nonnulli existimant, hunc Georgium
Scholarium, Patriarcham Constantinopolitanum,*

esse planè diversum ab illo *Georgio Scholario*, qui ad Concilium Florentinum accessit. Quod ut concipiant, primò negant, *Georgium Scholarium*, qui fuit Patriarcha Constantinopolitanus, in Italiam ad Synodum Florentinam convenisse. Secundò, asserunt, *Georgium Scholarium*, Patriarcham Constantinopolitanum, fuisse Græcorum Schismati adlietissimum, cum tamen certissimè constet, *Georgium Scholarium*, Græcum, qui interfuit Concilio Florentino, pacis ineundæ Græcos inter & Latinos sequestrum se præbuisse, & egregiam huic unioni promovendæ, operam navasse. Verùm, ipse iis assentior viris eruditis, qui affirmant, *Georgium Scholarium*, quem, post captam à Turcis anno mccccliii. Urbem Constantinopolitanam, electum esse diximus Patriarcham Constantinopolitanum, non esse diversum ab illo *Georgio Scholario*, qui adfuit Concilio Florentino. At enim, quod alii dicunt *Georgium Scholarium*, qui fuit postea Patriarcha Constantinopolitanus, nunquam in Italiam ad Synodum Florentinam accessisse, aperte falsi convincitur ab ipsomet Patriarcha, *Georgio Scholario*, qui multis in locis Operum suorum, quæ manuscripta in Bibliothecis adhuc asservantur, disertè testatur, se Florentiam ad Synodum cum aliis Græcis perrexisse, ut videre est apud eruditum Patrem nostrum *Michaëlem LeQuien* sub finem Dissertationis *De Processione Spiritus Sancti*, quæ est ordine prima inter Dissertationes Damascenicæ, quas fronti recentis à se adornatæ Operum *S. Damasceni* Editioni præfixit. Nihilo præcedenti efficacior est altera ratio, quâ probant, *Georgium Scholarium*, Patriarcham Constantin-

tino-

tinopolitanum , diversum esse à *Georgio Scholario* qui interfuit Concilio Florentino, eò quòd *Georgium Scholarius*, Patriarcha Constantinopolitanus , Græcorum Schisma renovaverit, foverit, illudq; promovere totis viribus fategerit ; cùm è contra *Georgium Scholarius*, qui Concilio Florentino adfuit, omner curam , industriam , ac laborem ad procurandam unionem Ecclesiæ Græcæ cum Latina contulerit hæc , inquam , ratio non evincit *Georgium Scholarium* , qui interfuit Concilio Florentino , diversum fuisse à *Georgio Scholario* Patriarcha Constantinopolitano, sed dumtaxat persuadet, *Georgium Scholarium* , dùm esset in Concilio Florentino , negotium unionis Ecclesiæ Græcæ cum Latina perficere in votum habuisse, sed eum postea in patrium Solum reversum & Patriarcham Constantinopolitanum creatum , priori proposito resiliisse , & ad renovandum Græcorum Schisma animum adjecisse , sicut ex triplici momento facilè persuaderi potest . Primò , ex testimonio *Syropuli* , Scriptoris Græci , in *Historia Concilii Florentini* Sect. 9. ubi ait *Georgium Scholarium* Venetias cum *Demetrio Despota* , & *Gemisto Philetone* , Græcis , ante profugisse , quàm paci Decretum in Synodo Florentina conderetur . Verba *Syropuli* , ut videre est in Dissertatione laudatæ nostræ *Michaëlis Le Quien* , hæc sunt : *Demetrius Despota post quadriduanum à morte (Josephi , Græcorum Patriarchæ) Venetias abscessit, annonæ stipendi posthabito , ne subscriptioni , aut unioni interesse cogeretur , eumque comitati sunt Doctores sapientissimi Gemistus , & Scholarius , nec ipsi tunc adesse cupientes : ex quibus verbis patet , Georgium Scholarium à Synodo Florentina animo Schismatico recessisse*

ætereà , extat Epistola *Marci Ephesini* ad *Georgium Scholarium*, quæ multis in Bibliothecis visitur, itaque est à *Leone Allatio* in Exercitatione septima adversus *Creygthonum* , in qua Epistola *Marcus thesius* adhortatur *Georgium Scholarium* ut ab unionem utriusque Ecclesiæ factâ in Concilio Florentino discedat , & patriam Græcorum doctrinam amplectatur . Cujus Metropolitanis votis obsecrari fuisse *Georgium Scholarium*, Scripta ipsius, quæ versùs Latinos edidit , satis superque ostendunt . Item , *Leonardus Chiensis* , Archiepiscopus Mikenæus , in Epistola ad *Nicolaum V.* Pontificem , maximum , causam aperit , cur *Georgius Scholarius* unionem utriusque Ecclesiæ in Concilio Florentino matam , cui ipsemet in eodem Concilio multum operatur , postea , non sibi constans, ex transverso peccare , seu palàm impugnare aggressus sit . In ea fide eadem Epistola prædictus Archiepiscopus deplorat Urbis Constantinopolitanæ jacturam & expunctionem anno mcccc l i i i . à Turcis factam , hæc habet : *Ajebant Magnates , quorum cruor hostili gladius jam irrigat terram : detur Summo Pontifici commorationis honos : sed Decretum Florentinæ Synodi legatur . Cur hoc hypocrita ? ut deleatur , inquit , Decreto , quòd Spiritus Sanctus aequè ex Filio , ut admodum ex Patre procedit . Cur item hypocrite ne errasse videantur Græci , si dicant (idest objiciunt Latinis) duos Spiritus Sancti productores ? sed hoc item oro , hypocrita ? ne detur ei , qui totam ex officio captare cupit gloriam (Isidoro videlicet Rutheno , Cardinali Legato , natione Græco , in Concilio Florentino unionem Ecclesiæ Græcæ cum Latina plurimum promovit) Intendebat ex*

una parte Georgius Scholarius, ex altera Chirluca quandòque ad præsentiam semet Apostolicam (se Pontificis Romani) transferre, ut hi essent, qui so- rem intellexisse viderentur, qui primi laudarenti- tantę unionis auctores. Adversus enim Legatum (Il- dorum scilicet Ruthenum) multi invidia clanculũ torquebantur. Ex quibus verbis apparet, Georgiu- Scholarium, qui in Concilio Florentino sese ad fa- ciendam utriusq; Ecclesię Gręcę & Latinę conco- diam propẽssimum ostenderat, postea tamen, pr- pter similtates quasdam, necnon propter latente- animi superbiam, quã primas partes in unio- procurandã sibi minimẽ concedi iniquo animo s- stineret, Græcorum Schismatis causam tutatu- fuisse. Quã in re Georgium Scholarium mutasse se- rentiam, mirum sanẽ non videbitur his, qui ve- satile Græcorum ingenium norunt. Georgius it- que Scholarius, qui, post captam à Turcis an- mccccliiii. Urbem Constantinopolim, creatus Patriarcha Constantinopolitanus, & Græcorum Schismati addicissimus fuit, diversus non est illo Georgio Scholario, qui in Concilio Florenti- unioni Græcos inter & Latinos procurandã a- quandiũ operam navavit, ac subindẽ admitti ha- debet sententia quorundam virorum erudit- rum, qui, post Leonem Allatium in Diatriba D- Georgiis, & in Exercitatione vii. adversus Creg- thonum, autumant, Georgium Scholarium, Patri- cham Constantinopolitanum, esse planẽ diversi- à Georgio Scholario, qui interfuit Concilio Flor- tino. Sed hætenus satis de Georgio Scholario, q- post captam à Turcis Urbem Constantinopoli- nam, Patriarcha Constantinopolitanus electu- Schif

chisina Græcorum renovavit, in quo ejus successores ad hæc nostra tempora perseverarunt, quorum es nobis parùm notæ, nomina ipsa non satis certò cognita sunt, certè non magno usui ad Historiã Ecclesiasticam illustrandam esse possunt; illorũ tamen Catalogum, si velis, legere poteris apud *Philippum yprum*, qui in Chronico Ecclesiæ Græcæ illum, tũmque continuavit usque ad *Parthenium*, qui anno MDCXXI. Sedem Constantinopolitanam tenuit. Nec magis comperta habemus nomina, restque Patriarcharum Græcorum Schismaticorum, ui Sæculo XV. & aliis sequentibus Sedes Antiochenam, & Hierosolymitanam occuparunt, quorum proindè Catalogum prætermittimus, cũ res, quæ ad ipsos spectant, crassis occultatę ac circumfusę tenebris lateant. De serie verò Patriarcharum Alexandrinorum, præter illorum Catalogum, quem à doctissimo *Eusebio Renaudotio*, & à Hollandiani Operis Continuatoribus concinnatum inseruimus in Colloquio II. in Historiam Sæculorum VII. & VIII. nihil aliud, quod præcipuam aliquam observationem mereatur, in præsentia dicendum occurrit. Denique, de Latinis, qui Sæculo XV. & aliis deinceps fuerunt à Romanis Pontificibus donati Titulo Patriarchali vel Ecclesiæ Constantinopolitanæ, vel Alexandrinæ, vel Antiochenæ, vel Hierosolymitanæ, nihil itidẽm dicemus, ne nudam nominum sylvam, quæ nullam Historiæ Ecclesiasticæ lucem afferre potest, trahere videamur. His itaque missis, præsentì Colloquio finem imponamus, & ut valetudinem nostram, æstivis istis mensibus ægram ac infirmam, confirmare possimus, aliud Colloquium, in quo de

Hæresibus & Controversiis, quæ Sæculo XV. enatae sunt, sermonem habituri sumus, per aliquo dies, si placet, differamus. In studio quippè, sicut aliis in rebus, servari debet istud Terentii in *Andria* Adagium: *Ne quid nimis*, quia ut optimè ait *Horatius*:

*Est modus in rebus, sunt certi denique fines,
Quos ultra, citràque nequit consistere rectum.*

COLLOQUIUM III.

*De Hæresibus & Controversiis, quæ
Sæculo XV. Ecclesiam
exagitarunt.*

DISCIPULUS. **H**istoriam Hæresum, quæ Sæcul. XV. Infestarunt, auspicari debes ab Hæresi Wicleffiana, quæ licèt sub finem Sæculi XIV. in Anglia pullulare cœperit, cùm tamen Sæculo decimo sexto latissimè propagata, ujam observasti, insolentiùs sese extulerit, de illius origine, progressu, atque interitu opportuniù continuâ serie hic differemus. Ostende itaque in primis, quo pacto hæc Wicleffiana Hæresis suam in Anglia originem habuerit?

M. Wicleffiana Hæresis Authorem ac parentem habuit *Joannem Wicleffum*, Natione Anglum Doctorem & Professorem Theologiæ in Academia Oxoniensi, Ecclesiæ de *Lutterworth*, Lincolnien-
sis Diocesis, Rectorem, qui eâ potissimùm de causa, quam hic breviter exponemus, ad virulentum

ua contra Ecclesiam, & Romanum Pontificem
 pargenda dogmata adductus est. Præfecturam
 Collegii Cantuariensis apud Oxonienses præter jus
 asque invaserat *Joannes Wicleffus*, cum, juxta
 ratuta *Simonis Islepi*, Cantuariensis Archiepisco-
 pi, & illius Collegii Fundatoris, hæc Præfectura
 Monacho tantum deberetur. Ortâ igitur Mona-
 hos inter & *Joannem Wicleffum* de ea Præfectura
 ravi contentione, *Simon Langhamus*, Archiepisco-
 us Cantuariensis, causâ cognitâ, *Wicleffum* Præ-
 eaturâ abdicavit, ejusque in locum substituit
Henricum Wodebull Monachum, ut videre est apud
Nicolaum Harpsfeldium, Cantuariensem Archi-
 diaconum, in *Historia Wicleff.* cap. 1. ubi omnia
 ejus Litis Instrumenta se legisse testatur. Huic
 sententiæ parere nolente *Wicleffo*, Collegii reddi-
 tis sequestravit *Simon Langhamus*, Archiepiscopus
 cantuariensis & Cardinalis. *Wicleffus*, ejusque
 socii ad *Urbanum V.* Pontificem Maximum provo-
 caverunt. Rem judicandam Summus Pontifex com-
 misit *Andruyno* Cardinali, qui Sententiam tulit,
 Monachos, sæcularibus exclusis, Collegium
 possidere debere, *Wicleffum* verò, ejusque socios
 repellendos esse, factâ prius Monachis injuriarum
 rebitâ compensatione. Latam anno MCCCCLXX. à
 Cardinali Sententiam ratam habuit *Urbanus V.*
 quò factum est, ut *Joannes Wicleffus*, volens non
 cessare, eâ Præfecturâ cedere coactus fuerit, cumque
 sit vehementis ingenii homo, superbus, ambi-
 ciosus, vindictæque cupidus, superos & Acheron-
 em moverit ad excitandum in Ecclesia incendium,
 osque ferendos errores, quorum propagationi
 non solum miser Regni Angliæ Status sub Regibus

Eduardo hujus nominis VI. & *Richardo* hujus nominis II. favor etiam , quo *Wicleffum* dignabatur *Joannes* Lancastriæ Dux , qui omnia unà cum *Maria Peresia* , Regiâ pellice , in Regno Angliæ suâ auctoritate administrabat, sed insuper teterrimum Schisma , quod post mortem *Gregorii XI.* Ecclesia turbavit, viam facillimam straverunt . Nascente *Wicleffianam* Hæresim comprimere , eamque , latius serperet , auctoritate Apostolicâ statim confodere sategit *Gregorius XI.* Pontifex Maximus . Admonitus quippè quid rerum in Anglia moliretur *Wicleffus* , quàmque perniciose profeminar Dogmata , Bullam dedit xi. Kalend. Junias anno mcccclxxvii. quâ Cancellarium , & Universitatem Oxoniensem graviter increpuit , quòd pestifer hujus Hæresiarchæ errores in Regno Angliæ patrentur agere radices in scandalum Religionis , exitium fidei , & damnationem animarum , præcepitque , ut sine mora hic Hæresiarcha caperetur , & captus traderetur in manus Archiepiscopi Cantuariensis , aut Episcopi Londinensis , uti refert *Walsinghamus* in *Richardo II.* Angliæ Rege . Hanc Bullam *Gregorii XI.* Pontificis Maximi inseruit *Egassius Bulaus* Tomo iv. *Historiæ Universitatis Parisiensis* ad annum mcccclxxvii. Universitas Oxoniensis siue metu Regis Angliæ *Wicleffo* faventis , seu minis & gratiâ Fautorum retardata, diù multumque dubia hæsit , susciperetne prædictam Pontificis Bullam cum honore, an cum dedecore repudiare quam in re tanti momenti negligentiam jure merito deplorat jam laudatus *Walsinghamus* . Aliam Bullam scripsit idem Pontifex *Gregorius XI.* ad Archiepiscopum Cantuariensem , & ad Episcopum

Londonensem, ut Regem Angliæ, & Magnates mo-
 erent, ne Hæresiarchæ *Joanni Vvicleffo* faverent,
 ut quovis modo adhærerent, quas hujus Pontificis
 Bullas ad eundem annum MCCCCLXXVI. refert *Egas-*
s Buleus Tomo IV. *Historiæ Universitatis Pari-*
nsis. Hujusmodi Summi Pontificis Bullas post-
 tiam Archiepiscopus Cantuariensis, & Episcopus
 Londonensis acceperunt, initio quidem professi
 ut, se nullis minis, aut blanditiis adductum iri,
 in *Joannem Vvicleffum* damnarent, si errores suos
 obstinato animo prædicare aut asserere pergeret.
 sed promissis non steterunt. Nam cum huic Hæ-
 resiarchæ diem dixissent, adeò minis cujusdam
 offorde territi sunt, ut arma constantiæ abjece-
 runt, cumque Lambetham convenissent, & *Vviclef-*
um adesse jussissent, vilissimis quibusdam homini-
 bus irrumpentibus, &, ne quid adversus *Vviclef-*
um statuerent, deterrentibus, re infectâ abjērunt.
 sed tamen nihil egisse arguerentur, ipsius *Vvicleffi*
 explicationes acceperunt, quibus versipellis ille
 Hæresiarcha fucum illis fecit, & objectos sibi arti-
 culos ita interpretatus est, ut nihil ab Ecclesiæ do-
 ctina alienum sensisse, sed obscurè tantum, novè,
 imprudenter locutus videretur. Sic suos Judices
 eludit & irrisit *Vvicleffus*, tùm quòd præ se ferre
 videretur humilem animum & Ecclesiæ obedi-
 entem; tùm quòd adjutus esset ope Londonensium
 civium, indeque magnos animos sumpsit, præ-
 terea post *Gregorii XI.* Pontificis Maximi obitum,
 cui, antequàm in eum fulmina vibrare posset, mi-
 ravit è vita. Hæc de Hæresiarcha *Vvicleffo* refert
Thomas Vvalsinghamus in *Historia Anglicana* ad an-
 num MCCCCLXXVI.

D. Quinam sunt errores, quos docuit Joannes Wicleffus?

M. Ducentos sexaginta sex errores ex Wicleffi Operibus collegit Joannes Luke Oxoniensis Theologus. Alii tres supra trecentos enumerant Thomas Vvaldensis octingentos in libris Wicleffi errores repertos tradit. Constantiensis verò Synodus quadraginta quinque præcipuos recenset damnat, quos, votis tuis ut faciam satis, hîc eodem ordine, quo in Concilio Constantiensi reſuntur, ſubjiciam.

Primus Wicleffi error: Substantia panis materialis, & ſimiliter Substantia vini materialis, remanent in Sacramento Altaris. II. Accidentia panis remanent ſine ſubjecto in eodem Sacramento. III. Chriſtus non eſt in eodem Sacramento identicè & reali in propria præſentia corporali. IV. Si Episcopus, Sacerdos exiſtat in peccato mortali, non ordinat, nec conficit, non Baptizat. V. Non eſt fundatum in Evangelio, quod Chriſtus Miſſam ordinaverit. VI. Deus debet obedire Diabolo. VII. Si homo debite contritus fuerit, omnis confeſſio exterior eſt ſuperflua & inutilis. VIII. Si Papa ſit præſcitus & malus, & conſequens membrum Diaboli, non habet poteſtatē ſuper Fideles ſibi ab aliquo datam, niſi fortè à Caſa IX. Poſt Urbanum VI. non eſt aliquis recipiendus in Papam, ſed vivendum eſt more Græcorum ſub Legibus propriis. X. Contra Scripturam Sacram eſt, quòd Venerabiles Eccleſiaſtici habeant poſſeſſiones. XI. Nullus Prælati debet aliquem excommunicare, niſi prius ſciat eum excommunicatum à Deo: & qui ſic excommunicatus fit ex hoc Hæreticus, vel excommunicatus. XII. Prælati excommunicans Clericum, qui appellavit

Regem , vel ad Concilium Regis , eo ipso traditor est Regis & Regni . XIII. Illi , qui dimittunt prædicare , sive audire verbum Dei propter excommunicationem hominum , sunt excommunicati , & in Dei iudicio traitores Christi habentur . XIV. Licet alicui Diacono vel Presbytero prædicare Verbum Dei , absque auctoritate Sedis Apostolicæ , sive Episcopi Catholici . XV. Nullus est Dominus civilis , nullus est Prælatus , nullus est Episcopus , dum est in peccato mortali . XVI. Domini temporales possunt ad arbitrium suum auferre bona temporalia ab Ecclesia , Possessionatis habitualiter delinquentibus , id est , ex habitu , non solum actu delinquentibus . XVII. Populares possunt ad arbitrium Dominos delinquentes corrigere . XVIII. Decime sunt puræ eleemosynæ , & possunt Parochiani , propter peccata suorum Prælatorum , ad libitum suum eas auferre . XIX. Speciales Orationes applicatæ uni personæ per Prælatos vel Religiosos , non plus prosunt eadem , quàm Generales , cæteris paribus . XX. Conferens eleemosynam Fratribus , est excommunicatus eo facto . XXI. Si aliquis ingreditur Religionem privatam qualemcumque , tam Possessionatorum , quàm Mendicantium , redditur ineptior & inhabilior ad observacionem mandatorum Dei . XXII. Sancti instituendo Religionem privatas , sic instituendo peccaverunt . XXIII. Religiosi viventes in Religionibus privatis , non sunt de Religione Christiana . XXIV. Fratres tenentur per labores manuum victum acquirere , & non per mendicitatem . XXV. Omnes sunt Simoniaci , qui se obligant orare pro aliis , eis in tēporalibus subvenientibus . XXVI. Oratio præsciti nulli valet . XXVII. Omnia de necessitate absoluta eveniunt . XXVIII. Confirmatio juvenum , Clericorum Ordinatio , locorum Consecratio ,

reservantur Papæ & Episcopis propter cupiditatem
 lucri temporalis & honoris . XXIX. Universitates ,
 Studia , Collegia , Graduationes , & Magisteria in
 eisdem , sunt vana Gentilitate introducta , & tantum
 prosunt Ecclesiæ , sicut Diabolus . XXX. Excommuni-
 catio Papæ , vel cujuscumque Prelati , non est timenda
 quia est Censura Antichristi . XXXI. Peccant fundan-
 tes Clausura , & ingredientes sunt Viri Diabolici .
 XXXII. Ditare Clerum , est contra Regulam Christi .
 XXXIII. Silvester Papa , & Constantinus Imperator
 erraverunt Ecclesiam dotando . XXXIV. Omnes de
 Ordine Mendicantium , sunt hæretici , & dantes ei
 eleemosynam sunt excommunicati . XXXV. Ingreden-
 tes Religionem , aut aliquem Ordinem , eo ipso inhabi-
 les sunt ad observanda divina præcepta ; & per conse-
 quens ad perveniendum ad Regna Cælorum , nisi aposta-
 taverint ab iisdem . XXXVI. Papa cum omnibus Cle-
 ricis suis possessionem habentibus sunt hæretici , eò quò
 possessiones habent , & consentientes eis , omnes videli-
 cet Domini sæculares , & ceteri Laici . XXXVII. Ec-
 clesia Romana est Synagoga Satanæ : nec Papa est pro-
 ximus & immediatus Vicarius Christi & Apostolo-
 rum . XXXVIII. Decretales Epistolæ sunt Apocry-
 phæ , & seducunt à fide Christi , & Clerici sunt stulti
 qui student eis . XXXIX. Imperator , & Domini Sæ-
 culares sunt seducti à Diabolo , ut Ecclesiam dotaren-
 bonis temporalibus . XL. Electio Papæ à Cardinalibus
 à Diabolo est introducta . XLI. Non est de necessitat
 salutis , credere Romanam Ecclesiam esse supremam in-
 ter alias Ecclesias . XLII. Fatuum est credere Indul-
 gentiis Papæ , & Episcoporum . XLIII. Juramenta
 illicita sunt , quæ fiunt ad corroborandos humanos con-
 tractus , & commercia civilia . XLIV. Augustinus

eneditus, & Bernardus, damnati sunt, nisi pœniterint de hoc, quod habuerunt possessiones, & instituerint, & intraverunt Religiones, & sic à Papa usque ad ultimum Religiosum omnes sunt hæretici. XLV. Omnes Religiones indifferenter introductæ sunt à Diabolo. Ad istos præcipuos errores in his quadraginta, quinque articulis contentos & in Concilio Constantiensi confixos facilè revocari potest tota annis Wicleffi pestifera doctrina.

D. Certè, *Joannes Wicleffus*, ut video, proficit *Calvino*, & *Luthero*, qui eosdem errores ex eo virulento fonte hauserunt, & in hujus Hæresarchæ Schola edocti, Wicleffistarum doctrinæ societate gloriantur, ut aliquam antiquitatem, & auctoritatem suis erroribus accersere possint. Sed quid præsidii Calvinistæ, & Lutherani ad sua impia, & vitanda dogmata colligere possint ex illa doctrinæ societate cum *Joanne Wicleffo*, Hæresiarcha XV. sæculi, & ab Ecclesia proscripto, fateor me prorsus ignorare.

M. Nihil profectò præsidii & antiquitatis & auctoritatis suis erroribus Calvinistæ & Lutherani ex ea doctrinæ societate cum Hæresiarcha *Joanne Wicleffo* conciliare possunt ad impugnandam doctrinam Ecclesiæ Romanæ, quæ sola, ut in præcedentibus colloquiis ostendimus, veræ pietatis est Magistra, Catholicæ doctrinæ vindex, pulcherrimus Christianæ antiquitatis archetypus: quæ sola aviam fidem à Sanctis olim semel traditam, illibata, & intacta, atrum Dogmata, Conciliorum Decreta, omnia ceteris Ecclesiæ Symbola, Christianæ Religionis Mystera, & publicum cultum, Deoque dignum, & ipsi Apостolorum temporibus ad hanc usque ætatem

ætatem nostram jugiter retinuit . Quid autem
 amabo , insanius esse potest , quàm Hæresiarcha
 à Romana , seu Catholica Ecclesia proscripto
 sibi majores ac patronos adsciscere , indèque do-
 ctrinæ suæ antiquitatem jactare , ut factitare solei
 Calvinistæ , & Lutherani , qui tamen non vident
 (adeò deploranda est eorum cæcitas) *Joannem*
Wicleffum , cujus doctrinæ societate plenis buccis
 gloriantur , multa propugnasse Ecclesiæ Romanæ
 Fidei Dogmata , quæ ipsi cæco furore abrepti dirè
 devovent , & omni execratione prosequuntur .
 Enim , ut obiter dicam , Lutherani & Calvinistæ
 solam Scripturam sacram recipiunt . Contrà videt
Wicleffus Lib. *De Potestate* Cap. 2. scribit , crede-
 dum esse quòd *Spiritus Sanctus* necessaria Ecclesiæ
 expressit , & leviora sub quodam confuso involu-
 textu , ut patet primæ ad Corinth. cap. 14. dicit *Sp-*
ritus Sanctus per suum *Apostolum* : Omnia honestè
 & secundum ordinem fiant : in quo includuntur om-
 nes usus Ecclesiæ , indicendo servitium , omnes ritus
 Ordinum privatorum , & breuiter omnis consuetudo
 Clericalis , vel Laicalis laudabilis . Præterea , Lu-
 therani , & Calvinistæ Baptismum dumtaxat
 Eucharistiam Sacramentorum albo accensent .
Wicleffus in Postilla super Novum Testamentum
 ad Cap. XV. *S. Marci* , & in Caput 1. Epistolæ pri-
 mæ *S. Pauli* ad Corinth. disertè testatur , se
 mittere septenarium Sacramentorum numerum
 Tertiò , Confessionem Auricularem Lutherani
 Calvinistæ rejiciunt . At *Wicleffus* in Caput v. Epi-
 stolæ *S. Jacobi* ait , mortalia peccata confitenda
 esse non soli Deo , sed Christi Vicario : Oportet
 inquit , recipere Sacramentum Penitentiae pro mor-

talibus abluendis, confitendo non solum Deo, sed & homini in casu. Et cum specialiter confitendum sit Vicario Christi, qui mediat inter Deum & hominem, ordinarunt posteri Confessionem Auricularem. Quartò, Ritus Ecclesiæ, necnon Jejunia ab ea instituta, improbant Lutherani, & Calvinistæ. Contrà Wicleffus in Tractatu De Graduationibus Scholasticis Cap. 3. hæc approbat, quibusdam sui temporis Sophistis sic respondens: Non, inquiunt, legitur, quod Apostoli habuerint caput, & barbas raras, sicut nos utimur. Nec dixerunt Horas Canonicas, ut nos facimus, nec servarunt jejunium, vestimenta, vel ritus in celebrando, sicut nos facimus. Ergò omnia talia illicita sunt. Quis stultus nescit, quoniam istud non sequitur? Nam si principium fuit Paulò, quod Omnia secundum Ordinem fiant; dum tales ritus fuerunt ordinati, docentur in isto principio. Quintò. Invocationem Dei-paræ Virginis & Sanctorum explodunt Lutherani & Calvinistæ; Sed Wicleffus in quodam Sermone de Assumptione Beatæ Mariæ Virginis, ait: Videtur mihi quòd impossibile est nos premiari sine Mariæ suffragio Ipsa enim fuit quodammodò causa Incarnationis & Passionis Christi, & per consequens totius saluationis Mundi Maria semper prævenit merita peccatorum, quia meretur existentibus in crimine ut resurgant, & sic non est sexus, ætas, vel status, vel conditio humani generis, quin necesse habeat auxilium Virginis implorare. Denique, Lutherani & Calvinistæ Reliquiis & Imaginibus Sanctorum cultum religiosum esse deferendum negant. Ex aduersò Wicleffus hunc cultum piæ & laudabilem esse profitetur. Sic enim in Tractatu

Etatu magno de Eucharistia Cap. 9. ait: *Sed idè
 adoramus Imagines nudè ut signa, Deum autèm
 debemus, quantum sufficimus, adorare. Et infra:
 conceditur ergò quod Imagines, Reliquiæ, & Sacra-
 menta sunt cum prudentia adoranda. Idemque do-
 cet in Decalogum Cap. XV. Hanc Joannis Vvicleff
 in quibusdam Articulis Fidei cum Ecclesia Ro-
 mana consensionem candidè fatetur Guillelmus
 Cave (juratus licèt Ecclesiæ Romanæ hostis) in
 Appendice ad Historiam Literariam, Sæculo Vviclef-
 fiano pag. 34. ubi, postquàm longum Ioan-
 nis Vvicleffi texuit elogium, hæc subdit: *Ut alio
 enim articulos taceam, Joannes Vvicleffus in Exposi-
 tionibus Orationis Dominicæ, Symboli Apostolici, &
 Decalogi, quas perlegi MSS. Purgatorium sæpè nu-
 merò admittit; (in Tractatu autem de Spiritual
 Prælio MS. dilucidè ac prolixè docet;) preces Sancti
 offerri, ut ipsi pro nobis interpellent, monet; Septem
 Sacramenta enumerat, animasque in Purgatorio posi-
 tas Ecclesiæ militantis precibus juvari prædicat. Qu-
 cùm ita sint, mirari profectò subit, quâ fronte
 hæretici Lutherani & Calvinistæ gloriantur pa-
 trocinio Joannis Vvicleffi, quem certissimè consta-
 in multis Fidei Articulis (quos ipsimet impro-
 bant ac detestantur) cum Ecclesia Romana con-
 sensisse. Sed mittamus illos Hæreticos, qui suar
 quidem habent, quam jactitant, antiquitatem, se
 antiqui illius serpentis progeniem. Suos habet
 Patres, sed quos? Flagitiosissimos Hæresiarchas
 Ecclesiæ Catholicæ judicio constanter prædam-
 natos, quorum Hæreses ab orco revocant. Ho-
 venditant prodromos ac præcursores suos, hi
 Fidei parentibus gloriantur, horum se gregale**

& affectas profitentur; Orthodoxos autem Patres, venerandos primæ fidei testes, canino dente lacerant, conculcant, execrantur, cane pejus & angue odio traducunt, aut eorum testimonia, sophisticis argutiis eludunt, vel quod satis lepulum est, in suas partes, obtorto collo, pertrahere noliuntur, & ex illis ad suos stabiliendos errores consecutiones deducunt, quas, mehercle, adnota centum juga Bovum trahere nunquam offent.

D. Fuitne Vvicleffiana Hæresis ab Ecclesia epiùs profligata, & à multis Catholicis Doctoribus impugnata?

M. De Conciliis, in quibus confixa est Vvicleffiana Hæresis, commodius agemus in proximo Colloquio. Hic de Academiis, quæ Joannis Vvicleffi errores proscripserunt, pauca dicemus. In primis, Universitas Oxoniensis, quæ principiò haud parùm Vvicleffo favebat, postea publicis suis Literis declaravit, propositiones illius Hæresiarchæ communi suffragio Doctorum in Theologia & jure Canonico fuisse damnatas. Hanc damnationis doctrinæ Vvicleffi sententiam à Universitate Oxoniensi latam refert Egassius Walaugus Tomo VI. *Historiæ Universitatis Parisiensis* pag. 459. 460., & 615. Sacra etiam Facultas Parisiensis errores Joannis Vvicleffi Censorio stigmatate inussit, sicut Vvindefordus in libro contra Vvicleffitas edito, & Joannes Cochlaeus libro I. *Historiæ Hussitarum* testantur. Denique, Academia Pragensis errores Vvicleffi atro carbone notavit, cum primùm illius Hæresiarchæ libri in Bohemiam à Petro Payne Anglo, Vvicleffita, allati

lati essent, jamque in illa regione serperet hæresis. Sed (quod singulari observatione dignum est) huic errorum *Joannis Vvicleffi* damnationi, quæ ab Academia Pragenſi facta est anno MCCCCVIII. interfuit *Joannes Hus*, eamque suo calculo approbavit, quamvis postea Vvicleſtianam doctrinam hauserit, palamque in Regnum Bohemiæ effuderit, ac latè propagarit, ut mox ostendemus. Eâ de re egregium testimonium profert *Joannes Przibram* Bohemus, quondam Hussitarum hæresi infectus, in libro, quem anno MCCCXXVIII. edidit, *De Professione Fidei Catholica & errorum revocatione*, ubi hæc habet: *Itè, profiteor veraciter, quia antè annos viginti Magister Joannes Hus cum Magistris & Doctoribus Nationis Bohemicæ, ex pleno consilio suo & consensu unanimi nullo (ut dicebant) contradicente, reprobarum refutarunt, & publicè prohibuerunt coram omnibus & manifestè istos Articulos Joannis Vvicleffi & Sic Vvicleffum, ejusque errores damnarunt celebres Academicæ, quarum tamen Censuras ac doctrinalia Suffragia hæresiarcha ille, quamdiù vixit, summâ arrogantia contempsit. Cum enim quidam ei objicerent, quòd neque Universitatum Decretis, neque Collegiorum, seu Ecclesiarum Cathedralium Sanctionibus parèret, contractâ fronte, adductisque labiis respondit: Universitates, Studia Generalia, Graduationes, Collegia & Magisteria in eisdem esse vana gentilitate intruducta, & tantum prodesse Ecclesiæ, quantum Diabolus prodesse solet. Collegia quoque Cathedralium Ecclesiarum, atque Academicarum appellare solebat: *Castra Cainitica*. Obiit *Joannes Vvicleff*.*

Willelmus pridie Kalendas Januarias, seu die xxxi.
 mensis Decembris anni mccccclxxxiv. cum ante
 duum, seu die S. *Thomæ* Cantuariensis Archie-
 scopi & Martyris memoriæ consecratâ, paralyti-
 cussus fuisset, & in sua Parochia Lutervvortii
 Diœcesi Lincolniensi sepultus est, donec jussu
 concilii Generalis Constantiensis exhumatus &
 restitutus est, ejusque cineres in profluentem abje-
 cit. Innumera penè Opera à se latino, aut vulgari
 sermone conscripta reliquit *Joannes Wicleffus*,
 & adhuc in Bibliothecis Angliæ delitescunt, &
 eorum partem longè maximam recenset *Baleus*
 Anturiâ VI. De Scriptoribus Britanniae Cap. i. Te-
 statur etiam *Guillelmus Cave* Sæculo Wicleffiano
Historiæ Litterariæ, se plurima *Joannis Wicleffi*
 opera partim in lucem edita, partim manuscri-
 ptis oculis usurpasse, quorum Indiculum ibi
 subnectit. Verùm, quod maximè observare
 debemus, libros & Scripta omnia *Joannis Wicleffi*
 omni Edicto *Richardus II.* Angliæ Rex die
 xxi. mensis Maii anni Regni sui xi. seu anni
 mccccclxxxvi. ubicumque in Regno & ditioni-
 bus suis inveniri possent, ad Consilium suum
 deferri jussit, ignibus tradenda, & illa à quovis
 fideiutorum suorum servari, legi, describi, vendi
 aut emi prohibuit, vel damnatos *Wicleffi* erro-
 res propugnari sub pœna carceris. Hoc solemne
Richardus Regis Edictum refert *Henricus de Knygh-*
ton Canonicus Leicestrensis, libro v. De Eventu-
 bus Angliæ, Scriptor coævus, quo nemo melius
 Historiam Wicleffianam descripsit, quique Hi-
 storiæ suam ad annum usque mccccxcv. deduxit.
 Non solum *Richardus II.* Sed etiam *Henricus IV.*

& *Henricus V.* Angliæ Reges , grassantem *Vvicleffianam* Hæresim suis Ediçtis acriter insectati sunt omnemque adhibuerunt operam , ut hæc pel-
lentissima Hæresis toto Regno exterminaretur sicut testatur *Nicolaus Harpsfeldius* in *Historia Vvicleffiana* Cap. xvi i. Quæ cum ita sint, satis, ingenuè fatear , mirari haud possum , quâ fro-
nunc Scriptores Angli *Joannes Baleus* , *Guillelmus Cave* , & *Thomas Jamesius* , *Vvicleffum* , ejus doctrinam , totiès à Regibus Angliæ, ab Episcopis , & Conciliis in Regno Angliæ celebratis perfligatam, laudare , approbare , ac publicis edictis Scriptis vindicare audeant , quos inter , *Thomas Jamesium* non puduit prolixam Apologiam Antico sermone in gratiam *Wicleffi* adornare , ac publicâ luce Oxonii anno mdcviii. donare , qua totus in id incumbit , ut ostendat, summa esse Dogmatum *Vvicleffianorum* cum hodierna Ecclesiæ Anglicanæ doctrina Concordiam . Quod verò , magnum sit Ecclesiæ Anglicanæ decus , se post Schisma , quo sub *Henrico VIII.* Angliæ se ab Ecclesia Romana , cui hætenus indivisa adhæserat , fuit separata , turpiter fēdasse infidelitatem *Joannis Vvicleffi* Dogmatibus , quæ antea Anglicani Reges , & Anglicanæ Ecclesiæ Præsules in Conciliis congregati tanquam hæretica fuerant exprobrati . Ecquid, amabo , ex ea apud hodiernos Reges & populos Fidei immutatione colligi potest , nisi eos avita Majorum suorum fide descivisse , & non omni vento doctrinæ agitados , non Evangelium , sed fidem temporum sectari ? Sed si hodierni Angli scire aveant , quid de *Vvicleffo* , & ejus doctrina sentire debeant , legant , non re-

ores Scriptores Anglos, qui rerum novandarum
 ipidi, & Sectæ suæ præjudiciis malè affecti, an-
 quos Hæresiarchas ab Ecclesia Catholica dam-
 tos suas in partes trahere adnituntur; sed le-
 ant corævos suos Scriptores Anglos, qui de *Wi-*
ffo, ejusque doctrina scripserunt: legant suorum
 egum Edicta, & Decreta Conciliorum, quæ con-
 a *Wicleffum*, ejusque doctrinam in Anglia fue-
 nt convocata: legant denique Illustrissimum
 ominum *Bossuet*, Episcopum Meldensem, in *Hi-*
ria Variationum Hæreticorum, & dominum *De-*
rillas, Historiographum Gallum, qui Hære-
 rcham *Joannem Wicleffum* nativis coloribus de-
 xerunt, ejusque Hæreseos Historiam ex genui-
 s Actis, & supparibus Scriptoribus collectam,
 curatissimè descripserunt. Hos Scriptores si
 dierni Angli legere non graventur, omni procùl
 bio *Joannis Wicleffi* memoriam, ac pestiferam
 s doctrinam publicè execrabuntur. Sed utinam
 optare & non frustrà sperare liceret.

D. Fuitne extra Regnum Angliæ propagata
 c pestilentissima *Wicleffitarum* Hæresis?

M. *Joannis Wicleffi* Hæresim ex pestilentissi-
 s illius libris hausit *Joannes Hus* Presbyter, &
 Academia Pragensi Magister Artium, deindè
 ctor, eamque in totum Bohemiæ Regnum in-
 xit. Plura *Joannis Wicleffi* venenata Scripta se-
 n in Bohemiam, velut pretiosum thesaurum,
 ulerat *Petrus Payne* *Wicleffista*, ex Anglia pro-
 gus, quæ cum legisset Magister *Hus*, natione
 hemus, Vir peracri ingenio, linguâ disertâ,
 alecticas subtilitates in deliciis habens, & pe-
 grinarum opinionum studiosus investigator,

confestim Wicleffianum ebibit venenum, eoque plurimos in privatis congressibus infecit, quamvis hujus Hæreseos virus palam effundere non auderet, eò quòd ipsemet interfuisset & subscripsisset deliberationi, & solenni Sententiæ, quâ Pragensis Academia quadraginta quinque *Joanni Wicleffi* Articulos tam in Comitibus Generalibus Universitatis, quam in Comitibus Facultatis Theologicæ, & in Congregatione totius Nationis Bohemicæ in Domo ad Nigram Rosam celebrat proscripserat, eisque hæreseos notam inusserat. Verum, postea *Joannes Hus*, ut est Hæreticorum ingenium, insolentior factus, Wiclefficum venenum, quod animo hauserat, excussio omni rubore, propalare coepit, cumque esset sermone potens, multa in suis Concionibus ex libris *Wicleffi* in medium protulit, asserens in eis omnem veritatem contineri, seque vehementer optare in loca, postquam ex hac luce migrasset, proficisci ad quæ *Wicleffi* anima pervenisset, quem virum fuisse bonum, Sanctum, Cæloque dignum non dubitaret. Quin, impia illius Hæresiarchæ *Lotharii* Calamo propugnabit *Joannes Hus*, aliquos ejus perniciosos libris in linguam Bohemicam translatis, quos ad potentiores Laicos, instaurandi magni cujusdam muneris, mittebat. Errorum suorum *Joannes Hus* nactus est socium sibi simile *Hieronymum Pragensem*, gente itidem Bohemum Artium Magistrum acutissimum, & in concionibus, quas ad populum magno cum plausu habebat, eloquentissimum. Utriusque pestilentem doctrinam arrectis auribus exceperunt incauti Bohemi, eorum conciones turmatim frequentante

is Clerici plerique ære alieno gravati, scelerius ac seditionibus insignes, nec non odio & liore perciti, quòd pingua Sacerdotia consequi aud possent, se se adjunxerunt, & in Ecclesiam Romanam latrare cœperunt. Hic non abs re erit observare, hunc *Hieronymum Pragensem*, qui se in disseminanda in Regno Bohemiæ Vvicleffiana æresi Joanni Hus socium præbuit, antea unà cum eodem Joanne Hus subscripsisse Sententiæ, quam Pragensis Academia tulerat contra XLV. Articulos annis Vvicleffi, ut ipsi jure merito exprobrat scriptor coævus Joannes Cochleus Libro 1. *Historiæ Hussitarum*, his verbis: Si diligentius quis discutiat hanc rem, inveniet Hieronymum istum circa Vvicleff doctrinam tèrque quaterque, ut ait Poeta, perfidum. Imò quidem Pragæ, quandò ipse anno 1408. quadraginta quinque articulos Vvicleffi simul cum cæteris publice damnavit, tum ut Magister Universitatis, tum ut membrum Bohemicæ nationis. Bis igitur aut eam doctrinam sub initium damnavit Pragæ, scilicet in Collegio Caroli, in Nigra rosa, & in Prætorio. Taceo de ea damnatione, quæ à Professoribus theologicæ Facultatis facta fuit, quia non reperio eum illius Facultatis membrum fuisse. At paulò post, proximè asseruit, & prædicavit seditiosissimè eam doctrinam, nec puduit eum cum sociis suis contra Doctorum Consilium in articulis objectionis suæ pergere, iniquam, injustam, ac temerariam esse & fuisse quadraginta quinque Articulorum condemnationem & prohibitionem. Hujus itaque Hieronymi Pragensis, & aliorum duorum ejusdem farinae hominum nequissimorum, Jacobelli Misnensis, & Petri Dresdensis societate devinctus Joannes Hus,

latè per totum Regnum Bohemicum diffudit Hæresim, quæ ab ipso dicta est *Hæresis Hussitarum*.

D. Quî potuit tam facilè hæc Hussitarum Hæresis per totum Regnum Bohemicum propagari?

M. Hæresis Hussitarum per totum Regnum Bohemicum fuit facilè propagata, tum quia i temporis acerbissimi Schismatis incendio Roman conflagrabat Ecclesia; tum quia etiam in Bohemia regnabat *Vvenceslaus*, qui fuit etiam Occidentis Imperator pessimus, utpotè cui, sicut i primo Colloquio diximus, vinum, cæteræque obscæne voluptates dominabantur magis, quàm ipse subditis. Turpissima *Vvenceslai* Gesta, o quæ Imperio fuit abdicatus, Tomo 2. *Rerum Germanicarum* Part.3. pag.180. describuntur h. verbis: *Centroversias* porrò, *bellaque*, quæ, pro dolor! Germaniam, aliasque Sacri Imperii terras miserè afflixerunt, & pessumdederunt, atque etiam nùm pessumdant, nihil unquàm curæ habuit. His prædationes, incendia, & latrocinia orta adeò funstis usque hodie incrementis, ut nulli Clerici, neque Laici, neque Agricole, neque Mercatores, neque Viri, neque Mulieres, sive Terra, sive Mari turversentur. Tempia, Cænobia, & Domus Sacras quas Sacrum Imperium manu asserere, atque tue decebat, rapinis & incendiis patent, & ad interitum rediguntur. Eò res abiit, ut quivis contra iurum & equi rationem, alium pro arbitrio tractarit, & etiam tractet, absque ulla Sacræ, spretæque di Imperialis auctoritatis reformidatione, sicut & loci conveniendi quempiam, ubi nomine juris defensio & patrocinium suscipiatur, planè ignoretur. Denique

quod horrendum & immane dictu) cum propria, in aliorum facinorosorum, quos secum habet, manu, verendos Sacrorum Antistites, Sacerdotes, & Spirituales personas, & alios itidem plures honeste notamine contra juris normam, secus quam Romano-Regem decebat, neci dedit, aquis submersit, igne cremavit miserabiliter, atque truculentè peremit. hæc quidem memorata, aliaque multa gravia facinorosa, atque damna adeò divulgata sunt & palam nota, excusari, vel celari nullatenus queant. Tot præterea moribus imbutus Venceslaus, propagationi hærescos Joannis Hus in Regno Bohemiæ occasionem dedit. Concessit quippè ad petitionem Joannis Hus, ut in Pragensi Academia, quæ ab initio in quatuor Nationes erat divisa Bohemicam, videlicet, Saxonicam, Bavaricam, & Polonicam, præmineret, & cæteris anteferreretur Nationi Bohemica, ipsaque una tantum in Academia habere, quantum reliquæ aliæ tres simul junctæ. Eâ novitate offensi Professores trium Nationum Pragæ reliquerunt, & unam cum quinque suorum discipulorum millibus Litvam trium dierum itinere à Praga distantem, pervenire, ubi novam Academiam, faventibus Lantacavio Thuringiæ, & Marchione Misniæ, religiosissimis Principibus, crexerunt. Tunc Joannes Hus doctorum suorum compos, facilè totam Academiam Pragensem, indèque Bohemici Regni populum suis erroribus, quæ libris editis, quæ disputationibus, quæ concionibus infecit.

D. Numquid ad compescendam illam grassantem in Regno Bohemiæ Hussitarum Hæresim, unam suam curam ac Pastoralem vigilantiam

adhibuerunt hujus Nationis Episcopi ?

M. *Joannem Hus* frustrâ , & absque ullâ correctionis fructu , piâ admonitione increpitum *Sbinko* , cognomento *Lepus* , Pragensis Archiepiscopus , Censuris Ecclesiasticis constringendus esse duxit . Eam ob rem Synodum cœgit , libro *Joannis Vvicleffi* publicè concremari jussit , *Joannem Hus* concionandi munus interdixit , & de hâc omnibus , quæ in hac Synodo gesserat , certicarem fecit *Gregorium XII.* ac deindè *Alexandrum I.* Pontificem Maximum , qui ad eundem Archiepiscopum Pragensem rescripsit , ut auctoritate Apostolicâ prohiberet , ne quis *Joannis Vvicleffi* Articulos publicè vel occultè doceret . Adversus istud *Alexandri V.* Diploma insolenter expostulavit *Joannes Hus* , & ad ipsum Romanum Pontificem meliùs consultum appellavit . Interim , convocare plebem ac docere non destitit , vilibusque homuncionibus permisit , ut concionandi munus usurparent , sacras Litteras in Linguam Vernaculam translatas legerent , cum Sacerdotibus coram plebe temerario ausu disputarent , & contumeliosas in Pragensem Archiepiscopum Cantiones componerent & cantarent . Sic *Joannes Hus* ob desidiâ & inertiam *Vvenceslai* , Bohemiæ Regis , amplissimam unâ cum suis impune debauchandi licentiam nactus , Sectam suam longè lateque diffundebat , quod ægrè admodum ferebat *Sbinko* , Pragensis Archiepiscopus , & nullum adversus tantum emergens malum in *Vvenceslai* præsidium inveniens , ad *Sigismundum* Hungarum Regem confugit , eum obsecrans , etiam atque etiam obtestans , ut negligentiam fratris sui *Vvenceslai*

slai emendaret, & periclitanti in Regno Bohemix Catholicæ Fidei abjectâ omni cunctatione, occurreret. Annuit *Sigismundus*, fidemque dedit, se propediem Bohemiam petiturum, ut Ecclesiæ Catholicæ rebus consuleret, & Hæreticos ordinem redigeret. Sed cum in dies ejus proſtitio procrastinaretur, re infectâ obiit *Sbinko*, Archiepiscopus Pragensis, in Bohemia, & in ejus cum suffectus est *Albicus*, natione Bohemus, te Medicus, & *fædissimum*, ut testatur *Aeneas Silvius* in *Historia Bohemorum*, avaritiæ monstrum. Instar siquidem Draconis, adeò suis pecuniis, ac thesauris incubabat, ut Cellæ vinariæ claves neini crederet, animalia viventia dono accepta, venderet, nullos, præter abjectam anum, domesticos ac ministros haberet, & aliquandò interrogatus, sonorum omnium quem molestius audiret? responderit, sonum esse maxillarum ossa frangendum. Profectò (subdit jam citatus *Aeneas Silvius*) idoneus Pontifex, qui nascenti fomentum hæresi præberet. Sub hoc nequissimo Pragensi Archiepiscopo cum suos errores latius spargeret *Joannes Hus*, Romam à *Joanne XXIII.* Pontifice Maximo venire jussus est, ut se judicandum sisteret. Renuit ille ire *Joannes Hus*, sibi malè conscius, suos tamen procuratores misit; & in illius gratiam *Vvenceslaus*, Bohemique nobiles scripserunt, ut Romani itineris peragendi necessitate ipsum Pontifex liberaret. At ejusmodi litteras commendatitias nihil moratus *Joannes XXIII.* cognitionem causæ *Joannis Hus* commisit primùm Cardinali *Columnæ*, & deindè selectis aliis Cardinalibus, qui, auditis illius Procuratoribus, ipsum contumaciæ reum

pronuntiaverunt , dirisque omnibus devoverunt
 Eâ sententiâ exasperatus *Joannes Hus* , adversus
Joannem XXIII. furere cœpit , cùmque hic Ponti-
 fex contra *Ladislaum* , Apuliæ Regem , Ecclesi-
 sticæ Ditionis Urbes , oppida , castra , & territo-
 ria infestantem , bellum decrevisset , plenariâ In-
 dulgentiâ propositâ his , qui ad vindicanda Ec-
 clesiæ jura fumerent arma , *Joannes Hus* , ejusqu
 sectarii Sacerdoti Indulgentias in Regno Bohe-
 miæ promulganti publicè obstrepere ausi sunt , &
 Pontificem Maximum appellare *Antichristum*
 eò quòd contra Christianos Crucem decerneret
 Aliquos ex his tumultuantibus Hussitis è vestigio
 Senatus in carcerem rapi jussit. Populus verò Cla-
 sicum cecinit , captosque omnes armis dimitti
 petiit , sed Oratione Senatûs tandem pacatus ,
 quievit . De seditiosis clam supplicium sumptum ,
 quod tamen cùm ex eorum sanguine extra Præto-
 rii januam defluente Hussitis innotuisset , iterùm
 occurrens populus , graviusque tumultuatus inte-
 remptorum corpora rapuit , & detulit , clamitans
 per civitatem : *isti sunt Sancti , qui pro Testamento*
Dei corpora sua tradiderunt , occisosque Martyrum
 loco habuerunt , ut referunt *Æneas Sylvius*
cap.xxvi. Historiæ Bohemorum , *Dubravius lib.xxiii.*
Historiæ Bohemicæ , & *Cochlaus lib.i. Historiæ Hus-*
sitarum . Quin , *Joannes Hus* suos illos , Diaboli-
 que Martyres maximis celebrat encomiis in libro
De Ecclesia cap.xxv. Hæc cùm accepisset *Joan-*
nes XXIII. Pontifex Maximus , contra *Vviclef-*
stas , & *Hussitas* , quorum correctionis nulla spes
 affulgebat , Concilium Generale Constantiense
 indixit , in quo errores tam *Vvicleffi* , quàm *Jo-*
 annis

nnis Hus fuerunt proscripti , sicut operosius
 stendemus in proximo Colloquio , ubi agemus
 e Conciliis, quæ Sæculo XV. ad profligandas Hæ-
 eses fuerunt celebrata . Hic dumtaxat obiter ob-
 rvabo , *Joannem Hus* Constantiensi Concilio in-
 erfuisse , eumque non solum ut pertinacem & in-
 rrigibilem Hæreticum fuisse damnatum , sed
 iam Ordine Sacerdotali , cæterisque Ordinibus
 lemnitèr exauctoratum , & chartaceâ mithrâ
 edimitum , in qua Dæmones depicti erant , cum
 ac inscriptione : *Hæresiarcha* , Curia Sæculari re-
 ctum esse , ut flammis addiceretur . Sententiam
 ortis in se à Civili Potestate latam læto hilari-
 ue vultu excepit , dumque ad locum supplicii ,
 u ad bustum à Liætoribus duceretur, ut se inson-
 em persuadere , sectatores suos in Hæresi confir-
 are , & Martyris nomen apud ipsos consequi
 osset , nonnulla adulterinæ constantiæ , & emen-
 tæ pietatis signa exhibuit . Quin , & propheta-
 t , nesciens quid diceret , asserens , Cygnum
 o Anserem nasciturum (*Hus* enim Bohemis Anser
 t) *Lutherum* Cygni nomine significans , qui ex
 us cineribus nasciturus erat . Vivus exustus est
annes Hus , brevique resolutus in cineres , qui
 atim in Rhenum fuere conjecti , ne ab ejus Se-
 atoribus in Bohemiam delati , superstitione co-
 rentur . Eâ *Joannis Hus* morte , & incendii metu
 eterritus *Hieronymus Pragensis* , ejus socius , ex-
 usso veterno , errores *Vvicleffi* , & *Joannis Hus*
 ulam ejuravit , sed paulò post in Hæresim rela-
 us , ad rogam damnatus est , non minoribus
 nulatæ pietatis signis datis , quàm dederat *Jo-*
nes Hus . De utriusque Hæretici supplicio hæc
 scribit

scribit *Æneas Sylvius* cap. xxvi. *Historiæ Bohemicæ*: *pertulerunt ambo constanti animo necem, & quasi ad epulas invitati, ad incendium properarunt, nullam emittentes vocem, quæ miseri animi posset facere indicium. Ubi ardere cæperunt, Hymnum cecinere, quem vix flamma & fragor ignis interciperi potuit. Nemo Philosophorum tam forti animo mortem pertulisse traditur, quàm isti incendium. Cultum sunt duo illi Hæretici à suis sequacibus ut Martyres, & peculiari festo honorati in terris, dum ipsi in Inferis flammis torti æternis, suorum & alienorum scelerum pœnas luent sempiternas.*

D. Certè, non miror, quòd Hæretici Hussitæ peculiari festo coluerint tanquàm Martyre *Joannem Hus* & *Hieronymum Pragensem*, duos insignes Sectæ suæ Coriphæos, cùm ipsimet hæretici Calvinistæ, & Lutherani eosdem Hæresiarchas inter suos Patriarchas etiamnum recensere, illos ce veritatis testes venerari soleant, atque ab illis suorum falsi nominis Ecclesiarum originem aut successionem deducant. Qua in re ridendi potius quàm confutandi sunt Hæretici Lutherani, & Calvinistæ, aliique ejusdem furfuris, qui Ecclesiarum suarum, & falsæ doctrinæ non alios Patriarchas invenire possunt, quàm pestilentes quosdam Hæresiarchas solemni judicio ab universali Ecclesia proscriptos, & cum Fidelium omnium execratione ultricibus flammis addictos.

M. Non solum ridendi, sed jure merito confutandi sunt hæretici Lutherani, & Calvinistæ, dum in tutandis suis erroribus sibi patronum adsciscunt *Joannem Hus*, quem tamen certissimè constat ab impia eorum doctrina longè latèque d

repasse , & cum Ecclesia Romana circa dogmata transubstantiationis in Eucharistia , numerum & efficaciam Sacramentorum , Confessionem Sacramentalem , Purgatorium & Orationes pro defunctis , intercessionem & invocationem Sanctorum , & sacrarum Imaginum venerationem , perfectè consensisse . Quod quidem , ne id à me gratis dictum se putes , evidenter demonstro . Primò , Joannes Hus , in Tractatu , quem Constantiæ in carcere edidit , *De Sacramento Corporis & Sanguinis Domini* , sertè profitetur Catholicum Transubstantiationis dogma his verbis , quæ Capite 3. leguntur : *ixi ulterius supra , quòd Christus virtute propria & verbis propriis transubstantiat panem in Corpus suum , extà Canticum Ecclesiæ istud : Verbum Caro panem verum Verbo carnem efficit &c.* Idem confirmat in libro *de Sanguine Christi* , & in Epistola quam scripsit Joannes Hus ad Joannem XXIII. quamque refert Joannes Przibram , magnæ quondam inter hæreticos Huslitas auctoritatis , sed postea ad Catholicam fidem feliciter conversus , in libro *De non remanentia panis in Sacramento Altaris* , contra Aviclessistas edito . Prætereà , Joannes Hus Confessionis Sacramentalis necessitatem non negavit , immò eam Sacramenti Pœnitentiæ partem esse docuit in libro *De Cœna Domini* cap. v. in Epistola ad Magistrum Martinum , in Responsione ad Scriptum Octo Doctorum cap. viii. in Commentario in Epistolam S. Jacobi , explicans illa verba Capituli v. *Confitemini alterutrum peccata vestra* , sed præcipuè in Tractatu , quem edidit *De Pœnitentia* , ubi hæc habet : *Sunt autem Pœnitentiæ perfectæ , ut dicunt Doctores , tres partes : scilicet Contritio , Con-*
fessio ,

fessio, & Satisfactio. Et paucis interjectis, subdit *Secundapars Pœnitentiæ est Confessio, quæ est coram Deo & coram Sacerdote peccatorum recognitio; quæ debet esse plana & integra; plana, ut Sacerdos intel ligat; integra, ne confitens aliquod peccatum scienter abscondat. Qui enim abscondit scelera sua, non dilige tur. Ibidem ait: Confitere peccata tua Sacerdoti non tardans. Tertio, Joannes Hus in Commentario in Epistolam S. Jacobi plura ex Ecclesiæ Catholica sensu docet, videlicet septem esse novæ Legis Sa-menta, quæ suâ virtute efficiunt quod figurant: Tria Sacramenta, seu Baptismum, Confirmatio-nem, & Ordinem, imprimere Characterem, adeoq; iterari haud posse; & Extremam-Undtionem unum esse ex septem novæ Legis Sacramentis. Quartò, Joannes Hus in Sermone De Exequiis habito Pragæ in Synodo ad Clerum admittit post hanc vitam Purgatorium, in quo Animæ habentes amorem di-spersum ad temporalia, licet amor Christi in eis præ-ponderet, habent venialia expurganda, ibidemque docet, Animas defunctorum in Purgatorio existen-tium juvari posse, quantum ad pænæ mitigationem & accelerationem gloriæ, oblationibus Sacerdotum, aut eleemosynis charorum, aut precibus Sanctorum, jejunio cognatorum. Postremò, Joannes Hus Sancto-rum in Cœlo regnantium invocationem nobis sa-lutarem esse, eosque pro nobis apud Deum inter-cedere apertè profitetur in *Elucidatione Fidei suæ*, ubi B. Virginem Mariam, tanquam advocatam, Me-diatricem, & humani generis reparatricem invocat, multisque præconiis extollit; & in libro *De Imagi-num Adoratione*, venerationem Imaginibus San-ctorum debitam ultro agnoscit his verbis: Ex quo*

pater,

tet, quòd quamvis coram Imagine Christi, vel alia
juscumque Sancti, licitè possunt homines genu flecte-
, orare, offerre, candelas ponere, & sic faciunt:
n tamen in nomine Imaginis, sed in nomine illius,
jus imago est, illa debent facere, sicut & imago,
n propter se, sed propter imaginatum est coram ho-
minibus sculpta, posita, vel depicta. Hæc Joannis
is Dogmata, quæ cum doctrina Ecclesiæ Roma-
e consentiunt, se firmitè tenere expressè decla-
nt Pragenſes Hussitæ in xxiii. Articulis contra-
naboritas editis, quos Joannes Cochleus lib. v. *Hi-
riæ Hussitarum* refert. In primo siquidem horum ce-
rticulorum protestantur Pragenſes Hussitæ, se
edere & tenere, quòd Christus verus Deus & ve-
s homo est in Sacramento visibili Eucharistiæ secun-
m suam propriam naturam & substantiã corpoream,
secundum ejus naturalem essentiam, eandem peni-
s in numero, quam sumpsit de Virgine Maria, &
undum quam residet in cælo ad dexteram Patris, cui
eodem Sacramento honor, cultu, genuflexione, ado-
tione, luminum accensione, & aliarum veneratio-
m exhibitione debet deferri. In aliis verò sequen-
ous Articulis Pragenſes Hussitæ constantè pro-
tentur, se admittere septem novæ legis Sacra-
enta, Purgatorium, Orationem pro Defunctis,
itum, & ordinem, qui observatur in Missæ Sa-
ificio, in Vesperis, & aliis Officiis Divinis; Je-
nia Ecclesiæ, Festivitates Sanctorum, Horas
anonicas à Clericis persolvendas, & obedi-
am, quæ Episcopis præstari debet. Quæ cum
a sint, facile concludere potes, quàm perperam
utherani & Calvinistæ asserant, se cum Joanne
us, quem ceu veritatis testem venerantur, & cum
ejus

ejus Discipulis convenire; quàm falsò suarum Pseudo-Ecclesiarum à *Joanne Hus*, ejusque Discipulis Origines aut successiones deducant, quibulum in præcipuis Fidei suæ Dogmatibus nullatenus consentiunt: quàm deniquè ab Ecclesiæ Romanæ communione injustè recesserint propter hæ ipsa doctrinæ Capita, quæ *Joannes Hus*, quem Christi Martyrem, & donis Spiritus Sancti plenius appellare non verentur, ejusque Discipuli, dicti Hussitæ, constanter ac perseveranter propugnarunt. Plura in hanc rem legis apud illustrissimum Dominum *Jacobum Benignum Bossuet*, Episcopum Meldensem, Lib. 2. Tomi 2. *Historiæ Variationum Ecclesiarum Protestantium* à pagin. 163. usque a pag. 193. Editionis Leodienlis anni MDCCX.

D. Quinam sunt isti *Thaboritæ*, contra quos Pragenses Hussitæ Articulos viginti tres condiderunt?

M. Postquàm *Joannes Hus*, in suis erroribus pertinax, vivus fuisset exustus, ejus Discipuli in duas præcipuè Sectas divisi sunt, quarum prima fuit *Thaboritarum*, qui ita dicti sunt à loco quodam naturâ munitissimo, quem ad Lusinitium amnem *Joannes Ziska*, Hussitarum Dux, armis occupavit manibus cinxit, eique *Thabor* nomen indidit. Hæ post *Hussi* mortem cruentum Catholicis bellum indixerunt, Templâ & Monasteria diripuerunt, incenderunt, solo æquarunt, Viros Ecclesiasticos & Monachos summâ crudelitate contrucidarunt frustra se se eorum insultibus opponente *Sigismundo*, Imperatore & Bohemiæ Rege, quem pro Catholicis strenuè pugnantem *Joannes Ziska*, Hussitarum Dux, multis præliis lacessivit, & ad pacem

con

impulit indecoram. Hæc Thaboritarum Secta, sortuo *Ziska*, eorum Duce, in duas factiones divisa est. Alii vetus Thaboritarum nomen retinens, *Præcopium Magnum* sibi Ducem præfecerunt. Alii nullum inveniri posse dicantantes *Ziskæ* parem, se *Orphanos* appellavere. Altera præcipua Hussitarum Secta fuit *Callixtinorum*, qui ita sunt appellati, quod, missis aliis *Wicleffi*, & *Hussi* erroribus eos acriter Thaboritæ propugnabant, assererent, communionem sub utraque specie esse populo fidei omninò necessariam, ac pro solo Calice obtinendo solliciti essent, illum passim in parietibus, in xillis, in templis depingentes, undè orta occasio Poëtarum uni de illis dicendi:

*Tot pingit Calices Bohemorum terra per Urbes,
Ut credas Bacchi Numina sola coli.*

Hi Hussitæ, dicti *Callixtini*, damnabant errores, quos alii Hussitæ, dicti *Thaboritæ*, tuebantur, videre est in viginti tribus illis Articulis, quos explicandam fidem suam contra Thaboritas siderunt, & solum ab Ecclesia Romana dissentiant in quatuor Articulis, quorum primus erat de communionem divinæ Eucharistiæ, quam sub utraque specie, panis videlicet, & vini, his omnibus, qui salvi esse velint, necessariò sumendam affirmant. Alter erat de Civili Dominio, quod Clerici Divinâ Lege interdictum dicebant. Tertius erat de Prædicatione Verbi Dei, quam liberam, omniisque indiscriminatim permissam arbitrabantur. Quartus erat de publicis delictis, quæ nullâ ratione toleranda putabant, etiam majoris mali vindicandi gratiâ. Hos quatuor Articulos *Callixtini*, ad Ecclesiæ unitatem redire volentes, proposuerunt,

runt Episcopis in Concilio Basileensi congregati qui eis potestatem fecerunt sub utraque specie communicandi, eâ tamen lege, ut aliter agent non damnarent, & Communionem sub utraque specie omnibus promiscuè fidelibus à Christo Domino præceptam esse non assererent. Sic pax confecta est, editumque publicum Instrumentum, & ædum *Compactata*. Hoc tamen fœdus recusarunt alii Hussitæ, dicti *Thaboritæ*, & *Orphani*. Immo Hussitæ, dicti *Callixtini*, fœdus, quod in Concilio Basileensi inierant, citò abruperunt, quippe qui ad suum ingenium redeunt, Communionem sub utraque specie omnibus adeò necessariam esse pertenderunt, ut pueris recens Baptizatis Calicem porrigerent, invitos quoque & non postulantes Calicem adigerent, & his, qui illum suscipere nuebant, Sacramenta Ecclesiæ, Sepulturam, publicosque honores per injuriam adimerent. Illustrissimus D. *Bossuet*, Episcopus Meldensis, ostendit loco superius à me laudato, Hussitas, dictos *Callixtinos*, excepto Articulo de necessitate Communionis sub utraque specie, in aliis Fidei doctrinæ Capitibus cum Ecclesia Romana consensisse. Quam consensionem cum nonnulli ex illis ægermè ferrent, contra Ecclesiam Romanam, sub specioso novæ reformationis obtentu, latrare cœperunt, Summi Pontificis auctoritatem ac Principum negarunt, Missæ Sacrificium, tanquam sacrilegum ritum, repudiarunt, Transubstantiationem, Purgatorium, preces pro Defunctis, cultum invocationem Sanctorum exploserunt, Baptismum extra suam Sectam collatum, nullum & irritum esse dixerunt, unde eos, qui suæ Sectæ nomen da-

olebant, denuò baptizabant. Hi à Callixtinorum societate sese omninò separantes, novam anno MCCCCLXVII. Sectam confluxerunt, diutique sunt fratres Bohemi, qui Joannis Hus discipulos se esse gloriabantur, quique postea amplexi sunt errores utheranorum, & Zuinglianorum, quibuscum anno MDLXX. in Concilio Sandomirenfi in Polonia, sedus ac societatem inierunt.

D. Necdùm, ut candidè fatear, capio, cùm Joannes Hus, qui, ut mox observasti, Transubstantiationem, ut fidei dogma, admittebat, Joannem Wicleffum, qui Transubstantiationem apertè inficiatus est, plenis buccis laudaverit, & habuerit tanquàm Martyrem, & veritatis Magistrum? ut etiam Callixtini, Discipuli Joannis Hus, qui, ut itidè observasti, excepto Articulo de necessitate Communionis sub utraque specie, in aliis fidei dogmatibus cum Ecclesia Romana consentirent, eundem Wicleffum, cujus impiam doctrinam improbabant, velut Martyrem, & eximium angelii præconem, summâ veneratione prosequerentur? Cùm denique Fratres Bohemi, qui Missionem, ut sacrilegum ritum, rejiciebant, & Transubstantiationem negabant, gloriarentur, se Dominum ac Magistrum habere Joannem Hus, eumque, ut Martyrem, & Bohemiæ Apostolum venerarent; quem tamen certissimè constat Transubstantiationis dogmatis assertorem fuisse, eumque Missionem ad extremam usque vitæ suæ periodum, ut sit Ecclesia Romana, celebrasse, sicut ex coarctis scriptoribus, ex luculentis testimoniis primorum discipulorum Joannis Hus, & ex libris ipsius, qui huc extant, manifestò probat ipsemet La Roque,

Pseudo-Minister Calvinianus, in sua *Historia Evangelicæ*, quam nuperrimè legebam, Part. 2. Cap. 19 Pag. 484. Hunc, si placet, nodum dissolve.

M. Antilogias, quibus *Joannes Hus*, ejusque Sectarii se se implicabant, morari haud debes, cùm hic sit proprius Hæreticorum caracter, ac genius sibi nunquam constare, & unâ manu destruere, quod alterâ adstruunt. Putat tamen illustrissimus Dominus *Bossuet*, *Joannem Hussum*, ejusque discipulos dictos *Callixtinos*, quamvis à *Joanne Wicleffo* in dogmate de Transubstantiatione recederent, cum nihiloseciùs ut Martyrem coluisse, eò quòd illum excusandum dicitarent, omnia, quæ *Joannes Wicleffus* contra hoc dogma de Transubstantiatione dixerat, aut scripserat, non assertivè, sed disputationis ergò, Scholasticorum more, ab eadem dicta scriptave fuisse. Similiter, Fratres Bohemi qui Missam, Transubstantiationem, aliaque Fidei dogmata, quæ constantè *Joannes Hus* professus fuerat, apertè negabant; cum tamen ceu Magistrum & Martyrem venerabantur, quia dicebant *Joannem Hussum* cœpisse dumtaxat Ecclesiæ reformationem, nec ullum esse dubium, quin ea Fidei dogmata, quæ ipsi negabant, improbaturus fuisset nisi ad rogam, antequàm susceptam Ecclesiæ reformationem perficere potuisset, damnatus fuisset. Sic Fratres Bohemi, Sacrificii Missæ, & Transubstantiationis dogmatis osiores, colebant tanquam Magistrum & Martyrem *Joannem Hussum*, quem tamen ultrò fatebantur Sacrificii Missæ & Transubstantiationis toto vitæ suæ tempore defensores fuisse. Verùm, mittamus illos Hæreticos, & per summam insaniam *Joannem Hussum*, propug-

rem dogmatum, quæ ipsimet detestabantur, inctorum Martyrum Fastis adscribebant.

D. De Vvicleffitarum, & Hussitarum Hæribus satis hætenus dixisti. Alias nunc percurmus Hæreses, quæ Sæculum Ecclesiæ decimum intum infestant.

M. Inter Hæreses, quæ Sæculo XV. emerunt, duæ spurcissimæ fuerunt, quas hic indite adundè sufficiet. Primam Hæresim, dictam *lamitarum*, de qua egimus in Colloquio quarin Historiam trium priorum Ecclesiæ Sæculon exsuscitavit circa annum mccccxx. quidamardus nomine, qui ex Gallia Belgica, transsio Rheno, per Germaniam in Bohemiam, n penetrasset, non parvam mulierum, viroque plebem præstigiis delusit, suosque sectas, quos nudos incedere iussit, *Adamitas* vocit, & occupatâ Insulâ quâdam amne Lusinicoctâ, Filium Dei se dixit, & *Adam* nuncupavit. Connubia his sectariis promiscua erant, nque aliquis inter illos libidine incensus in, lierem exardescebat, eam manu prehendebat, & sectæ Principem adiens: *in hanc*, inquebat, *spiritus meus concaluit*. Cui respondebat ille: *crescite, & multiplicamini, & replete terram*. gitiosam ac propudiosam illorum Sectariorum vum exhorruit *Ziska*, Dux quamvis sceleratus tistitarum, qui Thaboritæ dicebantur, ducto in eos exercitu, & expugnatâ Insulâ, quam upaverant, *Adamitas* omnes gladio delevit, obus tantum reservatis, ex quibus illius Sectæ uerstitutionem cognosceret. Multas ejusdem impæ Sectæ mulieres ultricibus flammis addixit

Ziska, quæ, ut refert *Æneas Sylvius* cap. 41. *Historia Bohemica*; in sua malitia & obstinatione perseverantes, metu supplicii deterritæ haud fuerunt, sed potius ridentes, cantantesque flammarum incendia pertulere.

Alteram Sectam non minùs turpem & obscuram Sæculo XV. conflarunt *Guillelmus de Hildernissen* Sacerdos Monachus, & *Ægidius Cantor* Laicus, ambo ex Belgio oriundi. Asserebat primò *Ægidius*, se esse Salvatorem hominum, qui per ipsum visuri Christum essent, sicut per Christum, Patrem. Secundò, Diabolum, omnesque homines salutem æternam tandem consecuturos. Tertiò, Actus carnalis copulæ, delectationes Paradisi vocabant ambo illi spurcissimi Hæretici, sine peccato exerceri docebant. Quartò, Omnes actus nefarios ad divinam referebant voluntatem. Quem errorem nostris temporibus renovavit *Quietistæ*. Quintò, Tempus Veteris Legis, tempus fuisse Patris agebant, Tempus novæ Legis Filius; tempus proximum, quod *Eliæ* tempus appellabant, Spiritui Sancto attribuebant. Sextò, Oraciones, Jejunia, Ecclesiæ præcepta, Castitatem & Continentiam averfabantur, nullamque in mundo Virginem esse effutiebant, præter unam cui *Sapientiæ* nomen. Circà Purgatorium quæque & Infernum contraria Ecclesiæ dogmata propugnabant. Præter illos crassissimos errores, alios sequentes docuit *Guillelmus de Hildernissen*. Asserebat siquidem primò, quidquid agit homo, non cedere ad salutem vel damnationem; quod Passio Christi satisfaceret pro omnibus. Secundò Asserebat, hominem exteriorum non maculari in

teriolem . Quem errorem Quietistæ nostri tem-
 poris adoptarunt . Tertiò ajebat , Deum esse
 in lapide , in membris humanis , in Infer-
 , sicut in Sacramento Altaris . Quartò , Nega-
 Resurrectionem mortuorum , eò quòd dice-
 , eam in Christo factam esse , cujus membra
 nus , cùm Caput sine membris non surrexerit .
 os , aliosque non minus absurdos errores *Guil-*
mus de Hildernissen ejuravit coràm Petro de *Al-*
to Episcopo Cameracensi , & Priore FF. Prædi-
 corum Conventus S. *Quintini* in Picardia , Hæ-
 icæ pravitatis Inquisitore , die XII. mensis Ju-
 anni MCCCXII. illosque deindè Cameraci , &
 uxellis publicè revocavit . Infeliciorem sortem
 tus est *Hermanus Ruissvich* , alter Sæculi XV.
 reticus , natione Batavus , qui in multos erro-
 olim lapsus , palinodiâ cantatâ , perpetuo
 cere damnatus fuerat anno MCCCXCIX. sed in-
 evadens , & in priorem vesaniam relapsus , pe-
 es quàm antehac blasphemias evomuit , ob
 as Hagæ tandem captus ab Hæreticæ pravitatis
 quisitoribus , traditus est sæculari Magistratui ,
 vivus exustus anno MDXII. Hic autem execran-
 istos sparsit errores . Primò , asseribat , *An-*
gus à Deo creatos non esse . Secundò , *Animam si-*
cum corpore interire . Tertiò , *nullum esse In-*
sum . Quartò , *materiam , ex qua elementa facta*
sunt , non esse à Deo factam , sed ipsi coeternam .
 intò , *Christum fuisse stultum , & simplicem , phan-*
ticum , ac seductorem hominum ; damnassee univer-
sa mundum , & neminem salvasse . Sextò , *quacum-*
que Christus gessit , humano generi , & rectæ rationi
 contraria , proindèque ipsum Omnipotentis Deo

Filium non esse . Septimò , Mosè à Deo modo visibili legem non accepisse , nec facie ad faciem cum eo locutum . Octavò , Fidem nostram fabulosam esse fatuam Scripturam , ficta Biblia , delirum Evangelium . Nonò , Evangelium falsum esse , quòd qui potuit creare mundum sine Incarnatione , eundem quoque salvare sine Incarnatione potuerit . Has detestabiles blasphemias protulisse non contentus scelestus ille hæreticus , voluit etiam moriens certum infamiae suae præbere argumentum . Ad rogum quippe damnatus , & ad Palum jam alligatus , læto hilarique vultu ad populum conversus , ait , se Christianum natum esse , sed jam à Christianismo descivisse quòd Christianos amentissimos judicaret .

D. Hujus delirantis Hæretici , suoque ped alios metientis blasphemiae , non alio quàm igni supplicio expiari debebant . Sed istos infames & omnium scelerum , libidinumque maculis notatos hæreticos relinquamus , & errores aliorum Hæreticorum , qui Sæculo XV. prodierunt , percurramus .

M. Silentio hìc prætermittere haud possunt aliam turpissimam , quæ Sæculum XV. infestavi Hæresim *Fossariorum* , qui ita fuerunt nuncupati quòd in fossis & speluncis nocte convenirent , promiscuâ libidine , more brutorum , se commiscerent . Hujus propudiosæ Hæresis , quæ in Bohemia præsertim grassata est , meminit Trithemius in Chronico-Spanheimensi his verbis : *His temporibus multiplicati fuerunt Hæretici in Bohemia , quæ vulgò Fossarii nominantur , propterea quòd in fossis & occultis speluncis nocte conveniunt , turpitudinem si differentia personarum , more bestiarum , exercente*

ui Ecclesiam Dei & Ministros ejus contemnunt, Sacramenta irrident, infinitos scaturientes errores. Credit hoc nefandissimum hominum genus, & mirum modum quotidie augetur, in tantum, quod numerus eorum major novemdecim millibus fuit inventus. Sed & nobiles, atque potentes quamplures in Regno bohemiæ ad eos turpissimos Hæreticos declinarunt, & tribus unus, Christophorus nomine, Vir nobilis & ves, quadraginta florenorum millia inter eosdem Hæreticos pro eleemosyna distribuens, unus ex eis factus est. Postea, describit idem Author superstitiones & execrationes, quibus illi Hæretici eos contumeliabant, qui nefariæ illorum Sectæ nomen dabant: Quicumque, inquit, in illam secretam incommitti societatem exoptat, primum aliquo celebrantem Catholico Sacerdote Ecclesiam ingreditur, & stans in angulo, vel secreto aliquo loco per totam Missam verba quædam contumeliosa (quæ nos propter infirmitatem exprimere non decet) contra Sacramenta loquitur sub silentio, cum intentione sibi à docente propinata, quibus post finem Missæ completis, Musca magnæ corporis advolat, & pennarum strepitu significans, adesse præsentem, oris introitum petit, at verò postea, ut ille os suum aperuit, ingreditur illa, & hoc spiritu diabolico impletur, efficiturque in ea Sectæ Hæreticus mirabiliter astutus. Verum, ipsi Muscam illam, non Dæmonem, sed Spiritum Sanctum esse confirmant, ut in eos, ut veros Apostolorum imitatores, sicut in die Pentecostes, in illos quondam descendens, eructos faciat & constantes; & reverà non constantes, sed pertinaces sunt, nec ullis tormentorum generibus suis erroribus ad rectam fidem reduci unquam potuerunt &c. Sic Diabolus, infensissimus generis humani

hostis, miseram illam gentem deludebat, decipiebat, & in ea turpissima Hæresi adeò confirmabat, ut nec disputationibus nec suppliciis ad Catholicam fidem revocari posset. Sed, missis illis impuris & obstinatis Hæreticis, breviter nunc expendamus errores, quos nonnulli in Galliis Sæculo Ecclesiæ decimo quinto procuderunt, quosque Sacra Facultas Parisiensis Censuris confixit.

D. Percense, quæso, juxtà ordinem Chronologicum, illos errores in Galliis Sæculo Ecclesiæ decimo quinto sparsos, unà cum Censuris, quibus à Sacra Facultate Parisiensi fuerunt proscripti.

M. Pluribus erroneis propositionibus, quas Sæculo XV. confixit Sacra Facultas Parisiensis, occasionem dedit acerrima illa æmulatio, quæ extitit Parochos, seu Presbyteros Sæculares, inter & Religiosos Mendicantes. Parochi liquidem, suæ jurisdictionis retinendæ tenacissimi, Religiosis Mendicantibus negotium facessiebant, & ne juribus ac privilegiis, quæ ipsis Romani Pontifices concesserant, fruerentur, omnem conatum & industriam adhibebant. Versâ vice, Religiosi Mendicantes pro defensione jurium ac Privilegiorum suorum strenuè decertantes, Parochorum jura impetebant, eorumque jurisdictionem pro viribus elevabant. Inter illos, F. Joannes de Gorello, Ordinis FF. Minorum, anno MCCCXIII. in Actu, ut vocant, Vesperiarum, quem in Academia Parisiensi propugnavit, has quinque propositiones tuendas suscepit. Primò, *quod Sacramentum Pœnitentiæ nihil agit in habente gratiam virtute Sacramenti, quia Sacramentum Pœnitentiæ non respici-*
prin-

principaliter, nisi. expulsionem culpa. 2. Quòd debite
 confessus non potest obligari, ut iterum confiteatur ea-
 dem peccata. 3. Quòd Curatis non competit, ut ta-
 sent, prædicare, confessare, extremam Unctio-
 nem dare, Sepultura dare, Decimam recipere. 4. Fra-
 tribus, seu Religiosis Mendicantibus competit princi-
 palius, vel essentialius prædicare, Confessiones au-
 tem, quàm Curatis. 5. Quòd Curatis habentibus
 sufficienter aliundè, non licet recipere Decimas ad
 suum proprium, immò sacrilegium committerent.
 His quinque Propositiones damnavit Sacra Facul-
 tas Parisiensis die 2. mensis Januarii an. mccccviii.
 Legitque prædictum F. Joannem de Gorello ad Pa-
 rochiam decantandam, ut videre est apud Egas-
 tum Bulaum Tomo v. Historiæ Universitatis Pari-
 ensis ad annum mccccviii. pag. 189. 190. & 191.
 Nonnulli alii Religiosi Mendicantes Joannis de Go-
 llo vestigiis insistentes, atque Parochorum Jura
 Hierarchiam Ecclesiasticam labefactare molien-
 tes, ab eadem Sacra Facultate Parisiensi fuerunt
 damnati; videlicet Joannes Sarrazin, Ord. FF. Præ-
 dicatorum, anno mccccxxx. Nicolaus Quadriga-
 rius, Ordinis Eremitarum S. Augustini, anno
 mccccxlii. Joannes Bartholomæus, Ordinis FF. Mi-
 norum, anno mcccccli. Joannes Meunier, Ordinis
 FF. Prædicatorum anno mccccclxx. Joannes Angeli,
 Ordinis FF. Minorum, anno mccccclxxxiii. Con-
 ciliium etiam Basileense damnavit septem proposi-
 tiones, quas quidam ex Ordinibus Mendicantium
 Religiosi homines in Taurinensi præsertim &
 Avenensi Dioccesibus anno mccccxlii. docuerant
 prædicarant, quarum prima his verbis conce-
 ta erat: Parochiani non tenentur de jure Dominicis
 diebus

diebus & solemnibus Missas in propriis Ecclesiis Parochialibus audire, sed ubi pro sua devotione maluerint, prætermisiss suis Parochiis, neque hæc libertas ipsis adimi potest à Synodalibus Constitutionibus. Secunda: Parochiani suis Curatis illis diebus non tenentur ad oblationem faciendam, sed in voluntate dantis est cui velit, oblationem facere. Tertia: Connoxius quavis causa ut Missas celebrari curet pro vivo, & defunctis, non satisfacit debito suo si per Curatum Sacerdotem id fieri curet, quoniam ratione beneficij ad id est obligatus. Quarta: Decimarum solutio, etsi de præcepto sit, non tamen de præcepto est solvenda: Liberum igitur est omnibus, cui velint eas solvere, vel in opera pietatis pro arbitrio impendere. Quinta: Morientes in habitu & Professione Ordinis Minorum, ultra annum pœnas Purgatorii patiuntur: quoniam B. Franciscus ex divino Privilegio quotannis ad Purgatorium descendit, Professoresque omnes sui Ordinis ad Cælum secum deducit. Sexta: Fratres Mendicantes, etiam non præsent Ordinariis, omnium Confessiones audire possunt, qui apud eos sunt confessi, non tenentur etiam semel anno confiteri proprio Sacerdoti, nec petere confitendi veniam. Postrema: Episcopi Diocesani, etiam suis Synodis, non possunt sibi reservare absolutio aliquorum criminum, præter casus in jure expressi. Has Propositiones ut falsas, erroneas, scandaliasas, & Sacræ Hierarchiæ perturbatrices proscipit Synodus Basileensis Decreto edito pridie 1. Februarii anni mccccxlv. sicut refert Augustinus Patricius in Historia Conciliorum Basileensis Florentini Cap. cxxxvii. His erroribus occationem, ut mox diximus, dedit ea, quæ sæculo X

ter Presbyteros Sæculares, seu Parochos, & Religiosos Mendicantes ferbuit æmulatio, quam omninò tolleret *Sixtus IV.* Pontifex Maximus, concordiam Religiosorum cum Clero stabilire, Diploma Pontificium anno MCCCCLXXVIII. videre est apud *Odoricum Raynaldum* ad hunc num, dedit, cujus hic tenor est: Parochiani cerdotes de cætero non dicant, à Mendicantibus hæses processisse, cum in veritate fides nostra sit illuminata, & Ecclesia exaltata per eosdem, & præsertim Ordines Prædicatorum, & Minorum, ut jurantur. Fratres Mendicantes non prædicent, polos Parochianos non teneri audire Missam in eorum rochiis diebus festivis, & Dominicis, cum jure cautum, illis diebus Parochianos teneri audire Missam in eorum Parochiali Ecclesia, nisi forsan ex uesta causa ab ipsa Ecclesia se absentarent, quodque am nec Fratres, nec Curati inducant aliquo modo icos ad eligendam sepulturam apud eos, & benè cantant propter pœnas, quas imponunt Canones, cum liberum. Etiam ipsi Mendicantes desistant prædicare, quòd Parochiani non sint obligati, saltem in Paschate, proprio confiteri Sacerdoti, quia de jure debetur Parochianus, saltem in Paschate, proprio confiteri Sacerdoti; Per hoc tamen ipsi Fratres Mendicantes non censeantur exclusi, quominus secundum iuris communis, & privilegiorum eisdem concessorum positionem, Confessiones audire, & pœnitentias imponere valeant. Etiam de cætero inter ipsos Fratres mendicantes, & Curatos, quoad effectum prædicandi, oras cantandi, & campanas pulsandi, servetur consuetudo antiqua. Etiam ipsi Fratres in sermonibus non detrahant Prælati, & Rectoribus Parochia-

chialium Ecclesiarum, nec populos à suarum Ecclesiarum Parochialium, frequentia & accessu abstrahant, sive retrahant quoquo modo. Utinam! huic Pontificio Diplomati, quod ad tollendum rixarum inter Ministros Altaris fomentum sapientissimè editum est, parèrent omnes tam Religiosi, quam Prebyteri Parochiales, & punirentur illi, qui etiam nùm rixas foveant, eis fovendis calamum acuum veteres Ordinum Religiosorum discordias nov quotidie libellis, & historiis refricant & exasperant, Regularium Privilegia à Sancta Sede concessa, & non revocata, tanquàm contraria Ecclesiasticæ Hierarchiæ impugnant, quodque gravius est, in vulgus spargunt propositiones ab Alexandro VIII. proscriptas, & his verbis concectas: Confessiones apud Religiosos factæ pleræque vel sacrilegæ sunt, vel invalidæ. Parochianus potest suspicari de Mendicantibus, qui eleemosynis communibus vivunt, de imponenda nimis levi & incongrua Pœnitentia, seu satisfactione, ob questum, & lucrum subsidii temporalis. Sed, missâ illâ Parochos inter & Religiosos Mendicantes invidio lite, quæ enatis hinc indè erroribus occasionem dedit, alios percurramus errores, quos Sæculum XV. damnavit sacra Parisiensis Facultas. Anno MCCCCCLXXXVI. damnavit Facultas Parisiensis die 2. Aprilis duodecim propositiones Joannis Mechand, Minoritæ Byzuntini, qui inter cæteras ali ineptias assererebat, locum, è quo Lucifer, ob superbiam, dejectus est, Sancto Francisco fuisse præparatum, & ab illo, in præmium ejus humilitatis, quomnes alios Sanctos superavit, esse occupatum. Sanctum Franciscum esse alterum Christum, ali

in Filium Dei, ejus conceptionem per Angelum Patri ipsius fuisse prædictam, non secùs ac Christi Domini conceptio fuit B. *Mariæ* Virgini per Angelum nunciata: S. *Franciscum* quocannis in Purgatorium descendere, indèque omnes sui Ordinis Professores eruere & in Cælum deducere, non secùs ac Christus Dominus ascendens in Cælum Patriarcharum animas è Limbo ereptas semper perduxit. Has, & similes ineptias, duodecim propositionibus cõtentas, damnavit Parisiensis Facultas, quæ etiam eodem anno, seu die sextâ mii anni MCCCCLXXXVI. proscripsit novem propositiones *Joannis Lallier*, ejusdem Facultatis Parisiensis Theologi Licentiati, qui negabat Romani Pontificis Primatum, potestatem & jurisdictionem Episcoporum, quibus simplices Presbyteros subiebat, cœlibatum Sacerdotum, Canonizationem Sanctorum, præceptum jejunii tempore Quadragesimali observandi, & perpetuitatem Ecclesie Romanæ, quam, à tempore *Silvestri* Romani Pontificis, non Ecclesiam *Jesu Christi*, sed *Cesaris*, appellari debere, impiè effutiebatur. His erroribus dabatur *Joannes Lallier*, plus fidei tribuendum, non esse Vitis Sanctorum, quàm Chronicis Rem Franciæ; & potius credendum esse, Sanctum *Franciscum* nunc cum *Lucifero* poenis Inferni esse, quàm eum nunc in Cœlis occupare locum, à quo *Lucifer* post suum lapsum ad Inferos est præcipitatus. Alias Censuras, quas Sæculo V. tulit Sacra Facultas Parisiensis contra Astrologiam judiciariam, contra Orationem superstitiosam adversus Pestem, & contra quasdam propositiones de Incarnatione; refert *Egassius Buleus*

Tomo v. *Historiæ Universitatis Parisiensis*, ubi eas si tibi per otium liceat, legere poteris. Hic dum taxat velim observes, Sacram Facultatem Parisiensem sub finem Sæculi XV. seu anno mccccxcvii Statutum edidisse, quo vetuit, ne quis deinceps publicè sustineret, *Mariam* Virginem fuisse conceptam in peccato Originali, sancivitque, neminem in posterum in sinum Academiæ, & præcipue in Ordinem Theologorum assumptum iri, qui non jurasset, se immaculatam B. *Mariæ* Virginis Conceptionem propugnaturum, sicut, post *Trithemium* in Chronico Spanheimensi, refert *Egassius Bulaeus* Tomo v. *Historiæ Universitatis Parisiensis* ad hunc annum mccccxcvii. Pag. 815. Ex quo, ut obiter dicam, facile refellitur *Lucas Wadingus* qui in Annalibus FF. Minorum asserit, *Joannem Scotum* Minoritam, qui Sæculo XIV. floruit, sui disputationibus pellexisse Universitatem Parisiensem ad condendum illud Decretum, quod cavet, ne ad ullos Gradus Scholasticos admittentur, qui prius non jurasset, se defensurum Beatam Virginem Mariam à primigenia Protoparenti labæ fuisse prorsus immunem. In hac, inquam narratione *Lucam Wadingum* rem acu non tetigisse, & conditi illius decreti tempus non rectè indicasse, facile evincitur. Primò, quia mox laudati *Trithemius*, & *Egassius Bulaeus* hoc Sacre Facultatis Parisiensis Decretum de propugnanda opinione Conceptionis immaculatæ *Mariæ* Virginis referunt ad annum mccccxcvii. ac subinde aperte innuunt, illud longè post *Joannem Scotum* fuisse publicatum, cum *Joannes Scotus* ex hac vita migrarit anno mcccvi. Præterea, hoc De-

tum Facultatis Parisiensis de tenendâ sententiâ
 Conceptionis Immaculatæ Mariæ Virginis editum
 intaxat fuit post Concilium Basileense, quod
 celebratum fuit anno mccccxxxi. In eo siquidem
 decreto, ut videre est apud *Egassium Buleum* loco
 citato, Doctores Facultatis Parisiensis hæc
 sententia: *Quæ sententia* (seu de Conceptione Mariæ
 Virginis) *paucos post annos in Sacro Basileensi ple-*
no Concilio post longam ejus quæstionis disputatio-
nem, gravissimamque deliberationem, Spiritu Sancto
inspirante placuit, ut eam tandem doctrinam, quæ
beatissimam Dei Genitricem Mariam, cum concipe-
retur, ab omni prorsus peccati originis labe, spe-
ciali singularique Dei gratia fuisse liberam asserue-
re & docuerit, tanquam piam, Ecclesiastico cultui,
et Catholicæ, rectæ rationi, & Scripturæ Sacre
consonam, ab omnibus Catholicis approbandam, am-
plendam, & tenendam definierit &c. Ex quibus
 verbis Sole clariùs patet, hoc Sacræ Facultatis
 Parisiensis Decretum, de tenendâ opinione imma-
 culatæ Conceptionis Mariæ Virginis fuisse editum
 post celebrationem Concilii Basileensis, adeoque
 post obitum Joannis Scoti, cum Basileense Conci-
 lio, ut mox observavimus indictum sit anno
 mccccxxxi. & Joannes Scotus vitâ functus sit an-
 no mcccvi. Tertiò, si Facultas Parisiensis jam
 Sæculo XIV. alumnos suos ad Beatissimæ Virginis
 Immaculatam Conceptionem propugnandam ob-
 stinisset, omni procul dubio *Petrus de Alliaco*
 in Tractatu edito contra Joannem Montesonum,
 Dominicanum, Sacræ Facultatis Parisiensis Do-
 ctorem Theologum, cujus quatuordecim propo-
 sitiones contra opinionem de Immaculata Con-
 ce-

ceptione Virginis *Mariæ* damnavit Sacra Facultas Parisiensis, absque dubio, inquam, *Petrus de Alliaco* in hoc Tractatu objecisset *Montesono* solennis violationem Juramenti, quo Academia Parisiensis suos alumnos ad piâ opinionem de Immaculata Dei-paræ Virginis Conceptione propugnandam adstrinxisset. At ne semel quidem nuntius *Petrus de Alliaco*, aliquod Sacræ Facultatis Parisiensis Decretum, aut Juramentum editum aut præstitum fuisse, immò quæstionem hanc in utramque partem eâ tempestate in Academia Parisiensi probabiliter ventilatam fuisse aperit significat. Id etiam evidentè supponit Facultas Parisiensis in sua Censura, quâ *Joannis Montesoni* decimam propositionem damnat *tanquam falsam, scandalosam, piarum aurium offensivam, & præsumptuosè assertam: non obstante probabilitate quæstionis, Utrum Beata Virgo fuerit concepta in peccato originali?* Quæ verba planè indicant, tunc licet non fuisse Sacræ Facultatis Parisiensis alumnos ista quæstione probabiliter in utramque partem disputare, ac proindè nullam adhuc sæculo XVIII Juramenti formulam de piâ opinione Immaculatae Conceptionis Virginis tenendâ Baccalaureis, Doctoribus Theologis fuisse à Sacra Facultate Parisiensi præscriptam. Quæ cum ita sint, non videt, hallucinatum fuisse *Lucam Wadingham*, dum in Annalibus FF. Minorum scripsit, *Joannem Scotum* suâ disputatione impulisse Sacram Facultatem Parisiensem, ut religionem Juramenti, et propugnanda piâ opinione Immaculatae Conceptionis *Mariæ* Virginis, suis alumnos imponere, cum tamen id solum contingerit longè post

m Scoti, hoc est, anno millesimo quadringentesimo nonagesimo septimo.

D. Hunc Anachronismum, quamvis haud vem, *Luca Wadingho*, gloriæ sui Doctoris subtiextollendæ percupido, ultrò condonemus; & eiem resumamus errorum, qui Sæculo XV. fuerint ab Ecclesia profligati.

M. Multi errores in Concilio Constantienpræter Vvicleffistarum, & Hussitarum Hæreses, erunt damnati, inter quos primùm illos referem, in quos *Matthæus Grabon*, Ordinis Prædicatorum Professor, Conventus Vvismariensis, Marburgensis Diœcesis, Provinciæ Saxonix, lapsus est, dùm *Fratres vitæ Communis*, seu eorum Institutum, qui nullam Regulam, nullumque Ordinem ex approbatis ab Ecclesia professi vivebant, inio æstu impugnavit. Erant autem errores ex *Grabonis* libro excerpti viginti quinque, quos hîc agillatim recensebo. I. *Proprietas temporalium rerum statui sæculari essentialiter est annexa.* II. *Nul-*
s sine peccato potest illud abjicere, quo retento,
est convenienter vivere secundum statum suum. I. *Omnes peccant, qui bona sua simpliciter in ele-*
osynam largiuntur propter Christum. IV. *Abdi-*
tionem omnium propter Christum nullus facere
est extra veras Religiones manendo sine peccato
mortali: & dico veras Religiones per Sedem Apo-
olicam approbatas. V. *Papa non potest dispensare*
um Sæcularibus, ut omnibus in singulari careant. VI.
i Papa posset alicui concedere hoc, tunc posset ei
concedere propriæ vitæ subtractionem, quod est con-
tra Præceptum Decalogi: Non occides. VII. *Reli-*
osus non potest sine peccato mortali abdicare volun-

tatem habendi communia, quandò actu talia non habet. VIII. Quòd aliquis sit voluntariè pauper propter Christum, in Sæculo manens, omninò nihil habendo singulari, nec etiam ipsam voluntatem habendi propria, includit omni tempore contradictionem. IX. Nullus potest paupertatis consilium meritoriè obsequare, nisi fuerit in statu Spiritualis perfectionis, seu veræ Religionis. Dico autem veram Religionem secundo modo dictam Religionem. X. Reputante bene facere assumendo paupertatem, quæ est Salvatoris consilium, remanendo in statu sæculari, peccant mortaliter. XI. Abdicare omnia, etiam propter Christum, nisi veram & approbatam Religionem ingrediatur, est sibi & suis, quorum cura sibi incumbit, vitam subtrahere; quod est hominem committere tot hominum, quot ejus curantur. XII. Credentes se mereri vitam æternam abdicatione, credunt se posse mereri vitam æternam mortaliter peccando. XIII. Effundi omnes opes si ab his, qui volunt in sæculo manere, reducitur etiam immediatè ad illud præceptum: Non occides. XIV. Dicens omnia meritoriè esse abjicienda propter Christum, remanenti in sæculo, est hæreticus judicandus. XV. Nullus potest meritoriè & secundum Deum obedientiæ, paupertatis, & castitatis consilia extra veram & approbatas Religiones manendo, adimplere. XVI. Tria Salvatoris consilia sic sunt concatenata, ut si paupertas meritoria, in quantum est Salvatoris consilium, invenitur, oportet ut necessariò alia duo, scilicet Castitas & Obedientia inveniantur, quæ à paupertate separari non possunt. XVII. Matrones seu mulieres communem vitam ducentes, insimul morantes, Beguæ vulgariter nuncupatæ, quorum

e errores non tenentes aut prædicantes , seu aliàs de
roribus vel hæretica pravitate non suspectæ , eternæ
damnationis sunt filiæ , & earum status est prohibitus
damnatus . XVIII. Peccant , qui propria sua resi-
ant , non intrantes Religionem approbatam . XIX.
non licet Presbyteris , & Clericis communem vitam
ducere , nisi in Religione approbata , sub pœna peccati
mortalis . XX. Peccant omnes , qui fovent consilio &
auxilio communem vitam ducentes extra Religionem
approbatam . XXI. Excommunicati sunt omnes com-
munem Vitam ducentes extra Religionem approba-
tam . XXII. Similiter excommunicati sunt illi , qui
communem extra Religionem approbatam du-
centibus præbent eleemosynas . Et qui tales fovent
consilio & auxilio , vel defensione , similiter stant &
ut in statu perpetuæ damnationis : & nisi de ejus-
dem excessibus eorum magna contritione pœnituerint ,
vitam æternam non possunt pervenire , neque salvi
manere . XXIII. Omnes vitam communem ducen-
tes extra Religionem approbatam , sunt illi , à qui-
bus Salvator noster præcipit esse abstinendum , & tan-
tam à falsis Prophetis attendendum . XXIV. Quili-
bet faciens contra jura Canonica peccat mortaliter .
XXV. Nullus corpore validus , absque communi uti-
tate & necessitate potest extra veras Religiones sine
peccato eleemosynas Christi Fidelium tollere . Hæ vi-
tæ quinque Matthæi Grabonis propositiones ad
Concilium Constantiense delatæ , agentibus præ-
posuè Petro de Alliaco , Cardinali Cameracensi ,
Joanne Gersonio , Academia Parisiensis Cancel-
lario , damnatæ fuerunt , quædam ut hæreticæ ,
quædam ut erroneæ , nonnullæ ut scandalosæ , & pia-
rum aurium offensivæ . Cui Sententiæ Matthæus

Grabon summâ reverentiâ se ultro subjecit, sueque errores revocavit asserendo se eamdem fidem & doctrinam tenere in omnibus, quam Sancta Mater Ecclesia tradidit & firmavit. Ejus revocati & Censuræ his viginti quinque propositionibus *Petro de Alliaco*, & *Joanne Gersonio* inustæ, habetur inter ipsius *Joannis Gersonii Opera* Tomo Editionis Parisiensis anno MDCVI. pag. 624. Editionis Antuerpiensis anno MDCCVI. pag. 40 & 470.

Eamdem ac *Matthæus Grabon* sortem in Concilio Constantiensi nactus est *Nicolaus Serurarius* Ordinis Eremitarum S. *Augustini*, cujus error circa administrationem Sacramentorum factarum à Presbyteris Concubinariis, circa cultum Sacrorum, contra poenitentiam, & adversus Patres, atque Canonicos Regulares Ordinis S. *Antonii* Abbatis, fuerunt in prædicto Concilio damnati, & postea à *Martino V.* Pontifice Romano, qui Censuram, quam in errores *Nicolai Serurarii* tulerant Patres Concilii Constantiensis, Pontificiâ auctoritate confirmavit, eumque ad poenitentiam, & errorum abjurationem compulit. In autem errores, quos in Belgio disseminavit *Nicolaus Serurarius*, quosque *Martinus V.* refert in suo diplomate, ad istos potissimum reduci possunt. In primis, docebat *Nicolaus Serurarius*, quod veritas est ad Deum & proximum, & non ad se ipsum. Secundò, quod Deus non remisit, neque remittere potest culpam peccatori absque prævia contritione. Tertiò, quod Presbyteri publici concubinarij non habent auctoritatem, seu potestatem absolvendi peccatorem, & peccator confessus Sacerdoti publico con-

ario recedit absque absolutione. Quartò, quòd
 ationes & preces Missales talium Sacerdotum pu-
 corum concubinariorum, sunt nullius valoris, &
 ssæ per tales concubenarios celebratæ pro defunctis,
 vivis, sunt nullius valoris, & peccent mortali-
 illi, qui per Sacerdotes concubenarios Missas ce-
 rari faciunt, vel illis intersunt. Quintò, quòd
 leles non teneantur semel in anno confiteri suo pro-
 Curato, quia Religiosi præsentati sunt proprii
 cerdotes & veri Curati. Sextò, quòd mulieri non
 opus purificari, quinimò, hoc, scilicet purifi-
 ri, est judaizare. Septimò, quòd Oratio non de-
 t dirigi, nisi ad Deum solummodò, & non ad San-
 os. Octavò, quòd deferre honorem feretro B. An-
 nii Abbatis erat crimen idololatriæ, & quòd illi,
 i dant ad comedendum porcis bajulantibus campa-
 lam Beati Antonii Abbatis, peccant mortalitèr.
 is duobus Viris Religiosis, Matthæo Graboni, &
 icolao Serurario, quorum errores in Concilio
 onstantiensi fuerunt damnati, adjungi meritò
 ebet Joannes Parvus, cujus itidem errores in eo-
 em Concilio Constantiensi confixi sunt.

D. Quis est iste Joannes Parvus, cujus er-
 ores damnavit Concilium Constantiense?

M. Joannes Parvus fuit natione Norman-
 us, Theologus Parisiensis, venalis homo, & in-
 enii ad assentationem fœdè projecti. Ille quippè
 orribile parricidium, quod, ut in Colloquio
 rimo observavimus, commisit Joannes, Burgun-
 iæ Dux, qui Ludovicum, Ducem Aurelianen-
 em, Caroli VI. Galliarum Regis fratrem, ac Pa-
 ruelem suum, immani proditione occidi cura-
 vit, hoc, inquam, detestandum parricidium sum-

mâ impudentiâ defendendum suscepit, & quo gravius est, ut illud parricidium vindicaret, ausus est occisi *Ludovici*, Aurelianensis Ducis, famam canino dente proscindere, ejusque manes crudelius insectari, quàm fuerat illius corpus à Sicariis confossum. Inter cætera crimina, quæ impeggit occiso *Ludovico*, Aurelianensi Duci, & quibus eum infamare studuit, hoc unum instar omnium fuit, quòd diceret, *Ludovicum*, Ducem Aurelianensem, Galliarum Regnum, dùm viveret, afflicxisse, cum adhibuisse Magos, variasque incantationes ac sacrilegia, ut *Carolus VI.* Galliarum Regem de medio tolleret, & ad id exequendum fœdus cum Angliæ Rege pepigisse, graviaque exegisse vestigalia, ut, è solio deturbato *Carolo V.* summâ ipse rerum solus in Regno Galliarum potiretur. Ex hoc crimine (falsò tamen, & perperâ occiso *Ludovico* Duci Aurelianensi impacto) tantamquam ex jacto Apologiæ pro *Joanne* Duce Burgundiæ adornatæ unico fundamento inferebat *Joannes Parvus*, non solum pœnâ dignum non esse Burgundiæ Ducem, quòd *Ludovicum*, Ducem Aurelianensem, occidisset, sed potiùs gratiâ, honore, divitiis, aliisque præmiis cumulandum, tantamquam tyrannidis depulsores, & tyranni peremptores. Eam in rem famosum libellum, cui titulus: *Justificatio Ducis Burgundiæ* composuit, in quo octo momentis, quæ ipse *Veritates* vocabat probandum suscepit, fas esse ac meritorium cui libet homini privato propriâ auctoritate tyrannum occidere, ac subindè laude, non vituperio dignum esse Ducem Burgundiæ, qui id facinoris in persona Ducis Aurelianensis perpetraverat. Mansit al
qua

mandiū absque Censura, ob summam Burgundiæ
ducis potentiam, detestandus libellus *Joannis
parvi*, sed tandem à sacra Facultate Parisiensi da-
natus est Sententiâ in ipsum latâ die *xxiii*. Fe-
ruarii anni *mccccxiv*. & publicè promulgatâ
die *xxv*. ejusdem mensis & anni. Hujus à sacra
Facultate Parisiensi ferendæ Sententiæ, quæ ab
Jassio Bulæo edita est in *Historia Universitatis Pa-
risiensis*, ad annum *mccccxv*. Promotor fuit *Joan-
es Gersonius*, ejusdem Academiæ dignissimus Can-
cellarius, qui ex libro *Joannis Parvi* novem Asser-
tiones excerptit, quas cum Censura Facultatis
parisiensis legere est Tomo *i*. Operum ejusdem
Gersonii. Hunc librum etiam *Joannis Parvi* damna-
nt eodem anno *mccccxiv*. *Geraldus de Monte-
cuto*, Episcopus Parisiensis, & *F. Joannes Poleti*
Hæreticæ Pravitatis Inquisitor, Ordinis *FF. Præ-
icatorum*, quorum Censuræ cum Burgundiæ Dux
conquiescere nollet, res ad Synodum Constantien-
sem delata est, agente *Joanne Gersonio*, Parisiensis
Academiæ Cancellario, & Galliarum Regis Ora-
tore. Nihil intentatum reliquit Burgundiæ Dux,
ut damnationis Sententia à Facultate Parisiensi in
librum *Joannis Parvi* lata, quæ in hujus Ducis op-
probrium & dedecus vergebat, nulla & irrita de-
clararetur in Concilio Constantiensi. Res in ea
Synodo diū magnâ partium contentione hinc inde
agitata est, tandem Sessione *xv*. quæ celebrata est
die *vi*. Julii anni *mccccxv*. Patres absque ulla
mentionem Auctoris, aut libri, ne questio facti in-
tempestivè agitata novas turbas excitaret, utque
Ducis Burgundiæ honori consulereetur, damnarunt
ut hæreticam illâ propositionem, quâ *Joannes Par-*

vus assererat, quemlibet tyrannum posse & debere
 licitè & meritoriè occidi per quemcumque Vassallum
 suum, vel Subditum. His porrò verbis Concilii
 Constantiensis Decretum conceptum est: *Præci-*
pua sollicitudine volens hæc Sacrosancta Synodus a
extirpationem errorum & hæresum in diversis munc
partibus invalescentium providere, sicut tenetur, &
ad hæc collecta est, nuper accepit, quòd nonnullæ Asser-
tiones erroneæ in fide & bonis moribus, ac multipli-
citer scandalosæ, totiusque Reipublicæ statum & ordi-
nem subvertere molientes, dogmatizatae sunt, inte-
quas hæc Assertio delata est: Quilibet tyrannus po-
test & debet licitè & meritoriè occidi per quemcum-
que Vassallum suum, vel Subditum, etiam per clan-
culares insidias, & subtiles blanditias, vel adulatio-
nes, non obstante quocumque præstito juramento, se
confæderatione factis cum eo, non expectata sententia
vel mandato judicis cujuscumque. Adversus hun-
errorem satagens hæc sancta Synodus insurgere, &
ipsum funditus tollere, præhabita deliberatione matu-
ra, declarat, decernit, & diffinit, hujusmodi doctri-
nam erroneam esse in fide & in moribus, ipsamque
tanquam hæreticam, scandalosam, & ad fraudes
deceptiones, mendacia, proditiones, perjuriam, vic-
dantem reprobatur & condemnat. Declarat insuper
decernit & definit, quòd pertinaciter doctrinam hæ-
perniciosissimam asserentes, sunt hæretici, & tan-
quam tales juxta Canonicas sanctiones puniendi. Hanc
damnationis Sententiam, absque tamen nomine
Authoris, in Concilio Constantiensi latam, sta-
tim ac Senatus Parisiensis accepisset, litteras Re-
gias triennio antè datas, die scilicet xvi. Mart-
anni mccccxiii. quibus executionem Sententiæ a

Episcopo Parisiensi, & à F. Joanne Poleti Fidei
 inquisitore datæ Galliarum Rex imperabat, in
 commentarios, seu Regesta Curix retulit die iv.
 mens Julii anni mccccxvi. Hic fuit exitus, quem
 eundem habuit infaustus libellus pro vindictis
 Argundix Ducis à Joanne Parvi malè confarci-
 tus, de quo si plura scire desideres, leges To-
 tum v. *Historia Universitatis Parisiensis*, ubi Egas-
 ius Buleus omnia Documenta, seu Censuras, Acta,
 Monumenta, quæ hujus libelli à Joanne Parvi
 cubrati damnationem attinent, integra exhibet
 pag. 257. usque ad pag. 264. & à pag. 269. usque
 ad pag. 304.

D. Fueruntne alii errores damnati in Con-
 ciliis, Sæculo decimo quinto in Ecclesia cele-
 ratis?

M. Concilium Basileense, quod habitum est
 anno mccccxxxi. confirmavit in prima Sessione
 Vicleffitarum, & Hussitarum Hæresum damna-
 tionem factam in Concilio Constantiensi, & Ses-
 sione xxii. proscripsit quasdam propositiones
 excerptas ex libro *De Christo & Ecclesia* edito ab
 Augustino de Roma, Nazareno Archiepiscopo as-
 sumpto ex Ordine FF. Eremitarum S. Augustini.
 Inter has erroneas propositiones, quibus liber ille
 catebat. Hæ præcipuè habentur. I. *Christus quo-*
tidie peccat, & ex quo fuit Christus, quotidie pecca-
vit. Quam tamen assertionem Augustinus de Roma
 non de Christi persona, sed de membris ejus se-
 ntelligere fatebatur, quæ cum Capite unum Chri-
 stum esse asseribat. Merito tamen hæc propositio
 in sensu, ut ajunt, obvio accepta, fuit damnata.
 I. *Non omnes Fideles justificati, sunt membra*
Chri-

Christi, sed soli electi, finaliter in perpetuum regnaturi cum Christo. III. Secundum ineffabilem præscientiam Dei sumuntur membra Christi, ex quibus constat Ecclesia, quæ tamen non constat nisi ex eis, quæ secundum propositum electionis vocati sunt. IV. Non sufficit Christo uniri vinculo Charitatis, ut aliqui efficiantur membra Christi, sed requiritur alia unio. V. Humana Natura in Christo verè est Christus: Humana Natura in Christo est persona Christi: Ratio suppositalis determinans Humanam Naturam in Christo non realiter distinguitur ab ipsa natura determinata. VI. Natura humana assumpta à Verbo ex unione personali, est veraciter Deus naturalis & proprius. VII. Christus secundum voluntatem creatam tantum diligit Naturam Humanam unitam personæ Verbi quantum diligit Naturam Divinam. VIII. Sicut duæ personæ in Divinis sunt æqualiter diligibiles, ita duæ Naturæ in Christo, Divina & Humana, sunt æqualiter diligibiles propter personam communem. IX. Anima Christi videt Deum tam clarè & intensè, quantum clarè & intensè Deus videt se ipsum. Has propositiones, & alias ex eadem radice pullulantes in prædicto libro contentas, tanquam erroneas fide confixit Synodus Basileensis, Auctoris ver personæ pepercit ac præjudicare noluit, eo potissimum nomine, quòd licet illius Libri Author seu Augustinus de Roma, ad se sistendum coram Patribus Concilii juridicè vocatus fuisset, causam tamen absentiae suæ allegaverat, & in aliquibus suis Operibus doctrinam suam Ecclesiae irrefragabili judicio subjecerat.

D. Hi sunt igitur omnes errores, quos Saeculo XV. sparserunt Hæretici & Novatores?

M. Pro

M. Prodierunt adhuc Sæculo XV. duo alii
 lovatores, quorum errores hic prætermittere
 non debemus. Primus, quem jure merito Hære-
 archæ *Lutheri* Prodromum appellare possum,
 sit *Joannes Ruchardus* è Westphalia superiore in
 ermania oriundus, sacræ Theologiæ Doctor,
 ai, sicut post *Trithemium* in Chronico narrat
 ondanus ad annum MCCCCLXXIX. ad revocatio-
 em quorundam articulorum, quos in Ecclesia
 ormatiensis prædicasse ferebatur, per Fidei In-
 isitorem coactus est, ejus Volumina, ipso inspe-
 ante, igne combusta sunt, ipse verò ad pœni-
 ntiam peragendam in Conventum Fratrum Ere-
 itarum S. *Augustini* relegatus, mœrore brevi
 onsumptus obiit. Errores istius Novatoris eo
 rdine recenset *Trithemius* in Chronico. Primus
 rticulus, quem prædicasse ferebatur, fuit, quòd
 rælati Ecclesiæ non haberent auctoritatem condendi,
 el aliquid addendi ad ea, quæ Christus & Apostoli
 xere, nec Summi Pontifices talem potestatem à Chri-
 o acceperunt. Secundus Articulus: Nulli hominum,
 uantumcùmque sancto, docto, vel erudito licet ver-
 a Christi, & Evangelium exponere, & quòd sacra
 criptura non sit per sanctos Patres, eo spiritu inter-
 retata, quo primitus tradita, & instituta. Tertius
 rticulus fuit contra Papam, & auctoritatem Cla-
 ium sanctæ Matris Ecclesiæ, quia dixit, Indulgen-
 ias nihil aliud esse, quàm pias fraudes & deceptiones
 hristianorum, eosque stultos esse & fatuos, qui pro
 ndulgentiis Romam pergerent, quas domi, modò si
 ssent verè contriti de peccatis suis cum emendandi
 roposito invenire potuissent. Quartus Articulus ex-
 rimo, quòd mandata Ecclesiæ, Papæ, & aliorum
 Præ-

Prelatorum non obligant ad mortale peccatum, pro eo quòd non habeant auctoritatem legis condendæ. Quintus Articulus, quòd non sit, nec unquam fuerit originale peccatum, nec parvulos in originali concipi neque propterea damnari, se quoque nunquam originali subjacuisse peccato. Sextus Articulus fuit, quòd omnes Presbyteri realiter sint Episcopi, & Papæ soloque nomine & hominum institutione differant quodque Papæ, Episcopi, Sacerdotes nihil conferant ad salutem, & fide, concordia & pace salvari possint sine Sacerdotibus. Septimus Articulus: Jejunium cum non sit à Christo institutum, non obligat nos ad jejunandum: Ecclesia enim obligare non potest nolentem in eo, quod Christus non præcepit, cum non habeat auctoritatem Canones, & Leges condendi, ut in primo Articulo. Octavus Articulus, quòd extrema Unctio non sit Sacramentum, quia non per Christum sed per homines sit instituta, sed sit oleum, & maneat oleum, sicut antea fuit. Nonus Articulus fuit cum nusquam legatur, quòd Spiritus Sanctus procedat à Filio in sacra Scriptura, sed potius contrarium, potius est credere cum Græcis sapientibus, Spiritum Sanctum à Patre tantum & non à Filio procedere, qui Filius hoc dixit. Alios quoque plures Articulos erroneos prædicasse perhibetur, sicut de horis Canonicis non dicendis, de non servandis festis, de continentia Clericorum non servanda, de benedictionibus rerum inanimatarum in Ecclesia, herbarum, luminum, aquarum, Vasorum, Vestium, & similium non curandis, & alios multos, quos tamen omnes anno præscripto, seu millesimo quadringentesimo septuagesimo nono, in Dominica Esto mihi, hoc est, in Dominica Quinquagesimæ, revocavit. Sic Trithemius refert errorem

Joannis Ruchardi, qui in Germania Sæculo decimo quinto erroribus Hæresiarchæ *Martini Lutheri* rælusit.

Alterum habuit nefariæ suæ Sectæ Præcurso-
em Sæculo decimo quinto in Hispania *Lutherus*,
idelicèt *Petrus de Osma*, seu Oxomensis Theolo-
iæ in Urbe Salmanticensi Professore, qui anno
ccccclxxix. virulentum librum vulgavit, in quo
inter alios errores asseribat, non à Christo insti-
tutam, sed ad hominibus invec̃tam fuisse Con-
fessionem Sacramentalem, peccataque mortalia,
nâ cordis contritione; & pravas cogitatio-
es solâ displicentiâ deleri. Hos, & alios *Petri*
de Osma errores *Alphonsus Carillus*, Toletanus Ar-
chiepiscopus, post accuratum examen damnavit
utâ in ipsum Authorem Sententiâ, quam paulò
post *Sixtus IV.* Pontifex maximus confirmavit
ditâ Romæ Constitutione v. Idus Augusti ejus-
dem anni mccccclxxix. in qua declaravit, illas
propositiones, per quas *Petrus de Osma*, & ejus se-
quaces prædicti pertinacitè affirmare non vereban-
tur, confessionem peccatorum in specie ex universalis
Ecclesiæ Statuto, non Divino jure compertam fore, &
peccata mortalia, quoad culpam & pœnam alterius
Sæculi, absque confessione, sola cordis contritione,
pravas verò cogitationes sola displicentia deleri: &
quòd confessio secreta sit, necessariò non exigi, & non
peractâ pœnitentia confitentes, absolvi non debere;
& Romanum Pontificem Purgatorii pœnam remittere,
& super his, quæ universalis Ecclesia statuit, dispen-
sare non posse. Sacramentum quoque Pœnitentiæ,
quantum ad collationem gratiæ, naturæ, non autem
institutionis novi, aut veteris testamenti existere,
&

& alias, quas propter earum enormitatem (ut illi
 qui de eis notitiam habent, obliviscantur earum, &
 qui de eis notitiam non habent, ex præsentibus non
 instruantur in eis) silentio prætereundas ducimus, fal-
 sas, sanctæ Catholicæ fidei contrarias, erroneas, &
 scandalosas, ac à fidei veritate alienas, ac Sanctorum
 Patrum Decretis & Apostolicis Constitutionibus con-
 trarias fore, manifestam hæresim continere dicta aucto-
 ritate declaramus &c. Testatur noster Dominicus
 Bannes Commen. in 2. 2. S. Thomæ Qu. 1. Ar. 10. Di-
 sputatione de Ecclesia, libros Petri de Osma, simul cum
 Cathedra in qua docebat, in media Schola igni tra-
 ditos comburendos; ipsum verò Petrum de Osma con-
 fectum fuisse palinodiam decantare sub tali verbo-
 rum forma: *Consentio Sanctæ Matri Ecclesiæ Roma-
 næ, & Sedi Apostolicæ, & ore & corde confiteor
 me tenere illam fidem, quam Dominus Sixtus Papa
 modernus authoritate Evangelica & Apostolica te-
 net, & omnes, qui contra hanc fidem venerint, d-
 gnos æterna damnatione pronuntio.* Eminentissimu
 Cardinalis de Aguirre Tomo 3. Conciliorum Hispa-
 niæ pag. 682. & sequentibus refert quædam
 fragmenta Conventus Theologorum apud com-
 plutum anno MCCCCLXXIX. tempore Xysti IV. Pa-
 pæ habiti, Præside Alphonso Carillo, Archiepisco-
 po Toletano, contra Petrum de Osma. Ibidem etiam
 inseruit Diploma Xysti IV. quo damnantur errore
 Petri de Osma, ac tandem observat, Petrum de
 Osma humiliter atque ex animo errores suos eju-
 rasse anno MCCCCLXXIX. statim ac damnati fuerun-
 in Conventu illo Theologorum, eumque ann-
 immediatè sequenti MCCCCLXXX. piè intra sinum
 Ecclesiæ Catholicæ clausisse vitæ periodum, omni
 fin

istrâ fidei suę suspicione, si qua olim fuerat, prorsus deletâ. Undè, inquit Cardinalis de Aguirre, nunciam *Petrum de Osma* accensuit Ecclesia Catalogo æreticorum, sed dumtaxat illorum, qui citrà pertinaciam errarunt in rebus Fidei ac dogmatum. Sed satis hætenus de Hæresibus & erroribus, quibus Sæculo XV. fuit infestata Ecclesia, diximus. Nunc breviter attingere debemus celeberrimam Controversiam, quæ eodem Sæculo FF. Prædicatores inter & Franciscanos magnis animis nec indè agitata est anno videlicet MCCCCLXIII.

D. In quonam potissimum Capite sita erat lebris ea Controversia, quæ Sæculo decimo quinto Dominicanos inter & Franciscanos vehementer arsit?

M. In eo præcipuè cardine vertebatur tota lebris illa Controversia, quòd FF. Minores acriter contenderent, pretiosum Sanguinè Christi Domini in triduo passionis effusum, & in terra jacentem ab unione hypostatica excidisse, & propterea cultu latriæ indignum fuisse. Ex adversò FF. Prædicatores contrariam sententiam pro aris & focis propugnabant, eamque probabant auctoritate *Clementis VI.* Pontificis Maximi, qui, ut testatur *Eymericus* in Directorio Inquisitorum, part. 2. Quæstione decimâ, certior factus à *Nicoto Roselli*, in Aragoniæ & Cataloniæ partibus Fidei Inquisitore, Ord. Prædicatorum, & ad Cardinalitiam dignitatem postea profecto, fuisse quosdam in Civitate Barcinonensi, qui palam prædicaverant, quòd in Sanguine Christi sparsò in *Pasceve* non remanserit Divinitas, nec Sanguis illerat deificatus. Habito solemnì Concilio Magistrorum,

& aliorum peritorum virorum, mandavit per sua
 Patentes Litteras dicto Inquisitori, quatenus dictum
 Articulum ut hæreticalem & erroneum faceret publi-
 cè revocari, ac solemmniter condemnaret. Et sic ipse
 Inquisitor fecit, in Ecclesia Cathedrali publicè Barci-
 ne dictum Articulum verè hæreticalem publicè con-
 demnando. Hunc locum interpretando Francisci
 Pegna Commentario 35. in Directorium Eymerici
 hæc habet: Verè velut Hæreticus, vel jam olim
 sanctis Patribus explosus videtur talis Articulus.
 Illi enim juxta Catholicam veritatem aliud semp
 docuerunt: Augustinus super Joannem Cap. 1.
 Tract. 47. Ambrosius, & alii, quos refert Magist
 Sententiarum Lib. 3. Distinct. 21. parag. sicut Aug-
 stinus, & tradit luculenter S. Thomas 3. P. Quæst. 50.
 Art. 2. & 3. Undè commune est & certissimum Cath-
 licorum dogma, videlicet, quòd filius Dei Jesus Christ
 nunquam dimisit, quod semel assumpsit, ac sibi univ.
 Huic Controversiæ Dominicanos inter & Franci-
 scanos initium dedit Jacobus Marchianus Minorit
 Vir alioqui pietate eximius, & concionator ferve-
 tissimus. Ille quippè, ut testatur Dermicius Thadden
 Minorita, in sua Nitela Franciscana, Brixie
 die xviii. Aprilis, quæ incidit in Dominicam
 Paschæ anno mcccclxii. apud populum conci-
 nem habens, asseruit, in morte Domini nostri Je-
 Christi quatuor factas fuisse separationes, scilicet An-
 imæ à Corpore, Sanguinis à Corpore, Divinitatis
 Humanitate, & Divinitatis à Sanguine effuso,
 subindè Sanguinem pretiosum in triduo Passionis
 fusum, & in terra jacentem, ab unione hypostatic
 excidisse, & propterea cultu latriæ indignum fuisse.
 Quam sententiam testimoniis Francisci Mayroni

Sonaventurae, Richardi de Media Villa, Alexan-
di Halensis, & aliorum Doctorum Ordinis Mino-
rum, munivit Jacobus Marchianus. Peractâ con-
cione, alter Jacobus à Brixia, Ordinis Prædica-
torum, in Lombardia Inquisitor, prædictum Ja-
cobum Marchianum in jus vocavit, citavitque de
fi: responsurum. Hujus citationis formam,
Las Wandinghus in Annalibus Minorum descri-
buit eo tenore conceptam: Nos Frater Jacobus de
Brixia sacræ paginæ Professor, Ordinis Prædicatorum,
et hæreticæ pravitatis Inquisitor in Lombardia &
Helia Januensi à Sancta Sede Apostolica constitutus,
Patri Jacobo de Marchia Ordinis Minorum, pruden-
ter sectari. Quia nobis relatu fide dignorum inno-
tu, quodd post monitionem, qua tibi insinuavimus
con omni reverentia, minùs Catholicè dictum, Divi-
nitatem à Sanguine Christi in Cruce pendentis fuso
esse separatum, hodiè verò proterviùs id in populum
urgere voluisti, id etiam, quod per Ecclesiam de-
terminatum est, contradictione dicti tui, hæreticum
obellans. Ideò tenore præsentium te requirimus, &
monemus primò, secundò, tertio, & peremptorio.
ihilominùs tibi in virtute Obedientiæ, & sub ex-
communicationis pœna mandamus, quatenùs aut di-
ctam sententiam revoces, ut erroneam & hæreticam,
tequam de hac civitate recedas, aut coram nobis
fide responsurus compareas cras in mane ante horam
tertiarum in Conventu S. Dominici de Brixia residen-
te nostrę assignantes tibi dictum terminum pro primo,
cundo, tertio, & peremptorio termino, ac Canonica
monitione: alioquin, si hæc mandata nostra, quod non cre-
dimus, contempseris, ex nunc, prout ex tunc, prædicta
ina Canonica monitione præmissa, in, & contra te,

P

præ-

predictam excommunicationis sententiam , auctoritate Apostolica , qua fungimur , ferimus in scriptis , etiam promulgamus . In quorum fidem &c. Glisc-
 tem illam inter utrumque Ordinem Controversi-
 cum dirimere haud posset *Bartholomæus Maun-*
tius , Brixienſis Episcopus , consultius esse duxit
 utramque litigantem partem remittere ad Se-
 Apostolicæ judicium . Anno itaque MCCCCLXI
 jussu *Pii II. Pontificis Maximi ,* hac de re habuit
 est celebris Disputatio in Palatio Apostolico &
 Confessu Cardinalium . Aderant ex Francisca-
 sex , totidem ex Dominicanis , qui efficacissimis
 argumentis evicerunt , verum Christi Sanguinem
 triduo mortis fusum Divinitati unitum fuisse
 proinde cultu patriæ colendum : Id pernegabant
 Franciscani . Disputatum est acerrimè toto
 duo . Tandem , soluto auditorio , Pontifex cum
 Cardinalibus plerisque diebus rem maturò e-
 mine discussit : Major pars sententiam Prædica-
 rum approbavit , pauci cum Minoribus sensere . I-
 quoque (Pontifex Maximus) ex majori parte fuit
 Sed non est visum eo tempore fieri Decretum decla-
 rationis , ne multitudo Minorum , cujus erat contra Tra-
 ctas prædicatio necessaria , offenderetur : in aliud tem-
 pus decisionem referre placuit . Ita refert *Joan-*
Gobelinus libro XI. Commentariorum de rebus
Pii II. Pontificatu tota Europa gestis , cui consen-
 tiunt in Annalibus Ecclesiæ *Odoricus Raynaldus*
Henricus Spondanus ad annum MCCCCLXIII . In-
 reà , ne ex Religiosorum utriusq; Ordinis Virorum
 contentione scandalum deinceps oriretur , pro-
 buit idem Sūmus Pontifex Diplomate Anconę da-
 Kalendis Augusti anni MCCCCLXIV. ne ulli ex M

rum aut Prædicatorum Ordinibus liceret de ista controversia disceptare , prædicare , publicè vel privatim verbum facere , seu aliis suadere , quòd *delicèt hæreticum , vel peccatum sit , tenere vel edere Sanguinem ipsius Sacratissimum triduo Passio- ejusdem Domini nostri Jesu Christi ab ipsa divini- re quomodolibet fuisse , vel non fuisse divisum vel aratum , donec quid ea de re tenendum esset , à de Apostolica fuisset definitum .*

D. Cùm super hac controversia decreto- um judicium Pius II. Pontifex Maximus non- onunciaverit , sed in aliud tempus remiserit , illud dubito , quin possit etiamnum salvâ & in- patâ fide , seu absque ulla erroris nota propu- ari Sententia Franciscanorum , asserentium , san- inem Christi Domini in triduo mortis fustum , vinitati non fuisse unitum , adeoque cultu latriæ n adorandum .

M. Quid super hac re sentiant gravissimi eologi inquirere longum esset , & singillatim- pendere omninò supervacaneum . Sufficiet hîc ba referre doctissimi Theologi Societatis Jesu , Cardinalis de Lugo , qui disputatione XIV. de-arnatione , ubi hanc quætionem , quam in- esentia versamus , profundissimè tractans hæc et : *Ceterum , licèt ex his fundamentis non possit a inuri illi Sententiæ (Franciscanorum scilicet) àuc crediderim , hodie absque aliqua nota defendi- posse propter verba Tridentini Sessione 14. cap. 3. quibus definitur , in Eucharistia esse Corpus sub spe- panis , & sanguinem sub specie vini , animamque utraque , vi naturalis connexionis , & concomi- tiæ , qua partes Christi Domini , qui jam ex mor-*

tuis resurrexit, nec amplius moritur, inter se copulantur. In quibus verbis, ut vidimus, sanguis dicitur esse pars Christi Domini; ex quo per bonam consequentiam infertur, vel sanguinem debuisse subsistere in Christo, eadem Verbi subsistentia, vel si habuisset aliquam subsistentiam propriam creatam in Christo non fuisse solam subsistentiam Verbi, sed aliam creatam saltem partialem: Nam Christus adequatè acceptus continet omnes suas partes, quarum una est sanguis, ut constat ex Tridentino, ergò si sanguis habeat subsistentiam creatam propriam, Christus non solum includit subsistentiam increatam Verbi, sed aliam etiam creatam partialem, quod dici non potest. Hinc eadem ferè certitudine sequitur, sanguinem effusum, in triduo mansisse hypostaticè unitum Verbo sicut enim corpus mansit unitum Verbo; eò quod est pars ejus humanitatis, ita sanguis, qui non minus erat pars, ut vidimus, nec minus reassumendus iterum in resurrectione, debebat propter eandem rationem manere unitus, quia non potest afferri ratio discriminis sufficiens inter carnem, & sanguinem, cum utrumque sit vera pars naturæ humanæ &c. Sic doctissimus ille Cardinalis sententiam Dominicanorum strenuè tutatur, & contrariam absque aliqua erroris notâ post Concilium Tridentinum defendi haud posse, solidâ ratione evincit.

D. Si Sanguis Christi, ut post Dominicanos censet Cardinalis de Lugo, in triduo mortis manserit Verbo divino unitus, illeque totus Corpus Christi in Resurrectione fuerit restitutus, sequitur planè, nihil Sanguinis Christi, post ejus Resurrectionem, superesse in terris; & tamen constat esse aliquas Ecclesias, quæ guttas, & reliqua

Sanguinis Christi Domini gloriantur se habere. Et stat igitur præcipuum hujus Dominicanorum, continentię fundamentum.

M. Huic difficultati bifariam respondent Dominici. In primis, dicunt cum Doctore Angelico 3. part. quæst. 54. art. 2. ad 3. eum Sanguinem, qui etiamnum in quibusdam Ecclesiis asseritur, non fluxisse à latere Christi, sed ex quadam imagine miraculosa, vel esse vestigium Sanguinis Christi servatum ad solatium fidelium. Præterea, præterea fatentur Dominici, Christum post Resurrectionem suam, aliquas ad pietatem & solatium fidelium sanguinis sui reliquisse guttas, quæ parvam integram corporis humani non constituent; immò ipsimet gloriantur, apud se habere in Cœnobio San-Maximino Gallo-Provinciæ reconditissimum illud depositum B. Mariæ Magdalenæ, nempe terram inspersam, seu irrigatam & coloratam Sanguine Christi phiolâ inclusam, quam vidit noster *Sylvester* anno MCCCXLVII. dum intrasset antrum illud, in quo *Maria Magdalena* cœnitentiam egit, sicut ipsemet scribit in *Roseturea* Fer. v. additque, omnes sibi sine hæsitatioe affirmasse, singulis annis die Parasceves perlectâ Passione, evidenter & clarè ebullire. Status itaque controversiæ Dominicanos inter & Minoritas, Sæculo XV. magna animorum contentione disputatæ, non erat, utrùm adhuc in terris superint guttæ Sanguinis Christi? Sed utrùm Sanguis, qui est vera humanitatis pars, remanserit in tri-duo mortis hypostaticè unitus, vel non unitus Verbo Divino? in hoc vno stabat totius difficultatis cardo. Sed hætenus satis de hac celebri

Controversia dictum sit. Prætermitto alias duas Controversias, quæ eodem Sæculo XV. Dominicanos inter & Franciscanos fuerunt agitatae, quarum prima, quæ spectat Conceptionem B. Mariæ Virginis, composita fuit à Sixto IV. Pontifice Maximo, ex Ordine FF. Minorum assumpto, quod Diplomate Nonis Septembris anni mccccclxxi. promulgato districtè vetuit, ne utraque sententia, idest, tam eorum, qui *Dei Genitricem ab originali peccati macula in sua Conceptione præservatam fuisse*, dicunt, quàm illorum, qui tenent, *Gloriosam Virginem Mariam cum Originali peccato fuisse conceptam*, Hæreseos, aut erroris damnaretur: cum nondum sit à Romana Ecclesia, & Apostolica Sede, *decisum*, inquit ille Pontifex Maximus. Hæc Sixtus IV. Constitutio ab ejus successoribus Romani Pontificibus, & ab Oecumenico Concilio Tridentino fuit confirmata, nec hætenus ab ullo revocata. Alteram Controversiam Dominicanos inter & Franciscanos de Sacris Stigmatibus Sanctæ Catharinæ Senensis excitatam sopire conatus est idem Summus Pontifex Sixtus IV. Negabant Franciscani, *Catharinam* Senensem his Divini amoris characteribus fuisse insignitam, idque Privilegii soli Sancto Francisco concessum propugnabant. Dominicani verò hoc decus Sancto Francisco non præripiebant, sed illud itidem Sanctæ Catharinæ Senensi asseriebant, nixi potissimum Raymundi Capuani, hujus Sanctæ Virginis Confessarii, testimonio, nec non Sancti Antonini III. Part. Chronicorum Titulo xxiii. cap. xiv. Parag. x. ac tandem autoritate Pii II. Pontificis Maximi, qui in Hymno Vesperarum Officii, quod in Festo Sanctæ

Catharina Senensis celebrandum composuit, disertè
 erit, vulnerum Christi formam in Virgine Ca-
 tharina Senensi fuisse expressam. His rationibus
 ductus *Sixtus IV.* Pontifex Maximus, sublati-
 no MCCCCLXXXIII. Censuris Ecclesiasticis, qui-
 s antehac prohibuerat, ne Sanctæ Catharinæ
 nensis imagines cum Sacris Stigmatibus pingē-
 ntur, Franciscanos cohibuit. Eadem tamen
 controversia sub Pontificatu *Clementis VIII.* recru-
 it, quam ut componeret Summus ille Pontifex,
 ost maturum rei examen coram Sacra Rituum
 ongregatione institutum anno MDXCIX. utrique
 arti silentium indixit. Tandem litem finivit *Ur-
 anus VIII.* Pontifex Maximus, qui tertiam Lectio-
 nem Officii ejusdem Sanctæ Virginis Romano
 breviario suis curis & auctoritate emendato inse-
 endam propriâ manu conscripsit, & auctoritate
 apostolica ex consilio Sacræ Rituum Congrega-
 tionis approbavit, in qua hæc leguntur: *Hanc
 gratiam amantissimus Dominus nova gratia cumula-
 vit, ut sentiret dolorem illapsa vi vulnerum, & ta-
 men cruenta signa non apparerent. Quod ita conti-
 gisse cum Dei Famula, seu Catharina Senensis, Con-
 fessorio suo Raymundo retulisset, ut oculis etiam re-
 presentaretur, radios in imaginibus Beatæ Catharinæ
 ad dicta quinque loca pertingentes pia Fidelium cura
 pictis coloribus expressit. Totam hanc discepta-
 tionem de Sacris Stigmatibus Sanctæ Catharinæ
 Senensis, quam Dominicani sæculo Ecclesiæ de-
 cimo quinto habuerunt cum Franciscanis, clau-
 dam verbis Henrici Spondani in Annalibus Eccle-
 siæ ad annum MCCCCLXXXIII. Num. VI II. ubi hæc
 habet: Satis longè foret Franciscanis, humilitatem*

ac paupertatem sui conditoris imitari, quàm hujusmodi disputationibus gratiam Dei restringere velle ad suas emulationes. Non tamen ut omninò asserer velimus, apparuisse ita in Corpore Catharinæ Stigmata ut in Francisci membris. Sed profectò non minor fuisse videtur ejus humilitas & abjectio sui cum cernens Christum Cruci affixum magno super se cum lumine descendentem, radiosque sanguineos ex suis quinque Sacratissimis Cicatricibus emittentem, velle sua Stigmata ipsi affigere, sicut fecerat speciali suo servo Francisco, rogavit ne cicatrices in corpore apparerent exterius: quandò ex radiis sanguineis in solares immutatis à Cicatricibus Crucifixi procedentibus, & ad manus, pedesque, & cor ejus pervenientibus, valde sensibilis dolor in dictis corporis ejus partibus est relictus. Hactenus illustris ac pius ille Annalium Ecclesiasticorum Continuator, cujus sapientissimo Consilio assentiri nunc Franciscanos facile mihi persuadeo.

D. Cum de Hæresibus, erroribus & Controversiis Sæculo Ecclesiæ XV. enatis nihil aliud tibi dicendum occurrat, patère, quæso, ut à te, sub finem hujusce nostri Colloquii, postulem, an verum sit, quod nuperrimè legebam in *Historia Literaria Guillelmi Cave* ad Sæculum, quod vocat Synodale, quod est Sæculum Ecclesiæ decimum quintum. Ibi quippè, seu pag. 53. loquens de Joanne Husso, cujus Hæresim superius retulisti, hæc scribit: Anno 1414. inchoato Constantiensi Concilio, Hussus, Sigismundi Imperatoris literis, quibus salutis suæ publica Imperii fide cautum est, Germanicè simul ac Latinè scriptis munitus, à nobilibus aliquot Bohemis die 3. Novembris Constantiam deducitur,

ceptis prius in itinere Pontificis, & Concilii literis, quas Salvi Conductus vocant. Nil tamen fidei tam firmi Religione datae autoritas & reverentia potest, quominus Hussus, reclamantibus Sigismundo & Germanis, vigesimo sexto post ingressum die in fœdissimum carcerem daretur. Et post pauca interjecta, item subdit de Hieronymo Pragensi, Discipulo Joannis Hussi, his verbis: Mense Aprili ejusdem anni, seu MCCCCXIV. Hieronymus Pragensis Constantiam venerat, accepta prius à Concilio tutò veniendi, non tamen redeundi (id enim boni Patres scelestissimæ perfidiæ pratexebant) potestate, & in carcerem reclusus, dirisque tormentis excruciatus fuerat. Quibus verbis Hæreticus ille Anglus apertè Summum Pontificem, & Patres Concilii Constantiensis accusat, quòd fidem publicam, & Salvum Conductum, quem Joanni Hussò, & Hieronymo Pragensi dederant, violaverint, injustè in eos animadvertendo, illosque sæculari Curia tradendo, ut pœnas mererent, & ad rogum damnarentur. Ab hac itaque calumnia Summum Pontificem, necnon Patres Concilii Constantiensis vindicare debes, quam hæretici perperam ipsis impingunt.

M. Hæc putida calumnia multis momentis dissilari, falsique convinci potest. In primis, falsò asserunt Harerodoxi, Summum Pontificem, qui tum temporis erat Joannes XXIII. ac Patres Concilii Constantiensis Joanni Hussò publicam fidem, seu Salvum Conductum concessisse, cùm tamen contrarium evidenter pateat ex Epistolis ipsiusmet Joannis Hus, cujus testimonio Hæretici refragari haud possunt. At enim, Joannes Hus in suis Epistolis non semel profitetur, se absque Salvo Conductu

ductu Papæ Constantiam venisse . Sic enim scribi Epistola V. *Venimus* , inquit , in *Constantiam* post *Festum Omnium Sanctorum* sine omni nocumento, per transeundo civitates , applicando Intimationes *Latinas & Teutonicas* . Et stamus in *Constantia* in platea propè Papæ hospitium . Et venimus sine Salvo Conductu . Ubi Hussitæ ad marginem addiderunt : *Intellige Papæ* . Epistolâ VI. *Scitote* , ait , quod benesto per omnia : *Veni sine Salvo Conductu Papæ ad Constantiam*; & Epistolâ XLIX. *Reliqui* , inquit , post me *literam* , quæ lecta est in *Bethleem* , in qua posui quod ex eo *sine Salvo Conductu* . Et infra : *Ad hoc vos dicetis* , quia non habui , cum exivi , *Salvum Conductum Papæ* . Falsum itaque est , quod *Guillelmus Cave* , alique Hæretici dicunt , *Joannem Hussum* Constantiam venisse cum *Salvo Conductu Papæ* . Nec minus abhorret à vero quod scripturum Hæretici , videlicet *Synodum Constantiensem* . *Joanni Hussu* publicam fidem , sive *Salvum Conductum* dedisse , ut tutò ac liberè *Constantiam* venire posset . Nullum quippè hujus *Salvi Conductus Joanni Hussu* concessi in *Actis Concilii Constantiensis* , sicut nec apud ullos , etiam adversæ communionis , *Historicos* apparet vestigium . Nunquàm etiam *Joannes Hus* de violatâ fide publica sibi à *Concilio Constantiensi* datâ conquestus est . Scripsit *Joannes Hus* , dùm in carcere detineretur , Epistolas ad Amicos , in quibus , præsertim Epistolis XVII. & XIX. queritur de multis capitibus , in quibus sibi à *Concilio Constantiensi* & *Deputatis* injuriam fieri causabatur , at de violata sibi ab hoc *Concilio* datâ *Salvi Conductus fide* ne verbum quidem habet . Multa quoque *Joannes*

us, cùm duceretur ad supplicium, cùm palo alligaretur comburendus, de doctrina sua ac innocentia dixit, à Sententia contra se in Concilio constantiensi latâ ad Christum provocavit; at de publica fide sibi datâ & à Synodo Constantiensi violatâ nullam omninò querimoniam emisit. Ex itaque silentio, quod ad mortem usque servavit *Joannes Hus*, facilè colligitur, nec ipsum à Synodo Constantiensi publicam fidem accepisse, nec eam ab eadem Synodo fuisse violatam. Cùm igitur ex multis Actis, & sinceris monumentis certò certius constet, *Joanni Hussò* nec Summum Pontificem, nec Sacram Synodum Constantiensem dedisse unquàm publicam Salvi Conductus fidem, mirari vehementer subit, quâ fronte *Guilhelmus Cave*, aliique Hæretici audeant asserere, eam à Summo Pontifice, & Patribus Concilii Constantiensis fuisse violatam, dùm *Joannem Hussum* in sua Hæresi pertinacem sæculari Potestati tradiderunt, ut pœnas debitas lueret, & ultribus flammis addiceretur.

Non inficior quidem, Imperatorem *Sigismundum* publicam Salvi Conductus fidem *Joanni Hussò* dedisse, ut ad Concilium Constantiense veniret. Sed hunc Salvum Cōductum *Sigismundus* Imperator *Joanni Hussò* dumtaxat concessit in his, quæ ad securitatem & celeritatem itineris ipsius pertinerent tam per terram, quàm per aquam, hoc est, ut per quoscumque passus, portus, pontes, terras, dominia, jurisdictiones, civitates, oppida, castra, villas, & qualibet alia loca, sine ulla solutione tributæ, telonii, aut alio quovis solutionis onere, omnique prorsus impedimento remoto, transire, stare, morari,

& redire liberè posset , sed non ut eum à Concilio
 Constantiensis Jurisdictione eximeret , & à Cano
 num , legumque districtione liberum contra justi
 tiam & evidens Religionis Catholicę bonum præ
 staret, sicut patet ex tenore litterarum ejusdem Im
 peratoris datarum Spiræ die xvi. Octobris an
 mccccxiv. quæ extant apud Goldastum in Appendi
 ce Documentorum ad Commentarios de Regn
 Bohemiæ juribus & Privilegiis pag. 89. Porro, hun
 Salvum Conductum in eum finem Joanni Husso in
 dultum strictissimè servavit Imperator Sigismun
 dus . Nemo siquidem Joanni Husso in itinere vim
 intulit , nullus ipsi molestiam facessivit , immò, u
 ipsemet Epistolis iii. & v. testatur, ubique huma
 nissimè susceptus est , & Constantiæ etiam beni
 gnissimè habitus, antequàm in fugam sese dedisset
 At ubi Joannes Hus fugam arripuit , ut contra ju
 omne , contra Imperatoris jussionem, contra pro
 pria pacta, sese Concilii examini ac judicio subdu
 ceret , & ut in Bohemiam redux hæresim impune
 prædicare ac disseminare pergeret, tunc deprehen
 sus in curru stramine pleno, quo ex urbe deportan
 dus erat , captus est , in carcerem compactus , &
 deindè hæreseos convictus , ac juridicè damnatus
 cum prava dogmata nullo pacto ejurare vellet, Cu
 riæ Sæculari traditus est flammisque consumptus
 juxta Leges Cæsareas , quæ pœnam Capitis in con
 tumaces Hæreticos decernunt. Qua in re malitiam
 suam apertè prodit Guillelmus Cave , dum ait , Jo
 annem Hyssum, reclamante Imperatore Sigismundo,
 in fœdissimum carcerem fuisse conjectum; cum ta
 men Historicorum Hussitarum testimoniis certissi
 mè constet , Imperatorem Sigismundum non solum
 car-

cerem, sed ignem Joanni Hussò minatum fuisse, ni palinodiam decantaret, seque Concilii Constantiensis auctoritati ac definitioni eâ, quâ parat, animi demissione submitteret. Sic enim Historicus Hussita, qui se omnibus interfuisse ait, in-
 stis, quæ scripsit, Hæresiarchæ Joannis Hus, in-
 cit pag. 15. Imperatorem Sigismundum Joanni
 usso ignem comminantem, ni abjectâ omni cun-
 atione, errores ejuraret: Nos quidem tuis erro-
 bus & pertinaciæ nunquàm patrocina-
 bimus. Immo, nos hisce manibus ignem tibi parabimus potius, quàm
 ea, qua hætenus, pertinacia te diutiùs uti patia-
 mur. Nostrum itaque est consilium, ut ipsius Concilii
 iudicio stare velis. Alter Scriptor Hussita, qui Re-
 lationi, quam descripsit, Gestorum Hæresiarchæ
 Joannis Hus, hunc titulum præfigere non dubita-
 vit: *Historia Sanctissimi Martyris Joannis Hus*, re-
 fert Folio 24. verba Imperatoris Sigismundi, sic Jo-
 annem Hussum alloquentis: Sin pergis defendere tuas
 piniones, Concilium facile habebit, quod secundum
 Leges suas de te decernat Etatem ha-
 bes, inquit Imperator, facile potuisti intelligere, quæ
 & heri, & hodie ad te dixi. Nos testimoniis, quæ si-
 de dignissima sunt, credere cogimur. Tu igitur, si sa-
 pis, accipies à Concilio pœnitentiam corde contrito, &
 manifestis erroribus renunciabis, & juramento pro-
 mittes, te contra eos deinceps perpetuò & sentire &
 docere velle. Sin minus, sunt leges, secundum quas à
 Concilio judicaberis Posteaquam Joannes Hus
 abductus esset, cæpit Imperator in hanc sententiam
 Præfectos Concilii adhortari: Multa, eaque gravissi-
 ma in Joannem Hus crimina audivistis, non solum fir-
 mis testimoniis probata, verùm ab ipso confessa, ex
 quibus

quibus singula, meo iudicio, Mortis supplicio digna sent. Nisi igitur recantet illa omnia, Ego censeo ut igni supplicio afficiatur &c. Ex his ergò duorum Scripturum Hussitarum testimoniis, quæ Guillelmo Cave aliisque Hæreticis suspecta esse non possunt, cum sint ab hostibus Ecclesiæ Catholicæ, & sectæ Joannis Hus addictissimis desumpta, apertè evincitur primò, Joannem Hussum non fuisse, reclamante Sigismundo Imperatore, in Carcerem detrusum secundò, Sigismundum Imperatorem Salvum Conductum non dedisse Joanni Hussò, nisi ut ab omni violentia facti tutus esset, non ut à iustitia, legumque severitate immunis, si præscriptas sibi in Salvo Conducto cōditiones violaret, si pactis ipse nō staret, si nova crimina perpetraret, si Hæresi obstinato animo adhæreret, si Ecclesiæ, & Concilii Constantiensis iudicio parère noller, si pacem publicam perturbaret. Porro Joannes Hus has condiciones non servavit, sed potius novis criminibus se obstrinxit, sæpè in Hospitio suo, ut narrat Ulricus Reinchetal, Civis Constantiensis in Historia Concilii Constantiensis, quam Teutonico idiomate scripsit, celebrando Missam, accurrente ad eam populo. Quod ubi per Episcopum Constantiensem, velut Ordinarium loci, ei tanquàm excommunicato inhiberetur, ipse verò nihilominus celebraret, Episcopus verò populum Missæ ejus interesse prohiberet, Hus cœpit de fuga circumspectare. Sed repertus in curru latitans, reductus, & in carcerem conjectus est, quòd propter fugam, & nova, quæ Constantiæ commiserat crimina, Salvi Conductus privilegio jure merito excidisset. Hæc nova crimina, quæ Constantiæ Joannes Hus patraverat, præsertim ejus fugam ac mentis obstinationem,

m, omni proculdubio ignorabant Nobiles illi Bohemi, qui Epistolas inter Hussiticas LIX. & LX. è Bohemia ad Imperatorem *Sigismundum* scripserunt, expostulantes de publica fide *Joanni Hus* Constantiæ violatâ. Si enim hæc nova crimina, quibus *Joannes Hus* pacta & conditiones *Salvi* conductus sibi ab Imperatore dati Constantiæ non servavit, nota habuissent Nobiles illi Bohemi, inquam illius Hæresiarchæ patrocinium suscepissent, nec de violatâ Constantiæ *Joanni Huss* publicâ fide conquesti fuissent. Quapropter, Nobiles illos Bohemos utcumque excusabiles reddit ignorantia facti. At summa vesania est, & stupenda ecitas Hæreticorum hujus temporis, qui, licet illam, ceu Ritum superstitiosum & idololatricum persentur, execrentur, ac summo perè detestentur, nihilominus summis laudibus celebrant, & tanquam Martyrem venerantur *Joannem Huss*, qui cum ad extremam usque vitæ periodum Sacris operatus est; seu Missam celebravit, ut constat non solum ex his, quæ mox diximus, sed etiam ex testimonio *Plebani de Jannowitz*, Hæresiarchæ *Joannis Hus* contubernalis, qui Epistolâ IV. inter Hussiticas, datâ Constantiæ, Sabbato ante S. Martini Festum, hæc habet: *Liberi sumus omnino in Constantia. Et Magister, seu Joannes Hus, quotidie Divina pergit, & in tota via peregit huc usque.*

Quod verò spectat *Hieronymum Pragensem*, Discipulum *Joannis Hus*, negari haud potest, ei datum fuisse, non ab Imperatore *Sigismundo*, sed à Concilio Constantiensi *Salvum Conductum*, hac tamen clausulâ limitatum, *Justitia semper salva*, quâ posita conditione, conqueri non potuit *Hieronymus*

mus Pragensis de violata publicâ fide sibi à Concilio Constantiensi datâ , cùm in ipsum Patres Concilii nihil egerint contra iustitiam , sed potiùs debitis pœnis secundùm formam juris animadvertunt. At enim, *Hieronymus Pragensis*, postquam coram Concilio comparuisset, & Hæreseos convictu illam abjurasset sessione xix. ut probat ejus Abjurætionis Formula Actis inserta, & à Joanne Cochlaærelata Lib.3. *Historiæ Hussitarum*, in Hæresim deinde relapsus coram Synodo publicè congregatâ asseruit & professus est , quòd *Sententiæ damnatæ* Joannis Wicleff & Joannis Hus iniquè consenserat, & illam sententiam approbando mentitus fuerat: Et Confessionem, approbationem , & Professionem suas super illorum damnatione revocabat nunc & in æternum asserens , se in libris Joannis Wicleff & Joannis Hus nullam unquam hæresim vel errorem legisse . Quam obrem , justè Sacra Synodus eundem Hieronymum hæreticum, & in hæresim relapsum, excommunicatum anathematizatum pronunciavit , declaravit , atque damnavit; & sæculari tradidit Potestati debiti pœnis plectendum. (sessione xxi.) Addo etiam, Hieronymum Pragensem Salvi Conductus Privilegio fugâ suâ excidisse, ac proindè dignum fuisse, qui perfidiam , & in hæresim relapsum extremo supplicio, seu vivi comburio, expiaret. Sic puniri & in ordinem redigi debent Hæresiarchæ, & Sectarum Principes, quos mutari aliquandò, ac depositis erroribus ad mentis sanitatem seriò converti , optandum quidem vehementèr esset, sed vix ac ne vix quidem sperandum arbitror . Multos enim legimus in omnibus Sæculis surrexisse duces impietatis, & ab avita Religione populorum animos alie

enasse; at, qui ad Ecclesiæ gremium reverterentur, vix unum aut alterum legimus. Adeò illos occavit impietas cum singulari superbia conjuncta. Quòd ergo Patres Concilii Constantiensis hos illos obstinatos Hæreticos, Joannem Hussum, Hieronymum Pragensem flammis addici jussit, laudabit quicumque noverit, quantum Notores improbi, & iniquissimæ causæ defensores deant, quantave mala in Ecclesiam & in Regna vehant, nec dubitabit, quin & justissimus ardor e sit, qui horum se furoribus ac stragibus oppotet, & meritò ad rogum damnentur infensissimi impietatis hostes, quos in perniciem animarum, cassari tam hostiliter aspexerit. Sed de Hæresibus, erroribus, & Còtroversis, quæ Sæculo Ecclesie decimo quinto abortæ sunt, hæc dicta sufficiant.

COLLOQUIUM IV.

De Conciliis tàm Oecumenicis, tàm Nationalibus, in quibus Sæculo XV. profligatæ sunt Hæreses, extincta schismata, & restaurata Ecclesiæ Disciplina.

MAGISTER. **N**ihil Clerico, atque Reipublicæ Christianæ conducibilius esse potest notitiâ Conciliorum, quæ Mysteria Dei magis abscondita explicant, ejus cultum summoperè commendant ac provehunt, damnant Hæreses, Disciplinam Ecclesiasticam instaurant, mores improbos eliminant, Clericos

Tom. VI. Q per-

perficiunt, Officiisque Ecclesiastici ac politici partes omnes indicant ac decernunt. Hinc Concilia jure ac merito dicuntur validissima Ecclesiæ prædicia, quibus hi, qui sensui hærent proprio, & veritatem opprimere moliuntur, morum integritatem labefactare, jura pervertere, & perfidorum quorundam hominum damnatas revocare opiniones, coercentur, iisdemque atteruntur armis quibus olim Hæretici cum suis erroribus prostrati, jugulati, confosque fuerunt. Tuæ igitur utilitati ut consulam, omnia Concilia, quæ Sæculo XV. habita sunt, & res præcipuas in his gestas, accuratè in hocce Colloquio percensebo, incipiendo Conciliis Generalibus, dein, progrediendo ad Concilia Nationalia, seu Provincialia, in quibus sancita est Ecclesiæ Disciplina.

D. Fueruntne Sæculo Ecclesiæ XV. celebrata multa Concilia Generalia?

M. Quinque Concilia Oecumenica, seu Generalia, Sæculo Ecclesiæ decimo quinto fuere indicta, videlicet Pisanum, Constantiense, Senense, Basileense, & Florentinum, quorum convocationis tempus, locum, Præsidem, Episcoporum numerum ac res præcipuas in his gestas, nunc inquirere ac sedulò expendere debemus. In primis, ut à Generalis Concilii Pisani Historia initium sumamus, certum est, istud Concilium ex toto Orbe Christiano congregatum universalem Ecclesiam se præsentasse, illudque anno millesimo quadringentesimo nono fuisse celebratum ad Ecclesiæ unitatem procurandam, compulsis *Gregorio XII.* & *Benedicto XIII.* in suis Obedientiis Pontificibus Maximis appellatis, ad cessionem Pontificatus

quam

nam juraverant , aut Canonico judicio exaucto-
ritis, novoque, unico , & legitimo Pontifice ele-
cto , cujus supremæ authoritati universa parêret
ecclesia . Perstante in Ecclesia funesto schismate,
non à Papa, sed ab utriusque obedientiæ Cardina-
bus in unum Collegium unitis convocatum est
Concilium Pisanum . Cùm enim *Petrus de Luna*,
dictus *Benedictus XIII.* & *Angelus Corarius*, nun-
cupatus *Gregorius XII.* diù de supremo contende-
rent Pontificatu, neuterque pro pacis Ecclesiæ bo-
no cedere vellet, quamvis uterque sua in electione
promittendo , sese ad cessionem juramento ob-
trinxisset, nec alia superesset diri illius schismatis
extinguendi via , Cardinales utriusque Obedien-
tiæ , tam diuturnæ moræ impatientes , à suo qui-
que recedentes schismatico Papa, Pisas venêre ,
ubi que tanto ut mederentur Ecclesiæ malo , eique
le vero, ac indubitato providerent Capite , Ge-
nerale hoc Pisanum indixerunt Concilium, & am-
bos de Pontificatu contendentes vocarunt , ejus-
dem Concilii Decretis parituros . Litteras , quas
Cardinales Obedientiæ *Petri de Luna* , dicti *Bene-
dicti XIII.* ad ipsum dederunt die xiv. Julii anni
mccccviii. & quibus ipsum ad Concilium Pisa-
num vocant , edidit *Lucas Dacherius* , doctissimus
Benedictinus Congregationis S. Mauri, Tomo vi.
Spicilegii pag. 200. Eas etiam describit Card. *De
Aguirre* Tomo iii. *Conc. Hispaniæ* pag. 631. Edi-
tæ sunt etiam in eodem *Spicilegii* Tomo pag. 205.
Litteræ , quibus iidem Cardinales Obedientiæ
Benedicti XIII. convocant omnes Prælatos, & alios
de sua Obedientia ad idem Concilium Pisanum.
In eodẽ deniq; *Spicilegii* Tomo pag. 215. editæ sunt

Litteræ Cardinalium *Angeli Corarii*, nuncupa-
Gregorii XII. quibus Obedientiæ suæ Prælatos
 aliosque ad idem Concilium vocant, & in his ra-
 tiones, ob quas Concilium Oecumenicum celebra-
 re necessarium visum est, luculentè ac perspicue
 exponunt, & gravissimis, invictissimisque momen-
 tis probant, illud à Cardinalibus, utroque æmi-
 lo de Papatu contendente invito, convocari ac ce-
 lebrari posse in tam deplorando Ecclesiæ statu, cu-
 non alitèr, quàm per celebrationem Concilii Ge-
 neralis, præsentissimum remedium afferri potera-
Odoricus Raynaldus ad annum mccccviii. Nun-
 xxxiii. exhibet Litteras, quas Cardinales Obe-
 dientiæ *Gregorii XII.* ad ipsum dederunt, eum ac-
 hortantes ut ad Concilium Pisis celebrandum ac-
 cederet, pacem Ecclesiæ redditurus, cessione, quam
 juraverat & voverat. Verùm, hisce Litteris *Angeli*
Corarius, dictus *Gregorius XII.* nec ad cedendum
 Pontificatui, nec ad Concilium Pisanum præfer-
 tiâ suâ cohonestandum ullo pacto adduci potuit
Petrus verò *de Luna*, nuncupatus *Benedictus XII.*
 Litteris, quas ejus Cardinales ad eum die xxiv. Se-
 ptembris anni mccccviii. dederunt, Tomo vi
Spicilegii pag. 225. editas, quibus eum obsecrabant
 atque obtestabantur, ut ad Pisanum Concilium
 accederet, subdolè respondit per Litteras, à *Caro*
de Aguirre Tomo iii. Conc. Hisp. pag. 604. descri-
 ptas, se Concilium Generale Perpinianum convo-
 casse, ibi de mediis ad unionem Ecclesiæ promo-
 vendam utilibus deliberaturum: ad illud itaque
 accederent suas rationes declaraturi. Hæc *Petri de*
Luna, dicti *Benedicti XIII.* Responsio data die xvii
 Novembris inserta est in sæpè laudato Tomo vi
 Spi-

S. cilegii pag. 232. Post has ab utroque Cardina-
 le Collegio scriptas Epistolas, & missos ad
 Principes Christianos in Gallias, Angliam, & Ger-
 maniam Legatos, qui eos ad favendum Concilio
 his indicto hortarentur, utque Ditionum suarum
 Resules ad illud accedere permetterent, Orato-
 resque destinarent; inchoatum est Concilium Pi-
 sanum die xxv. Martii anni mccccix. cui præfuit
 Cardinalis Pictaviensis, utriusque Collegii Deca-
 nus. Adfuerunt xxi. Cardinales, quatuor Patriar-
 che, scilicet Alexandrinus, Antiochenus, Hie-
 rosolymitanus, & Gradenus; Archiepiscopi duo-
 decim per se ipsos, & totidem per Procuratores;
 triginta Episcopi, & duo supra centum aliorum
 Procuratores, cum innumeris aliis Monasteriorum
 præpositis, Abbatibus, trecentis & amplius in-
 teologia, & Jure Canonico Doctoribus, nec
 in Academiis Parisiensis, Tolosanæ, Aurelian-
 ensis, Andegavenis, Monspeliensis, Bononiensis,
 Florentinæ, Cracoviensis, Viennensis, Pragensis,
 Colonienis, & Cantabrigensis Deputatis, variisq;
 Regum, Principumque Legatis. Præmissis omni-
 bus initio Conciliorum servandis, habitum est
 Concilium Pisanum, quod xxi. Sessionibus fuit
 solutum. Non permittit nostrorum Colloquio-
 rum brevitatis, ut omnia, quæ in singulis Sessioni-
 bus gesta sunt, minutatim prosequamur, quapro-
 pter, potiora seligere sufficiet, reliqua verò in ipsis
 Actis, si tibi aliquandò per otium liceat, legere
 poteris. Sessione primâ electi sunt Concilii Offi-
 carii & Procuratores, qui Universalis Ecclesiæ
 nomine contra duos de Pontificatu contententes
 Benedictum XIII. & Gregorium XII. agerent, hisque

postulantibus, post triplicem citationem *Benedicti*, & *Gregorii* de Summo Pontificatu contendentium, primâ, secundâ, & tertiâ Sessione ad Valvâ Ecclesiæ factam, tertiâ tandem Sessione contumaces, quod non comparerent, declarati sunt h verbis: *Sancta Synodus Dominum Petrum de Luna Benedictum XII. nominatum, Dominum Angelum Cerrario, Gregorium XII. nuncupatum de Papatu contendente & quâ tum in eis est, Ecclesiâ Dei notoriè in schismate tenentes, legitimè requisitos, vocatos, & provocatos in causa schismatis & Fidei ad hoc præsens sanctum & Generale Concilium, & omnia in eo agenda non venientes, seu legitimè non comparentes per se vel per alios, nec termino statuto satisfacientes, licet expectatos post terminum per duas Sessiones, reputa decernit, & declarat in causa schismatis & Fidei contumaces; & ordinat in eorum contumaciam ad ulteriora debere procedi & procedendum fore. In quâta Sessione Rigenfis Archiepiscopus, Wormatiensis Episcopus, & Electus Verdenfis, à Roberto Bavariæ Duce in Romanorum Regem electo missi ad Gregorium XII. partes propugnandas, viginti quatuor proposuerunt difficultates adversus eas quæ contra Gregorium XII. à Cardinalibus gestæ erant. Quæ difficultates, seu quæstiones leguntur in Actis hujus Concilii Pisani ex Codice Gemmicensi primùm editis Tomo VI. *Spicilegii*, & deinde in Labbeana Conciliorum Editione, cum Responsionibus à Petro de Anchorano Doctore Bononiensi editis, ab eoque in eadem Synodo Pisana lectis Sessione septimâ. In sequentibus Sessionibus sextâ, septima & octava deputati sunt singulis Nationibus Commissarii, qui testes audirent*

ut, & Instrumenta examinarent utriusque de Pontificatu contententis causam spectantia, tamvis id necesse non esset ob Factorum evidentiam. Sessione ix. pronuntiavit & decrevit Synodus, ex iustis & rationalibus causis à *Petro de Luna*, dicto *Benedicto XIII.* & *Angelo Corario*, nuncupato *Gregorio XII.* obstinatis animis de Papatu contententibus, & ab ipsorum obedientia licitum fuisse desciscere liberè & impunè, ex quo omnibus notuit, eos non habere, vel non habuisse unquam veram ac sinceram voluntatem tollendi schisma, & uniendi Ecclesiam per viam juratam & à Ecclesia electam. Sessionibus x. xi. & xii. publicè lecti sunt contra duos æmulos de Pontificatu contententes triginta septē Articuli, & per testes idoneos, probati, atq; à Synodo notorii & manifestò schismatici declarati. In Sessione xiii. Magister *Petrus Plaoult*, Sacræ Facultatis Parisiësis Doctor, postea Silvanectensis Episcopus, & Sorbonę Provisor, declaravit ex ejusdem Academiæ Parisiensis Sententia, ambos de Pontificatu contententes censendos esse schismaticos, & Hæreticos pertinaces, & ab Ecclesia præcisos & abjectos, & quantum opus esset, præcidendos & abjiciendos. Sessione xv. lata ac promulgata est definitiva Sententia, quâ *Petrus de Luna*, seu *Benedictus XIII.* & *Angelus de Corario*, seu *Gregorius XII.* fuerunt declarati notorii schismatici, seu diuturni Schismatis nutritores, defensores, approbatores, fautores, pertinaces, necnon Hæretici & à fide devii, atque secundùm Sanctos Canones à Papali dignitate amoti, & omnes fideles ab Obedientia eorū absoluti, ac tandèm omnes Processus, Sententiæ ac

Censuræ ab eorum alterutro prolata, tanquam irritæ, invalidæ & planè nullæ & inanes rejectæ sunt. Vide tenorem illius sententiæ definitivæ à Concilio Generali Pisano prolata contra *Petrum de Luna* & *Angelum Corariū*, cōtendētes de Papatu, apud Card. de *Aguirre* Tomo III. Conc. Hispaniæ pag. 643. Sessioe XVI. Cardinales in verbo veritatis promiserunt, quòd si quis ipsorum in Summum Pontificem eligeretur, præsens Concilium Generale Pisanum cōtinuaret, nec illud dissolveret, ac dissolvi permetteret. Si verò contingeret, ut aliquis Cardinalium absentium ad Summum Pontificatum assumeretur, procurarent ut eadem promissione sese obstringeret, antequàm ejus electio publicaretur. Sessioe XVII. Synodus, ad promovendam electionem Summi Pontificis, concelebravit Cardinalibus utriusque Obedientiæ jus suffragii, etsi dubium moveri posset, quinam essent legitimi Cardinales. Sessioe XVIII. Cardinales numero XXIV. Conclave sunt ingressi, & unanimi consensu in Summum Pontificem elegerunt *Petrum Philargi*, seu *De Candia* nuncupatum, Tituli SS. duodecim Apostolorum, Presbyterum Cardinalem, Ordinis FF. Minorum, qui in Pontificatu dictus est *Alexander V.* Decreto electionis promulgato Pontifex concionem habuit, hoc sumpto Themate: *Erit unum Ovile & unus Pastor*, Dominicâ veniente sequente, quæ incidit in diem VII. Julii, solèni ritu Pontifex Romanus inauguratus est. Sequentibus Sessionibus præfuit *Alexander V.* Pōtifex Maximus, qui, ut conscientiarū salutem consuleret, omnes Censuras & Sententias tempore schismatis hinc indelatas, irritas declaravit, omnesque his Censuris

Sententiis irretitos ad cautelam absolvit. Om-
 etiam & singulas dispensationes factas per
 os æmulos de Summo Pontificatu contenden-
 , vel eorum alterum, seu eorum Prædecessores
 per Matrimoniis & aliis casibus, forum conscien-
 spectantibus, eorum durante Obedientiâ, ra-
 habuit & confirmavit. Sessione xx. *Alexander V.*
 ntifex Maximus, omnes Cardinalium Pro-
 flus & Sententias à die tertia mensis Maii anni
 cccviii. confirmavit, duas Cardinalium fa-
 ones in unum Collegium restituit, Privilegia
 ædam, iis, qui Synodo intererant, concessit, &
 us reformationis morum in se suscepit. Deniq;
 ssionibus xxi. xxi. & xxi. omnes Electiones,
 ollationes, Institutiones, Promotiones, Conse-
 rationes, & Ordinationes, durante schismate,
 &as, modò aliàs Canonice essent, ratas habuit
Alexander V. Legibus etiam agendum decrevit
 ontra obediens & pertinaciter adhærentes *Pe-*
ro de Luna, dicto *Benedicto XIII.* & *Angelo Corario*,
 uncupato *Gregorio XII.* ceu contra fautores Hæ-
 eticæ pravitatis. Synodum alteram Oecumeni-
 am intra triennium celebrandam indixit, Pro-
 incialia tamen Concilia super negotio morum
 reformationis velut in antecessum ubique con-
 gregari debere ordinavit. Omnibus, qui Conci-
 io interfuerant, ejusque Decretis adhærebant,
 indulgentiam Plenariam concessit, infra duos
 menses, & in articulo mortis applicandam. Po-
 stremò, statuit idem Summus Pontifex mittendos
 esse Nuntios ad Reges & Principes ad promulga-
 tionem hujus Concilii Pisani, & executionem
 Decretorum ipsius ubique terrarum promoven-
 dam.

dam. Hæc sunt in summa, quæ sancita sunt in Concilio Pisani Sessionibus, de quarum tamen numero non certò constat. In Actis siquidem illius Concilii Pisani, quæ habentur in Biniana Collectione, quam nos secuti sumus, viginti tres referuntur Concilii Pisani Sessiones, sed in Actis ejusdem Concilii editis à D. *Luca Dacherio* Tomo VI *Spicilegii* numerantur dumtaxat Sessiones XXI. Nonnulli Scriptores, quos inter censentur S. *Antoninus* III. part. *Chronicorum* Tit. XXI. cap. v. parag. II. & *Cardinalis Cajetanus* Tractatu II. de *Auctoritate Papæ & Concilii*, Pisanam Synodum illegitimam, & Oecumenicam non agnoverunt. Verùm, adversus paucos illos Scriptores triplici momento invictè probari potest, Concilium Pisanum, cèu legitimum, & Oecumenicum, à Romanæ & universali Ecclesia habitum, receptum & approbatum fuisse. Primò, certissimè constat, Romanam & Universalem Ecclesiam in Concilio Constantiensi congregatam *Alexandrum V.* & *Joannem XXIII.* tanquam veros ac legitimos Pontifices agnovisse, cum illud Concilium fuerit auctoritate *Joannis XXIII.* convocatum. Porro, *Alexander V.* & *Joannes XXIII.* veri Pontifices non fuissent, nisi *Gregorius XII.* & *Benedictus XIII.* adhuc tum temporis superstites, legitimè depositi fuissent; nec profecto legitimè essent depositi, nisi Pisanum Concilium legitimum & Generale fuisset. Secundò, in dubium revocari non potest, quin Romana & universalis Ecclesia *Alexandrum V.* in Concilio Pisano electum, tanquam verum & legitimum Pontificem Romanum agnoverit, & venerata sit. Hic autem Summus Pontifex Concilium

um Pisanum tanquàm legitimum & Oecumenicum bis approbavit & confirmavit, primò in fine Concilii Pisani, ut in Actis hujus Concilii à *ca Dacherio* Tomo vi. *Spicilegii*, deinde in Labana Conciliorum Collectione legitur. Denuò eundem Concilium Pisanum confirmavit Summus Pontifex post ejus celebrationem singulari Diplomate dato Bononiæ 11. Kalendas Februarii anni mccccix. quod legere est apud *Odoricum* & *Maynaldum* ad hunc annum Num. vii. Fuit ergò legitimum & Oecumenicum Concilium Pisanum. Postremò, si Concilium Pisanum, in quo *Alexander V.* Pontifex Maximus electus est, non fuisset legitimum & Generale, sed ab Ecclesia esset reprobatum, omni procul dubio *Rodericus Borgia*, natione Hispanus, qui die xi. Augusti anni mccccxi. ad Summum Pontificatum provectus est, non se *Alexandrum Sextum*, sed *Quintum* appellasset, cum electio *Alexandri V.* non potuisset esse legitima, si semel Concilium Pisanum non fuisset Oecumenicum, sed potius ab Ecclesia reprobatum. Cum igitur *Rodericus Borgia*, Pontifex factus, se *Alexandrum Sextum* appellaverit, eumque ut verum Pontificem Romanum coluerit universalis Ecclesia, argumento est, tam *Alexandrum VI.* quàm Romanam & universalem Ecclesiam, agnovisse, recepisse & approbasse Concilium Pisanum, in quo facta fuerat *Alexandri V.* Electio, tanquàm verum, legitimum, & Oecumenicum Concilium, cujus auctoritati refragari nulli fidei licitum est.

D. Concilium Pisanum fuisse legitimum & Oecumenicum Concilium invictis quidem rationibus probati: Optarem tamen, ut adduceres

& eâdem operâ confutares momenta, quibus permoti *S. Antoninus*, & *Cardinalis Cajetanus* in contrariam abierunt sententiam.

M. Duplici potissimum de causa *S. Antoninus*, & *Cardinalis Cajetanus* Pisanam Synodum ut legitimam & Oecumenicam non agnoverunt. Prima est, quòd Pisanum Concilium à nullo Summo Pontifice fuerit convocatum. Altera, quòd per Pisanum Concilium non fuerit extinctum schisma, sed potius novum suscepit incrementum, cum ab electione *Alexandri V.* factâ in Concilio Pisano usque ad Constantiense Concilium tres fuerint Pontifices, seu *Alexander V.* *Benedictus XII.* & *Gregorius XII.* Concilium etiam Constantiense admisit Pontificatus cessionem, quam fecit *Gregorius XII.* quem proinde Patres Concilii Constantiensis judicarunt, non fuisse in Concilio Pisano legitimâ auctoritate depositum. His duobus momentis addunt nonnulli, Synodum Pisanam ab universa Ecclesia susceptam, ac probatam non fuisse, quia Regna & Provinciæ, quæ *Benedictum XII.* & *Gregorium XII.* tanquam veros ac legitimos Pontifices agnoscebant, ei non adhæserunt. Verum, hæc momenta nullius ponderis sunt, ac nullo negotio dilui possunt. Namprimò, licet inconfesso apud omnes esse debeat, Concilia Generalia Summi Pontificis auctoritate convocari debere, cum verus est, legitimus ac cætus Pontifex; negari tamen haud potest, quin in casu schismatis, quandò videlicet duo de Pontificatu contendunt, & nulla alia via ad extinguendum schisma suppetit, possit Ecclesia in Concilio Generali adunata cogere Pontifices tunc contententes,

perperviciaciâ suâ schisma foventes , ad renun-
dum Pontificatui , & si recusent , sicuti
refusarunt *Benedictus XIII.* & *Gregorius XII.* tem-
pore Concilii Pisani pacem & unitatem Ecclesiæ
re per viam mutuæ cessionis ab ipsis aliàs ap-
probata , & juramento inviolabiliter firmata ;
tum temporis habeat Ecclesia in Concilio
generalis congregata illos , ut Schismatis fauto-
s , exauctorandi , sicut postea factum est in Con-
cilio Constantiensi , in quo *Joannes XXIII.* *Benedi-
ctus XIII.* & *Gregorius XII.* de Summo Pontificatu
contentendentes depositi fuerunt , & electus *Marti-
nus V.* quem ut verum ac legitimum Pontificem
universa agnovit & coluit Ecclesia. Sanè si Ecclesia
in casu Schismatis jus non haberet agendi in Con-
ciliis Generalibus contra eos , qui pro Pontifici-
is se gerunt , seu de Pontificatu contendunt , &
ratam cessionem exequi nolunt , sicut reverà
tempore Concilii Pisani noluerunt *Benedictus XIII.*
& *Gregorius XII.* qui suâ collusionem , ambitionem &
perperviciaciâ Schisma fovebant ; si , inquam , Eccle-
sia in casu Schismatis id juris non haberet , Chri-
stus Ecclesiæ suæ non satis prospexisse videretur ,
cum nullum in hoc casu adversus Schisma ei reme-
dium reliquisset . Cum igitur duo æmuli de Pon-
tificatu contentendentes *Benedictus XIII.* & *Grego-
rius XII.* sæpius rogati & interpellati fuerint , ut
Ecclesiæ necessitati , quæ extrema id temporis erat ,
consulerent , Schisma per viam cessionis , quam
promiserant & juraverant , penitus abolerent ,
nec tamen ipsi , ambitione abrepti , Pontificatui
renunciare , nec convocationi Synodi Oecumenicæ
ullo pacto acquiescere vellent , jure merito Eccle-
sia

fia se ipsam in Concilio Generali Pisano cong-
 gavit , ut sibi de certo & indubitato Capite pro-
 deret , & *Petrum de Luna* , dictum *Benedictum X.*
 & *Angelum Corarium* , nuncupatum *Gregorium X.*
 qui Schisma pervicaciâ suâ fovebant , exaudi-
 ret . Verùm quidè est , *Angeli Corarii* , dicti *Ge-*
gorii XII. Pontificatus cessionem fuisse in Conci-
 Constantiensi admissam , non quòd Patres illi
 Concilii existimarent , ejus exauctorationē in Co-
 cilio Pisano non esse legitimè factam , sed quia ,
 majus unionis & pacis Ecclesiasticæ robur ac f-
 mamentum , consultius esse duxerunt , id tanti
 solatii *Angelo Corario* , dicto *Gregorio XII.* dandu
 esse , ne intempestivâ juris discussione iterùm pe-
 turbaretur Ecclesiæ pax , aut ejus retardaret
 unio . Sic Patres ejusdem Concilii Constantiensi
 eâdem œconomiâ permiserunt , ut idem *Angel-*
Corarius , dictus *Gregorius XII.* per suum Legatu
Joannem Dominicum Ragusinum Cardinalem Se-
 sion. 14. convocaret auctoritate suâ Concilium
 Constantiense , non quòd eâ convocatione opi-
 haberet ea Synodus Constantiensis ut legitima
 verè Oecumenica esset (cùm jam prædicta Syno-
 dus fuisset à *Joanne XXIII.* Pontifice Maximo con-
 vocata , jamque quatuordecim Sessiones fuisset
 celebratæ) sed quòd ad promptius & facilius pro-
 curandam Ecclesiæ pacem , id necessarium esse pu-
 tarint Patres Concilii Constantiensis . Eâdem
 œconomiâ usi sunt Patres Concilii Constantiensis
 ergà *Ægidium Sancii Munionis* , quem , post mor-
 tem *Petri de Luna* Pseudo-Pontificis , dicti *Benedi-*
cti XIII. duo reliqui Schismaticæ illius partis Car-
 dinales in Antipapam elegerant , nuncupatum

mentem VIII. Nàm quamvis hunc Antipapam certissimè constaret, ejus tamen cessionem, spontaneam abdicationem admiserunt Patres Concilii Constantiensis, permiseruntque, ut ejus abrenuntiatici Cardinales *Martinum V.* ab Ecclesia, diversa legitimum Pontificem agnitum, eligerent, hoc pacto omnes Schismatis reliquiæ penitus tollerentur. Alterum momentum, quo probatur Concilium Pisanum legitimum & Oecumenicum non fuisse, eò quòd Schisma non sustulerit, sed potius auxerit; nullius planè momenti ac roboris esse debet, quia Concilium Pisanum Schisma sustulit, quantum in se erat, exauctoratis videlicet schismaticis Pseudo-Pontificibus, & legitimo Pontifice electo, quamvis utriusque de Papatu intendentis, & Ecclesiæ judicio acquiescere notis pertinaciâ Schisma continuatum sit, usque ad Concilium Constantiense. Quapropter, sicut alia Concilia ad profligandas Hæreses, vel ad extinguendum Schisma Græcorum congregata, tantùm legitima & verè Oecumenica recipiuntur in Ecclesia Catholica, licèt post eorum celebrationem grassatæ sint adhuc Hæreses, nec sublatum Schisma Græcorum: ita pari utrobique ratione Pisanam Synodum, ceu legitimam & Oecumenicam recipere, venerari ac prædicare debemus, etsi Schisma non extinxerit, cùm ad illud extinguendum fecerit quidquid jure poterat & debebat. Ultimum momentum, quo negatur, Synodum Pisanam esse legitimam & Oecumenicam, quia Regna & Provinciæ, quæ *Benedictum XIII.* & *Gregorium XII.* ceu veros Pontifices agnoscebant, Synodo Pisanæ non adhæserunt, sed potius eam re-

pro-

probarunt, hoc, inquam, momentum infirmum omninò ac invalidum est, quia *Partes Petri de Luna*, seu *Benedicti XIII.* & *Angeli Corarii*, sive *Gregorii XII.* minimam nominis Christiani portionem ab Ecclesiæ universæ corpore divisam, & unico vero & legitimo Pontifice Romano, nimirum *Alexandro V.* & ab ejus Successore *Joanne Vigesimo tertio* distractam, atque Schismaticis & Pseudo-Pontificibus adhærentē constituebant. Pisana verò Synodus universam repræsentabat Ecclesiam, & vero ac legitimo Pontifici, seu *Alexandro V.* adhærebat. Quò fit, ut sicut in aliis Schismatibus, *Novatiani*, exempli gratiâ, contra *S. Cornelium* Papam, *Ursicini* contra *S. Damasum* *Laurentii* contra *Symmachum*, *Petri Leonis* contra *Innocentium II.* *Octaviani* adversus *Alexandrum III.* &c. hi, qui stabant à partibus Antipapæ non impediabant, quominus universa Ecclesia verum & legitimum Pontificem agnoscere & colere censeretur; ita similiter illi, qui post Pisana Synodum Schismaticis & Pseudo-Pontificibus *Benedicto XIII.* & *Gregorio XII.* adhæserunt, impedire non potuerunt, quin Ecclesia Concilium Pisenum, tanquàm Oecumenicum, suscepisse, & *Alexandrum V.* in eo electum, cùm verum Pontificem Romanum, colere diceretur. Ex dictis itaque patet, negare haud posse legitimam & Oecumenicam esse Synodum Pisanam, in qua duo Cardinalium utriusque Obedientiæ, videlicet *Benedicti XIII.* & *Gregorii XII.* Collegia, post juramentum in Conclavi facta de omni operâ ac diligentia ad extirpationem Schismatis conferendâ, in unum Collegium ad unionem Ecclesiæ promovendam

venerunt , jureque suffragii in electione
Alexandri V. veri ac legitimi Romani Pontificis
 in eadem Synodo factâ potiti sunt .

D. Cùm funestum istud Ecclesiæ Occiden-
 tis Schisma in Concilio Generali Pisano non
 esset extinctum , sed potiùs , ut mox insinua-
 vit illius celebrationem adauctum , & usque ad
 Concilium Constantiense prorogatum sit; expedit
 primum , ut de Concilio Constantiensi , in quo hoc
 Schisma tandem abolitum est , differamus , & in-
 quiramus in primis , à quo , & quandonam fuerit
 convocatum ? Secundò , quid in eo pro extinctio-
 ne Schismatis actum sit ? Tertiò , quid pro asse-
 renda contra Hæreses Catholicâ Fide definitum ?
 Postremò , quid pro restauranda Ecclesiæ Discipli-
 na decretum ac statutum sit ?

M. Depositi in Concilio Generali Pisano
 de Papatu contententes *Petrus de Luna* , di-
 ctus *Benedictus XIII.* & *Angelus Corarius* , nuncupa-
 tus *Gregorius XII.* auctoritati Concilii non parue-
 runt , sed adhuc pro Summis Pontificibus se ges-
 runt . Magna Hispaniæ pars *Petrum de Luna* , seu
Benedictum XIII. tanquàm verum & legitimum
 Pontificem colebat ; aliquæ verò Italiæ civitates
Angelo Corario , seu *Gregorio XII.* ceù vero &
 legitimo Pontifici adhærebant errore facti , quòd
 putarent , Synodum Pisanam Oecumenicam non
 esse , ac subindè *Petrum de Luna* , seu *Benedi-
 ctum XIII.* & *Angelum Corarium* , sive *Gregorium XII.*
 in ea non fuisse depositos , nec in eorum lo-
 cum legitimè in Summum Pontificem electum
 fuisse *Alexandrum V.* Gliscente itaque magis quàm
 antehàc Schismate , & intrà annum è vivis erepto

Alexandro V. unico ac vero Pontifice, successus est in ejus locum *Joannes XXIII.* qui ubi primum Pontificiam Cathedram conscendit, de restituenda Ecclesiæ unitate, & de extinguendo Schismate, quod jam pridem inconfutibilem Christi tunicam, idest Ecclesiam, dilacerabat, sollicitus; Concilium Generale an. mccccxiv. Constantiæ celebrandum indixit. Est autem Constantia perampla civitas Imperii, quam Rhenus interfuit, quamque amænus Constantiæ Lacus, dictus olim *Acronius*, aluit. Huic Concilio Generali Constantiensi interfuerunt Patres ferè mille, quos interfuerunt trecenti Episcopi, Patriarchæ quatuor, cum ipso Imperatore *Sigismundo*, qui ad comprimendum Schisma maximopietatis & religionis studio incensus, non solum Legatos circumquaque ad Principes & Respublicas misit, sed ipsemet Galliam Hispaniam, Angliam, Germaniam, & Italiam longis & molestis itineribus peragravit, nequaprius acquievit, quam suis consiliis, & continuadhortationibus *Joannem XXIII.* ad indicendum apud Constantiam Concilium Generale adduxisset.

D. Præfuit itaque *Joannes XXIII.* Huic Concilio Generali Constantiensi, quod fuerat a ipso convocatum?

M. Initio Concilii Generalis Constantiensi seu duabus prioribus Sessionibus præfuit, ut legitimus Pontifex *Joannes XXIII.* Sed post ejus è Concilio recessum, tertiæ præfuit Sessioni *Petrus de Alliaco* Cardinalis Cameracensis, quartæ vero Sessioni præfuit *Jordanus* Episcopus Albanensis Cardinalis de *Ursinis*; Cæteris Sessionibus usque

a *Martini V.* electionem eodem in Concilio Constantiensi factam, præfuit *Joannes* Episcopus Ostiensis, Cardinalis Vivariensis, denique, quatuor primis Sessionibus præfuit recens electus Pontifex *Maximus Martinus V.* Sed ut magis perspectam habere possis causam, ob quam *Joannes XXIII.* duabus tantum prioribus Concilii Constantiensis Sessionibus præfuerit, necesse est, ut hic breviter exponam ea, quæ gessit *Joannes XXIII.* in his duabus prioribus, quibus præfuit, Concilii Constantiensis Sessionibus, dein, describam omnia, quæ spectant ejusdem *Joannis XXIII.* à Concilio Constantiensi fugam, illius depositionem in eodem Concilio factam, ac tandem electionem *Martini V.* eodem, ut verum, unicum ac legitimum Pontificem universa agnovit, suscepitque Ecclesia Catholica. Et primò quidem, *Joannes XXIII.* præfuit Sessioni primæ Concilii Constantiensis, quæ die xvi. mensis Novembris anni mccccxiv. habita est, & ea Sermonem ad Patres habuit, quo illos adhortatus est, ut ad procurandam Ecclesiæ pacem omnem darent operam, suasque omnes curas ac agitationes conferrent. Postea, in eadem Sessione lectum est à *Francisco* Cardinali Florentino diploma convocationis Concilii Constantiensis, tandem ejusdem Concilii Ministri & Officiales, præsertim Notarii ex qualibet Natione sunt electi, Gallicâ, nimirum, Gallicâ, Germanicâ & Anglinâ, ad quas postea Hispanica Natio quinta, electo *Petro de Luna*, dicto *Benedicto XIII.* accessit. In Secunda Concilii Constantiensis Sessione, præfuit etiam *Joannes XXIII.* habitâ primâ mensis Martii anni mccccxv. Antiochenus Patriarcha

rogavit totius Concilii nomine *Joannem XXIII.* u pro Ecclesiæ pacis bono Pontificatui cederet, si alijus æmuli, videlicet *Benedictus XIII.* & *Gregorius XII.* Pontificatum similiter abdicarent, ve quotiès ejus cessione Ecclesiæ unio procurari posset; quod non solum se præstiturum ultrò promissit *Joannes XXIII.* sed etiam solemne juramentum ac votum eâ de re die 2. mensis Martii ejusdem anni mccccxv. edidit coram Synodo, dùmque legeret hæc verba in Scheda, *Spondeo, promitto voveo, & juro Deo*, flexit genua versùs Altare ponendo manus ad pectus, & addidit hæc verba *Et ita promitto observare.* Quæ cùm audisset *Sigismundus* Imperator, qui præsens Concilio aderat, confestim *Joanni XXIII.* gratias egit, & depositâ coronâ, flexisque genibus, pedes ejus osculatus est. Idem post *Sigismundum* Imperatorem nomine Concilii præstitit Antiochenus Patriarcha, ac demùm confectum est eâ de re Diploma Pontificium, quod exhibent Acta Concilii Constantiensis in MS. Codice Regalis Abbatis Sancti *Victoris* Parisiensis, & Monachus *Sandionysianus* in *Historia Caroli VI.* Galliarum Regis. Promissis hæud stetit *Joannes Viginti tertii*; quippè qui, cùm à Concilio, & à *Sigismundo* Imperatore urgeretur ad constituendum pro cessionis executione Procuratorem, videretque evanuisse omninò illam spem, quâ se blandiebatur, fore ut, duobus ejus æmulis *Benedicto XIII.* & *Gregorio XII.* in Concilio dejectis, solus ipse Summus ac legitimus Pontifex declararetur, ut rebus suis consulere, & ab omni vi securus esse posset, è Concilio furtim se subripuit abiit

at, excessit, evasit, erupit, & dissimulato habuit, operâ *Friderici* Ducis Austriæ, quicum rem ultè communicaverat, Scaffusam, Oppidum, eisdem *Friderici* ab Urbe Constantiensi quatuor miliaribus disiunctum, aufugit, ne Pontificatu, juxta Promissâ, se abdicare cogeretur, ibique Literas ad Principes dedit, quibus suum à Concilio recessum excusavit, moxque in Castrum, *Effenberg* Diœcesis Basileensis, ac paucis post diebus *Friburgum*, ditionis *Friderici* Ducis Austriæ, sese recepit, ut inde evolare ad *Joannem* Ducem Burgundiæ, hominem, ut in superioribus colloquiis observavimus, natum non solum in Galliarum Regni, sed etiam in universæ Ecclesiæ perniciem. Huic conspirationi adversus Concilium Constantiense, initæ inter *Joannem XXIII.* *Fridericum* Ducem Austriæ & *Joannem* Burgundiæ Ducem, se constanti animo opposuit *Sigismundus* Imperator, quem Deus Optimus Maximus in his angustiis, quibus undique premebatur Ecclesia, excitasse videtur, & cujus si defuisset indefessus valor, omnia procul dubio in irritum corruissent, sumque Concilium Constantiense in ventos voluisset. *Sigismundus* itaque Imperator *Fridericum* Austriæ Ducem, *Joannis XXIII.* receptatorem, armis aggressus est, eumque, subactis illius oppidis ac selectis copiis, tam strenuè oppugnavit, ut tandem ad egerit sub literis commeatus & securitatis ad proficiscendum Constantiam, ibique suppliciter veniam petendam. Venit ergo *Fridericus* Dux Austriæ cum Duce Baviaræ, & Burgravio Iuremburgensi, seque & omnia sua *Sigismundi* Imperatoris potestati permisit, & ab eo veniam

obtinuit, pollicitus cum jurejurando Joannes XXIII. reducere, dummodò utrique de vita, bonis & libertate post adimpletas pacis conditione cautum esset. Interea temporis, *Fridericus* obse Constantiæ remansit, *Joannes* verò XXIII. *Friburgi* Oppido Austriaco custodiebatur, ne fug elaberetur, & postea ad Oppidum Cellæ duobus dumtaxat milliaribus à Civitate Constantien distans ductus est, ibique diligentissimè custoditus. Inquisitores in *Joannem* XXIII. Sessione ix Concilii Constantiensis fuerunt nominati, & quinquaginta quatuor Articuli adversus ipsum Sessione x. objecti ac probati, qui in Sessione xi. cuncti lecti fuissent, ipsique *Joanni* XXIII. ut ad illos responderet, communicati essent, hoc Responsum. *Joannes* XXIII. pacis Ecclesiæ promovendę studiofissimus, dedit: *Volo quod Concilium sit defensivum meum, quod scio errare non posse, nec alia defensionem quacumque uti volo.* Cùmque ad audiendam Sententiam dies ipsi crastina diceretur, respondit. *Summè mihi placet Sententia ipsa, quam cum omni reverentia, etiam cum bireti mei depositione recipiam, eamque, (quantum in me fuerit) confirmabo.* Tandem Sessione xii. ejusdem Concilii Constantiensis lata est in *Joannem* XXIII. depositionis Sententia, propter ipsius clandestinum, & scandalosum, noctu, habituque indecenti è Concilio recessum, pacis & unionis Ecclesię turbativum, Schismatis inveterati nutritivum, à voto, promissione & juramento per ipsum *Joannem* XXIII. Deo & Ecclesiæ præstito deviativum; decretumque eius insuper, ne *Balthasar Cossa*, nupèr *Joannes Papa* XXIII. vel *Angelus de Corario*, seu *Gregorius XI.*

Petrus de Luna, sive Benedictus XII. in suis Ob-
ediis sic nominati, in Pontifices iterum eligeren-
t, quod si fieret, totum irritum esset & inane.
Hæc depositionis Sententia uno omnium Concilii Pa-
trum consensu approbata, inquit Spondanus ad an-
num MCCCXV. Num. XXXVII. cum fuisset ad Jo-
annem XXIII. perlata, eandem ipse quoque Cellæ ultima
in instrumento publico ratam habuit se nunquam
contra eam quidquam acturum; purèque, simpliciter
liberè Papatui cessit ac renunciavit, depositis om-
nibus ornamentis Papalibus. Quæ omnia Actis edi-
ti continentur. Exemplum Balthassaris Cossa, dicti
Joannis XXIII. paulò post sequutus est Angelus de
Corario, nuncupatus Gregorius XII. quippè qui Ses-
sione XIV. Concilii Constantiensis renunciavit,
cessitque Pontificatui per Procuratorem suum,
Carolus de Malatestis, Arimini Principem, quam
cessionem ratam habuit Concilium, & cantato
ymno Te Deum laudamus &c. gratiarum actio-
nem Deo solemniter rependit. Sux abdicati-
oni biennio supervixit Angelus de Corario, dictus antea
Gregorius XII. & paulò ante Martini V. Pontificis
Maximi electionem è vivis excessit, non quidem
Arimini, ut ait S. Antoninus, sed Recaneti anno
MCCCXVII. ut videre est in ejus Epitaphio apud
Onuphrium in Additionibus ad Platinam. In eadem
Sessione XIV. ediderunt Patres Constantienses De-
cretum de requirendo Petro de Luna, dicto Bene-
dicto XII. qui solus contendendum Pontificum
post Joannis XXIII. & Gregorii XII. abdicationem
supererat, ut eandem cessionem à se toties jura-
mento promissam intra decem dies exequeretur:
quod ni præstaret, eum ex tunc declararunt Pa-

tres Constantienses, fuisse & esse Schismaticum in corrigibilem, & pertinacem, Hæreticum, omni que honore & dignitate abjectum & privatum. Ad hanc cessionem à *Petro de Luna*, seu *Benedicto XII.* facilius obtinendam (sine qua *Joannes Gersonius* Academiae Parisiensis Cancellarius, ex Psalmo LXXI. lepidè in Concilio dicere consueverat, non futuram Ecclesiae pacem, donec auferretur Luna. Imperator *Sigismundus*, post acceptam à Concilio Constantiensi benedictionem, profectus est *Niciam*, Urbem Gallo-Provinciae colloquio destinatam, ad quod *Ferdinandus* Rex Aragoniae unà cum *Petro de Luna* eà de causa convenire debebant. Sed cum *Ferdinandus* ob ægritudinem, quâ conflictabatur, huic se profectioni accingere haud posset ad amoliendum id obstaculum *Sigismundus* Imperator Perpinianum se contulit, ibique cum *Ferdinando* Aragoniae Rege, & cum *Petro de Luna* de perficiendo Sanctissimo Ecclesiae unionis suscepto negotio longos sermones habuit. Principio quidem *Petrus de Luna* protestatus est, nihil sibi æquè in votis esse & unquam fuisse, ac illam desideratissimam Ecclesiae unionem. Sed aliud in fronte, aliud in corde gerebat vaferrimus ille Sycophanta. Tot enim conditiones omni rationi oppositas, immò impossibiles ad rem exequendam, exegit *Petrus de Luna*, tot Privilegia singularia, immanem ambitionem fatentia, quæ antehac nec proposita, nec audita fuerant, depoposcit, tot denique subterfugiis, tergiversationibus, delusionibus, atque ambiguitatibus, cessionem Pontificatus, cui duo jam æmuli in Concilio Constantiensi suo exemplo præiverant, refragatus est; ut *Sigismundus*

Imperator dirempto Colloquio, rēque inferre recedere coactus sit; *Petrus* verò de *Luna*, qui nifi litteris commeatus præmunitus ad hunc ingressum accesserat, Paniscolam suam, sive oppidum Regni Valentini, ad maris oram rupi positum, & præsidio munitum, cum suis in Schismate obduratis ac juramento sibi adauctis se se reperit. Tum *Ferdinandus* Rex Aragoniæ ab obedientia *Petri de Luna*, pervicacissimi, atque intolerabilis arrogantia hominis, se se subtraxit, consilio præsertim motus Sancti *Vincentii Ferrerii*, Ordinis Prædicatorum, qui antea *Petri de Luna*, dicti *Benedicti XIII.* Partes secutus, author fuerat Rebus Aragoniæ ei adhærendi, quamdiù verbis aforiis jactaret, se nihil tam cordi ac curæ habere, quam ut promoveret, propriâ sui abdicatione, Ecclesiæ unionem. At, statim ac *Vincentius Ferrerius* obstinationem ac malas *Petri de Luna* res perspectas habere cœpit, *Ferdinando* Regi Aragoniæ persuasit, ut ab obedientia *Petri de Luna*, dicti *Benedicti XIII.* se subduceret, Edictumque publicaret, quo suis subditis districtè inhiberet, ne ullam cum *Petro de Luna*, quasi Pontifice, adhæSIONem quocumque prætextu haberent. Hanc legis *Ferdinandi* ab Obedientia *Petri de Luna* abstractionem ipsemet *Vincentius Ferrerius* Periniani coram Rege infirmo, ejusque filio primo-nenito, multâ nobilitate, & ingenti populi multitudine, sermone habito, legit ac promulgavit. tanta porrò erat id temporis *Vincentii Ferrerii* sanctitatis ac eruditionis fama, ut Patres in Concilio Generali Constantiensi ad tollendum Schisma trium de Pontificatu contendentium congregati

gati, singulari honore ac cultu, quem nemini ha-
ctenus ex ullo Ordine Viro religioso exhibitum
legimus, illum profecuti fuerint, missis Legatis
qui eum rogarent, ut ad Concilium veniret,
liceret; idque *Joannes Gersonius*, Academiae Pa-
risiensis Cancellarius, qui Concilio Constantien-
præsens aderat, scriptâ ad eum Epistolâ, quæ ad
huc inter ejus Opera extat, persuaserit: aut
per salutem animarum, cui vocatione insolit-
jam à multis annis incumbibat, non esset il-
integrum ad Concilium accedere, saltem iis, qui
missi Consultores quærerent, respondere, suum
que sensum aperire non graveretur. Hæc Epistolâ
Joannis Gersonii, Facultatis Parisiensis Cancell-
arii, missa è Concilio Constantiensi ad *Vincentium*
Ferrium, & data die ix. mensis Junii an-
mccccxvi. legitur pag. 658. Tom. 2. Operum
Joannis Gersonii postremæ Antuerpiensis Editio-
nis anni mcccvi. eamque ex MS. Codice Cælest-
norum Metensium descriptam eruditus P. *Edmu-*
dus Martene, Congregationis S. *Mauri* Monachu
inseruit Tomo 1. *Thesauri novi Anecdotorum*, quem
nuperrimè publicâ luce donavit, paginâ 174.
ipse verò partem hujus Epistolæ hîc describam,
indè magis tibi innotescere possit sanctitatis
eruditionis fama, quam *Vincentius Ferrerius*
etiam dùm viveret, sibi in universa Ecclesia con-
paraverat:

Nominatissimo Doctori & Prædicatori zelan-
salutem animarum Magistro *Vincentio* de Ordine
Prædicatorum, Patri meo in Christi Charitate dil-
ctissimo.

Tanta de Virtutibus tuis, Doctor egregie, fan-

erente, crebrius accepi, tanta specialiter in collo-
cione familiari cum Reverendo Patre Domino Ge-
rali tui Ordinis Prædicatorum agnovi, ut mihi
learis rectè figuratus secundum nomen tuum
illud Apocalypsis, quo speculator totius Eccle-
stici decursus Joannes (Apoc. cap. 2. vers. 2.) ait:
di & ecce equus albus, & qui sedebat super il-
n habebat arcum, & data est ei corona, & exiit
uens ut vinceret. Existi quidem ut vinceret, O
ncenti gloriose, sed quales tu vinceret, qua ratio-
, quibus armis, apparatu bellico? quali arcu tu
idem ipse coronatus triumphares? Respondet ille,
jus imitator es, Paulus, dicens: Arma militiæ no-
æ non esse carnalia cum reliquis similibus qualia,
elius esse nosti. Suppetunt hoc loco plurima cordi
eo, quæ libentiùs & forsan utiliùs verbo ore ad os,
am calamo muto referarem tuæ sapientiæ, nisi quod
iorsum me trahunt occupationes aliæ. Et quia te
avibus assiduè laboribus intentum protrahere longa
riptorum serie non visum est satis æquum vel mo-
estum; hoc unum, quod in votis nedum meis, sed
uam plurimorum versatur, aperiam. Reddunt tuæ
haritati, tuoque zelo pacis Ecclesiasticæ testimonium
oc insigne, hoc celeberrimum præconium tum multi,
um nominatim præfatus Magister ac Dominus Gene-
alis, quod in inclyto Aragonum Regno nunquam
uissent concordata pacis capitula, nunquam substra-
tio, quæ tam utiliter & legitime facta est ab illo ni-
nis, prob dolor! erga Matrem Ecclesiam obdurato
Petro de Luna, fuisset attentata, si non auctoritatis tuæ
pondus & consilii robur addidisses, cujus facinoris
am egregii nos ipsi Sacro Generali Concilio præsen-
es, desideratissimæ pacis annis jam fermè quadraginta
mi-

miserabiliter exulantis fructum, & reditum proximum expectamus. Et o te felicem! ter quaterque beatum, si præsentialitèr adesse, si non creditu solo sed propriis oculis coram cernere volueris propinquam velut in januis Summi Pontificis electionem; S videlicet efficaci celeritate, sepositis interim turbis jucundam tuæ præsentiæ faciem huic eidem Sacri conspiciendam Concilio attuleris. Fructum, ni fallor amplio rem ex te tuis monitionibus digniorem afferres quàm si hoc neglecto permanseris in inceptis. Memineris Beati Pauli ad Galatas (cap.2. vers.2.) Scribentis: deinde, ait: post annos XIV. ascendi Ierosolymam cum Barnaba & Tito, & contuli cum illi. Evangelium meum, quod prædico in gentibus, seorsum autem his, qui videbantur aliquid esse, ne forte in vanum currerem, aut cucurrissem. Hoc satis pro tua re dictum puto. Est siquidem apud nos alter, velut Ierosolyma, scilicèt Apostolorum successore Reverendissimi & Deo amabiles Prælati, scilicèt Legis Doctores, cum quibus tuam ipse prædicationem conferre tam salubritèr, quàm humilitèr poteris, & interim sileam de alio profectu multiplici sperato, & veneris &c. Sed revertamur ad Petrum de Luna, qui licèt à Ferdinando Rege Aragoniæ destitutus, animo tamen non concidit, sed potiùs audaciùs factus, suis familiaribus convocatis graviter protestatus est, se unum esse in universa Ecclesia legitimum Pontificem, & ut suæ dignitatis jura tueretur, non solùm Ferdinandum Aragoniæ Regem, qui ab ejus Obedientia se subtraxerat, excommunicatione perculit, sed etiam Regno Aragoniæ, omnique aliâ ditione illum abdicavit, ac cunctis prohibuit ei, quasi Regi, subesse ac obtemperare

re, sub pari, quâ in illum animadverterat, anat-
matis pœna. Hæc *Petri de Luna* in retinendo
Pontificatu contumacia publicis instrumentis eâ
re confectis liquidò probata cùm ad Patrum
Concilii Constantiensis notitiam pervenisset, ejus
casum agitare cœperunt à Sessione vigesima pri-
ma usque ad Sessionem trigesimam octavam, ac
eodem Sessione xxxvi. quæ habita est die xxvi.
mensis Julii anni mccccxvi. & cui de more præ-
sedit *Joannes* Cardinalis Ostiensis, interfuitque
Wismundus Imperator, post multiplices citatio-
nem Libellos, testium auditiones, aliaque ritè &
judicè acta, lata est in *Petrum de Luna*, dictum
sua Obedientia *Benedictum XIII.* definitiva de-
positionis sententia, eumque tanquàm perjurum,
autorem & nutritorem inveterati Schismatis, pa-
tris & unionis Ecclesiæ impeditorem, & perturba-
tum, Schismaticum & Hæreticum; Articuli
dei, *Unam Sanctam Ecclesiam Catholicam*, viola-
rem pertinacem, cum scandalo Ecclesiæ Dei,
corrigibilem notorium & manifestum, ac omni
tulo, gradu, honore indignum, à Deo ejectum ac
excommunicatum, omni jure in Pontificatu quomodoli-
bet illi competente privatum, & ab Ecclesia Ca-
tholica tanquàm membrum aridum præcilem, Sa-
cra Constantiensis Synodus pronuntiavit, omnes-
que Christianos ab ejus Obedientia, juramentis,
obligationibus ei quomodolibet præstitis absol-
vit ac liberos esse declaravit. His peractis, Patres
Concilii Constantiensis Sessione quadragesimâ,
quæ die xxx. mensis Octobris anni mccccxvi.
præsidente *Joanne* Ostiensi Episcopo Cardinali, ha-
bita est, decreverunt, ut, nihil obstante Cardi-
nalem

nalium *Petri de Luna* absentiâ , ad novi Pontificis
 electionem procederetur , eaque forma pro hac
 vice tantum servaretur , ut unâ cum Cardinalibus
 sex Prælati de singulis quinque Nationibus , Ita
 lica, Gallica, Anglica, Germanica , & Hispanica
 in eadem Synodo tunc existentes ad electionem
 Pontificis admitterentur , & ut quicumque à dua
 bus partibus Cardinalium , simulque à duabu
 aliis partibus Nationum delegatorum foret in
 Summum Pontificem electus , is verus esset at
 que indubitatus Pontifex, cui omnes Nationes te
 nerentur obedire . Ad habendam itaque nov
 Pontificis electionem celebrata est die octav
 Novembris Sessio quadragesima prima , Præsid
 (ut in cæteris) *Joanne* Cardinali Ostiensi , in qu
 post solemne Sacrum , aliasque præmissas suppli
 cationes , lectamque Constitutionem *Clementis*
Sexti, quæ incipit, *Licet* , de modo & forma Con
 clavis, emissæque juramenta in ea præscripta , no
 minati sunt ex quinque Nationibus Electores
 Cardinalibus istâ dumtaxat vice ad eligendum
 Romanum Pontificem adjungendi, qui omnes, se
 Cardinales numero viginti , & triginta Electore
 à quinque Nationibus designati, Conclave in Do
 mo Communitatis Urbis Constantiensis paratur
 sunt ingressi, ac tertiâ post die, seu undecimâ men
 sis Novembris anni mccccxvii. concordibus sul
 fragiis in Romanum Pontificem elegerunt *Odo*
nem, seu *Othonem Columna* ex nobilissima apud Ro
 manos prosapia oriundum, & *S. Georgii* ad Velu
 aureum Diaconum Cardinalem , qui in honorem
Sancti Martini , cujus eâ die Festum occurrebat
Martinus appellari voluit , hujus quidem nomini

Tertius, vulgò tamen *Quintus* appellatus. Solemni-
 ri in Ecclesia Constantiensi die *xxi.* mensis No-
 vbris ejusdem anni Pontifex Romanus inaugu-
 ratus *Martinus Quintus* sequentibus Concilii Con-
 stantiensis Sessionibus, seu *xl.ii.* *xl.iii.* *xl.iv.* &
xl.v. præfuit, & in ea postrema Sessione quadra-
 gesima quinta, quæ celebrata est die *xxi.* Aprilis
 anni *mccccxviii.* absolutum est Concilium Con-
 stantiense, quod annis quatuor & sex mensibus
 duraverat. Indulgentiam Plenariam semel in
 Vita, & semel in morte his omnibus, qui Concilio
 interfuerant, concessit *Martinus V.* Pontifex Ma-
 ximus, rogatusque ut Concilii Constantiensis de-
 creta confirmaret, respondit ore proprio, postea
 per Concilii Advocatum iterari jussit: *Quod om-*
nia & singula determinata, conclusa, & decreta in
materiis fidei per præsens Sacrum Generale Concilium
Constantiense conciliariter teneri, & inviolabiliter
servari volebat, & nunquam contravenire quoquo-
modo, ipsaque sic conciliariter facta approbat & ra-
dicat. Quam in rem observat Spondanus in An-
 nalibus Ecclesiasticis ad annum *mccccxviii.*
um. V. *Martinum V.* per hæc verba, *Decreta in*
materiis Fidei conciliariter in Concilio facta, innuere
 voluisse, se auctoritate Apostolica non approbare
 ea, quæ in ejusdem Concilii Decretis Sessionum
ii. & *v.* de auctoritate Concilii supra Pontifi-
 cem, & de potestate reformandi Ecclesiam tam
 in Capite, quam in membris fuerant statuta.
namquam tamen, inquit, hæc possent ita intelligi,
 ut duobus casibus, de quibus tunc agebatur, emer-
 setque ulla dubitatione Concilium supra tres illos, qui
 e Pontificatu contendebant: nimirum quod inter-
 tum

tum esset, quis eorum verus existeret Pontifex, & quòd singuli eorum sese abdicationi Pontificatus subjecissent, quotiescùmque ritè deliberatum esset, qui verus existeret, ita ut Sedes Apostolica vacare censeretur, ac proindè ritè Concilium vel unum contentium confirmandi, vel alium eligendi auctoritatem haberet. Robertus Cardinalis Bellarminus Libro 2. De Conciliorum auctoritate Cap. 19. docet Concilium Constantiense Sessionibus IV. & V. non absolutè definiisse Concilia Generalia habere à Christo potestatem supra Pontifices, sed tantùm in casu, id est tempore Schismatis, quandò nescitur, quis sit verus Papa, nam dubius Papa habetur pro non Papa, & proindè habere super illum potestatem, non est habere potestatem in Papam. Et infrà subdit: *Et si Concilium sine Papa non potest definire nova Dogmata Fidei*, potest tamen indicare tempore Schismatis quò sit verus Papa, & providere Ecclesiæ de vero Pastore, quandò is nullus aut dubius est, & hoc est, quod rectè fecit Concilium Constantiense. Idem cum Bellarmino asserunt Cardinalis Turrecremata, Saderus, & Campegius, ut videre est apud Odoricum Raynaldum in Annalibus Ecclesiasticis ad annum MCCCCXV. Specialem etiam Dissertationem de Decretis Sessionum IV. & V. Concilii Constantiensis edidit Emmanuel Schelstratius, in qua quatuor potissimùm argumentis probat, Decreta harum Sessionum dubiæ esse auctoritatis, primò, quia Decretum Sessionis IV. Concilii Constantiensis prout ad nos pervenit, genuinum non est. Secundo quia Decreta Sessionum IV. & V. sine debita communi deliberatione ab una tantùm Obdientia, videlicèt Joannis XXIII. eàque non
int

tegrâ , edita sunt , protestantibus etiâ ,
 contra illa Cardinalibus , & Gallix Regis Ora-
 toribus. Tertiò , quia Concilium Constantiense,
 Sessionibus iv. & v. non sufficientèr universam
 præsentabat Ecclesiam . Postremò , quia nec
 Patres Constantienses , post trium Obedientia-
 rum unionem , nec *Martinus V.* Pontifex Maximus ,
 hæc Sessionum iv. & v. Decreta unquàm confir-
 maverunt . Hæc sunt *Emmanuelis Schelstratii* argu-
 menta , quæ , ne longior sim , aliis Viris eruditis
 tractanda ac discutienda relinquo , nec plura ad-
 dem his , quæ de Sessionibus iv. & v. Conci-
 lii Constantiensis obiter dumtaxat & historicè
 attuli .

D. Magnam profectò laudem promerentur
 Patres Concilii Constantiensis , qui infestum illud
 diuturnum Schisma , quo discindebatur Eccle-
 sia , tandèm aliquandò extinxerunt , nec dubito ,
 cum pari zelo accensi ad vindicandam Catholi-
 cam Fidem , profligandosque id temporis Hæreti-
 cos suam omnem impenderint operam .

M. In asserenda Fide Catholica , & in exter-
 minandis Hæreticis , qui perniciosos errores te-
 merario ausu spargebant , emicuit quammaximè
 Concilii Constantiensis zelus . In primis ,
 Sessione octava , Patres Concilii Constantiensis
 damnarunt doctrinam ac memoriâ impii Hære-
 tiarchæ *Joannis Wikleffi* , ac præsertim ipsius Arti-
 culos quadraginta quinque , quorum alios ut no-
 ticiè Hæreticos , alios ut erroneos , quosdam ut
 scandalosos & Blasphemos , quosdam ut piarum
 veritatum offensivos , nonnullos , ut temerarios & se-
 ditiosos proscripserunt . Eiusdem Hæresiarchæ Li-

bro omnes, Tractatus & Scriptiones igne damnarunt. Damnationem insuper ducentorum & sexaginta Articulorum ejusdem *Wikleffi* ab Universitate Oxoniensi factam approbarunt Patres Concilii Constantiensis, & illius Hæresiarchæ ossa exhumari, & procùl ab Ecclesiæ sepultura secundùm Canonicas & legitimas sanctiones projici debere, jusserunt. Confixis erroribus *Joannis Wikleffi*, Patres Concilii Constantiensis Decretum ediderunt Sessione **xiii.** de Communionem sub unica specie: Laicis, iisque jejunis sumendâ, adversùs Bohemos Hussitas, declararuntque hanc Consuetudinem sumendi Communionem sub unica specie ad evitandum pericula & scandala legitimè in Ecclesiam fuisse introductam, licèt in primitiva Ecclesia Sacramentum Eucharistiæ sub utraque specie Fidelibus porrigeretur, cùm firmissimè credendum sit, *integrum Christi Corpus & Sanguinem tam sub specie panis, quàm sub specie vini veraciter contineri: Undè cùm ejusmodi consuetudo ab Ecclesia & Sanctis Patribus rationabiliter introducta, & diutissimè observata sit, habenda est pro lege, quam non licet reprobare, aut sine Ecclesiæ auctoritate pro libito mutare. Quapropter dicere, quòd hanc consuetudinem aut Legem observare, sit Sacrilegium aut illicitum, censeri debet erroneum, & pertinaciter asserent oppositum, tanquàm Hæretici arcendi sunt, & gravior puniendi. Præsulibus, etiam sub pœna Excommunicationis, jusserunt Patres Concilii Constantiensis, ut Presbyteros Communionem sub utraque specie ministrantes, tanquàm Hæreticos punirent, invocato etiam, si opus esset, brachii Secularis auxilio. Ventum est postea Sessione xv.*

Joannem Hussum, Hæresiarchæ Joannis Wicleffi discipulum, cujus errores triginta, ac Libros damnaverunt Patres Concilii Constantiensis, ipseque inquam Hæreticus declaratus, & uti talis ab ordi-
 Sacerdotali dejectus, & Curie Sæcularis judicio relictus, cùmque resipiscere nolle, ac suos curare errores, justo judicio per ignem è vivis solatus est, sicut in superiori Colloquio ostendimus. Triginta Joannis Hussi errores à Patribus Concilii Constantiensis damnati, ad istos sequentes revocari possunt. Primò, docebat, Ecclesiam constare solum Prædestinatis, ac subindè præscitis, seu reprobos, non esse partes, seu membra Ecclesiæ. Secundò, negabat, Summum Pontificem esse Caput visibile Ecclesiæ Romanæ. Tertiò, credebatur, nullum esse Dominum Civilem, nullum Prælatum, nullum esse Episcopum, dùm est in peccato mortali. Quartò, dictitabat, Hæreticos, non corrigi noluerint, Sæculari judicio non esse tradendos, & Obedientiam Ecclesiasticam, esse Obedientiam secundum adinventionem Sacerdotum Ecclesiæ. Quintò, effutiebat, singulos Sacerdotes & auctoritatem prædicandi habere, illosque Prædicationis officio, non obstante Excommunicatione, vel contrario mandato Papæ, abstinere non debere. Propter hos & similes alios errores, Hæresiarcha Lutherus in Scripto, quod in fine Epistolarum Joannis Hussi legitur, ait, Joannem Hussum magnis & excellentibus Spiritus Sancti donis ornatum, magnanimum fuisse, & fortem Christi Martirem, eumque Scriptis, dictisque suis doctrinæ Christianæ consensisse, & Mortem pro assertione veritatis percrasse. Postea subjungit: Si pro Hæretico habenda

*duſ eſt Joannes Huſ , haud facilè quiſquam omnium quos unquàm Sol vidit , verè Chriſtianus haberi poterit. Sed non animadvertit nefarius Hæreſiarcha Lutheruſ , quòd , dùm magnis præconiis Joannem Huſſum celebrat , ſeſe proprio gladio confodit & jugulat. Conſtat ſiquidem ex hiſ , quæ in ſuperiori Colloquio diximus , Joannem Huſſum propugnàſſe uſque ad extremum vitæ ſpiritum multa dogmata , quæ etiamnùm tenet ac docet Eccleſia Romana , videlicèt de ſeptem novæ legiſ Sacramentiſ , de Purgatorio , de invocatione Sanctorum , de incruento Miſſæ Sacrificio &c. Quæ tamen dogmata ſe execrari palàm profitetur Lutheruſ. Quorſum ergò ille Hæreſiarcha laudat Joannem Huſſum , aſſertorem multorum dogmatum , quæ ipſemet Lutheruſ tanquàm nefanda , impia , fallax & ſacrilega improbat , damnat , & deteſtatur in Eccleſia Romana. Certè *Menſura & menſura , ponduſ & ponduſ , utrumque abominabile Domino* . Se miſſo Hæreſiarcha Luthero , qui nullibi ſibi conſtat , & calidum ac frigidum ſimul ex eodem ore perſtat ; alia percenſeamuſ , quæ Patreſ Concilii Conſtantiendiſ ad vindicandam contra Hæreticam Catholicam fidem decreverunt . Sèſſione decimâ Concilii Conſtantiendiſ in Confeſſum Petrum introductuſ *Hieronymuſ de Praga* , error *Wickleſſi* , & Joanniſ Huſ ejuravit , & quidquid hactenueſ dixiſſet , eorum judicio ſubjecit , ſequæ tue dæ Eccleſiæ Catholicæ veritati ſemper daturuſ operam profeſſuſ eſt , & Canonum ſeveritati obnoxium fore , ſi contrà ſentiret aut prædicare. Verùm , in Hæreſim , quam ejuraverat , tanquàm ad volutabrum ſuſ lota , cùm reſapſuſ fuiſſet*

mus de Praga, damnatus est à Patribus Concilii constantiensis Sessione vigesimâ primâ , & sæcra potestati traditus , per ignem & rogam perijussus est . Mirro alios errores , videlicet *Mathei Grabonis*, *Nicolai Serurarii*, & *Joannis Parvi*, quos proscripserunt Patres Concilii Constantiensis, de his quippè erroribus sat superque egimus superiori Colloquio .

D. Edideruntne Patres Concilii Constantiensis aliquas Leges, seu Decreta pro reformationum, & instauratione Ecclesiasticæ Disciplinae ?

M. Quod morum reformationis negotium continet , maxima fuit in Concilio Constantiensi circa illud Cardinalium & Nationum dissensio . Reformationes quippè Germanica & Anglica , urgente *gismundo* Imperatore, morum reformationem, electioni Pontificis Maximi præmitti volebant ; Cardinales verò cum Nationibus Italica, Hispanica, & Gallicana, prius Romani Pontificis electionem fieri debere quàm morum reformationem, contendebant , quia si *Reformatio fienda est de deformis* , quæ major est , inquiebant , aut esse potest in corpore deformitas , quàm carere Capite , & acie balum esse ? illa igitur prior tanquam magis necessaria debet esse Reformatio , quæ corpus ipsum ad Ca-
pitulum reformet , & informet . Id legitur in Protestatione ab ipsis factâ post Sessionem xxxvi i i . quam ex quatuor Codicibus MSS. edidit *Emmanuel Schel-
rati*us Vaticanæ Bibliothecæ Præfectus. Ob illam Cardinalium ac Nationum circa Reformationem morum dissensionem, de qua legi potest *Gobelinus* persona in fine sui *Cosmodromii*, dilatum est istud

negotium usque ad electionem *Martini V.* qui tandem Sessione quadagesimâ tertiâ, ut Patrum Concilii Constantiensis Decreto de submovendis multiplicibus abusibus & reformandis moribus faceret satis, publicari jussit aliqua Statuta de exemptionibus, unionibus & fructibus Beneficiorum; de Simonia, dispensationibus, decimis, & aliis oneribus Ecclesiasticis; de Vita & honestate Clericorum, illorumque habitu & tonsurâ; de numero & qualitate Cardinalium; de scientia eorum, qui ad Episcopalem dignitatem provehuntur; de Reservationibus Sedis Apostolicæ, de Annatis, & de aliis id genus. Cæterum, scribit *Platina* in *Vitis Romanorum Pontificum*, seu in *Vita Martini V.* de componendis moribus nimiam licentiâ jam labefactatis tam Laicorum, quam Clericorum mentionem in Concilio Constantiensis factam quidem fuisse, sed, cum jam quartus ageretur Concilii annus, magno omnium Patrum, qui ei intererant, incommodo, placuisse *Martino V.* Pontifici Maximo rem tantam in aliud tempus magis idoneum transferre, eò maximè quòd una quæque Provincia suos haberet sensus, suasque consuetudines, quæ tolli sine perturbatione rerum subito non possent. Ut autem de nimia procrastinatione conquerendi locus esse non posset *Martinus V.* Sessione Concilii Constantiensis quadagesimâ quartâ locum futuri Concilii Generalis, de omnium consensu, designavit Civitatem Papiensem, ad quam cuncti tempore indicto venire deberent.

D. Fuitne reverà celebratum Concilium istud, quod ad reformationem morum *Martinus V.*
 Sessio

sione quadragessimâ quartâ Concilii Constantiensis indixerat Papiæ congregandum?

M. Elapso post finem Concilii Generalis constantiensis quinquennio, *Martinus V.* anno millesimo quadringentesimo vigesimo tertio misit Papiam, seu Ticinum, Prælatos, qui Concilium conchoarent, videlicet *Petrum Donatum*, Archiepiscopum Cretensem, *Jacobum*, Episcopum Spontanum, *Petrum*, Abbatem *De Rosario* Aquilejensis Diœcesis, Ordinis *S. Benedictini*, & *Leonardum de Florentia*, Magistrum Ordinis FF. Prædicatorum; et alios Apostolicæ Nuntios, quos alii secuti sunt alia Præsules. Huic Concilio Papiensi datum est initium mense Majo anni mccccxxi. Sed, cum illi adhuc Episcopi Transalpini advenissent, & prætereâ pestiferâ lue Papiense Cælum esset infectum, consultius visum est *Martino V.* Pontifici Maximo mutare locum Concilii, illudque in Urbem Senensem transferre, undè dictum est Concilium Senense.

D. Concilium istud Senense debetne inter concilia Oecumenica, seu Generalia, annumerari?

M. Synodum Senensem Conciliorum Generalium numero, jure merito accenseri debere, quatuor, quæ hîc subjicio, momenta invictè probare videntur. Primum est, quòd *Martinus V.* Pontifex Maximus, in Epistola quam anno mccccxxi. scripsit ad *Alphonsum* Aragoniæ Regem, Concilium istud Senas translatum appellet generale his verbis: *Quia*, inquit in prædicta Epistola, *ex justa causa translatio Concilii Generalis de Civitate Papiensi ad Civitatem Senensem, per ipsum*

Concilium est decreta, & approbata per Nos, Excellentiam tuam rogamus, ut operam facias, quòd Prælati de Regnis tuis veniant ad reformandum cum cæteris Statum Ecclesiasticum & libertatem Ecclesiæ conservandam. Alterum momentum est, quòd ipsa met Synodus Senensis se Oecumenicam inscripserit in concessione Indulgentiarum iis, qui Hæreticos ceperint, eosque in potestatem Inquisitorum aut Ordinariorum tradiderint. Sic enim habet *Sacrosancta Synodus Senensis in Spiritu Sancto legitime congregata, universalem Ecclesiam representans, statuit &c.* Tertium momentum petitur ex declaratione Concilii Basileensis, quod Sessione II. aperte innuit, se *Sacris Constantiensi & Senensi Generalibus Conciliis decernentibus atque Ordinantibus, & Auctoritate Apostolica interveniente, fuisse, & esse debite legitimeque ac rite congregatum & initiatum.* Quartum momentum suppeditat *Eugenius IV. Pontifex Maximus, Martini V. successor, qui in Constitutione Dudum, promulgatâ Sessione XVI. Concilii Basileensis, Concilium Senense, non minus quàm Constantiense, Oecumenicum appellat: Dudum, inquit, Sacrum Generale Basileense Concilium, per Generalium Constantiensis, & Senensis Conciliorum Statuta, Ordinationesque felicitis recordationis Martini Papæ V. ac nostras legitime inchoatum, &c.* Addo etiam, Concilium Senense inter Concilia Oecumenica annumerari debere, cum pro fide Catholica & unitate Christiana, pro facienda reformatione morum, ac sancienda Ecclesiæ Disciplina fuerit à Summo Pontifice Martino V. convocatum, quamvis ob temporis brevitate & exiguum Prælatorum numerum pauca decreverit.

Cum

D. Cùm Generale Concilium universam præsentet Ecclesiam, certè non video, quâ ratione inter Concilia Oecumenica annumerari possit Concilium Senense, cui pauci, ut mox insinuaſti, interfuerunt Episcopi.

M. Ex illo exiguo numero Episcoporum, qui Concilio Senensi interfuerunt, argui minimè potest, illud non fuisse Oecumenicum. Nam ad primam Synodum Constantinopolitanam, quæ celebrata est anno cccclxxxi. non omnes ex toto Orbe convenerunt Episcopi, sed solum Orientales, & tamen universalis Ecclesiæ accedente consensu & approbatione, Oecumenica habitata, eamque ut talem suscipit ac veneratur Ecclesia Catholica. Ita pari quoque ratione, licet ad Concilium Senense frequentes ex tota Ecclesia non confluerint Episcopi, quia tamen à *Martino V.* fuit convocatum, & *Eugenii IV.* auctoritate approbatum, atque totius Ecclesiæ consensu tantam Oecumenicum susceptum, jure merito Conciliis Oecumenicis accenseri debet.

D. Quid in Concilio Senensi gestum, quid definitum fuit?

M. In Concilio Senensi, cui præfuerunt dem jam laudati Sedis Apostolicæ Nuntii, quos primum *Martinus V.* ad inchoandum Concilium apienſe miserat, damnatio Hæresum Wicleffitarum & Hussitarum in Concilio Constantiensi facta confirmata est. Deindè, exauctorationis sententia in *Petrum de Luna*, olim *Benedictum XIII.* in sua Obedientia nuncupatum, ab eodem Concilio Constantiensi lata, denuò fuit approbata, pœnisque ac censuris subiecti sunt hi, qui post illius

illius Antipapæ obitum in eodem Schismate adhuc perseverabant . Postremò , de Græcorum ad unitatem Ecclesiæ Latinæ reductione actum est . Rebus quippè Græcorum in dies , ob crudelissimum Turcarum Bellum , in deterius vergentibus , miserat *Manuel Palæologus* , Græcorum Imperator , Legatos *Theoderum* , Episcopum Rhodium , & *Nicolaum Eudemonem* - *Joannem* ad *Martinum V.* Pontificem Maximum ad procurandam Ecclesiæ Græcæ cum Latina unionem . Hos Legatos perbenignè ac splendidè excepit Pontifex , misitque Constantinopolim Legatum *Antonium Massanum* , Ordinis FF. Minorum Generalem Ministram , qui *Manueli* , Græcorum Imperatori , & *Josepho* , Patriarchæ Constantinopolitano , exposuit vehementissimum desiderium *Martini V.* & omnium Cardinalium de unione Ecclesiarum Græcæ & Latinæ . Respondit Imperator , se ardentibus quidem votis exoptare unionem Ecclesiæ Græcæ cum Latina , ad eam tamen feliciter promovendam necessarium omninò esse , ut universale cogeretur Concilium secundum ordinem & consuetudinem Sanctorum septem Conciliorum Generalium , & quod in eo suaderet Spiritus Sanctus , id omnes unanimi consensu tenerent . De loco verò & modo , ac tempore celebrandi Concilii nullum locum aptiorem videri ipsa civitate Constantinopoli , quandò quidem , ob ingruentia bella , & Imperii Græcorum penuriam , non possent Græci aliò ire . Quod spectat modum celebrandi Concilium , minimè necesse fore , ut omnes Patriarchæ & Episcopi interessent , eorum verò , qui accessuri erant , & Concilii expensis à Pontifice Romano provideri debere .

re. De tempore autem habendi Concilium, cum essent modò res Græcorum adeò turbatæ, & furcis attritæ, ut impossibile videretur Patres congregari, si quàmprimùm tranquillitas aliqua euceret, certiozem se facturum Pontificem. Ultimò, promisit Imperator, se daturum operam, ut intra annum Constantinopoli celebraretur Concilium, dummodò Pontifex sumptus ad ejus celebrationem necessarios suppeditare vellet, & apud Latinos Christianos Censuris acerrimis ageret, Græcis ad extremas redactis angustias, quàmminimùm suppetias ferrent. Hanc Imperatoris Græcorum Responzionem cum *Antonius Massaeus* (cujus Legationis apud Græcos susceptæ Ratio habetur in Actis Concilii Senensis) ad *Martinum V.* & ad Synodum Senensem detulisset, delevit nihilominus Synodus Senensis, hoc unionis ecclesiæ Græcæ cum Latina ineundæ negotium non se deferendum, sed in illud, dùm opportunior se daret occasio, pro viribus incumbendum; aterim verò, necessariam Catholicæ Ecclesiæ reformationem esse promovendam. At ne fieret hæc horum reformatio, impedimento fuerunt foedionatus *Alphonfi* Aragonum Regis, Schisma in Concilio Constantienti extinctum, renovare moientis. *Alphonfus* siquidem, Aragoniæ Rex, iratus *Martino V.* quòd ei negatum Regis Siciliæ titulum, *Ludovico III.* Andegavensi concessisset, causam Antipapæ *Petri de Luna*, dicti *Benedicti XIII.* defendendam suscepit, & ut in Concilio Senensi denuò discuteretur, urgebat. Eam ob rem *Martinus V.* Concilium Senense die xix. mensis Februarii an. millesimi quadringentesimi vigesimi quarti abru-

abrupit, & ad prosequendam commodiori loco & tempore reformationem in eo inchoatam, civitatem Basileensem ad Concilium Oecumenicum septennio post celebrandum designavit, & re ipsa post expletum à Senensis Concilii fine septennium *Martinus V.* misit anno mccccxxxi. *Julanium* Cardinalem Diaconum S. Angeli, Legatum à latere eumque Basileensis Concilii Præsidentem instituit Sed mortuo *Martino V.* eodem anno mccccxxxi *Eugenius IV.* ei in Sede Apostolica successus, Concilii Basileensis indictionem Litteris pridie Kalendas Junii ejusdem anni datis ratam habuit, & *Juliani* Cardinalis Legationem, ipsique à *Martino V.* commissam Præsidentis Concilio Basileensi potestatem confirmavit.

D. Audivi nuperrimè à viris eruditis, Synodum Basileensem fuisse reprobata ab *Eugenio IV.* Pontifice Maximo, quorsum ergò assensu, *Eugenium IV.* ratam habuisse indictionem Concilii Basileensis, & *Juliani* Cardinalis Legationem eique à *Martino V.* commissam præsidentis Concilio Basileensi potestatem auctoritate Apostolica confirmasse?

M. Constans est omnium Sententia, *Eugenium IV.* ratam habuisse indictionem Concilii Basileensis, & *Juliani* Cardinalis Legationem, sicut & potestatem ei à *Martino V.* datam huic Concilio præsidentis confirmasse, ac proindè Concilium Basileense in suis primordiis, hoc est, in aliquo Sessionibus (de earum quippè numero non unanimum est Sententia) veri ac legitimi Concilii formam habuisse, quamdiù videlicet annuente *Eugenio IV.* & sub præsidio *Juliani* Cardinalis, & Sedi

Slis Apostolicæ Legati continuatum fuit . At,
postquam *Eugenius IV.* Concilium Basileense dissol-
vit, illudque Ferrariam transtulit, post discessum
Legati Pontificis, Synodus Basileensis sub præsi-
dio *Ludovici* Cardinalis Arelatensis, continuata,
ritoque Pontifice prorogata, desit esse vera ac
legitima Synodus, quamvis negari haud possit,
eam convocationem fuisse legitimam ac Oecume-
nicam Synodum, utpotè à *Martino V.* & *Euge-
nio IV.* Summis Pontificibus indictam, & aliquan-
tùm sub præsidio *Juliani* Cardinalis, & Sedis Apo-
stolicæ Legati continuatam . Quòd verò Synodus
Basileensis, postquam ab *Eugenio IV.* Pontifice Ma-
ximo dissoluta fuit, & Ferrariam translata, de-
erit esse vera ac legitima Synodus, immò &
conciliabulum Schismaticum evaserit, multis mo-
entis demonstrari potest, primò, quia *Euge-
nius IV.* ob publicam necessitatem, & evidentem
ecclesiæ utilitatem Concilium Basileense dissolvit,
& Ferrariam transtulit . Procuranda quippè erat
tum temporis Ecclesiæ Græcæ cum Latina unio,
quæ consummari haud poterat absq; celebratione
illicujus Concilii Oecumenici, cui præsideret Sum-
mus Pontifex . Basilea autem Græcis commoda
non erat, nec ipsi ad hanc Urbem ut potè nimium
dissitam accedere volebant, sed ad Urbem ali-
quam Calabriae Maritimam, Anconam, aut alte-
ram Italiae civitatem . Summus etiam Pontifex
Eugenius IV. propter adversam valetudinem Italia
excedere non poterat, inquit, *Augustinus Patritius*
in Historia Conciliorum Basileensis & Florentini
cap. 42. Meritò itaque *Eugenius IV.* ob tantum bo-
num, quod ex ea Ecclesiæ Græcæ cum Latina

unione oriri poterat , & cujus certa spes affulge-
 bat , Concilium Basileæ inchoatum Ferrariam ,
 postea Florentiam transtulit , civitatem sibi, Gra-
 cisque commodam . Eâ autem Concilii transla-
 tione semel ab *Eugenio IV.* Pontifice Maximo fa-
 ctâ, omni auctoritate excidit Concilium Basileen-
 se . Tunc enim Concilium Basileense mansit ac-
 phalum , idest , sine capite , cum Summus Pont-
 fex , sine quo vera & legitima Concilia Generalia
 juxta Regulam Ecclesiasticam celebrari non po-
 sunt , neque per se , neque per Legatos ei præfu-
 rit . Præterea, post Legatorum Pontificis, & mu-
 ritorum Episcoporum discesum, adeò pauci in Co-
 cilio Basileensi remanserunt Episcopi , ut loci
 Episcoporum simplices Presbyteri ad vocem
 etiam decisivam fuerint admissi , sicut testatur
Aeneas Sylvius lib. 1. de Concilio Basileensi .
 Quia autem contra formam & morem omnium legiti-
 morum Conciliorum fuisse actum , nemo est , qui
 non videat . Tertiò , dissoluto Concilio ab *Eug-
 nio IV.* Pontifice Maximo , Concilium Generale
 celebrabatur Ferrariæ, ac paulò post Florentiæ, c-
 præerat Summus Pontifex *Eugenius IV.* eique ad-
 rant Episcopi Græci & Latini in magno numero .
 Cum igitur unum tantum Generale Concilium
 uno tempore haberi possit , & aliundè constet
 Concilium Florentinum inter Concilia Generalia
 numerari , planè consequitur , Concilium à Pati-
 bus Basileensibus post ejus dissolutionem cont-
 nuatum veri ac legitimi Concilii rationem & fo-
 rnam non retinuisse , sed potius fuisse vanum
 inane Conciliabulum . Quartò , Concilium Bas-
 leense , post ejus dissolutionem factam ab *Eug-*

ni Quarto Pontifice Maximo, induxit Schisma in Ecclesiam, & *Eugenio IV.* Summo Pontifici legem meo creato, quemque fideles omnes ut verum Pontificem, & Christi Domini in terris Vicarium agnoscebant & colebant, opposuit *Felicem V.* Antipapam, qui tamen, veritate tandem aliquandò victa, Pontificatu se abdicavit, seque *Nicolao V.* Successori *Eugenii IV.* subiecit. Hanc injustam, *Eugenii IV.* legitimi Pontificis depositionem factam in hoc Conciliabulo Basileensi, sicut & *Felicis V.* Antipapæ intrusionem publicâ calamitate, & utum castigavit Deus. Eo quippè tempore in sæva pestis, teste *Aenea Sylvio* lib. 2. de *Concilio Basileensi*, grassata est Basileæ; & tam multi homines vel extincti sunt, vel inde abire coacti, ut Christus ipse pro *Eugenio IV.* legitimo in terris Vicario suo pugnare videretur. Ex his itaque momentis hætenus à me adductis liquidò patet, Concilium Basileense, quod convocatione, & antequàm à Summo Pontifice *Eugenio IV.* dissolveretur, erat Oecumenicum, desisse in Conciliabulum, & faustum planè habuisse exitum. Sic turpem desit in piscem, mulier formosa superne.

D. Ediditne Synodus Basileensis, antequàm ab *Eugenio IV.* Pontifice Maximo Ferrariam transferretur, aliqua Decreta Ecclesiæ salubria, sive ad stabiliendam adversus Hæreticos Catholicam fidem, sive ad restaurandam Disciplinam, & faciendam reformationem morum.

M. Synodus Basileensis, priusquàm ab *Eugenio IV.* Ferrariam transferretur, confirmavit Sessione primâ, sicut jam observavimus in superiori Collo-

Colloquio, damnationem Hæresum Joannis W
cleffi, & Joannis Hus factam in Concilio Consta
tientiensi. Proscripsit etiam Sessione vigesimâ secu
da quasdam erroneas propositiones excerptas
libro *Augustini de Roma*, & ad Sanctæ Ecclesiæ Ro
manæ gremium reduxit Hæreticos Bohemos
qui ad hanc Synodum Basileensem Oratores mis
runt, ut quatuor de Religione proponerent cap
ta, in quibus à Romana dissentiebant Ecclesia
Primum erat de Communione Divinæ Euchar
sticiæ, quam sub utraque specie, panis videlicet
vini, his, qui salvi esse velint, necessariò sumen
dam affirmabant. Alterum, de Civili Dominio
quod Clericis Divinâ Lege omninò interdictum
dicebant. Tertium, de Prædicatione Verbi De
i quam liberam, passimque permissam omnibus a
tuebant. Postremum, de publicis delictis, quæ
nullâ ratione toleranda arbitrabantur, etiam ma
joris mali vitandi gratiâ. Ad hæc quatuor potius
mum de Religione Capita, seu Articulos, Boh
emi hæresi Joannis Hus infecti suæ ab Ecclesia Ro
mana dissensionis causam revocabant. Quam
enim plurima essent, quæ adversus Catholica fidei
veritatem prædicare non dubitarent, hæc tam
coram Concilio quasi totius Regni Bohemiæ no
mine dicta tueri tantummodò se posse affirm
runt, ut testatur *Aeneas Sylvius*. Circa quatuor
illos propositos Articulos, quos Bohemi *Comp
etata* appellarunt, quique primum Pragæ die
ultimâ Novembris anni mccccxxxi. concep
postmodum Iglaviæ, quod Moraviæ oppidum est
an. mccccxxvi. consummati ac firmati fuerant
hæc, teste Joanne Cochleao libro Octavo *Histor.*

itarum , pronuntiavit Synodus Basileensis .
 primum Articulum , qui est de communione
 tenenda sub utraque specie, Concilium, inquit lau-
 das Cochleus , Sacerdotibus Regni Bohemiæ , &
 Archionatus Moraviæ , communicandi sub utraque
 specie populum , eas videlicet personas , quæ in annis
 retentionis reverentè , & devotè postulaverint , fa-
 ctatem pro earum utilitate & salute in Domino lar-
 ger hoc semper observato , quòd Sacerdotes sic com-
 municantibus semper dicant , quòd ipsi debent firmi-
 credere , quod non sub specie panis caro tantum ,
 sub specie vini sanguis tantum , sed sub qualibet
 specie est integer , & totus Christus . Ad secundum
 Articulum , in quo Civile Dominium , Clerici
 Divinâ Lege omninò interdictum agebant Bo-
 ni , duo statuit Concilium Basileense , primò ,
 quòd Clerici non Religiosi , seu qui voto se ad hoc non
 obligarunt , licitè possunt habere & possidere quacum-
 que bona temporalia , hæreditates paternas , aut alio-
 rum , si eis reliquantur , & alia bona justè acquisita ,
 causa donationis , vel alterius liciti contractus ,
 arte licita . Secundò , quòd Ecclesia potest licitè
 habere & possidere bona temporalia , mobilia & im-
 mobilia , domos , prædia , villas , oppida , castra , ci-
 tates , & in eis habere privatum & civile domi-
 nium . Ad tertium Articulum , qui est de libera
 prædicatione , sic decreverunt Patres
 Concilii Basileensis : dicimus , quòd secundum Scri-
 pturæ Sacræ sententiam , Sanctorumque documenta
 Sanctorum , sic Catholicè est tenendum : Quòd Verbum
 Dei à Sacerdotibus Domini , & Leviticis , & per Su-
 periores , ad quos pertinet , approbatis & missis , li-
 berè , non tamen passim , sed ordinatè & fidelitè præ-

dicetur; salva auctoritate Pontificis, qui est præordinator in cunctis, juxta SS. PP. instituta. Ad quartum denique Articulum, qui est de corrigendis peccatis publicis, ita definierunt Patres Concilii Basileensis: Dicimus, quòd secundum Scripturam Sacram sententiam, Sanctorumque documenta Doctorum, sic Catholicè est tenendum: Quòd omnia peccata mortalia præsertim publica, quantum rationabiliter fieri test, secundum Legem Dei, & Sanctorum Patrum Instituta, sunt cohibenda, corripienda, & eliminanda. Potestas autem puniendi criminosos, non ad privatas personas, sed ad eos tantummodò pertinet, jurisdictionem habent in eos, fori distinctione, & justitiæ ordine observatis. Hos quatuor Articulos à Patribus Concilii hunc in modum explicare approbarunt tandem Bohemi, & ad fœdus, quod cum Catholicis pepigerunt, confirmandum, instrumentum publicum ediderunt, quod *Compositata* appellarunt. At, istud fœdus alii Hussitæ Bohemia, dicti *Taboritæ*, & *Orphani* inire detestantur, & Duce *Procopio Raso*, perditæ audaci homine, *Pilznam* oppidum obsederunt, sed eorum exercitus, cum scelerato Duce ferro exterminati ac deleti sunt à *Mainardo* & Catholicis exercitu. Post tam celebrem reportatam vicariam, Imperator *Sigismundus* à Bohemis in Regnum susceptus est, & Pragam magno cum apparatu vi. Kalend. Septembris anni mccccxxxvi. ingressus, ad restituendam in hac civitate profligatam penè Catholicam Religionem, jussit *Philippum* Episcopo Constantiensi in Normannia, ejusque Collegis à Synodo Basileensi missis, ut absque contradictione Ecclesiasticos introducerent ritus, Sacramen-

des instituerent , ex Missarum Solemnibus vulgaria verba , cantilenasque expungerent , Sanctorum Imagines revocarent , Aquam benedictam , in sacris Ædibus reponerent , Baptismatis fontes facerent , Altaria ornarent , & spurcicias omnes à cunctis eliminarent . Omnium Ordinum Viros Religiosos , & Canonicos , qui ab Hussitis expulsi fuerant , Pragam revocavit *Sigismundus* , & ut Hussitas , dictos *Taboritas* superioribus cladibus superstitibus , facilius in gremium Catholicæ Ecclesiæ reduceret , eis concessit , ut quinquennium toto suis moribus viverent , jura civitatum haberent , Religionis cultum mutare non cogerentur . Sed , cum nefandos eorum ritus *Sigismundus* accepisset , noluit quinquennium expectare , sed eos absque mora in ordinem redegit , & *Hussitanam* , præcipuum Hussitarum Pragensium , sectorem , verbis tumultuantem , & in Monachos suggestu debacchantem , à Praga fugere compulsi . Hoc pacto *Sigismundus* , votis *Eugenii IV.* Pontificis Maximi , & Decretis Concilii Constantiensis secundans , Pragæ , & in toto Bohemiæ Regno Catholicam Religionem feliciter restituit . Præter hæc Decreta , quæ Concilium Basileense , antequam ab *Eugenio IV.* dissolveretur , edidit , ad rem adversus Hæreticos Hussitas vindicandam , & eos ad Ecclesiæ Catholicæ gremium reducendos : alia constituit pro reformatione morum . Illia Decreta , præsertim contra Clericos Simonicos , Concupinarios , & Ecclesiæ bona dilapiantes &c. quæ hîc referre nimis longum esset . Brevitèr dumtaxat observabo , nonnullos esse Scriptores , qui inter Decreta Concilii Basileensis hoc

præsertim probandum maximè censent, quæ prædicta Synodus doctrinam de Immaculatæ Conceptione Dei-paræ Virginis *ab omnibus probandam fore, tenendam, & amplectendam* definivit ac declaravit. Verùm, non advertunt illi, hocce Decretum fuisse conditum Concilio Basileensi Sessione xxxvi. quando vix licet jam erat acephalum, utpotè dissolutum ab *Eugenio IV.* ac proinde istud Decretum non fuisse ab illo Summo Pontifice confirmatum, nec approbatum unquam à Sede Apostolica, quæ semper ad suam dignitatem & auctoritatem jure merito pertinere putavit, Decreta maturare, magis, quàm festinare, & illis, quantum fieri potest, pondus addere, non solum auctoritate, quæ certè summa est, sed etiam Scriptura & Traditione, ad quam veluti ad Regulam, suas semper definitiones exegit, contundendæ hæreticorum audaciæ, & piorum Fidei promovendæ causâ. Sed hætenus satis dictum fuit Concilio Basileensi, quod licet recipiendum tanquam verum & legitimum Concilium Generale in his Sessionibus, quæ ab *Eugenio IV.* Summo Pontifice approbatæ, atque confirmatæ sunt, rejiciendum tamen est, ut inane & nullius auctoritatis Conciliabulum, in his Sessionibus, quæ ab eodem Summo Pontifice sunt rejectæ & reprobatæ. *Contilium Basileense*, inquit optime *Bellarminus*, *legitimè fuit inchoatum, sed illegitimè terminatum.*

D. Cùm *Eugenius* Papa *IV.* post dissolutionem Concilii Basileensis, aliam Oecumenicam synodum Ferrariæ anno mccccxxxviii. habendam

nerit, necesse est, ut de ea Synodo Generali
ariæ celebratâ, & de his, quæ in ea gesta sunt,
ordine differamus.

M. Concilium istud Generale Ferrariæ ha-
m est, ad promovendam unionem Græco-
cum Latinis, & ad illud *Joannes Palæologus*,
corum Imperator, *Josephus*, Patriarcha Con-
tinopolitanus, cæterorum Orientis Patriar-
um Vicarii, variique Præsules cum Græci,
Latini accesserunt. Interim, priusquàm in-
aretur Concilium, nonnullæ velitationes de
gatorio, & de Sanctorum beatitudine Græcos
& Latinos habitæ sunt, ex quibus comper-
fuit, levi discrimine utramque Ecclesiam,
a ea dogmata dissidere. Græci quippè ultrò
ittebant Purgatorium, seu locum tenebro-
& mæroris, in quo Animæ levibus peccatis
oxiæ ad tempus in mærore, pœnisque versen-
, divino lumine privata, easque purgari, sed
lo illo obscuro, & afflictione liberari preci-
& Sacrificiis Sacerdotum, ac Eleemosynis.
œnas illas Purgatorii ignis cruciatu non defi-
bant Græci, quemadmodum Latini. Similiter,
eci Animas Sanctorum jam frui imperfectâ
dem beatitudine, & post Resurrectionem cor-
um perfectâ potituros felicitate fatebantur.
nt tamen inter eos nonnulli, qui asseriebant,
ctorum Animas ante Resurrectionem corpo-
n in loco versari separato, ibique lætari de
fectâ, quæ ipsos post corporum Resurrectio-
n manet, laureolâ, absolutâque beatitudine, &
optione Regni Dei. Sed, post frequentes de
titudine Sanctorum habitas Collationes, in

eam tandèm Sententiam iverunt cùm Græci, tu Latini, atque declararunt, *Sanctos consecutos, non consecutos esse beatitudinem, hoc est, Animas quidem, ut Animas, ad perfectam pervenisse beatitudinem; in Resurrectione tamen perfectiorem esse consecuturas cum propriis corporibus*. Post promissas illas de Purgatorio, & beatitudine Sanctorum Græcos inter & Latinos velitationes, solennes habitæ sunt Ferrariæ sexdecim Sessiones, in quarum primâ *Bessario* Nicænus Archiepiscopus Græcorum tùm doctrinâ, tùm facundiâ fac Princeps, elegantem ad Patres Orationem habuit. In altera Sessione *Andreas* Colossensis, & *Rhodus* Archiepiscopus, ex Ordine Prædicatorum, non minus eleganter peroravit, & Summi Pontificis, Imperatoris, Patriarchæ, & Synodales laudes celebravit. In tertia, & in aliis sequentibus Sessionibus usque ad decimam quintam inclusivè, variæ disputationes Græcos inter & Latinos more dialectico habitæ sunt de quinque potissimum Capitibus inter utramque Ecclesiam controversis, videlicet de Processione Spiritus Sancti à Patre, & Filio; de additione ad Symbolum particulæ, *Filioque*; de panis azymi vel fermentati usu pro materia Sacrificiî; de Purgatorio de Primatu Romani Pontificis. Pro Græcis computarunt in Concilio *Marcus*, Metropolitæ Ephesus, *Isidorus* Russiæ, *Bessario* Nicæus, Archiprælati; *Xantophalus* *Siderophas*, Magnus Vasorum Custos, *Michael Balsamon* magnus Bibliothecarius, & *Georgius Gemistus*. Pro Latinis verò disputationem susceperunt *Julianus Cesarinus* Sancti Petri, & *Nicolaus Alberghatus* Sanctæ Crucis in F.

alem, Cardinales; *Andreas* Rhodius Archiepiscopus, ex Ordine Prædicatorum, *Joannes* Episcopus Foroliviensis, *Joannes de Monte Nigro*, Ordinis FF. Prædicatorum, & Provincialis Lombardie; *Petrus Perquerii*, Ordinis Minorum, & *Joannes de Sancto Thoma*, Ordinis Eremitarum Sancti Augustini, in Sacra Theologia Doctores. Diu, ultimumque Græcos inter & Latinos magnis animis disputatum est, præsertim de adjunctâ Symbolo voce *Filioque*, affirmantibus scilicet Græcis, hanc vel unicam vocem fuisse Schismatis causam. Concilii Oecumenici Ephesini, & aliarum subsequentium Synodorum Generalium Decreta, quibus alteram fidem componi aut proferri, præteream, quæ Symbolo Nicæno contenta est, distribuitur, prohibetur, recitarunt Græci, ex quibus colligebant, Additionem particulæ *Filioque* ad Symbolum fieri non potuisse. At Latini hæc Conciliorum Generalium Decreta sic interpretati sunt, ut iis solummodò vetitum fuerit, alteram fidem, seu Formulam conscribi, quæ contraria, aut minus consona foret Christianæ doctrinæ Symbolo contentæ, non quæ eam explicatiùs enuntiaret. Porro, subjungebant Latini, hæc particula, *Filioque*, non propriè additamentum est, sed uberior explicatio horum verborum, *qui à Patre procedit*, quod multis exemplis confirmarunt *Andreas* Colossensis, seu Rhodius Archiepiscopus, ex Ordine Prædicatorum, *Joannes* Episcopus Foroliviensis, & *Julianus Casarinus* Cardinalis. Hanc autem particulæ, *Filioque*, ad Symbolum adjunctionem non fuisse Schismatis causam, quemadmodum falsò pertendebant Græci, ex eo invictè proba-

runt Latini , quòd antequàm Romanus Pontifex
permitteret , ut hæc vox, *Filioque* , Symbolo in-
fereretur , jam Symbolum cum particula , *Filio-
que*, in Hispaniis, & Galliis publicè caneretur, nec
tamen propter illam additionem Græci tum
temporis ab Ecclesia Romana secesserunt , sed
potiùs cum illa fuerunt amico fœdere juncti. Quin-
nono Ecclesiæ Sæculo *Photius* , Patriarcha Con-
stantinopolitanus , Ecclesiæ Romanæ hostis in-
fensissimus , qui adversùs *Nicolaum I.* & *Hadria-
num II.* acriter invehit , nunquàm tamen illos
accusavit ob hanc additionem particulæ , *Filio-
que*, Symbolo factam . Hæc , & alia id genus ur-
gentissima eruditè & copiosè ad explicandum
Decretorum Synodorum Generalium genuinum
sensum dixerunt Latini , nihil tamen confectum
est , sed ambæ partes victoriam sibi arrogarunt.
Tandem, post tredecim Collationes , Latini obti-
nuerunt , ut dimissis his de additamento vocis
Filioque , concertationibus , de significatione vo-
cis , seu de ipsomet Dogmate de Processione
Spiritus Sancti à Patre *Filioque* disceptaretur, ita
tamen ut, si opus foret , hoc caput ad novam Cri-
sim, & accuratius examen revocaretur . His per-
actis , cùm Ferrariæ pestilentia grassaretur , de-
transferendâ Florentiam Synodo Sessione xv
actum est, renitentibus quidem Græcis, qui tædi-
affecti , & de fausto Concilii exitu tantùm non
desperantes , de reditu in patriam cogitabant
quos tamen *Joannes Palæologus* , Imperator , ac-
prosequendum & feliciter absolvendum diù om-
nium votis exoptatæ Ecclesiarum unionis nego-
tium confirmavit , Consentientibus itaque Græ-
cis

M. Translato Florentiam Concilio, *Joan-*
de Monte Nigro Provincialis Provinciæ Lom-
 bardiæ Ordinis Prædicatorum, summi vir inge-
 ni, de processione Spiritus Sancti à Patre & Filio
 sessionibus XVIII. XIX. XX. XXI. XXII. XXIII. &
 XXIV. disputationem instituit cum *Marco Metro-*
polita Ephesino, tamque diserta ad probandam
 unitatem Spiritus Sancti à Patre Filioque processionem ad-
 duxit testimonia tum Patrum Ecclesiæ Orientalis,
Nicæni, Epiphani, Cyrilli Alexandrini, & aliorum,
 tum Patrum Ecclesiæ Occidentalis, scilicet *SS.*
Leonis, Gregorii Magni, Ambrosii, Hieronymi, Au-
gustini &c. ut *Marcus Ephesius* ad incitatus redactus,
 hoc unum responderit, hæc Patrum testimonia
 non genuina, ac sincera esse, sed corrupta ac in-
 terpolata; Quam inanem ac contumeliosam Res-
 punctionem adeò nervosè retudit *Joannes de Monte*
Nigro

Nigro, ut nihil planè *Marcus Ephesius* hiscere a
 mustitare potuerit. Post multas hinc indè con-
 certationes, eò tandem ventum est, ut *Joannes de*
Monte Nigro ejusmodi declarationem pronuntia-
 ret: *Nos sequimur Apostolicam Sedem, unam novi-*
mus causam Filii, & Spiritus Sancti, Patrem
Idcirco Romana Ecclesia non credit duo principia
vel duas causas, sed unum principium, & unam cau-
sam. Eos verò qui asserunt duo principia & dua-
casas, anathematizamus. Placuit admodum Gra-
cis hoc Joannis de Monte Nigro dictum, atque
eorum Imperatore Joanne Palæologo ita postulante
Scripto affirmavit, hanc esse suam fidem, unam es-
Filii & Spiritus Sancti causam, Patrem. Græ-
itaque ad ineundam concordiam cum Latinis
Schedulam exhibuerunt, in qua dicebant, Filium
emittere Spiritum Sanctum, & ex se scaturiente
effundere: Spiritum Sanctum à Filio emitti, pro-
fluere, effundi. Sed hæc Græcorum Schemata
Latinis admissa non fuit, quoniam ipsis minime
compertum erat, quo sensu Spiritus Sanctus effu-
di, scaturire, emitti, & profluere à Græcis affirm-
retur. Clariùs itaque Græci Doctrinam suam
exposuerunt in Formula, quam scripserunt, in qua
suam, & Latinorum fidem circa Processionem Spi-
ritus Sancti expresserunt, quamque Silvester Syn-
pulus, Scriptor Græcus, qui interfuit Concilio
Florentino, ejusque Historiam descripsit, refert
Sectione octavâ his verbis: Quoniam nos Græci
ante hæc arbitrabamur, Latinos affirmare, Spiritum
Sanctum à Patre & à Filio procedere tanquam
duobus principiis, aut spiramentis duobus, & pr-
terea non affirmare, Patrem esse principium & fi-

in totius Deitatis, Filii nempe & Spiritus Sancti; opterea nos & ab Additamento, seu à vocula, quam simbolo explicationis causa adjiciunt, pariter & ab eorum communione cavimus. Nunc autem in hanc Sacram & Oecumenicam Synodum congregati, singulari Dei gratia, ut sancta inter nos unio procuraretur, post multas hac illac ventilatas quæstiones & disputationes, productæque in medium quamplurima testimonia è Sacris Litteris simul & è Sanctis Ecclesie Doctoribus: Nos quidem Latini profitemur, id quod nos dicimus, Spiritum Sanctum à Patre & Filio procedere, non eo sensu dicere, quasi aut Patrem excludamus, quominus sit principium & fons totius Deitatis Filii & Spiritus Sancti, aut quasi credamus illud, Spiritum Sanctum ex Filio procedere, non accepisse Filium a Patre: aut quasi duo principia, aut duas productiones Spiritus Sancti exhibeamus: Sed confitemur, Spiritum Sanctum à Patre & Filio tanquam ab uno principio, & una singulari productione, ab æterno profluxisse. Similiter & Nos Græci asserimus, Spiritum Sanctum à Patre procedere, proprium autem esse Filii & ab illo promanare, & ab utroque scilicet à Patre per Filium, secundum substantiam profundi profitebatur, & credebatur. Et nunc in mutuam unionem coalescimus, & charitate Divina conjungimur. Quin & hoc ut specimen damus invicem propriæ Fidei & Confessionis, & ut nemo ab alterius communione abstinere in posterum debeat dijudicamus, sed rursùm mutuò paciscimur & unum sensum amplectimur, atque in unam Ecclesiam, Dei favente gratia, redintegramur. Hæc Formula, cujus Author fuit Georgius Scholarius, Græcus, & unionis utriusque Ecclesiæ conciliandæ tum temporis

poris studiosissimus , multum arrisit Patriarchæ , & majori Græcorum parti , atque in primis *Bes-
saroni* , & *Isidoro* Ruthenorum Metropolitæ ; displicuit tamen nonnullis Græcis , eamque non
plenè sufficere putarunt Latini , qui proindè se-
quentia dubia , teste jam citato *Syropulo* , Græcis
proposuerunt . Primò , ab ipsis quæsierunt , an ab
Additamento hujus vocis , *Filioque* , seu potius
ab hac explicatione refugere deberent , cum iam
pro comperto haberent , Latinos principia duo
non profiteri ? Secundò , An veram esse crederent
fidem Latinorum , & in eam desiderarent fœdus
pangere ? Tertiò , An Spiritum Sanctum à Patre
solo procedere profiterentur , & non perindè à Fi-
lio ? Quartò , An dicendo Spiritum Sanctum esse
proprium Filii , nudam consubstantialitatem am-
borum intelligerent , an eum à Filio æquè ac Pa-
tre æternum esse trahere ? Quintò , An dicendo ,
Spiritum Sanctum *ab eo scaturire* , illud *ab eo* , ad
Patrem , an ad Filium referretur ? Sextò , Si illud
ab eo ad Filium referrent , utrùm scaturire ab
æterno secundum substantiam & personam intel-
ligerent , nec ne ? Septimò , Quid verbum *scaturi-
re* significaret , an substantiam divinam , & sub-
sistentiam personalem à Filio trahere ? an idem
quod *procedere* ? vel in aliquo sensu differat , & in
quonam sensu ? Octavò , An dicendo Spiritum San-
ctum ab utroque procedere , nempe à Patre per
Filium , substantialiter etiam & æternè hoc intel-
ligerent ? Nonò , Quid sibi vellet illud , substantia-
liter ab utroque profundi ? an habere , & sumere
substantialiter ab utroque ? an differant , & in quo
sensu differant *profundi & procedere* . Decimò , An
abso-

solutè & sine commentario vera sit hæc propositio, Spiritus Sanctus procedit ac profunditur æternùm à Patre & Filio, sine hac declaratione, *Patre per Filium*? Undecimò, An particula illa, *et*, significaret Filium esse Spiritus Sancti causam & principium. Duodecimò, An dicendo, *unum*, Latinorum doctrinam & confessionem amitterentur. Isthæc à Latinis proposita dubia, ræcis admodùm displicuerunt, atque in causam erunt, cur *Georgius Scholarius*, Græcus, qui ætenuş promovendæ in Concilio Florentino unioni gnavitèr operam posuerat, pedem retuleret, & antequàm utriusque Ecclesiæ concordia conciretur, Venetias cum *Demetrio Despota*, Imperatoris *Joannis Paleologi* fratre, & *Gemisto Phlegone* secesserit, uti narrat jam laudatus *Syropulus* in Historia, quam edidit, Concilii Florentini, Sectione ix. cap. xi. Ad placandos animos Græcorum, qui istis Latinorum dubiis Patrum voces reprobari causabantur, obtinuerunt Latini, ut Occidentalium Doctorum sententiæ & dicta maturiùs expenderebantur, quod ubi præstitum est, Patriarcha, coacto Græcorum cœtu, Latinorum Dogmati de Processione Spiritus Sancti à Patre & Filio hoc suffragium in scriptis dedit, quod *Syropulus* refert Sectione nona cap. 9. Historiæ Concilii Florentini his verbis: *Quandò quidem dicta audivimus SS. Patrum Ecclesiæ tam Orientalis, quàm Occidentalis: Quorum hi Spiritum Sanctum à Patre & Filio procedere asseverant, illi à Patre per Filium: quanquam idem est, à Filio, quod, per Filium, & per Filium, quod, ex Filio: Nos tamen dimissa voce hac, ex Filio, profiteamur Spiritum Sanctum*

*Sanctum procedere à Patre per Filium ab aeternitate
 & secundum substantiam tanquam ab uno principi
 & causa, per, illic causam significante in processione
 Spiritus Sancti.* Huic suffragio Græcorum Patriarchæ Constantinopolitani, qui appellabatur *Jo-
 sephus*, assensu sunt alii Præfules Græci, præter
 quinque, in quibus erat *Marcus* Metropolit
Ephesinus. Tum *Joannes Palæologus*, Græcorum
 Imperator, Sermonem ad omnes habuit de unic
 ne, eâ tamen lege, ut à Latinis Græci non coge
 rentur particulæ, *Filioque*, additamentum Symbo
 lo apponere. Dùm hæc ad perficiendam utriusqu
 Ecclesiæ concordiam feliciter in Concilio per
 gerentur, *Josephus*, Patriarcha Constantinopol
 tanus, senio confectus Florentiæ mortuus & in
 Ecclesia FF. Præd. sepultus est, relictâ schedulâ
 quâ significabat, & dejerabat, *se omnia sentire
 quæ sentit & docet Catholica & Apostolica Eccles
 Domini nostri Jesu Christi, Senioris Romæ.* Post illi
 Patriarchæ obitum, omnes Græci, excepto *Ma-
 co* Metropolitâ Ephesino, unioni consenserunt,
 Ecclesiæ Latinæ dogmatibus, in quibus anteh
 dissidebant, subscripserunt. Finitis ergò om
 bus controversiis, unio utriusque Ecclesiæ, Latini
 videlicet & Græcæ, benè fortunante Deo, die
 mensis Julii anni mccccxxxix. facta est, & po
 solemne Sacrum ab *Eugenio IV.* Pontifice Maxim
 præsentibus Græcis, celebratum, lectum
 Græcè ac Latinè in publica Sessione Unionis I
 cretum, in quo sequentia Fidei dogmata ab u
 versis Christianis credenda ac suscipienda prop
 nuntur. Primò, quòd *Spiritus Sanctus ex Patre
 Filio aeternaliter est, & essentiam suam, suumqu*

è subsistens habet ex Patre simul & Filio, & ex
 roque æternalitèr tanquam ab uno principio, &
 ica spiratione procedit. Secundò, Quòd explica-
 verborum illorum, Filioque, veritatis declarandæ
 atia, & imminente tunc necessitate, licitè ac ra-
 nabiliter Symbolo fuerit apposita: Tertiò, quòd
 azymo sive fermentato pane triticeo Corpus Christi
 raciter conficitur, & quòd Sacerdotes in altero ipsũ
 mini Corpus conficere debent, unusquisq; scilicèt ju-
 a Ecclesiæ suæ, sive Orientalis sive Occidentalis, con-
 etudinem. Quartò, quòd si verè Pœnitentes in Dei
 aritate decesserint, antequàm dignis pœnitentiæ fru-
 ibus de commissis satisfecerint & omissis, eorum
 animæ pœnis Purgatoriis post mortem purgentur, &
 à pœnis hujusmodi releventur, eis prosint Fidelium
 vorum suffragia, Missarum scilicet sacrificia, ora-
 ones, & eleemosynæ, & alia pietatis officia, quæ à
 fidelibus pro aliis Fidelibus fieri consueverunt, se-
 undùm Ecclesiæ instituta: illorumque Animæ, qui
 post Baptisma susceptum, nullam omninò peccati ma-
 culam contraxerunt, illæ etiam Animæ, quæ post
 contractam peccati maculam, vel in suis corporibus,
 vel eisdem exutæ, pro ut superiùs dictum est, sunt
 purgatæ, in Cælum mox recipiuntur, & clarè ipsum
 eum trinum & unum sicuti est, pro meritorum ta-
 men diversitate, intuentur. Quintò. Quòd illo-
 rum Animæ, qui in actuali mortali peccato, vel solo
 originali decedunt, mox in infernum descendunt, pœ-
 nis tamen disparibus puniendæ. Sextò, quòd Sancta
 Apostolica Sedes, & Romanus Pontifex in universum
 orbem teneat Primatum, & ipse successor sit Beati
 Petri Principis Apostolorum, & verus Christi Vica-
 rius, totiusque Ecclesiæ Caput, & omnium Christia-
 norum

norum Pater ac Doctor existat, & ipsi in Beato Petro pascendi, regendi, ac gubernandi universalem Ecclesiam à Domino nostro Jesu Christo plena potestate tradita sit. Tandem, in Decreto unionis renovatu Patriarcharum Orientis ordo in Canonibus traditus, ut videlicet Patriarcha Constantinopolitanus secundus sit post Romanum Pontificem, tertius Alexandrinus, quartus Antiochenus, quintus Hierosolymitanus, salvis videlicet Privilegiis omnibus & juribus eorum. Lecto & omnium subscriptionibus munito unionis Decreto, Latini, post finitam jam Florentinam Synodum, Græcis varias proposuere quæstiones, inter quas istæ præcipuum tenent locum. Primò quare Episcopi non inunguntur sacro chrismate, sed Sacerdotes, cum hoc Pontificibus sit datum? Secundò, quare non contenti estis Domini verbis, Accipite & comedite, sed postea dicitis: Hæc fac quidem panem hunc pretiosum Corpus Christi transmutans ea spiritu tuo, Amen, Amen, Amen. Tertiò, quare conjugia dirimitis, dicente Dominus quod Deus conjunxit, homo non separet? Quarto, qua de causa non eligitis hic Patriarcham? Ad hæc & alias hujusmodi Latinorum quæstiones Græci responsa dederunt, quæ quidem in Actis Concilii non referuntur, ea tamen Latinis probata fuisse fidem faciunt hæc ejusdem Concilii Florentini Actorum verba: Hæc à Latinis objecta Mitylenensis, Archipræsul, canonicè omnia, legitimèque solvit, præterquàm duo, de quibus Papa significavit Imperatori; cur scilicet Matrimonia dirimantur, Patriarcha non eligatur?

D. Decretum unionis, quod, ut mox conservasti, promulgatum est in Concilio Florentino.

est ne idem ac illud Decretum, quod sæpius
 ce solent Theologi Scholastici, & ab *Euge-*
IV. Pontifice Maximo, qui præerat Concilio
 Florentino, editum est *pro Instructione Armeno-*
rum?

M. Decretum unionis promulgatum in
 Concilio Florentino, est planè diversum à Decre-
 to quod *Eugenius* Papa *IV.* condidit pro instru-
 ctione Armenorum. Decretum quippè unionis
 publicatum in Concilio Florentino pro utri-
 usque Ecclesiæ concordia, dum adhuc Imperator
 Græcorum, & Patriarchæ omnes Orientis, eo-
 rumve Legati huic Concilio intererant, ut liquet
 ex illius Decreti inscriptione: *Definitio Sanctæ*
Oumenicæ Florentinæ Synodi, illudque sic incipit:
Eugenius Episcopus, servus servorum Dei, ad perpe-
tuam rei memoriam, consentiente ad infrascripta ca-
ramo in Christo filio nostro Joanne Palæologo Roma-
num Imperatore Illustri, & loca tenentibus Vene-
ratissimum Fratrum nostrorum Patriarcharum, & cæ-
teris Orientalem Ecclesiam repræsentantibus &c. At
 quò, Decretum pro instructione Armenorum,
 contaxat ab *Eugenio IV.* editum est post Græco-
 rum à Synodo Florentina discessum, quandò vi-
 cet Apocrisarii Patriarchæ Armeni Floren-
 tinam accesserunt, unionem cum Ecclesia Roma-
 na, fideique rectitudinem quærentes, quos ut in-
 duceret *Eugenius* Summus Pontifex, & unio cum
 his ineunda stabilis ac perpetua perseveraret,
 orthodoxæ Fidei veritatem, quam Romana pro-
 betur Ecclesia, compendio tradere voluit hocce
 decreto, quod incipit: *Exultate Deo Adiutori no-*
stro, & datum est decimo Kalendas Decembris

anni mccccxxxix. quatuor post Græcorum discessum mensibus.

D. Quænam potissimum Capita complectebatur istud Fidei Orthodoxæ Compendium, quod in hocce Decreto pro instructione Armenorum tradidit *Eugenius IV.* Pontifex Maximus?

M. In hoc Decreto *Eugenius IV.* Armeni pro Regula tradit primò Symbolum Constantinopolitanum cum additione particulæ, *Filioque* & cum obligatione illud canendi inter Missarum solemnias. Secundò, ipsis proponit Concilii Chæcedonensis definitionem in Synodis Generalibus sexta & septima renovatam, de duabus in unum Christi persona naturis. Tertiò, eis præcipit, teneant definitionem de duabus voluntatibus duabusque Christi Domini operationibus in Concilio sexto Generali contra Hæreticos Monothelitas promulgatam. Quartò, eis declarat, Sydatum Chalcedonensem, & *S. Leonem*, Summum Pontificem, sanctè & rectè veritatem de duabus Christo naturis definiisse contra *Nestorii*, & *Eutychetis* Hæreses, cæterasque universales Synodos auctoritate Romani Pontificis legitime celebratas, ab eis suscipi mandat. Armeni siquidem errorem *Eutychetis*, duas in Christo naturas unam confundentis, sectabantur; undè *Eugenius IV.* meritò eis injunxit, ut præter Synodos Nizienam I. Constantinopolitanam I. Ephesinam I. acciperent quoq; Chalcedonensem, ac Scripta *Sæcni Magni*, qui *Nestorii* & *Eutychetis* Hæreses e contrario oppositas in Synodica ad *Flavianum* Patriarcham Constantinopolitanum Epistolâ confixerat. Quintò, eis exponit praxim Ecclesiæ Ro-

nã circa septem novæ legis Sacramenta & ad
 Linorum usum eos reducit. Sextò, eis præbet
 compendiosam Fidei Regulam, seu Symbolum, ,
 quod vulgò tribuitur S. *Athanasio*, & his verbis
 incipit: *Quicumque vult salvus esse &c.* Septimò,
 præscribit librorum sacrorum catalogum, seu
 enumerat libros, qui tanquàm Canonici
 in Ecclesia recepti. Octavò, eis injungit, ut
 nam Consecrationis Corporis & Sanguinis
 Christi teneant & inviolabiliter observent. Nonò,
 tradit Decretum unionis cum Græcis consum-
 mæ in Concilio Florentino pridie nonas Julii
 mccccxxxix. quodque incipit: *Latentur Cæli*
Terra &c. Decimò, eos revocat ad usum Ec-
 clesiæ Romanæ circa dies, quibus festivitates
 Annunciationis Beatæ Mariæ Virginis, Nativita-
 tis B. Joannis Baptistæ, & consequentèr Nativita-
 tis & Circumcisionis Domini nostri Jesu Christi,
 Præsentationis ejusdem in Templo, seu Purifi-
 cationis Beatæ Virginis, celebrari debeant. Po-
 nimò, contrà quorundam quartas nuptias
 annantium errorem, declarat Summus Ponti-
 fex, quartas nuptias, & posteriores valere, modò
 quod non obstat impedimentum. Hæc & cæte-
 ra Romanæ Ecclesiæ dogmata pronis ac demissis
 amplexi sunt Armeni, sicque feliciter, &
 in summo totius Ecclesiæ jubilo confecta fuit
 eorum cum Latinis unio, quam deindè subsequen-
 tes reconciliatio Jacobitarum, qui post Arme-
 niorum digressum Florentiam accesserunt, an-
 mccccxli. & ejuratâ Monothelitarum Hæresi,
 à ab *Heraclii* Imperatoris temporibus erant
 hæretici, in gremium Ecclesiæ Romanæ fuerunt
 recepti.

recepti. Tandem an. MCCCCXLII. quo *Eugenius IV* Concilium ex Florentia Romam in Basilicam Lateranensem transtulit, adventarunt Romam Legati Æthiopum, seu Abyssinorum Regis, deferentes, illius nomine, *Eugenio* Summo Pontifici promptam obedientiam, & cum Ecclesia Romana, cujus in omnibus fidem lubentissimè amplectebatur unâ cum subditis sibi populis, unionem suppliciter rogantes, quos plenius instructos a Romanæ Fidei unionem adscivit idem Summi Pontifex; Unde actum est, verba sunt ejusdem Pontificis *Eugenii IV.* in suo Decreto pro reconciliatione Jacobitarum dato pridie Nonas Februarii anni millesimi quadringentesimi quadragesimi primi, ut totus ferè Oriens, qui gloriosè Christi nomen adorat, ac non parva Septentrionis portio, post longa dissidia cum Sancta Romana Ecclesia in eodem fidei & charitatis vinculo convenerint, primùm Græci, & hi, qui subsunt quatuor Patriarchalibus sedibus, multas gentes, nationesque, idiomata continentibus; deindè Armeni multorum populorum gens, hodiè verò Jacobini, seu Jacobi magni etiam per Ægyptum populi, Sanctæ Sedi Apostolicæ uniti sunt, &c. De Æthiopum, Syrorum Chaldæorum, & Maronitarum unionem nullam in hocce Decreto mentionem facit Summus Pontifex, quia Æthiopes anno dumtaxat MCCCCX in Ecclesiæ concordiam redierunt. Syri verò, in Tygrim & Euphratem habitantes populi, fidei Romanæ Ecclesiæ amplexi sunt, & in ejus unionem consenserunt anno MCCCCXLIV. Chaldæi, Nestoriani erroribus impliciti, & Maronitæ Monothelitarum hæresi imbuti, post abjuratos erro-

ali unionis Decreto , cum magna *Eugenii IV.*
 ni Pontificis voluptate recepti sunt an-
 ccccxlvi.

D. Hæc exoptatissima Græcorum , alio-
 que Orientis populorum cum Romana Eccle-
 sia me summâ quidem lætitiâ perfundit , sed
 è addubito, an fuerit diuturna? Novi quip-
 pè eorum fidem.

M. Hæc unio Græcorum cum Latinis facta
 concilio Florentino citò abrupta est . Artibus
 quidem ac suasionibus *Marci* , Metropolitæ
 efini , qui Schismati semper obstinato animo
 æsit , factum est , ut non modò Byzantinum
 us, sed & tres Orientalium Sedium Patriarchæ
 itæ unioni repugnauerint , dato Synodali
 Decreto , quò *Metrophanem*, Patriarchæ Constan-
 politani *Josephi*, qui Florentiæ mortem obie-
 ccessorem, pacis & isti fœderis observantissi-
 m , & Florentinos Patres diris devoverunt ,
 e Imperatorem *Joannem Palæologum* acerbè
 strinxerunt . Præclara quoque illa ac decora
 rum populorum Orientalium conversionis
 ordia parem naçta non sunt felicitatis progres-
 s , sive id contigerit nostrorum neglectu, sive
 mensâ locorum & regionum distantiâ, sive lin-
 gum imperitiâ , sive illius gentis levitate ac
 constantiâ , aut ex alio quocumque defectu. Ut
 ait , omnes illi Orientales populi , rupto cum
 Ecclesia Romana inito fœdere, ad pristinas super-
 stiones, hæresesque redierunt, contigitque ipsis
 hoc Evangelii *Matthæi* cap. 13. parabola de semi-
 bus jactis in petrosa loca , quæ, quia non habe-
 bant radicem, aruerunt. De hoc tam citò disrupto

foedere pacis vehementer indoluit *Eugenius* Pontifex Maximus, & ut illud redintegraret, vix quosdam *Byzantium* ad *Græcos* misit, inquit *Laticus Chalcondylas* lib. 6. ut cum his in colloquio venirent, qui *Synodum*, *Florentinam*, & *concordiam* in *Italia* factam non admittebant. Nam *Marcus Ephesi* Episcopus, & *Scholarius*, *Græcorum* doctissimus, nequidem ab initio *Latinorum* dogmati consentire voluerunt. Ubi ad colloquium ventum est, *Romani* nihil efficere potuerunt, ac re infecta domum versi sunt. Quin, & ille *Marcus Ephesius*, ubi dicit plebem *Constantinopolitanam* sibi plaudentem, quod non subscripserat, inveniretque quod desiderabat, ut magis ipse, quam *Synodus* à *papae* *becula* commendaretur, non solum in proposito constitit, verum etiam *Synodum* *Florentinam* multis, putidisque calumniis proscindere ausus. In primis, effudit, *Græcos* unioni consensisse multis pollicitationibus illectos, & muneribus à *Romano Pontifice* & *Latinis* corruptos. Secundò assererat, *Græcos* ad subscribendum unioni coactos fuisse ob inopiam prementem, urgentemque famem, quia eis quidquam sumptuum condicorum non suppeditabatur. Denique obiiciebat, testimonia *Sanctorum Patrum*, quibus fulcitur *Synodi Florentinae* Decretum pro unionem *Græcorum*, à *Latinis* de industria fuisse corrupta atque interpolata. At, huiusmodi calumnias in *Synodum* *Florentinam* à *Marco Ephesio* temerè iactatas, egregiè confutarunt *Græci* Scriptores, in Concilio *Florentino* interfuerunt, videlicet *Iosephus Methonensis* in Responsione ad *Marci Ephesii* Libellum, *Joannes Plusiadenus*, in Dialogo

Synodo Florentina, & *Bessario* in Epistola generi, & in Epistola ad *Alexium Lascharim*. Præter files illas *Marci Ephesii* adversus Synodum Florentinam objectiones, à laudatis Scriptoribus Græcis solidè confutatas, duo alia ficulnea argumenta proponunt Græculi Schismatici, quibus eisdem Synodi Florentinæ authoritatem deprimerè, eamque Oecumenicam non fuisse probare posse arbitrantur. Primò quidem dicunt, *Marcon Ephesium* non subscripsisse Florentinæ Synodum, & Græcos Antistites, qui ei subscripserunt, postea atque in Græciam reversi sunt, facti poenitentes, palinodiam palàm cecinisse, quod argumentum est, illos liberè non subscripsisse. Sed Græculi illi Schismatici, cæco furore in Ecclesiam Romanam abrepti, non animadvertunt, quòd si huiusmodi argumentum ad elevandam authoritatem Oecumenicam Concilii Florentini aliquid roboris haberet, probaret etiam Synodos Nicænam, Constantinopolitanam, Ephesinam, Chalcedonensem, & alias, verè non fuisse Oecumenicas, quia earum Definitionibus *Arius*, *Macedonius*, *Nestorius*, *Eutyches*, aliique Hæretici in illis damnati subscribere minimè voluerunt. Plures etiam Antistites, qui Concilio Nicæno interfuerunt, & Definitioni Fidei, atque *Arii* damnationi in eo subscripserunt, post tamen dissolutionem Concilii Arianam Hæresim professi sunt, ac in pluribus Synodis confirmarunt. Necesse itaque est, ut Græculi Schismatici aut Synodum Nicænam, & alias, quas mox retuli, Oecumenicas esse inficiantur, aut si illas ut verè Oecumenicas admittant (sicut illas ut tales se agnoscere ultrò profi-

tentur) oportet , velint nolint , si sibi constent ,
 ut fateantur , Synodum Florentinam Concilii
 Oecumenici auctoritate non excidisse , quamvis
Marcus Ephesus ei subscribere noluerit , & nonnul-
 Græcorum , qui Definitioni Fidei , seu unioni
 Decreto subscripserant , ad natale Solum postea
 reversi , ejuratâ subscriptione , ab unione defece-
 rint , & in Schisma sint relapsi , quod sanè non vi-
 ipsis in Concilio illatæ , sed eorum levitatis & per-
 fidia fuit argumentum . In fumum igitur evanesce-
 hæc prima contra Synodi Florentinæ auctorita-
 tem Græculorum Schismaticorum objectio . Ejus-
 dem furfuris est alterum argumentum , quod Græ-
 culi Schismatici ad labefactandam Synodi Flo-
 rentinæ auctoritatem proponunt . Ajunt quippe
 Græcam Ecclesiam in Synodo Constantinopo-
 li in Templo S. *Sophiæ* post mortem Imperatoris Jo-
 annis *Palæologi* anno mcccccl. congregatam repro-
 basse ac damnasse Synodum Florentinam , *Grego-
 rium* Patriarcham Constantinopolitanum ei ac-
 hærentem exauctorasse , atque in ejus locum *Ath-
 nasium* suffecisse . Verùm , frustra Græculi Schisma-
 tici obtrudunt hanc Sophianam Synodum , qua
 planè commentitiâ , & à nebulone quodam re-
 centiore malè cōsarcinatam fuisse *Leo Allatius*
 Addendis ad Caput quartum libri III. *De perpetua
 Ecclesiæ Occidentalis & Orientalis Consensione* in
 victis momentis probat , quorum præcipua hic
 breviter referemus . Primò , in ista Sophiana Sy-
 nodo (uti modò habetur) nulla extat notio tem-
 poris , quo fuit celebrata , nulla mensis mem-
 ria , nulla Indictionis designatio , & si quæ occu-
 runt temporis notæ , adeò sunt obscuræ , ut nil
 cer

eti ex his cimmeriis tenebris erui possit. Secundò, in hujus Sophianæ Synodi Actis dicitur, Græcorum Imperatorem *Joannem Palæologum* ante obitum ab unione Ecclesiæ Latinæ defecisse; quod certe putidum mendacium est, cum *Joannes Palæologus* ad mortem usque in ea unione perseverarit, institueritque Patriarcham Constantinopolitanum *Metrophanem Cyzicenum*, unioni addictissimum, & post ipsum, *Gregorium Protosyncellum*, rum verè Catholicum, & egregium vindicem Synodi Florentinæ, quo adhuc superstitè, Ecclesiam Constantinopolitanam gubernante, & unionem pro virili promovente, è vita excessit *Joannes Palæologus* Imperator, quem proinde à Fide Synodi Florentinæ, & ab unione ante suum obitum defecisse, falsò asseritur in hujus commentitiæ Sophianæ Synodi Actis. Tertiò, in ejusdem Sophianæ Synodi Actis dicitur, *Gregorium*, Patriarcham Constantinopolitanum, qui Synodo Florentinæ adhærebat, fuisse depositum & in ejus locum subrogatum *Athanasium* anno millesimo quadringentesimo quadragésimo, quo tamen tempore nondum *Gregorius* præerat Ecclesiæ Constantinopolitanæ, quippè qui dumtaxat post *Metrophanem* renunciatus est Patriarcha Constantinopolitanus anno millesimo quadringentesimo quadragésimo quinto. Hujus autem *Athanasii*, quem in locum depositi *Gregorii* successum fuisse mentiuntur illius Synodi Acta, nulla planè apud illius temporis Scriptores habetur memoria. Denique, in Actis hujus Sophianæ Synodi sæpiùs citantur Scripta Patrum, Doctorumque Latinorum *Tertulliani*, *Cypriani*, *Hilarii*, *Ambrosii*, *Hieronimi*, *Augustini*,
Leonis

Leonis Papæ, Bedæ, Anselmi, Bernardi, Petri Lombardi, Gratiani, Thomæ Aquinatis, & Scoti, quos tamen Patres & Doctores Latinos non esse Græcis ita familiares nemo nescit, maximè cum multis horumce Scriptorum Latinorum Opera necdum in Linguam Græcam versa sint. His, & aliis id genus momentis *Leo Allatius*, loco mox à me laudato, probat, hanc Sophianam Synodum, in qua Græculi Schismatici dictitant, damnatam ac rejectam fuisse Florentinam Synodum, esse planè supposititiam, & à recentiori quodam nebulone ex variis Græcorum Schismaticorum, præsertim *Amirutzi, Gemisti, & Gennadii* contra Florentinam Synodum Scriptis concinnatam. Sed demus Græcis hanc Sophianam Synodum fuisse reverà celebratam, & in ea damnatam esse Synodum Florentinam, quid tum postea? Potuitne, quæso, hæc Synodus Sophiana ex Græcis Schismaticis conflata rejicere & damnare Synodum Florentinam, quæ convocatione, congregatione, auctoritate, & universalis Ecclesiæ repræsentatione, Generalis & Oecumenica fuit? Potuitne privata hæc Græcorum Synodus Sophiana reprobare Synodum Florentinam ex Episcopis Orientis & Occidentis congregatam, cui præfuit Romanus Pontifex *Eugenius IV.* eique adfuerunt Patriarcha Constantinopolitanus, & Alexandrini, Antiocheni, Hierosolymitani Patriarcharum Vicarii, necnon Græci, Latinique Antistites magno numero; ad quam omnes Orbis Christiani Provinciarum Præsules, & quotquot de jure, vel consuetudine ad Concilium Generale venire tenebantur, per Litteras Encyclicas Summi Pontificis fuerunt con-

convocati? Sanè Concilium Florentinum, cui omnes characteres ac notiones Concilii Generalis admodum conveniunt, à privata Græcorum, Schismaticorum Synodo Sophiana reprobari potuisse, nemo unquam dicet. Nec causari etiam possunt Græculi Schismatici, Synodum Florentinam è numero Conciliorum Generalium esse exiungendam, eò quòd Gallicani Præsules, prohibente Rege Christianissimo *Carolo VII.* ad eam non accesserint. Id, inquam, causari non possunt Græculi Schismatici, quia nec ad septimam Synodum Generalem, quæ est Nicæna secunda, contra Iconoclastas celebrata, Gallicanis Præsulibus proficisci permisit *Carolus Magnus*, & tamen Græci hanc Synodum Nicænam secundam, non obstante illa Præsulum Gallicanorum absentia, in Conciliorum Oecumenicorum numerum etiamnum adscribere non dubitant, non alià, ut opinor, permoti ratione, nisi quia Synodus, ad quam Orientalis & Occidentalis Ecclesiæ Episcopi concurrunt, Romano Pontifice per se, vel per Legatos præsidente, semper Oecumenica habita est, neque ut omnes adsint Episcopi necesse est, sed sufficit ut vocati fuerint, & eo sint numero, qui universam repræsentet Ecclesiam. In hanc Concilii Generalis notionem consentiunt omnes Theologi, quos inter unum exquisiti iudicii & eximiæ eruditionis laudabo nostrum *Melchiorum Canum*, qui libro v. de Locis Theologicis capite III. hæc habet: *Concilia Generalia voco, quæ omnium Christianorum Pontificum convocatione celebrantur. Inter multos autem disceptatum est, an Generalis convocatio satis sit, an etiam necessaria sit*
Con-

Congregatio Generalis? Si enim Summus Pontifex Concilium Generale indiceret, non congregarentur tamen nisi soli decem ex Italia Pontifices, hujusmodi, profectò Synodus non est cur Generalis videatur. At contrà, si necesse est, Episcopos omnes congregari: Primum, nullum fortè in Ecclesia tale adhuc Concilium fuit, in quod Episcopi universi convenerint. Deinde pessimus quisque Episcopus, dum non solum per negligentiam, sed per malitiam Synodo adesse contempserit, Generalem non esse calumniabitur, & Princeps in Republica quilibet, si illi Synodus displicuerit, interturbare eam minimo negotio poterit, causarique Episcopos suos, vel morborum, vel tumultuum causa Concilio interesse non posse. Verum, quoniam omnes hujusmodi controversias persequi non est operis instituti, huic quæstioni breviter respondemus. Non satis est quidem ad Concilium Generale, si evocatio Generalis est, quando adeò pauci congregantur, ut major meliorque Provinciarum pars relicta esse videatur; præsertim si causa legitima sit cur Episcopi Synodo non adfuerint. At si per malitiam hominum pessimorum una & item altera Provincia desit, non propterea Concilii Generalis nomen amittit, sed nec si per negligentiam quidem, aut aliam occasionem quamlibet Episcopi aliquot desint, nominis sui jacturam Generale Concilium faciet, nisi in dubium vertimus, an Concilia illa quatuor, Nicænum, Ephesinum, Constantinopolitanum, Chalcedonense Generalia sint? Quamobrem, ut fideles, ita nos hoc loco loquimur, ut Synodum Generalem omnium Episcoporum evocatione legitima finiamus, licet non sit omnium congregatio. Communi enim fidelium sensu agendum est, cum de rebus vocibusque Ecclesia loquimur, idque eodem modo

modo fecerunt sapientes. Nec satis est tamen ad Generale Concilium evocatio Generalis, nisi sit etiam generalis congregatio, sed ad Generalem congregationem omnium Episcoporum congregatio non requiritur. Episcoporum itaque Ecclesiæ Gallicanæ sententia non magis obesse potuit auctoritati œcumenicæ Concilii Florentini, quam Synodi Nicænæ secundæ, quam tamen non solum omnes Latini, sed etiam Græci cum Orthodoxi, tum Schismatici, Synodorum Generalium numero assensent. Negare igitur non possunt Græci Schismatici, Synodum Florentinam verè fuisse Œcumenicam, ac subindè fateri debent, eam damnaminiè potuisse à privata illa Synodo Sophiaensi, quam dicunt habitam fuisse à Græcis, qui post Synodum Florentinam ad ingenium & Schisma, accesserunt. Sed satis hæcenus dictum sit de Generali Synodo Florentina, in qua Græcorum cum Latinis facta est unio, quam tamen citò abrupērunt Græci Schismatici, quorum in Ecclesiam Romanam pertinax contentio, & æternum odium est. Sed non est, cūr perfidam illam Gentem & protheo mutabiliorem moremur.

D. Huic accuratæ notitiæ, quam hūc usque tradidisti, Conciliorum Generalium, quæ sæculo XV. fuerunt celebrata, debes in præsentia, addnere brevem descriptionem rerum, quæ in Conciliis Nationalibus, seu Provincialibus eodem sæculo habitis gestæ sunt, & ab his præsertim, Conciliis Nationalibus initium sumere, quæ ad exterminandam grassantem Wicleffistarum Hæresim fuerunt coacta.

M. Ad Hæresiarchæ Joannis Wicleffi confingendam

gendam exitialem doctrinam *Guillelmus Courtenegius*, Cantuariensis in Anglia Archiepiscopus, Synodum Londini in Conventu FF. Prædicatorum anno MCCCCLXXXI. convocavit, cui decem Episcopi, & omnium Ordinum Theologi, ac Juris Canonici Doctores adfuerunt, &, post maturum ac diuturnum Wicleffianarum viginti quatuor propositionum examen, declararunt, earum aliquas esse hæreticas, aliquas erroneas & determinationi Ecclesiæ contrarias. In eadem Synodo habita quæstio est in *Nicolaum Hereford*, *Philippum Rapingdon*, & *Joannem Aisthon*, Wicleffi Discipulos, quorum duo priores vocibus ambiguis præcipua Hæreseos Capita damnarunt, quibus propterea concessæ sunt induciæ, ut fidem proscriptis articuli oppositam clariùs profiterentur, alioqui damnationis Sententiam excepturi. Tertius verò, excusso omni religionis jugo, petulantius respondit ac statim hæreseos convictus atque damnatus est. *Wicleffus* coram eadem Synodo sese sistere compulsus est à Lancastriæ Duce & errores suos Scripto ejurare sub præscripta Formula, quam Anglicanorum Conciliorum Compiler *Spelmannus* consultò suppressit. Fatetur tamen *Guillelmus Car* in Appendice *Historiæ Literariæ* pag. 35. *Joannem Wicleffum*, ut salutis suæ consulere, errorum suorum palinodiam in hac Synodo Londinensi decantasse, eumque mortis terrore adactum, brevede Sacramento Altaris Synodo obtulisse declarationem vernaculo sermone exaratam, quam aextare apud *Henricum Knightonem*, natione Anglum, & Monasterii Leicestrensis Canonicum Regularem, in suo *Chronico de Eventibus Angli*
libr

libro v. pag. 1647. Hujus Synodi Londinensis contra *Wicleffum* coactæ Historiam describunt jam citatus *Henricus Knighton*, *Windefordus*, & *Walsinghamus*. Ejusdem Synodi Londinensis Acta, Conclusiones, Interrogationes, & Responsiones, & alia huc pertinentia extant apud *Henricum Spelmanum* in Collectione Conciliorum Britanniae pag. 629. & seq. quibus subjunguntur Litteræ *Ricardi*, Regis Angliæ, Cantuariensi Archiepiscopo, cæterisque Episcopis permittentis, ut eos, qui vel hæresim prædicarent, vel de illa essent suspecti, in carcerem detruderent. Ad extirpandam eandem *Joannis Wicleffi* Hæresim *Thomas Arundellius*, Archiepiscopus Cantuariensis, Synodum Londinensem anno mcccxcvi. congregavit, in qua octodecim Articuli ex *Joannis Wicleffi* Trialogis excerpti, confixi sunt, quos recenset *Guillelmus Windefordus* in Tractatu, quem edidit contra *Wicleffi* errores. Extant etiam hi octodecim *Wicleffi* Articuli in hac Synodo damnati Tom. xi. Conciliorum par. 2. pag. 2080. cum prolixo Tractatu, quem jussu *Thomæ Arundellii*, Cantuariensis Archiepiscopi, contra prædictos *Wicleffi* Articulos lucubravit *Guillelmus Woodfordus* Ord. Minorum. Non multò post idem Archiepiscopus Cantuariensis *Thomas Arundellius* alterum Concilium Oxonii anno mcccvi 11. celebravit, in quo Decr. Synodale Articulos 13. complectens adversus Hæresim *Wicleffianæ* seminatores editum est. Et primò quidem, lib. *Joannis Wicleffi*, aliosque legi vetuit istud Oxoniense Concilium, nisi ab Oxoniensi, vel Cantuariensi Academia, aut à duodecim Theologis ab eisdem designatis, prævio & accurato examine, deinde

deindè ab Archiepiscopo Cantuariensi fuissent approbati . Secundò , neminem ad prædicandum Verbum Dei admitti statuit , nisi priùs facultatem ab Episcopo impetrarit , suæque missionis fidem fecerit legitimis ac indubitatis documentis . Tertiò , quia multi Oxoniensis Academiæ Scholastici Wicleffianæ Hæreseos peste erant afflati , injunxit Concilium omnibus Collegiorum Custodibus , ut singulis mēsis in doctrinam ac mores suorum Scholasticorum inquirerent , & in eos , qui suspicionē vel infamiā hæreseos laborarent , Censuræ Ecclesiasticis , si opus esset , animadverterent . Denique , cū Hæretici Wicleffistæ novas Scripturæ Sacræ in linguam vernaculam Versiones cuderent , sub majoris excommunicationis pœna prohibuit Concilium , ne aliqua Scripturæ Sacræ vulgaris fieret , aut legeretur Versio , *quousque per loci Diœcesanum , idest Episcopum , seu si res exegerit , per Concilium Provinciale , ipsa translata fuerit approbata . Qui contra fecerit , ut fautor hæresis & erroris puniatur .* Ita decernitur Canone hujus Oxoniensis Concilii . Undè obitèr observare debes , quòd licèt Scripturæ Sacræ Lectio etiàm lingua vulgari secundùm se bona sit , prudenter tamen Ecclesia , quæ pia Mater est , non omnibus permiscuè potestatem permittit legendi Scripturam Sacram in linguam vernaculam translata , tum quia sæpiùs experiētiā compertum est , Hæreticos , præsertim Waldenses , & Wicleffistas , scripturæ Sacræ versiones in lingua vernacula in vultus sparsisse , quò faciliùs rudibus & imperitis errores suos instillare possent ; tūm quia etiàm propter hominum infirmitatem , temeritatem , igitur

ratiam, & malitiam, contingeret, multos hisce
 v. garibus Scripturæ Sacræ versionibus abuti, &
 ve inde nocumentum accipere, unde utilita-
 tē haurire deberent, cujus gravissimi mali exem-
 pum cernere est in Hæreticis nostri temporis,
 ad quos mulieres, quas lanam texere, vel ap-
 prehendere fufum magis expediret, & quidem
 zarias, bovillas, piltrices, futrices, & alias è
 fœce vulgi, Scripturam Sacram, quam ob sacri
 Textus profunditatem intelligere haud possunt,
 impunè lætitant, & de libris sacris opportunè, im-
 ptunè, & semper ineptè garriunt. De ea teme-
 rate & audacia jure optimo conqueritur *S. Hie-*
ronymus in Epistola ad *Paulinum* sacris Bibliis præ-
 f. ubi hæc habet: *Traſtant fabrilia Fabri, ſola*
Scripturarum Ars eſt, quam ſibi paſſim omnes vendi-
unt. Hanc garrula anus, hanc dilirus ſenex, hanc
hiſta verbosus, hanc univerſi præſumunt, lace-
nt, docent, antequàm diſcant. Sapientiſſimè itaque
 cleſia pro ratione circumſtantiarum loci, tem-
 ris, perſonarum, non omnibus indifcriminatim
 mittit Vernacularum Scripturæ ſacræ Verſio-
 nem, etiam Catholicarum, læctionem, ſequē in
 capite habet, ſicut ſollicita quæpiam mater,
 e infantulos adhuc teneros & imbelles non ſinit
 ſecare panem, ne ſe lædant inter deſecandum,
 ipſamet concidit, immò ſæpè mandit,
 manum inferit in os puſillorum, qui, ob
 ingivam adhuc inermem, ipſum frangere ne-
 eunt. Sed redeamus ad Concilia Nationalia,
 quibus damnata eſt *Vvicleſſitarum* Hæreſis.
 præter hæc Concilia, quæ hætenùs adduximus,
 Anglia contra Hæreſiarcham *Wicleſſum* cele-

brata, aliam Synodum anno mccccxiii. jam laudatus *Thomas Arundellius*, Archiepiscopus Cantuariensis, habuit Londini contra Joannem Oldcalstell, Virum nobilem & potentem, Vviclefianæ Sectæ professorem, ac fautorem pertinacissimum, qui è Turri Londinensi, in qua Regiâ iussione conclusus fuerat, ad hanc Synodum adductus, hæreseos palàm convictus est, cùmque ean nullo pacto ejurare veller, ceu contumax puniendus sæculari judicio relictus est. Hujus Synod Acta refert *Walsinghamus* in Historia Anglicana in *Henrico V.* ad hunc annum mccccxiii. Denique *Joannes XXIII.* Romæ eodem anno mccccxiii Synodum habuit, in qua *Wicleffi* doctrinam confixit, & ab ordinariis locorum, adhibitis Censuris Ecclesiasticis, conquisitos hujus Hæresiarchæ libros igne concremari jussit, eos verò, qui ejusmodi libros retinerent, legerent, exponerent, docerent, laudarent, tanquàm suspectos de fide puniendos esse statuit. Hæc sunt Concilia Nationalia, quæ sæc. XV. ad excindendam pestiferam Hæresim Vvicleffianam fuerunt convocata, quibus authoritatem adjecit Synodus Generalis Constantiensis anno mccccxv. indicta, quæ, sicut in superiori Colloquio observavimus, quadraginta quinque propositiones Joannis *Wicleffi* damnavit omnes illius libros ac Tractatus ignibus publicè tradi jussit, sicut in Concilio Romano statutum fuerat, ipsumq; *Wicleffum*, in hæresi pertinacem demortuum, diris Christiano ritu devovit, illius damnæ memoriam, & ejus corpus exhumari, proculq; ab Ecclesiastica sepultura projici mandavit. Cui Ecclesiastica authoritate in exterminium Vvicleffianæ

æ Hæreseos concurrat Regia potestas. *Richardus* siquidem hujus nominis II. Angliæ Rex, anno MCCCLXXXVI. solempni Edicto libros & Scripta *Joannis Wicleffi*, *Nicolai Herfordii*, & *Joannis Aiston*, ubicumque in Regno & ditionibus inveniri possent, diligentèr conquiri, & ad consilium suum deferri jussit, ignibus tradenda, illa à quovis subditorum suorum servari, legi, scribi, vendi, aut emi, districtè prohibuit, vel scriptos *Wicleffi* errores propugnari sub pœna carceris. Extat hoc Regium Edictum apud *Henricum de Knigton* lib. 5. de *Eventibus Angliæ*. Vvissimas Edictis suis paritèr insectati sunt, & in finem redegerunt *Henricus IV.* & *Henricus V.* Angliæ Reges, sicut testatur *Nicolaus Harpsfeldius* in *Historia Vvicleffiana* capite xvi. 1.

D. Fueruntne aliqua Concilia Sæculo Ecclesiæ decimo quinto celebrata ad abolendum futurum illud Schisma, quo ad electionem usque *Martinus V.* Pontificis Maximi scissa fuit Ecclesia?

M. Prætèr Concilia Generalia Pisanum, & Constantiense, quæ Sæculo XV. ad extinguendum istud Schisma habita sunt, & de quibus insensenti nostro Colloquio sat copiosè diximus, & alia celebrata sunt Concilia, si tamen Concilia appellari debeant, & non potiùs Conciliabula, quæ ex his duo fuerint convocata à *Petro de Luna*, qui in sua Obedientia dicebatur *Benedictus XIII.* Concilium verò indictum sit ab *Angelo Corario*, qui in Obedientia *Gregorius XII.* appellabatur. Primum Concilium, seu Conciliabulum Perpinianum, *Petrus de Luna*, dictus *Benedictus XIII.* Kal. mensis Novemb. anni MCCCCVI. congregavit, eo potissimum

finiū fine , ut Cardinalibus , qui, ad tollendum Schisma , Concilium Generale Pisanum mox celebraturi erant , fraudem faceret, & in sui gratiam tanquā Legitimi Pontificis & Christi in terris Vicarii, Synodicam declarationem obtineret. Hoc Conciliabulum in Aragonia *Alphonsus* Patriarcha Constantinopolitanus , & Hispalensis Ecclesiæ administrator , aperuit eleganti gratissimāque concione . Dein , *Petrus de Luna* , dictus *Benedictus XIII.* sanctioris ærarii Magalonensis Præfatus, Ecclesiæ Astensis administratorem, Patriarcham Antiochenum , & *Franciscum Ximenium*, Ordinis Minorum , Virum magnā & multiplici doctrinā , ac diffusā Scriptorum copiā clarissimum Hierosolymitanum Patriarcham creavit , qui Auxitano Episcopo Cardinali die xx. mensis Novembris fuerunt consecrati . In septem prioribus hujus Conciliabuli Perpiniensi Sessionibus nihil actum est observatione dignum . Sed in octava Sessione cū *Benedictus XIII.* Patres consulisset quid è Republica Christiana esse censerent , quam viam ad procurandam Ecclesiasticam concordiam , abolendumque Schisma, expeditiorē esse judicarent ? in contrarias partes Patrum opiniones in deliberando distractæ sunt : quibus assensu assensu à *Benedicto XIII.* Legatis mandanda esse , ut ejus nomine Pontificiam dignitatem, nullā interpositā morā, abrogarent . Aliis rō tempus ducentibus & maximè disjuncta ac contraria opinantibus. Ea opinionum & sententiarum , in quas abierunt Patres, discrepantia eò deduxit , ut è Concilio penè omnes discesserint , & in eo octodecim dumtaxat permanserint .

at, qui declararunt, *Petrum de Luna*, dictum
e *dictum XIII.* nec Schismaticum, nec Hæreti-
um esse, sed verum Christi Vicarium, ipsum ta-
monuerunt primò, ut, non obstantibus qui-
cumque tribulationibus, persecutionibus &
medimentis, dignaretur prosequi efficaciter ne-
gium unionis Sanctæ Matris Ecclesiæ per viam
renunciationis, quam omnibus aliis viis præferre
debat, nullâ tamen aliâ viâ exclusâ. Secundò,
oblationem, quam fecerat intruso de renuncia-
tione, in casu renunciationis, vel mortis dicti
intrusi, dignaretur extendere ad casum dejectionis
eiusdem intrusi, si fieret secundum fidem &
obedientiam partis suæ. Tertiò, ut mitteret cer-
tos Nuntios, probos Viros, Deum timentes, ad
idoneos, nomine & pro parte Sanctitatis suæ
intrusum, & suos Anti-Cardinales cum ipso
Episcopis & alibi degentes, necnon ad illos Dominos
Cardinales Pisces existentes, & ad alios, qui in hoc
facto unionis negotio proficere possent, cum ple-
na ac libera & sufficienti potestate tractandi, con-
cedendi omnia, & locum idoneum ac securum
signandi, in quo *Petrus de Luna*, seu *Benedi-
ctus XIII.* omnia, quæ concordata & firmata essent
per illos, efficaciter exequeretur personaliter,
vel si personaliter ire nollet, vel infirmitate cor-
poris impeditus non posset, per alium, seu alios
deputatos plenariam & liberam potestatem ad
omnia, quæ ipse *Benedictus XIII.* facere posset,
que ad renunciationem inclusivè. Quartò, ut
mandaret fieri formam procurationis in prædictis
casibus executioni committendæ, pleniori & me-
iori modo, quo fieri & ordinari poterat. Quintò,

ut, si ante obtentam unionem contingeret eum mori, posset ad unionem debitè & Canonicè procedi talitèr, quòd post ejus obitum propter defectum provisionis non differretur, seu non impediretur unio, ne scandala, aut nova Schismata orirentur in Ecclesia. Denique, ut in casu, quo aliqui scandala, seu Schismata suscitare vellent, per debitas Constitutiones, seu remedia prohibere ipse & provideret, ne ad similia perpetranda procederetur, sub pœnis, & Decretis & prohibitionibus ad hoc necessariis & opportunis. Hæc omnia Monita scripto mandata *Petro de Luna*, seu *Benedicto XIII.* fuerunt exhibita, qui his lubenti animo se acquiescere innuit, & omnes propositas conditiones impleturum se fidelitèr promisit, sed verba dedit, nec adduci unquàm potuit, ut Pontificatui renuntiaret. Acta hujus Conciliabuli Perpiniensi describit *Theodoricus à Niemo* libro 3. *Schismatis* cap. 36. & 37. Extant etiam Tomo XI. Conciliorum *P. Labbe* part. 2. pag. 2108. & Tomo II. *Cardinalis de Aguirre* De Conciliis Hispaniæ pagin. 637. & sequentibus. Aliud Conciliabulum seu Salmanticense, anno MCCCCX. celebravit idem *Petrus de Luna*, dictus *Benedictus XIII.* in quo concordibus votis tanquàm verus totius Ecclesiæ Pontifex fuit acclamatus. Titulus Synodi in meritis Salmanticensibus hic est: *Liber Synodæ editus per Dominum Fr. Gundisalvum, Dei gratiæ Episcopum Salmanticensem, Magistrum in Theologia Ordin. Prædicatorum, sub A.D. MCCCCX. Pontificat. D. Benedicti Papæ XIII. anno II. Fuit publicatus eodem anno in Ecclesia Cathedrali Salmantina in Synodo. In hoc tamen Titulo corrigendum est, ut et*

de observat Card. de Aguirre Tomo III. Conc. Hispaniæ pag. 645. mendum, quod reperitur circa Petri de Luna, dicti *Benedicti XIII.* prætenſi Pontificatus annum. Non enim *Petrus de Luna* an. mccccx. co habitum est Salmanticenſe Conciliabulum, deerebat prætenſi ſui Pontificatus annum ſecundum, ſicut legitur in hujus Synodi Titulo, ſed deerebat annum decimum ſextum. Electio quippe Petri de Luna, ſeu *Benedicti XIII.* facta fuit an. mccccxiv. ſicut oſtendimus in Colloquio ſecundo. Dùm rebus ſuis ſic conſuleret *Petrus de Luna*, dictus *Benedictus XIII.* ſibi etiam non deſit *Angelus Corarius*, dictus *Gregorius duodecimus*. Hic quippè Concilium, ſeu potiùs Conciliabulum ad Utinum, Urbem Diœceſis Aquienſis, in Feſto Pentecoſtes anni mccccx. congregavit, in quo verus Eccleſiæ Paſtor, & uniſ Christi in terris Vicarius fuit declaratus. Verum, his Conciliabulis nec *Petrus de Luna*, ſeu *Benedictus XIII.* nec *Angelus Corarius* dictus *Gregorius XII.* res ſuas promovere potuerunt, ſed poſt electionem *Alexandri V.* Pontificis Maximi factam in Generali Concilio Piſano anno mccccix. abiti ſunt ab Eccleſia tanquam pseudo-Pontifices, eorumque deſcriptio confirmata fuit in Concilio Generali Conſtantiendi coacto anno mccccxv. in quo, ut ſuperiùs diximus, trium Summo Pontificatui inkiantium *Benedicti XIII.*, *Gregorii XII.* & *Joannis XXIII.* Schiſma extinctum fuit, & electus *Martinus V.* quem, ceu legitimum Pontificem Romanum, & verum ac unicum in terris Christi Vicarium, univerſa agnovit, coluitque Eccleſia.

D. Superest, ut sub finem hujusce nostri Colloquii in medium producas Leges, seu præcipuas Conciliorum Nationalium Sanctiones, quibus Sæculo decimo quinto firmata est Ecclesiæ Disciplina.

M. Aliquot Concilia Nationalia variis in locis pro reformatione morum, & restauranda Ecclesiæ Disciplina Sæculo decimo quinto habitæ sunt, quæ juxta ordinem Chronologicum hic indicare abundè sufficiet. In primis, anno circiter millesimo quadringentesimo vigesimo *Eberhardus*, Archiepiscopus Saltzburgerensis, Sedis Apostolicæ Legatus, Provinciale Concilium in sua Metropoli celebravit, in quo xxxiv. condita sunt Decreta, Ecclesiasticæ Disciplinæ apprimè utilia quorum ultimum prohibet inhonestum habitum mulierum, caudas, monstrosa capitis ornamenta mandatque sub Excommunicationis Sententia universis & singulis Laicis, ut uxores suas, & filia vestium, ac mundi muliebris luxum, immodestiam, superfluitatem refecare, aut moderari cogant, ipsisque mulieribus, sub eadem pœna præcipit, ut in hoc maritis suis morem gerant; Episcopis verò & Parochis, ut rebelles ac perveraces hac in re mulieres arceant à Communione: Sæcularibus tandem Potestatibus, ut ad executionem hujus saluberrimi Statuti pœnales etiam Leges ferant, alioquin eadem Censurâ percellantur. Paulò post celebrationem hujusce Saltzburgerensis Concilii, *Theodoricus* Colonienfis Archiepiscopus Synodum Provinciale anno millesimo quadringentesimo vigesimo tertio convocavit, in qua undecim publicata sunt Decreta contra Clericos

Concubenarios , contra Ecclesiasticæ libertatis
Hostes, eorumque fautores , contra Canonicos,
et quosve Clericos in Ecclesia vel Cœmeterio
ambulantes, quibus præcipitur sub pœna pri-
vationis fructuum ad octo dies, ne stando vel se-
dendo confabulentur, dùm divina peraguntur
Officia. Decernit etiam eadem Synodus Colo-
nensis, ut pulsentur campanæ omnibus sextis fe-
stis circa meridiem, quò Fideles memoriam Pas-
sionis Christi majori cum devotione recolant, sin-
gulis verò diebus circa Solis ortum, in memo-
riam Compassionis gloriosæ Virginis *Mariæ*, &
certas preces ad hujusmodi campanæ pulsus re-
cantibus Indulgentias xl. dierum concedit.
Item, Festum *Compassionis* Beatæ Virginis *Ma-
riæ* celebrari statuit. Ad sanciendam itidem Ec-
clesiæ Disciplinam *Joannes de Nanton*, Archiepi-
scopus Senonensis, Provinciæ suæ Concilium Pa-
risiense celebravit anno millesimo quadringentesimo
vigesimo nono, in quo quadraginta constituta
sunt Decreta, quorum alia reformationem divini
Officii spectant, alia mores Prælatorum, Abba-
tum, Abbatissarum, Monachorum Ordinis Sancti
Benedicti, & Canonicorum Regularium Sancti *Au-
gustini*, alia ad Clericorum vitæ honestatem, &
sæcularium correctionem ordinantur. Eodem
anno millesimo quadringentesimo vigesimo nono
habitum est in Catalonia Concilium Dertusanum
apud Urbem, quæ nunc *Tortosa* dicitur, Præside
Petro de Fuxo, Cardinali, & *Martini V.* Pontificis
Maximi Legato, in quo primùm extinctæ sunt in-
fausti Schismatis reliquæ per abdicationem *Ægi-
dii de Munione*, qui *Clementis VIII.* nomine, post
Pe-

Petrum de Luna, dictum *Benedictum XIII.* Pontificatum invadere præsumpserat. *Alphonfus* Aragonum Rex in gratiam *Martini V.* admissus est, ejusdemque Pontificis obedientiam professi sunt Episcopi Hispani, qui ab anno *MCCCLXXVII.* hoc est, ab electione *Clementis VII.* tempore Schismatis Avenione sedentis, usque ad annum *MCCCCXXIX.* pernicioso Schismate fuerant ab Ecclesia divisi. Sublato illo Schismate, Episcopi Hispani in hoc Concilio Dertusano congregati, Ecclesiasticam, Disciplinam, Schismatis tempore fœdè prolapsam, viginti Decretis instaurarunt. Primum est de Vita & honestate Clericorum, eisque modestiam in vestibus servandam imperat. Secundum & tertium coercent Clericos, & Religiosos Militarium Ordinum Equites concubenarios. Quartum statuit, ut Clerici Beneficiati, vel in Sacris Ordinibus constituti propria habeant Breviaria. Quintum prohibet, nè indigni & illiterati ad Sacros Ordines promoveantur. Sextum, statuit modum instruendi populum circa fidem necessaria. Septimum vetat, ne in domibus privatis, vel capellis administrentur Sacramenta, aut Missæ pro nuptiis vel sepulturis administrentur. Octavum cavet, ne sine auctoritate Ordinarii, & absque dote sufficienti Beneficium Ecclesiasticum instituatur. Nonum præcipit, ut Neophyti per Censuram Ecclesiasticam districtè compellantur infantes suos infra octo dies à nativitate deferre ad Baptismum. Decimum sancit, ut Vicarii, & Principales Officiales Episcoporum Sacris Ordinibus sint initiati. Undecimum est contra illos, qui litteras Regiæ familiaritatis, idest, ut in Regis familiam admit-

tur, per subreptionem impetrant. Duodecimum est adversus illos, qui Clericos ad Sæculare jilicium trahere moliuntur oppressione prætextu. Decimum tertium excommunicatione illos punit, qui animos Principum, aut Dominorum temporalium accendunt contra Ecclesiam & Ecclesiasticam libertatem. Decimum quartum Prælatos Regulares admonet, ut subditorum vitia, &que excessus diligenter corrigant. Decimum quintum denuntiat excommunicatos judices delegatos metas sui Officii excedentes. Decimum sextum excommunicat Quæstores, qui absque litteris Diœcesani Episcopi quæsturam, aut prædicationis officium exercent. Decimum septimum providet adversus excessus Clericorum, aut Religiosorum, ut sine litteris Ordinariorum ad expiendas Confessiones non admittantur. Decimum octavum prohibet, ne Ecclesiarum Prælati bona *decedentium Religiosorum*, quibus *secundum statuta, vel laudabiles consuetudines* permissum est de bonis sibi à Deo collatis disponere, ullatenus occupent. Decimum nonum innovat Decretum Lateranensis Concilii iv. circa Medicos, quibus præcipitur ut non visitent infirmum ultra tertiam vicem, qui in illa infirmitate non fuerit confessus. Vigésimum denique, Clementinam *De Judæis, & Saracenis*, jubet inviolabiliter observari. Hæc viginti istius Concilii Dertusani Decreta, seu Capitula, nec non illius Acta, quibus *Ægidii de Munione* Antipapæ, dicti *Clementis VIII.* Bulla cessionis, & octo Litteræ *Alphonfi* Aragonum Regis Litteræ datæ pro asserendis immunitatibus, privilegiis & libertatibus Ecclesiæ subnectuntur, inseruit, ac per-

perdoctis Notis illustravit Cardinalis *de Aguirre* Tom.3. *de Conciliis Hispaniæ* à pag. 648. usque ad pag. 670.

D. Hæc sunt igitur omnia Concilia Nationalia, quæ ad reformandos mores, & refarciendam Ecclesiasticam Disciplinam Sæculo decimo quinto fuerunt celebrata.

M. Præter hæc Concilia Nationalia, quæ hætenus percensui, quædam alia in rem Ecclesiasticæ Disciplinæ habita sunt, à quibus impræsentiarum me breviter expediam. *Rodolphus Rousselius* Rothomagensis Archiepiscopus, Concilium anno MCCCCXLV. in sua Metropoli indixit, in quo ad rectæ fidei propugnaculum, & Ecclesiasticæ Disciplinæ munimen, Canones XL. editi sunt contra magicos Libellos, Dæmonum invocatores, Ariolos, incantatores, & eos, qui cum ipsis consuetudinem habent, aut ad illos recurrunt; contra superstitiones recens invecas aut usurpatas; contra Clericos concubinarios, contra Sacerdotes, qui pro Missis celebrandis turpes aliquas pactiones faciunt. Præcipit etiam idem Concilium Rothomagense, ut Beneficia Ecclesiastica personis idoneis & benemeritis tam ex parte patronorum Ecclesiasticorum, & Laicorum, quàm collatorum, & ordinatorum, liberaliter & absque ulla illicita pactione conferantur, & ad illa præsententur. Item jubet, ut hi, qui ad Sacros Ordines sunt promovendi, Episcopo Diocesano, aut ab eo deputandis examinadoribus se præsentent, & ab illis benè & maturè examinentur, nec ad Sacros Ordines recipiantur, nisi reperiantur ætatis & qualitatum aliarum, quas Sacri definiunt Canones. Deniquè.

præcipit istud Concilium Rothomagenſe omnibus Clericis, ut in ſuis Beneficiis, juxta eorum fundationes, habitibus decentibus reſideant, ut nullas mulieres, niſi de illis ſint, in quibus naturæ fœdus nihil permittit ſæui criminis ſuſpicari, ſecum retineant, & ut Eccleſiarum Parochialium Rectores Dominicis ſaltem diebus & aliis ſolemnibus Parochianos ſuos in fide & moribus inſtruant. Turonenſis Provinciæ Concilium *Joannes* Archiepiſcopus Turonenſis unâ cum ſuis Suffraganeis habuit Andegavi anno milieſimo quadringentefimo quadregelimo octavo, & in eo ad reformandos Cleri populique mores ſeptemdecim editi ſunt Canones, de temporibus Ordinationum; De Vita, & honeſtate Clericorum; De Clericis non reſidentibus; De ſilentio in Choro; De Ludis illicitis & prohibitis; De Concubinariis, qui poſt canonicam monitionem à Communione arceri debent; De Matrimoniis clandestinis; De ſecundis nuptiis; De Reliquiis Sanctorum, quas cauſâ quæſtus circumferri non debere decernitur &c. Compendium ſeptemdecim Concilii Andegavenſis Canonum protulit *Poſſevinus* Tomo II. *Apparatus Sacri*, ſed integri, ex doctiſſimi *Jacobi Sirmondi* apographo deſcripti, habentur Tomo XII. Conciliorum Editionis Labbeanæ pag. 1352. Provinciæ Remenſis Concilium *Joannes Juvenalis De Urſinis* Metropolita Remenſis anno MCCCCLV. in Urbe Sueſſionenſi convocavit, in quo abuſus, qui, bellis id temporis flagrantibus, in Eccleſiam irreperſerant, ſublati ſunt; Cultui divino ſuus reſtitutus decor; aliaque ſalubriter conſtituta circa Eccleſiaſticam immunitatem, Clericorum vitæ honeſtatem,

itatem, & reformationem Monasteriorum tam Religioforum, quàm Monialium. Aliud Concilium in Galliis eodem Sæculo decimo quinto in causa Disciplinæ Ecclesiasticæ reformandæ celebratum est, Senonense videlicet, quod à *Tristano de Salazar* Archiepiscopo, ejusque suffraganei anno MCCCCLXXXV. habitum est & in eo Constitutiones alterius, quod præcesserat, Concilii Senonensis coacti anno MCCCCLXI. cui præfuerat *Ludovicus de Melidano* Archiepiscopus Senonensis fuerunt renovatæ, hisque accessere nova hujus posterioris Synodi Senonensis quatuor Decretorum capita, quibus reformata est Ecclesiæ Disciplina. Primum spectat devotam Officii divini celebrationem. Alterum, multa circa Virorum Ecclesiasticorum reformationem statuit de Episcoporum conversatione & moribus; de Ordinum celebratione; de Visitationibus, & Collationibus Beneficiorum; de Concubinariis; de vestium honestate & modestia; de Clericorum honesta conversatione & prohibitione à tabernis, ab ebrietate, negotiationibus, mercimoniis, à sæcularium negotiis & procurationibus, ab aleis, taxillis, & aliis ludis cum violentis corporis exercitiis conjunctis; de jurisdictionis Ecclesiasticæ Administris reformandis, & de emendatione Quæstorum, qui per diversas plagas & regiones, quas peragrabant, non solum prædicationis officium sine ulla canonica approbatione quandòque usurpabant; sed etiam sæpè numero falsas litteras & Bullas circumferebant, ut credulorum & simplicium emungerent marsupia, & ab illis titulo eleemosynarum pecunias extorquerent. Tertium Decretorum

orum caput spectat Virorum Religiosorum re-
 formationem, & inter alia prohibet, ne aliquid
 pacto recipiatur pro ingressu Religionis. Quar-
 tum caput versatur circa Laicorum, & omnium
 fidelium reformationem, multaque decernit de
 istis piè celebrandis, de puniendis blasphemis,
 de solvendis Decimis, de Matrimoniiis palàm in
 ecclesia contrahendis, de libertate, & immuni-
 tate Ecclesiæ adversus Laicos propugnandâ, &
 de promulgatione atque observantia Decreta-
 rum ad Sanctimonialium statum pertinentium.
 his quatuor Conciliis Provincialibus, quæ pro
 ecclesiasticæ Disciplinæ reformatione Sæculo xv.
 Galliis habita sunt, duo alia Concilia adjungere
 acet, quæ eodem Sæculo ad restaurandam pari-
 ter collapsam Ecclesiæ Disciplinam in Hispania
 fuerunt celebrata. Primum, est Concilium Ma-
 litense, quod à *Roderico de Borgia* Cardinali &
 à *dis Apostolicæ Legato* anno mccccclxxiii. con-
 vocatum est, occasione pudendæ inscitæ, quæ
 b *Henrico IV.* Hispaniarum Rege, sicut jam ex
ariana observavimus in primo Colloquio, Sa-
 cerdotes Hispaniæ adeò invaserat, ut pauci Lati-
 nè scirent, & omnes ventri, gulæ, suisque propriis
 commodis inservirent. Ad tollendum prædictum
 illud inscitæ malum, Episcopi in hoc Concilio
 Malitensi congregati impetrarunt à Pontifice
 Romano, ut in singulis Ecclesiis Cathedralibus
 ini Canonici instituerentur, suffragiis Epi-
 scopi, & Collegii, quorum alter Theologo, alter
 reconsulto obveniret. Hujus impetrati Ponti-
 ficii diplomatis præcipuam partem inseruit *Ma-*
ana Cap. xviii. Libri xxiii. De Rebus Hispan.
 Me-

Meminit istius Concilii Matritensis Cardinalis *Aguirre* Tomo III. *Conc. Hispaniæ* pag. 671. Alterum Concilium ad corrigendos Cleri populiq; mores in Hispania eodem anno MCCCCLXXIII. Oppido *Aranda*, Diœcesis Toletanæ, indèque dictum Concilium Arandense, Præsidente *Alphonso Carrillo* Archipræsule Toletano, celebratum est, in eo pro refarcienda Ecclesiæ Disciplinâ viginti novem publicata sunt Decreta, quorum primum statuit, ut Archiepiscopi Synodos Provinciali in biennio, & Episcopi Synodalia singulis anni Concilia celebrent. Secundum, decernit ut Rectores Ecclesiarum præcipua Christianæ Doctrinæ Capita habeant in scriptis, eaque populo tradant. Tertium, prohibet ne ad Sacros Ordines promoveantur hi, qui latinè loqui nesciunt. Quartum, præcipit Episcopis, ut non admittant Clericos aliarum Diœcesum absque litterarum commendatitiis. Quintum, sancit, ut Archiepiscopi, & Episcopi veste lineâ superiori, vulgari *Roqueto* nuncupatâ, in publico semper utantur, ipsisque prohibet vestes sericas qualescumque necnon sotulares, seu calceos albos. Sextum, statuit Clericis, ne induantur vestibus sericis, rubris vel viridibus, nec sotulares, seu calceos albos, ferant. Septimum, jubet ut observentur dies Dominici & Festivi. Octavum, Clericis lugubres vestes prohibet. Nonum, Clericos Concubinarios pœnis canonicis coercendos ac plectendos decernit. Decimum, Parochialium Ecclesiarum rectoribus eos præfici vetat, qui latinè loqui nesciunt, idemque de Canonicatibus & Dignitatibus Metropolitanarum & Cathedralium Ecclesiarum decernit.

. Undecimò, ludus taxillorum Clericis inhi-
 tur sub gravi multâ pecuniariâ piis uſibus ap-
 candâ. Duodecimum, præcipit Episcopis ut
 , & Presbyteris ut quater saltêm in anno Missam
 ebrent. Decimum tertium, statuit ut nulli
 edicent sine licentia Prælatorum, & ut Quæsto-
 legant dumtaxât litteras, quas ipsis concessit
 Episcopi Diœcesani, nihilque aliud propo-
 nt. Decimum quartum, pœnas decernit in-
 ericos minores, qui Clericalem habitum, &
 nsuram non deferunt. Decimum quintum, di-
 icte præcipit Clericis in Sacris Ordinibus con-
 cutis, aut beneficiatis, ne cum dominis Sæcula-
 us, cujuscumque gradus, status, ordinis, seu
 nditionis existant, exceptis Rege, & Regiis per-
 nis, vitam militarem, ad auxilia armorum præ-
 nda, ducere audeant dissolutam, seu ab eis
 cipiant terras, stipendia & salaria, vel pecunias
 ascumque, ut armis per se, vel per alios defer-
 ant. Decimum sextum, vetat nuptias, choreas,
 convivia his temporibus fieri, quæ à jure pro-
 beantur, sub pœna Excommunicationis. Deci-
 um septimum, Sponsalia clandestina, & sine
 inque testium præsentia contrahentes excom-
 municatione ferit, & Clericos, qui clandestinis
 jufmodi desponsationibus interfuerint, aut sic
 sponsatos Benedictione nuptiali donaverint, ad
 es menses ab Officio, & Beneficio suspendit. De-
 num octavum, declarat eos esse ipso facto ex-
 municatos, qui possessiones Beneficiorum va-
 ntium occupant, vendunt, vel emunt, aut de
 sis illicitè paciscuntur. Decimum nonum, lu-
 os theatrales, larvas, spectacula, carmina,

turpia, sermones illicitos, & quascumque repræsentationes inhonestas fieri in Ecclesiis prohibet Vigefimum mandat, ut hi, qui moriuntur in singulari certamine, sive, ut ajunt, in duello, etiam ante obitum receperint pœnitentiæ Sacramentum priventur Ecclesiasticâ sepulturâ, & divina Officia pro eis non dicantur, nec recipiantur Oblationes. Vigefimum primum, à Primitiarum, Decimarum & aliorum Ecclesiasticorum reddituum fructibus impediens, aut in his negotium Viris Ecclesiasticis facessentes, excommunicatione plectit. Vigefimum secundum, Raptores Ecclesiasticâ sepulturâ privandos esse statuit, nec pro eis divina Officia esse recitanda, aut oblationes admitteudas. Vigefimum tertium jubet, ut hi, qui in utraque Diœcesi excommunicatione sunt perculsi, evitentur in aliis. Vigefimum quartum, Ecclesiasticæ libertati consulit, & civitatem, aut villam, in qua Clerici per vim fuerint expulsi, subjicit Interdicto. Vigefimum quintum, in Ordinationibus aliquid ante vel post exigere vel recipi vetat, etiam pro sigillo aut cerâ. Vigefimum sextum, pœnitentiam contra Beneficiatos decretas, ad Parochos, & Congregaciones quascumque etiam post Episcopalem majores extendi declarat. Vigefimum septimum Episcopis universis Toletanæ Provinciæ facultatem concedit absolvendi in suis Diœcesibus à Censuris in hac Arandensi Synodo latis. Vigefimum octavum, hæc Decreta infra duos menses in Synodis Diœcesanis, aut certè in Ecclesiis Cathedralibus promulgari præcipit. Vigefimum nonum, testes Synodales in qualibet Diœcesi Prælatos institui decernit, quorum esset officium

quirere diligenter, quæ corrigenda & refo-
 anda viderent, eaque postea in sequenti Con-
 cilio nuntiarent. Hæc viginti novem Concilii
 andensis saluberrima Decreta, seu Capitula,
 immatim perstrinxisse sufficiat, quæ si integra
 citare aveas, legesis Cardinalem *de Aguirre*,
 Tomo III. *Conciliorum Hispaniæ*, ubi à pag. 673.
 que ad pag. 682. prædicta Decreta, seu Capitu-
 moribus reformandis aptissima, accuratè de-
 scripta. Nonnulla Concilia Nationalia Sæculo
 Ecclesiæ decimo quinto in negotio reformationis
 disciplinæ Ecclesiasticæ in Anglia celebrata me-
 morat *Henricus Spelmannus* Tomo II. *Conciliorum*
Britanniæ. Verùm, cùm ejusmodi Concilia in iis-
 dem penè argumentis versentur, eademque de-
 terminant Ecclesiasticæ Disciplinæ capita, quæ in
 iis jam à me laudatis Conciliis Nationalibus
 incita sunt, consultius esse duxi, ne te intempe-
 tivâ prolixitate, & frequenti repetitione defati-
 arem, ea silentio prætermittere, & præsentis
 colloquio nostro de Conciliis tam Oecumenicis,
 quam Nationalibus Sæculo Ecclesiæ decimo quin-
 to habitis finem imponere. Tu interim ea para,
 editare, & quotidianâ ruminatione cogita, quæ
 ætenuis diximus de Historia Ecclesiastica Sæculi
 decimi quinti, ne te imparatum offendam in pro-
 ximo Colloquio, quod postridiè habituri sumus
 cum Viris illustribus, qui eodem Sæculo in Ecclesia
 foruerunt.

D. Laudabilem fanè, & universæ rei Litte-
 rariæ utilissimam operam illos impendere semper
 arbitratum sum, qui inter varia illa, quæ hodiè
 abentur, litterarum adjumenta, doctrinæque

elegantioris subsidia, Virorum illustrium libros recensere, & genuinos à spuris, juxta accuratioris Criterii regulas, secernere aggrediuntur. In tanta quippè multitudine librorum, quos singuli Ecclesiæ Sæculis lucubrarunt viri illustres, nil juvenes, Historiæ Ecclesiasticæ studiosi, Ducem aliquem habuerint, qui in quavis Lingua, arte seu scientiâ illustres Scriptores singulis ætatibus florere, eorum scribendi rationem, tum & genuinos illorum libros ipsis indicaverit, ad solidam perfectamque eruditionem aditum nancisci nunc quam poterunt, hærebuntque ad aquas, nesci qua ex parte vadum tentare possint. Ut igitur ipse ex omnibus scopulis, seu difficultatibus, quæ passim in studio Historiæ Ecclesiasticæ occurrunt, feliciter emergere valeam, te ducem lubentissimè sequar, & ad ea, quæ in proximo Colloquio de Viris Illustribus, qui Sæculum decimum quintum doctrinâ & pietate illustrarunt, deque eruditionum eorum Operibus dicturus es, aures erigam & animum, quam diligentissimè potero, intendam.

COLLOQUIUM V.

*et viris illustribus, qui Sæculo XV. tam
in Oriente, quàm in Occidente, doctrina,
viteque sanctimonia floruerunt.*

AGI-
ER. **P**Ræter veteres benè multos Scripto-
res, qui virorum Illustrium, & li-
brorum, quos ediderunt, distinctam
curatamque notitiam tradiderunt, complures
moderni viri eruditi, majori apparatu doctrinæ
e subsidiis instructi, præsertim *Sixtus Senensis*,
Jesevinus, *Bellarminus*, *Miræus*, *Labbeus*, *Gesne-*
s, *Simlerus*, *Perkinsius*, *Scultetus*, *Teisserus*, *Vos-*
s, *Oudinus*, *Dupinus*, *Guillelmus Cave*, & *Tho-*
mas Pope Blount, idem institutum susceperunt,
istum latissimè patentem Scriptorum Ecclesia-
corum, in quo sese exercere possent, studiis ac
industriæ suæ campum elegerunt. De illustribus
iam Scriptoribus, qui regularem vitam professi
sunt, plenius differunt *Joannes Mabillonius* de Scri-
ptoribus Ordinis S. *Benedicti* in Sæculis *Benedicti-*
s, *Wadinghus* in libro de *Scriptoribus Ordinis*
Minorum, *Antonius Senensis*, & *Altamura* in *Biblio-*
theca Scriptorum Ordinis FF. Prædicatorum, &
Jacobus Echardus ejusdem Ordinis, qui novam
bibliothecam illustrium Virorum Ordinis *Prædi-*
icatorum multò auctiorem confecit, & tum anti-
quis, tum recentioribus Scriptoribus instructam,
c duobus voluminibus comprehensam nunc præ-
cipue *Parisiis* mandat. Hoc præclarum Opus necdum

ad manus meas pervenit , sed , ut accepi à Viris eruditis , eâ solertiâ , tamque diligenti Criterio concinnatum est , ut iniquissimus harum rerum existimator fuerit , qui illud non omni plausu prosequendum putet , optetque ut eo quamprimum deditur Respublica Litteraria . Tot itaque Scriptorum , qui in percensendis ac secernendis Virorum illustrium Operibus laudabilem operam posuerunt , vestigiis ipse insistens , de Viris illustribus , qui Sæculo XV. floruerunt , in hocce Colloquio sermonem instituam , de omnibus tamen universim non disseram , hoc quippè nimis prolixum foret , sed de iis tantum , qui apud erudito maximi æstimantur , & in summo honore habentur .

D. Sæpius experientiâ comprobavi , ea quæ studiosè perlegeram , oblivione deleri , atque invicem confundi , tum quia memoria me rerum , quas recondidit , multitudine onerata : facile patitur ut multa in dies per oblivionem colabantur & evanescant ; tum quia etiam , res , quæ prolixiori stylo pertractantur , & in perspicuum ordinem non sunt distributæ , diu citrà confusum aliquam labili memoriæ inhærere non possunt , nisi brevioris ac clarioris methodi beneficio altius insigantur , vel quæ dudum memoriâ exciderunt , reparentur , atque in reminiscentiam facili revocentur . Hoc commodissimum memoriæ subsidium omni procul dubio assequar , si in præsentis nostri Colloquio perspicuitatem cum brevitate conjungas , omnesque illustres Scriptores , qui sæculum Ecclesiæ decimum quintum eruditione nobilitarunt , in decem Classes distribuas , ita

prima reponas celebriores Orientis Scriptores; altera Gallos; in tertia Italos; in quarta Hispanos; quinta Anglos; in sexta Germanos; in septima monachos; in octava Scriptores ex Ord. FF. Præd. nona insignes Theologos, qui alios Mendicantium Religiosorum Ordines illustrarunt; in prima peritiores Jurisconsultos. In hunc ordinem dispositi Ecclesiastici Sæculi XV. Scriptores memoriam meam nec multitudine librorum, quos viderunt, onerare, nec aliquâ confusione poterant perturbare.

M. Tuæ utilitati, ut consulam, hunc in disponendis illustribus Sæculi XV. Scriptoribus præscriptum ordinem sequar, & incipiam à Scriptoribus Græcis, quorum agmen ducet *Simeon*, qui ex Monacho Archiepiscopus Thessalonicensis factus, claruit ineunte Sæculo decimo quinto, & Ecclesiæ Latinæ fuit acerrimus insectator. Inter multa Opera, quæ edidit hic *Simeon*, eminet *Commentarius*, quem lucubravit, de Div. Templo, de ejus Ministris, de sacris eorum vestibus, de Sacrosanctæ Mystagogia, sive Missa, ad pios quosdam Cretenses. Hunc *Simeonis* Commentarium latinè vertit, & una cum textu Græco Parisiis anno MDCXLVII. divulgavit in suo Rituali Græcorum doctissimus noster *Jacobus Goar*. Scripsit etiam idem *Simeon* alterum Opus, seu *Dialogum Ecclesiasticum adversus omnes Hæreses, de sola Domini nostri Jesu Christi fide, sacris Sacrificiis, & Mysteriis omnibus Ecclesiæ, ex S. Scripturis & Patribus collectum*, qui Græcè MS. habetur in Bibliothecis Vaticana & Cæsarea, eumque *Leo Allatus* in *Diatriba De Simeonibus* appellat *pium & doctum, dignumque* qui aliquandò lucem videat.

Insigne hujus Dialogi fragmentum de *pœnitentia*,
 excerpfit, & Græco-Latinum edidit eruditus
P. Joannes Morinus in Appendice adjectâ ad calcem
 libri sui de *Pœnitentia*. Extant adhuc ejusdem *Si-*
meonis alia Opera MSS. in Bibliotheca Vaticana,
 quorum sequentes Titulos exhibet *Leo Allatius*
 videlicet *Responsiones LXXXV. ad interrogata Gabrie-*
lis Metropolitæ Pentapolitani. *Liber de Sacerdo-*
tio ad Monachum quemdam. *Expositio compendiosa*
Symboli orthodoxæ & inculpatae nostræ fidei Chri-
stianorum. *Expositio necessaria sententiarum Sacri*
Symboli, unde collectæ sunt, & adversus quos dicta
 tæ. *Capita XII. quæ solam Christianorum fidem se-*
Articulos omnes Fidei continent, & quod *Symbolum*
Apostolicum eos contineat, deque *Virtutibus* compre-
 hensivis. *Libellus de iis*, circa quæ *Latini* innovant
 Floruerunt in Ecclesia Orientali eodem circite-
 tempore, hoc est, sub initium Sæculi XV. Scripto-
 res Græci, *Josephus Bryennius*, *Demetrius Chrysol-*
ras, *Macarius*, & *Esajas*, quorum primus, se
Josephus Bryennius, patriâ Constantinopolitanam
 & vitæ instituto Monachus, multa adversus Lat-
 nos scripsit Opera, præsertim adversus eorum
 dogma de Processione Spiritus Sancti octodecim
 Orationes composuit, quæ manuscriptæ in Bibli-
 theca Vaticana asservantur, quarumve titulos
 argumenta, initia & loca, in quibus habitæ sunt
 ordine recenset *Leo Allatius* lib. 2. de Consensu E-
 clesie Occidentalis & Orientalis parag. 14. Duas eju-
 dem *Josephi Bryennii* Orationes de futuro judicii
 & de sempiterna Beatitudine citat idem *Leo Ali-*
tius. Eidem *Josepho Bryennio* tribuuntur *Dialo-*
de Processione Spiritus Sancti; *Disputatio de Orto-*

Eclesia : atque alia *Disputatio de Fide* , quæ ut testatur *Guillelmus Cave* , habetur MS. in Bibliotheca Ambrosiana . Alter Scriptor Græcus , quem *Joannes laudavi* , *Demetrius Chrysoloras* , summus fuit Philosophus & Astronomus , atque *Manueli Palæologo* , Græcorum Imperatori , apprimè charus . Scripsit adversus Latinos *Orationem Synopticam* , excerptam ex Operibus *Nili Thessalonicensis* : *Dialogum* , quòd fas non sit *Orthodoxis* alios *Orthodoxos* de re aliqua accusare : *Dialogum contra Orationem* , quam scripsit *Demetrius Cydonius* adversus *Nicolaum Cabasilam Thessalonicensem* . Latinos acerrimo odio persecutus est *Macarius* , cujus extat Opus editum contra pravas *Latinorum Opiniones* , & ad eisdem Operis calcem impugnat ille Scriptor Græcus *Barlaamum* , *Acindynum* , eorumque *Assensas* . Hoc *Macarii* Opus , quod centum viginti capitulis constat , memorat atque perstringit *Leo Allatus* lib. 2. de *Consensu Ecclesiæ Occidentalis & Orientalis* cap. 18. parag. 15. In Latinos propensissimus , eorumque amicus fuit *Esaias* , patriam *Cyrius* , qui librum , quem *Nicolaus Sclegia* , Scriptor Græcus , de Processione Spiritus Sancti adversus Latinos ediderat , datis ad illum Litteris , strenuè oppugnavit , ineptiarum , & impietatis ipsum redarguit , atque *Spiritum Sanctum* à Patre , Filioque procedere multis solidissimis evincit argumentis . His eruditis Scriptoribus Græcis jure merito addi debent *Georgius Phranza* , & *Macarius Macres* . Primus , patriam fuit *Byzantinus* , ex illustri prosapia oriundus , bello variis ad Principes Legationibus , atque Litteris clarus , Monasticam tandem vitam amplexus , scripsit *Historiam Rerum* .
By-

Byzantinorum ab anno mclx. usque ad annum mccccclxxv. libris quatuor comprehensam, quam latinè vertit, & amputatis crebris digressionibus in tres libros contraxit, ac publicavit *Jacobus Pontanus* Ingolstadii anno mdcix. Alter Scriptor Græcus, seu *Macarius Macres*, fuit Montis Athæ Hieromonachus, *Georgii Phranzæ* amicus, & Latinorum hostis infensissimus, à *Joanne Paleologo*, Græcorum Imperatore, unà cum *Marco Jagro*, ad *Martinum V.* Pontificem Maximum Legatus missus est, in qua Legatione è vivis excessit. Scripsit contra Latinos Opus de Processione Spiritus Sancti.

D. Inter peritos Græcos, qui pro unione Ecclesiæ Græcæ cum Latina ad Concilium Generale Florentinum accesserunt, alii fuerunt, qui, ut in superiori Colloquio observasti, Latinorum Dogmata approbarunt, ac perdoctis suis Scriptis egregiè vindicarunt; alii verò, qui in Schismate pertinaces, Latinorum Dogmata semper oppugnarunt, & contra unionem Ecclesiæ Græcæ cum Latina in hoc Concilio Oecumenico factam calumniam acuerunt. Optarem igitur, ut primum eorum hinc percereres eruditos Græcos, qui in Concilio Florentino Ecclesiæ Latinæ Dogmata ultrò amplexi sunt, eaque suis Scriptis propugnarunt, deindè illos proferres Græcos, qui obstinatis animis Schismati adhærentes, Concilii Florentini Decreta, & Ecclesiæ Latinæ Dogmata suis Scriptis exagitarunt.

M. Inter Græcos, qui unionem Ecclesiæ Græcæ cum Latina in Concilio Florentino maxime promoverunt, præter *Josephum*, Patriarcham

Constantinopolitanum , qui , sicut in superiori-
 bus Colloquiis ostendimus, Latinis impensè favit,
 & paulò antequàm Florentiæ migraret è vita om-
 ni Concilii Florentini definitiones confirmavit ;
 quinque alii peritissimi celebrantur Scriptores
 Græci, qui pro Ecclesiæ Græcæ cum Latina unio-
 nis & Latinorum Dogmatum defensione eruditas
 librationes ediderunt, videlicèt *Bessarion, Isido-*
Ruthenus, Gregorius Mammæas, Andreas Rhodius,
Josephus Methonensis, de quibus hic pauca dice-
 mus . In primis, *Bessarion*, patriâ Trapezuntinus ,
 Monacho S. *Basilii* Nicænus Archiepiscopus, ad
 efficiendam unionem Ecclesiæ Græcæ cum La-
 tina omnes suas curas in Concilio Florentino
 contulit, quo absoluto, Cardinalitiam dignitatem,
 Episcopatum Sabinensem , & postea Tuscula-
 rem adeptus , multis Legationibus , Germanicâ ,
 Venetâ & Gallicanâ præclarè functus est . Sed
 cum è Gallicana Legatione reverteretur , obiit
 Ravennæ die xvi i i . Novembris anni mccccclxxi i .
 scripsit quædam Opera Philosophica, sed potissi-
 mum in defensionem Dogmatum Ecclesiæ Latinæ
 scripsit Tractatum *De Sacramento Eucharistiæ, & de*
verbis, quibus Christi Corpus efficitur : librum de
Spiritu Sancto adversus Marcum Ephesium : quas-
 dam *Epistolas, & Orationes* . Concilio Florentino
 interfuit etiam *Isidorus* , patriâ Thessalonicensis ,
 electus *Ruthenus* , eò quòd Ruthenorum Archiepi-
 scopus esset . In Latinorum partes manibus pedi-
 busque transivit , ut liquet ex ejus Disputationi-
 bus de Processione Spiritus Sancti , quæ in Actis
 Concilii Florentini leguntur . Scripsit *Epistolam*
Lugubrem de capta à Turcis Constantinopoli, & Ora-
 tiones

tiones in Nativitatem, Præsentationem, Annunciationem, & Assumptionem Dei-paræ Virginis, quas Matthæus Caryophilus latinitate donavit. In præmium virtutis, doctrinæ, ac operæ, quam pro utriusque Ecclesiæ unione in Concilio Florentino navaverat, Cardinalis primùm, deindè Episcopus Sabinensis creatus est, atque in Fide Latina Ecclesiæ jugiter perseverans, obiit Romæ die xxvii. Aprilis anni mccccclxiii. Gregorius Mamas, Imperatori Joanni Palæologo à Confessionibus & Protosyncellus, ac postea Patriarcha Constantinopolitanus, Partes Latinorum, quibus in Concilio Florentino apertè patrocিনatus fuerat, strenuè tuitus est in Apologia, quam adornavit, pro Synodo Florentina adversus Marci Ephesii Epistolam Encyclicam, & in Oratione, seu Epistola ad Alexium Comnenum Imperatorem Trapezuntinum de Processione Spiritus Sancti, in qua commonstrat, haud ad Symbolum additione, Filioque, nihil planè fuisse innovatum. Extat hæc Oratio seu Epistola Gregorii ad Alexium Comnenum Imperatorem apud Leonem Allatum Tom. i. Græcia Orthodoxæ Latinorum Dogmata pari animi fortitudine & eruditione propugnavit Andreas, natione Græcus, & Rhodi Archiepiscopus, qui ab Eugenio IV Pontifice Maximo ad Concilium Basileense Legatus, Episcopos, ut Eugenio Papæ morem gererent ac nullum in Ecclesia Schisma excitarent, prolix oratione habitâ, inducere conatus est, ac deindè contra Marcum Ephesium de Processione Spiritu Sancti tam in Concilio Ferrariensi, quàm in Florentino disputavit. Extat illius Oratio in Synodo Basileensi habita apud nostrum Bzovium i

Anal. Eccles. ad ann. mccccxxxii. ejusque *Affer-*
tes in Concilio Ferrariensi adversus Græcos propo-
ibidem ad annum mccccxxxviii. Sed de hoc
Scriptore Græco, Ordinis Prædicatorum, iterum
tribit sermo, dum Scriptores hujus Ordinis re-
femus. Postremus Scriptor Græcus, qui Con-
o Florentino interfuit, & Latinorum Dogmata
stanter defendit, est Josephus Methonensis Epi-
pus, qui librum edidit, in quo diluit omnes ca-
nnias Marci Ephesii contra Synodum Florenti-
n, & Catholicum Dogma de Processione Spi-
us Sancti à Patre, Filioque, omni argumentorum
gere tutatur. Extat hic liber Græcè & Latine
st Acta Concilii Florentini. Lubentèr assentior
oni Allatio, qui in libro 3. de Consensu Eccles.
cid. & Orient. cap. 3. probat, hunc Josephum,
ethonensem Episcopum, eundem esse cum Jo-
ne cognomento Plusiadenò, cò quòd liber Apo-
geticus Josephi, Methonensis Episcopi, pro Sy-
odo Florentina adversus Marcum Ephesium in,
odice MS. Bibliothecæ Ambrosianæ Joannis Plu-
deni nomen in fronte gerat. At mihi non pro-
antur ejusdem Leonis Allatii conjecturæ, quibus
ersuadere conatur, Georgium Scholarium, Græ-
um, qui interfuit Concilio Florentino, & ad pro-
novendam unionem Ecclesiæ Græcæ cum Latinæ
otus incubuit, esse omninò diversum à Georgio
cholario Patriarcha Constantinopolitano, qui Ro-
nanæ Ecclesiæ perduellis sacram utriusque Eccle-
æ unionem multis editis libris acerrimè & perti-
acissimè post Concilium Florentinum oppugna-
it. In hanc, inquam, Leonis Allatii sententiam,
descendere non possum, quia, ut ostendi sub fi-
nein

nem nostri secundi Colloquii, *Georgius Scholarius* Patriarcha Constantinopolitanus, idem est cum *Georgio Scholario*, qui interfuit Concilio Florentino, & ad perficiendum utriusque Ecclesiæ unioni negotium curam omnem aliquandiù adhibuit, se à priori proposito Græcâ levitate postea resiliens ab eodem Concilio animo Schismatico recessit, & ad natale Solum reversus, atque, post captam Turcis Constantinopolim, Patriarcha ejusdem urbis creatus, in Synodum Florentinam aperte Marte vexillum erexit, Latinorum Dogmata Scriptis impugnavit, & Schisma postliminiò revocari latèque propagare totis viribus studuit.

D. Quinam sunt illi Scriptores Græci, qui in Concilio Florentino unionem utriusque Ecclesiæ approbare detrectarunt, & Latinorum Dogmata Scriptis impugnarunt?

M. Græcorum, qui unioni utriusque Ecclesiæ in Concilio Florentino factæ assentiri nuerunt, facile omnium Princeps & Antesignanus fuit *Marcus Eugenicus*, Metropolitæ Ephesius, qui hostis Latinorum juratissimus immenso fervore & immoderato animi ardore in Concilio Florentino disputans, in Latinos acerrimè invehctus est nec unquam hujus Concilii Decretis subscribere voluit, sed in Schismate pertinax, Constantinopolim post Concilium solutum reversus, Epistolas Tractatus, & varia Opuscula contra Latinorum Dogmata scripsit, quorum quædam edita sunt quædam verò adhuc manuscripta asservantur in Bibliotheca Vaticana, & in Bibliotheca Reg Christianissimi. Huic *Marco Eugenio* in Latin oppugnandis opem subsidiariam in Concilio Florentino

ino tulit *Joannes Eugenius*, ejus frater germanus, qui scripsit *Antirrheticum adversus Synodum entinam*, cujus Fragmenta quædam Græco Latine exhibet *Leo Allatius* in libro de *Purgatorio*. duobus Scriptoribus Græcis, capitalibus Ecclesiæ Latinæ hostibus, duos alios ejusdem farinae rationis homines adjungam, *Sylvestrum Syroem*, & *Georgium Gemistum Plethonem*, quorum unus ad Concilia Ferrariense & Florentinum, & *Josepho Patriarcha Constantinopolitano* propositus, unioni utriusque Ecclesiæ pro viribus incessit, ei tamen postea subscripsit, sed fictè & calulatè. Domum quippè reversus, scripsit *Hicnam Concilii Florentini*, mendaciis & injuriis contra Latinos scatentem, quam hæreticus *Andreas Robertus Creyghthonus*, pessimâ Fide à se Latine translata protraxit in lucem, & cum Notis edit Græc. Lat. Hagæ Comitum anno MDCLX. Al- Scriptor Græcus, seu *Georgius Gemistus Pletho*, nobilissimus quidem Philosophus fuit, sed Concilio Florentino acerrimum sese prodidit inorum adversarium, & in Græciam redux ita contra illos scripsit Opuscula, in quibus eorum dogmata philosophicis rationibus obare satagit. Extant adhuc multa inedita ejusdem *Georgii Gemisti Plethonis Opera*, quæ præci- è sunt Historica, Rhetorica, & Philosophica, de quibus leges *Leonem Allatium* in *Diatriba de Georgiis, & eorum Scriptis*.

D. Hi sunt igitur omnes Scriptores Græci, qui Sæculo XV. in Ecclesia Orientali floruerunt?

M. Præter illos Scriptores Græcos, quos Athenis laudavi, alii nonnulli aliquâ eruditionis laude

laude eodem Sæculo XV. claruerunt, quos hic in digitare abundè sufficiet. *Georgius Trapezuntinus* in Italiam ab *Eugenio IV.* Pontifice Maximo accitus, Græcæ Linguæ, Artiumque liberalium scientiam summâ cum laude docuit, & pro defensione Ecclesiæ Latinæ Dogmatum scripsit librum de *Processione Spiritus Sancti contra Græcos*: alterum etiam de *Processione Spiritus Sancti*, de *una Sancti & Catholica Ecclesia*, & de *Primatu Ecclesiæ Romanæ*, quos *Leo Allatius* publicavit Tomo 1. *Græci Orthodoxæ* pag. 469. Scripsit etiam idem *Georgius Trapezuntinus* Epistolam ad *Joannem Palæologum* Græcorum Imperatorem, quâ eum adhortatus ut spretis Patrum Concilii Basileensis promissis, Concilium Florentinum ab *Eugenio IV.* indictum accedat. Alia denique edidit Opera, præsertim *Expositionem* in illud *S. Joannis Evangelistæ*: *eum volo manere &c.* ubi probat, *S. Joannem* nondum obiisse: *Martyrium S. Andreæ Chienfis*, c. anno MCCCCLXV. à Turcis ob constantem Christianæ Fidei confessionem trucidatus est: & variorum Græcorum Patrum Operum è Græco in Latinum sermonem Translationes, de quibus Legi potest sæpè citatus *Leo Allatius* in *Diatriba de Georgiis, eorum Scriptis* pag. 395. *Joannes Argyropulus*, triâ Byzantinus, post captam à Turcis anno MCCCCLIII. Constantinopolim, in Italiam venit & apud *Cosmum Medicæum*, Florentiæ Principem ob raram, quâ præditus erat, eruditionem, magno in honore fuit. Romam postea concessit, Aristotelis Philosophiam, & Græcas Litteras docuit, plures edidit Versiones Latinas, & alia Opera, inter quæ potissimum commendatur

r, quem composuit contra Græcos, *De Processione Spiritus Sancti, & de Concilii Florentini Decretis*, quem vulgavit *Leo Allatius* Tomo 1. *Græcæ theodoxæ* pag. 400. *Matthæus Camariota*, *Philophus* & *Rhetor eximius*, edidit *Commentarios Epistolæ Synesii: Tractatum de Lumine Thabor*, quo *Barlaamitas* impugnat; & *Epistolam de caritate à Turcis Constantinopoli*. Alii Sæculi XV. Scriptores Græci de Historia scripserunt, inter quos præminent *Ducas*; *Georgius Codinus Cuiropalates*, *Laoniscus Calcondylas*, & *Nicolaus Secundinus*. Primus, licet *Ducas*, ex Imperatorum Græcorum *Ducam* profapiâ oriundus, scripsit *Historiam Byzantinam* de Rebus in Imperio Constantinopolitano factis ab *Andronici Palæologi junioris Imperatoris* ætate usque ad captam à Turcis *Lesbum Insulam*, cæst, ab anno MCCCXLI. usque ad annum MCCCCLXII. Prodiit hæc Historia Græco-Latina Parisiis anno MDCXLIX. *Georgius Codinus Cuiropalates* multa, quæ ad Historiam Byzantinam, seu Imperatorum Græcorum, & Urbis Constantinopolitanæ formam, signa, statuas, ædificia, & alia ætatu digna attinent, elucubravit Opera, quæ Parisiis excusa sunt anno MDCLV. *Laonicus Calcondylas*, patriâ Atheniensis, scripsit *Historiam de origine & Rebus gestis Turcarum* libris decem, incomprensam, ab *Ottomano*, filio *Orthogulis*, usque ad ultimum *Mahometis II.* Regnum, seu ab anno Christi MCCC. usque ad annum MCCCCLXIII. Hæc Historia fuit variis in locis typis mandata, sed præcipuè Parisiis ann. MDL. & MDCL. Postremò, *Nicolaus Secundinus* compendiosam Turcarum præcinnavit Historiam, quæ Lovanii prodiit in

lucem anno MDLV. Hi sunt omnes Scriptores Græci, qui in Ecclesia Orientali Sæculo decimo quinto usque ad captam à Turcis Constantinopolim, idest, usque ad annum MCCCCLIII. floruerunt. Græci siquidem, post captam à Turcis Constantinopolim, in summa rerum omnium ignorantie versari cœperunt, eò quòd hi, qui inter illos erant doctiores, à Turcis patriâ pulsi in Europam venerunt, ubi à Romanis Pontificibus, & Italiæ Principibus liberalissimè & summâ humanitate excepti litteras humaniores & Græcæ cum summo omnium applausu docuerunt, atque ex eorum Scholis prodierunt Viri, ingenio, eruditione & eloquentiâ præstantissimi, qui quidquid scientiæ, doctrinæ, aut facundiæ habebant, hinc Græcis ultrò acceptum referebant, qui prius Constantinopolitanam captivitatem evaserant sicque, ita vel permittente, vel volente Deo, factum est, ut, captâ à Turcis Constantinopolim, Græci hanc illac dispersi totam Europam totius eruditae repleverint, ut jure optimo de iis primo in Europa litterarum progressu dicere possim: *ô quàm pulchra est casta generatio cum civitate &c.* Sap. cap. 4. v. 1.

D. Ex nostris in Historiam Ecclesiasticam Colloquiis probè novi, Galliam Viris doctis semper abundasse, & ad eam, velut ad amplissimam Scholam, & apertum eruditionis templum sacræ, tum prophanæ lyceum, homines ex omnibus toto confluxisse, undè in omnes terrarum tractus quasi plenis portis, Christianorum heroum agmina funderentur. Præstat igitur, ut, postquam à Scriptoris Græcis satis hætenùs disseruimus,

ne de Latinis dicturi, ab illis Viris illustribus
ordium ducamus, qui in Gallia Sæc. XV. eru-
tionis & pietatis famâ præclarum sibi nomen
compararunt.

M. De Gallis Scriptoribus, qui Sæc. XV.
Monasticam, aut Regularem Vitam professi sunt,
periti jurisconsulti fuerunt, nullam hic men-
nem faciam, quia de illis commodius disseram
aliis classibus, in quas hujus Sæc. Viros illustres
joris claritatis ergò, distribuimus. Eos itaque
laudabo dumtaxat celebriores Scriptores
illos, qui nec ad Monachorum, nec Regularium
Ordinib. Mendicantium, nec Jurisconsultorum
Classes revocari possunt. Et primò quidem loco
egregios Galliæ Scriptores reponam *Petrum*
Alliaco, Virum fide, prudentiâ, probitate, vigi-
tiâ, doctrinâ & moribus spectatissimum. Hic ex
centibus ignobilibus quidem, sed probis & li-
talibus, Compendii ad Isaram natus, magnum
i, suæque familiæ decus conciliavit. Doctor
Sacrae Facultatis Parisiensis, ac Collegii Na-
rrici supremus Moderator, tum postea Eccle-
& Academiæ Parisiensis Cancellarius, S. Cap-
llæ Parisiensis Thesaurarius, *Carolo VI.* ab Elec-
osynis Minister Ordinarius, ac denique Episco-
s Aniciensis primùm; dein, Cameracensis
chiepiscopus, & Cardinalis Tituli S. *Chrysogo-*
creatus à *Joanne XXIII.* Pontifice Maximo, an-
mccccxi. Concilio Generali Pisano interfuit,
extinguendo Schismati egregiam navavit ope-
m. Concilii Constantiensis magna pars fuit, &
eo damnationem hæresum, Schismatis extirpa-
onem, *Martini V.* Pontificis Maximi electionem

pro viribus promovit. Præter Commentarios in
 iv. libros Sententiarum, præclara alia edidit Ope-
 ra, quorum quædam typis edita sunt, quædam
 verò adhuc inedita asservantur MSS. Parisiis in
 Bibliotheca Collegii Navarrici, ut videre est apud
Joannem Launojum, Fac. Parisiensis Doctorem, in
Historia Collegii Navarrici, ubi omnia *Petri de Al-*
liaco Opera tam edita, quam inedita accuratè re-
 censet. Obiit *Petrus de Alliaco* anno mccccxxv.
 in Ecclesia Cameracensi sepultus est. Duos præ-
 sertim insignes reliquit superstites Discipulos
Joannem videlicet *Gersonium*, & *Nicolaum Clemen-*
gium, quorum primus (dictus etiam *Joannes Cha-*
lierus) natus est *Gersonii*, qui agri Remensis pa-
 tris est, ex quo *Gersonius* fuit cognominatus. La-
 ream Doctoralem in Academia Parisiensi summa
 cum honore adeptus, postea ejusdem Academiæ
 & Ecclesiæ Parisiensis celeberrimus Cancellarius
 fuit. In Conciliis Pisano & Constantiensi ad extir-
 guendum diuturnum Schisma, quo dilacerabat
 Ecclesia, omnem curam, industriam & labore
 contulit, tandem è Concilio Constantiensi revo-
 lus, & fugiens persecutionem *Joannis*, Ducis Bur-
 gundiæ, cujus nefandum parricidium *Ludovicus*
 Duci Aurelianensi illatum in Concilio Const-
 tantiensi damnari curaverat, spontè in exilium
 cessit, & Lugdunum sese contulit, ubi reliquum
 vitæ tempus libris conscribendis, orationi, con-
 cionibus, & catechizandis parvulis in Ecclesia
S. Pauli consecravit, cumq; mortem sibi imminere
 persentisceret, adductis parvulis suis discipulis
 Ecclesiam jussit, ut pro se quotidie orarent, &
 orando exclamarent: *Deus meus, Creator me-*

erere pauperrimi famuli tui Joannis Gersonii .
 iit Gersonius Lugduni die XII. mensis Julii an-
 mccccxxxix. Ejus Opera , quæ variis in locis
 ius edita sunt , singularem ipsius pietatem &
 niam eruditionem commendant . Nicolaus
 angius , alter Petri de Alliaco Discipulus , in
 Clemange Provinciæ Catalaunensis natus est,
 uodecimo ætatis anno Parisios missus, præcla-
 in Theologia progressus fecit, & in Academia
 sienti Laureâ Doctorali donatus fuit . Nec so-
 Theologiæ , sed elegantix & Poescos studio
 imè incubuit . Hinc comparatâ sibi per Epi-
 us elegantissimo stylo exaratas famâ, à Petro
 una , dicto *Benedicto XIII.* cujus Obedientiæ
 ia , tempore Schismatis , adhærebat , in Cu-
 Avenionensem evocatus est, & à Secretis sibi
 se jussus. Paulò post, Ecclesiæ Lingonensis The-
 arius factus, ab aula recessit, & otium ac tugu-
 um suum Curix *Benedicti XIII.* honoribus præ-
 tit . Rigidus fuit Principum malorum censor
 bjurgator , omniumque hominum mores solu-
 passim in suis libris acri calamo flagellat. Ex-
 t è vivis Parisiis in Collegio Navarrico . Ejus
 ra omnia in unum collecta Joannes Martinus
 us edi curavit Lugduni Batavorum anno
 xlii. Utilissimum , quem edidit Nicolaus Cle-
 gius, librum *De Studio Theologiæ*, Lucas Dache-
 publicavit Tomo VII. *Spicilegii* . Extant ad-
 in privatis Galliæ Bibliothecis quædam Cle-
 gii Opuscula manuscripta sicut testatur Joan-
 Launojus , Doctor Parisiensis in *Historia Colle-*
Navarrici part.2. pag. 578.

D. Siste tantispèr , precor , & antequàm

ulteriùs progrediamur , scire à te velim , nùm verum sit , quod nuperrimè audivi à Viris eruditiss videlicèt *Joannem Gersonium* , Academiae Parisiensis Cancellarium , esse Authorem Opusculi *De Imitatione Christi* quatuor in libros distincti , cuius dignitatem , Sententiarum pondus , & igneas , quibus , totum quantum est , emicat , pietatis scintillas nullus est , qui non admiretur , vel intergendum non experiatur .

M. Fuerunt, fateor, nonnulli Viri eruditi, ex quibusdam MSS. Codicibus Opusculi *De Imitatione Christi*, quibus præfigitur nomen *Joannis Gersonii* Facultatis Parisiensis Cancellarii , sibi , alique persuaserunt , hoc utilissimum Opusculum *Joanni Gersonio* esse tribuendum . Verùm , ne Viris eruditiss assentiar , hæc obstant momenta . Primò , quia Author hujus Opusculi *De Imitatione Christi* apertè innuit libro 3. cap. 10. num. 1. cap. 58. num. 4. se fuisse Monachum . Certissimè autem constat , *Joannem Gersonium* nunquam tam Monasticam fuisse professum . Secundò , libi inter Opera *Joannis Gersonii* , nec in Catalogo quem ipsius frater texuit , recensetur istud Opusculum *De Imitatione Christi* . Tertiò , stylus *Joannis Gersonii* , est planè diversus à stylo Opusculi *De Imitatione Christi* . Denique, nunquam *Gersonius* ullibi citat hunc librum *De Imitatione Christi* , quamvis Religiosos Cœlestinos in Epistola , quam ad eorum Provinciam scripsit, agenda *S. Bernardi* , & aliorum Opera Asceticè vehementer adhortetur, & in Epistola ad Anacoretam Montis Valeriani multos pios libros ei proponat legendos , sed de libro *Imitationis Christi* ,

ullum quidem verbum. Quod quidem argu-
to est, *Gersonium* ne minimam quidem hujus
i notitiam habuisse; ac subindè ejus Auctorem
feri haud posse. Quod verò spectat quosdam
S. Codices libri de *Imitatione Christi*, quibus ad-
bitur *Joannis Gersonii* nomen; non immeritò
dicantur Viri eruditi, nomen *Joannis Gersonii*
is MSS. Codicibus fuisse à quibusdam apposi-
loco *Ioannis Gersen*, *Benedictini*, quem, ut-
è obscurum Scriptorem, cum parùm noscent,
ninis affinitate decepti, pro *Ioanne Gersen*,
osuerunt *Ioannem Gersonium* sibi notio-
rem, ei-
istud Opusculum *De Imitatione Christi* adjudi-
unt. Quis autem sit verus Author hujusce libri
Imitatione Christi? lis adhuc sub judice est, ut
endemus in proximo Colloquio.

D. Redeamus, si placet, ad Scriptores Gal-
li, qui doctrinâ suâ Sæculum XV. illustrarunt?

M. Inter Gallos Sæculi decimi quinti haud
meritò annumerari debent *Robertus Gaguinus*,
Philippus Comineus, qui, etsi natione Belgæ
erint, in Gallia tamen floruerunt, & Rerum
ullicarum Annales scripserunt. Primus, seu *Ro-*
bertus Gaguinus, Juris Canonici Doctor, Ordinis
nctissimæ Trinitatis de Redemptione Captivo-
um Generalis Minister; Vir fuit eruditus & elo-
quens, nec modò in probatis Authoribus versa-
s, sed etiam Disciplinarum scitu maximè digna-
m absolutissimâ notitiâ exornatus. Hujus te-
s sunt tres illius libri *de Arte Poëtica*: Liber
Immaculata Conceptione Dei-paræ Virginis contra
Vincentium de Castro Novo: Liber *de misera homi-*
nis conditione: *Multæ Orationes*, & *Epigrammata*,
Z 4 quæ

quæ præstantis ipsius ingenii argumenta produnt, sed præcipuè *Rerum Gallicarum Annales*, quos libris XI. ab ann. Christi 300. usque ad ann. 1500. conscripsit, & in his de palma cum celeberrimis Veterum Scriptis certat. Multas in Italia, Germania, ac Britannia pro *Carolo VIII.* & *Ludovico XII.* Galliarum Regibus Legationes obiit *Robertus Gaguinus*, fuitque in primis charus *Ludovico XII.* à que ingenti pecuniæ vi ad emendos veterum Scriptorum libros donatus est, & Regiæ Bibliotheca Præfectus. Obiit Lutetiæ die XXII. mensis Juli anni MDII. Ejus *Historiam*, seu *Rerum Gallicarum Annales*, octodecim annis supplevit *Hubertus Vellejus* Jurisconsultus Aquensis. *Roberto Gaguino* cœvu fuit *Philippus Cominaeus*, ex illustri apud Belgas familia natus. Vir lectionis variæ, studii indefessi, observatione acutus, judicio solers, prudentiâ copiosus, qui *Ludovici XI.* Galliarum Regis, & *Caroli VII.* ejus filii res bello gestas describere aggressus, *Historiam* quatuor & triginta annorum gallicè scripsit, magnâ quidem styli simplicitate, sed, quod in rerum Scriptore summû est, singulari apud omne fidei ac veritatis opinione insignem, quam ade accuratè pertexuit, tam perspicuum ordinem, tamq; concinnitatem in ea observavit, & tam ingeniosè pluribus Politicæ Sententiis illam resperxit, ut ab omnibus eruditis cum admiratione fuerit excepta, & communibus suffragiis ejus Authori tributum sit elogium *Principis Historicorum coætemporaneorum*. Præclaris laudibus *Philippum Cominaeum* jure merito celebrant Scriptores, quos inter *Johannes Lipsius* in Notis ad primum librum Politicorum, illum cum *Polybio*, & cum quovis veterum

oricorum conferre non dubitat. *Ronsardus* ve-
 insignis Poeta, eum *Tito Livio* æquiparat in-
 mate, quod in ejus laudem scripsit. Hæc *Phi-*
Cominæ Historia sæpius Linguâ Gallicâ, quâ
 Autore scripta fuit, edita est in Galliis, Latine
 em primùm à Joanne *Sleidano*, insigni Histori-
 Belga, sed fidelius postea à *Gaspare Barthio*,
 ili Saxone, latinitate donata est, & excusa-
acofurti anno mdcxxix. quæ Editio cæteris aliis
 poni debet, præterquàm Gallicis, quæ longè
 ius legentur. Migravit è vita *Philippus Comi-*
 s Argentoni, Pictonum Oppido, quod uxoriæ
 is nomine possidebat, anno Christi mdcix. &
 isis. apud Augustinianos ad Sequanam sepul-
 est. His Scriptoribus, qui Sæculo xv. in Gal-
 floruerunt, alios benè multos illustres Acade-
 cos, & præstantissimos Sacræ Facultatis Pari-
 sis Theologos addere possem, quorum pro-
 am satis Catalogum texit *Egassius Bulaeus* ad
 cem Tomi v. *Historiæ Universitatis Parisiensis*;
 , ne longior sim, tres dumtaxat hîc proferam
 eologos, qui cæteris aliis Scriptoribus erudi-
 nis palmam præripuisse videntur. Primus est
annes Brevis Coxa, Gallicè *Courte-Cuisse*, qui in
 ro Cenomanorum natus, postea in Regio Na-
 ræ Collegio Parisiis Theologiam didicit, &
 ream doctoralem in Facultate Parisiensi conse-
 us, magno auditorum applausu in eodem Col-
 io docuit, atque pro abolendo Schismate, quod
 n temporis Ecclesiam miserum in modum ve-
 oat, multum allaboravit, teste *Monstrelleto* in
 toria *Caroli VI.* Galliarum Regis, cap. 133. ubi
 c habet: circa hoc ipsum tempus, *Parisiensis Aca-*
 demia,

demia, cū pertinaci duorum Pontificum dissidio dilacerari doleret Romanam Ecclesiam, neutrum agnoscendum esse Regi persuasit. Pro hac sententia, cū alii, tum Brevis Coxa in primis accerrimè pugnavit. Destitutus à Francis Benedictus (seu Petrus de Luna) Regnum Ecclesiastico Interdicto supposuit. Episcopus Parisiensis omnium suffragiis electus Joannes Brevis Coxa, munia tamen Episcopalia Parisiis exercere haud potuit, eò quòd Henrico IV. Angliæ Regi, qui, sicut in primo Colloquio ostendimus, tunc Lutetiæ dominabatur, gratus non esset. Quapropter, ad Episcopatum Gebennensem translatus est, ac paulò post obiit. Multa scripsi Opera, quæ adhuc Parisiis extant MSS. partim in Bibliotheca Cœnobii S. Victoris, partim in Bibliotheca Regia, partim denique in Bibliotheca Majoris Ecclesiæ Parisiensis, quorum Catalogum legis apud Joannem Launojum Fac. Parisiensis Theologum in *Historia Regii Navarræ Gymnasii* part. 3. lib. 1. cap. 3. pag. 462. & sequentibus, apud Casimirum Oudinum in *Supplemento Scripturæ Ecclesiasticorum* pag. 681. & seq. Alter insignis Theologus Facultatis Parisiensis, fuit Gerardus Machetus, qui in Collegio itidem Parisiensi Navarrico Theologiæ operam dedit, & an. mccccxii. inter Doctores Theologos Fac. Parisiensis adscriptus est. Carolo VI. Galliarum Rege carissimus fuit, & ab ejus Aula vix unquam cessit. Factus tandem Episcopus Castrensis an. mccccxliv. Obiit die xvii. Julii an. mccccxlvii. Eum præditum fuisse moribus modestis; grævis, & à sæculi vitiis abhorrentibus, testatur antiquæ probitatis Nicolaus Clemangius in Epistola

6. & 119. Eum etiam valuisse facilitate conscri-
 bandarum Epistolarum probat Codex MS. com-
 munitatis illius Epistolarum, immò plusquàm qua-
 ringentarum, quas ad diversos scripsit, qui Co-
 dex asservatur in Bibliotheca S. Martini Turonen-
 sis. Consule Joannem Launojum, qui harum pluri-
 arum Epistolarum Synopsim exhibet in *Historia*
Regii Navarrae Gymnasii part. 3. pag. 534. & sequen-
 tibus. De eodem Gerardo Macheto agunt FF. Sam-
 uarthani in *Gallia Christiana* Tomo 2. pag. 500. in
Episcopis Castrensibus, & Casimirus Oudinus in *Sup-
 plemento Scriptorum Ecclesiasticorum*. Denique à
 Gerardo Macheto sejungi non debet Ægidius Car-
 lerius Cameraco oriundus, qui etiam in Regio-
 navarrae Collegio magna cum laude Theologiam
 docuit, & Magisterium in Facultate Parisiensi ade-
 rit, Cameracensis Ecclesiæ Decanus creatus est.
 Idem cum extant plures Gerardi Macheti Castrensis
 Episcopi Litteræ, in quibus nunc vir abundantis
 sapientiae, & exemplaris virtutis, Sacrae Theologiae
 Professor, nunc profundæ Sapientiae & canonica vir-
 tutis vir, sanctissimorum eloquiorum Professor claris-
 simus vocatur. Interfuit Ægidius Carlerius Conci-
 lio Basileensi, in quo, susceptâ Legatione Pragmam
 ad revocandos in communionem Ecclesiæ Hære-
 ticos Hussitas, laudabiliter se gessit. Multa lucu-
 ravit Opera, sed pauca in lucem prodierunt.
 Ejus MSS. Operum, quæ habentur in Manuscri-
 pto Codice papyraceo Bibliothecæ Collegii Na-
 varrici, Catalogum exhibet Joannes Launojus in
Historia Regii Navarrae Gymnasii part. 3. lib. 2.
 cap. 4. pag. 580. & sequentibus, quæ typis fuit
 excusa Parisiis anno MDCLXXVII. apud Viduam.

Edmundi Martini, Viâ Jacobæâ sub Sole aureo.

D. Protulitne Italia Sæculo XV. complures eruditos Scriptores, qui Ecclesiam atque Rempublicam Litterariam suis lucubrationibus illustrarint?

M. Italia Sæcul. XV. clarissimorum Scriptorum feracissima fuit, deditque insignes Grammaticos, Oratores, Historicos, Philosophos, Theologos, & Jurisconsultos. Hic tamen de Jurisconsultis, necnon de Monachis & Regularibus, qui eodem Sæculo in Italia claruerunt, nihil inseram, utpotè de illis commodiùs in sequentibus classibus, in quas illos ordinavimus, dicturus. Inter celebres Italiæ Sæculi XV. Grammaticos locum tenent *Laurentius Valla*, *Franciscus Philelphus*, *Nicolaus Perotus*, *Nicolaus Leonicens*, *Hermolaus Barbarus*, *Julius Pomponius Lætus*, *Joannes Jovianus Pontanus*, *Marcus Antonius Sabellicus*, & *Angelus Politianus*, de quibus hic pauca dicemus. *Laurentius Valla*, *Patricius Romanus*, & *Canonicus S. Joannis Laterani*, fuit Grammaticus & Orator facundissimus, Græcæ & Latinæ Linguae peritissimus, sed acris ac supra modum mordacis ingenii, qui nec Grammaticis, nec Theologis suæ Sæculi pepercit, eosque acuto calamo & acerbior stylo perstringere non dubitavit. Eâ Censoriâ libertate innumeros sibi conciliavit inimicos, à quibus ad Inquisitionis Tribunal delatus, in carcerem trusus est, ac pro hæretico damnatus. *Alphon.* Aragoniæ Regis precibus ignis pœnam quidem evasit, erroribus tamen publicè ejuratis, in clauetro FF. Prædicatorum virgis privatim Neapo cæsus est. Præter sex libros, quos edidit *Elegan*

um *Linguae Latinae*, alia scripsit non spernendæ
tionis Opuscula, quibus nomen suum ad no-
um posteritatis cum laude transmisit. Obiit
næ Kalendis Augusti anni MCCCCLXV. & in Ba-
a Lateranensi sepultus. *Franciscus Philelphus*,
riâ Anconitanus, Latinas Græcasque Literas
uit Bononiæ, Romæ, Florentiæ, Patavii, &
ntuæ. Plurima scripsit & strictâ & solutâ ora-
ne, multa etiam transtulit è Græco in Latinum
nonem. Obiit Bononiæ anno MCCCCLXXXI. *Ni-*
us Perotus, natus Saxoferrati in Umbria, Græ-
Latinasque litteras, quas perdiù docuit, ap-
nè callebat. *Polybium*, gravissimum Historia-
i Scriptorem, Latinitate donavit, ediditque
m *Commentarios Linguae Latinae*, qui excusi sunt
ilex anno MDLI. Ad Archiepiscopatum Sipun-
um provectus è vivis excessit senescente Sæ-
o XV. *Nicolaus Laonicenus* natus Vicentiæ in
ia anno MCCCXXVIII. Vir fuit Græcè & Lati-
doctissimus, & eximius Medicus, qui primus
e ca *Galen*i Volumina Latinè interpretatus est,
ommentariis illustravit. Scripsit etiam Notas
Dioscoridem, & Opusculum, in quo omnibus
is salutem & vitam restitui posse docet. Varias
per Epistolas, & librum *De Plinii & aliorum*
licorum erroribus, pervenit ad annum ætatis
nonagesimum sextum, & omnibus membro-
ac sensuum officiis integer obiit Ferrariæ
MO MDXXIV. *Hermolaus Barbarus* ex illustri Bar-
orum apud Venetos ortus familiâ, bonis Disci-
nis & Artibus ingenuis perpolitus, ac præter
genii amantatem, quæ plurima in eo erat, Lit-
is Latinis Græcisque doctissimus fuit. Romam

ab *Alexandro VI.* Pontifice Maximo Litteris invitatus venit, & ab illo Patriarcha Aquilejensis creatus est, sed non multò post contagio pestis Romam faviente, è vita sublatus est, sepultusque ad portam *Flaminiam*, quæ vulgò dicitur *Porta Populi* anno MCCCCXCIV. Variæ ejus Epistolæ, Orationes Prælectiones, Præfationes, aliaque Opuscula variis temporibus atque locis in lucem prodierunt *Julius Pomponius Letus*, aliàs *Petrus Calaber* dictus vir fuit antiquitatis & Linguae Latinæ puritatis studiosissimus, sed Linguae Græcæ planè ignarus Romæ maximo auditorum concursu docuit, septuagenarius obiit sub *Alexandro VI.* Pontifice Maximo. Inter Opera, quæ edidit, præcipuè recensentur *Compendium Historiæ Romanæ*: libellus *Antiquitatibus Urbis Romæ*: liber de Magistratibus Romanis: liber de Arte Grammatica, & Epistolæ varia. Inter Primores Sæculi XV. Italiæ Historico Poetas & Oratores habitus quoque est *Joannes Vianus Pontanus*, Cereto, Umbriæ Oppido, oriundus, & ad omne eloquentiæ genus natus. E quidem austero supercilio, & toto oris habitu surgens, sed stylo & sermone perpolitus Lector rapit placido quodam orationis lapsu, atque verborum dulce quiddam resonantium amæno titulu demulcet aures, & in rebus etiam seriis mitem cum sale jocatur. Obiit Neapoli sub initium decemimi sexti Sæculi, ejusque Poemata, & varia Opuscula prodierunt Venetiis ex *Aldi* officina anno MDXIX. & Basileæ anno MDLV. *Marcus Antonius Coccius Sabellius*, Fabri Ferrarii filius, Romæ netiisque humaniores litteras professus, inter iteratos inclytum nomen est adeptus. A Senatu

jussus, ut Reipublicæ res gestas litteris man-
t, viginti tres libros *De Rebus gestis Venetorum*
Urbe condita ad annum circiter MCCCCLXXXVII.
it, obiitque septuagenarius turpi morbo con-
is anno MDXI. Ejus *Orationes XII. Epistolarum,*
i XII. Varia Poemata, aliaque Opera Historiam,
Grammaticam spectantia excusa sunt tum Pa-
s, tum Venetiis. *Angelus*, dictus *Politianus*,
nte *Politiano*, Hetruriæ oppido, loco natali
fuit Canonicus Florentinus, Græcæ Latinæ-
Linguae peritissimus. Grammaticus, Orator,
poeta insignis, Græcas Litteras docuit Floren-
magno Auditorum confluxu. Festinante Fato,
um maximo Musarum dolore ereptus est, cùm
quadagesimum quartum ætatis suæ annum at-
let, anno MCCCXCIV. Ejus Opera, elegantis-
stylo scripta, variis in locis & temporibus
icâ luce fuerunt donata. Hi sunt celebriores
mmatici, Poetæ, & Oratores, qui Sæculo XV.
en sibi in Italia fecerunt. Inter Historicos Scri-
es, qui eodem Sæculo Italiam illustrarunt,
ius ordine censetur *Theodoricus Niemus*, Cle-
Lucensis, & Litterarum Apostolicarum Ab-
iator, qui Historiam annorum xxxvii. de-
posit libris quatuor, quorum tres priores sunt
Schismate Universali, quartus verò inscribitur:
ius Unionis. Cautè tamen legendus est ille Hi-
icus, eo potissimum nomine quòd Pontifices
pore Schismatis Romæ, vel Avenione sedentes
m discerpit, atque acerrimè insectatur,
mvis tamen sese hæreseonac Schismatis ho-
i infensissimum prodat. Obiit Constantiæ tem-
e Concilii anno MCCCXVI. *Joannes Franciscus*
Pog-

Poggius, *Brandolinus*, vel *Bracciolinus* cognominatus, Florentinus, Historiam Florentinam scriptam & Litterarum Apostolicarum sub *Eugenio IV.* *Nicolao V.* Scriptor disertissimus fuit. Obiit anno MCCCCLIX. ætatis suæ LXXX. In eodem Historiæ Florentinæ argumento versatus est *Leonardus Bruni Aretinus*, ab *Aretio* Tusciæ Oppido, ubi natus & cognominatus. Scripsit quippè libros XII. *Historia Florentinorum*, & alia Opera ad Historiam, Grammaticam spectantia, & varias Epistolas cumque esset Græcæ & Latinæ peritissimus, multum ex Græcis in Latinum sermonem transtulit. Historiam itidem Florentinam eodem Sæculo XV. concinnavit *Bartholomæus Scala*, Florentinus, eam libris XX. complexus est ab origine Urbis usque ad annum MCCCCL. Sed morte præventus, quin tantum libris extremam manum imposuit, obijtque anno MCCCXVI. In describenda Mediolanensi Historia excelluerunt Sæculo XV. duo Itali Scriptores, *Bernardinus Corius*, Mediolanensis, & *annes Simoneta*, Calaber. Primus scripsit *Chronicam Rerum Mediolanensium*. Alter composuit librum XXXI. de *Rebus Gestis Francisci Sfortiæ Mediolani Ducis*. Denique, quatuor egregii Scriptores Itali de Historia Sæculo XV. optimè meriti sunt, videlicet *Blondus Flavius*, *Aeneas Sylvius*, *Incipit*, & *Jacobus Mensbona*, de quibus pauca hinc agere ac delibare sufficiet. *Blondus Flavius*, Florentinus, *Eugenio IV.* aliisque Pontificibus Romanis à Secretis & Epistolis, scripsit *Romæ Topographiam* libris X. *Pio II.* Pontifici Maximo de *Romæ instauratæ* libris tres *Eugenio IV.* inscripsit *Italiæ illustratæ* libros octo: *Historiarum* De

ab anno Christi cccc. ad annum mccccxl.
 obiit Romæ pridie Nonas Junii anni mcccclviii.
 in *Ara Cæli*, ante introitum Templi sepultus
 in Epitaphio, quod ei quinque ipsius filii po-
 runt. *Aeneas Sylvius*, postea ad Summum
 Pontificatum provectus, *Pius II.* dictus, natio-
 Thuscus fuit, Patriâ Senensis. Vir undecum-
 do doctissimus, Orator, Poeta, Historicus, Phi-
 losophus, & Theologus insignis, litteris, eloquen-
 tiâ, ingenii dexteritate & prudentiâ nulli secun-
 dus, multa scripsit Opera, quæ variis temporibus
 & locis excusa sunt, ipsius tamen *Historia Au-
 gustica*, quæ ad annum usque mccccclviii. pertinet,
 hætenus inedita servatur in Bibliotheca Vin-
 donensi, undè ejus editionem pollicetur *Petrus
 Bæbecius* in Catalogo priorum Operum pa-
 g. 58. *Platina*, quem alii *Bartholomæum*, alii *Bapti-
 stam* appellant, patriâ Cremonensis, vel, ut alii
 volunt, Veronensis, humili loco, & obscuris na-
 tus est parentibus, sed cum ingenio subtilis esset
 & vehementer, eloquio disertus & mulcens, animo
 constans & validus (sicut testatur *Tritheimius* in
 Catalogo Scriptorum Ecclesiasticorum) à viris
 suis sui sæculi summo in honore habitus est.
 Magnam fortunam, dum viveret, expertus est.
 Cum à *Paulo II.* Pontifice Maximo bonis omnibus
 spoliatus in carcerem trusus est, inde postea à
Sixto IV. liberatus, Vaticanæ Bibliothecæ præfe-
 ctus fuit, obiitque Romæ peste sublatus anno
 mccccclxxxi. Inter multa, quæ edidit, Opera,
 præcipuè commendatur Opus, quod scripsit, *De
 vitis Romanorum Pontificum* usque ad *Paulum II.*,
Sixto IV. nuncupavit. Quod Opus *Onuphrius*

Panvinus, Ordinis Eremitarum S. *Augustini*, postea recensuit, doctissimis Notis illustravit, eique adiecit *Vitas Sixti IV.* & sequentium Pontificum usque ad Sanctum *Pium V.* cui suam *Platinæ Operis Continuationem* obtulit ac consecravit. Consultò inter Historicos Italiae Scriptores non per censui *Matthæum Palmerium*, Florentinum, qui præter libros *iv. De Vita Civili*, & alterum *De Bello Pisano*, *Chronicon Prosperi*, quod desinit in anno *ccccxlv.* mille additis annis perduxit usque ad annum millesimum quadringentesimum quadragesimum nonum. Hic enim Scriptor cum in *Arianæ Hæresis* suspicionem incidisset, & palin diam decantare noller, temeritatem capite sui & flammis exustus est, teste *Trithemio* in *Catalogo Scriptorum Ecclesiasticorum*, & ex eo *Gerhardus*. Quapropter, inter illustres Sæc. *XV.* Italiae Scriptores locum occupare haud debet. Nonnulli peritorum Sæc. *XV.* Italiae Grammaticorum classi accensent *Theodorum Gazam*, sed hic Scriptor potiori jure in Græcorum Auctorum classe reponendus est, quia patriâ *Thessalonicensis* fuit, solum in Italiam venit, quando *Amurathes* *Tartarum* Imperator omnem victricibus armis Græciam devastaret. Latinas Litteras in Italia didicit, in quarum cognitione tantum profecit, ut summâ felicitate & omnium admiratione Latina Græcè, & Græca Latinè verteret, nec penè dignosci posset, an exactius & certius ab Latina Græcè, an ipsa Græca Latinè verterent. Opera plurima eruditione plena reliquit, obque Romæ, quò ex Græcia venerat, anno *Christi mccccclxxviii.* *Friderico III.* Romanorum Imperatori

um gubernante , & *Sixto IV.* Summum Pontificatum tenente . Classẽ eruditorum Sæculi XV. Italix Scriptorum claudẽt tres eximii Viri , *Martius Ficinus* , *Joannes Picus Mirandulanus* , & *Franciscus à Ruvere* , quorum primus , vir fuit , te-
 ne *Bellarmino* in libro *De Scriptoribus Ecclesiasticis* , peritus non vulgariter tũ *Sacræ Theologiæ* , m etiam *Platonicæ Philosophiæ* . Græcæ , & Latine Lingux cultor studiosissimus fuit . Multos Sctores Græcos , ipsumque *Platonem* Latinos fecit , complura scripsit Opuscula , quæ à viris doctis um singulari oblectatione leguntur , & quis ipse excellentis ingenii sui venam posteris tendit . Obiit in patria anno mccccxcix. quo mpore *Ludovicus XII.* Galliarum Rex , Alpes cum potenti exercitu supergressus , bellum atque terrorem in Italiam inferebat . Alter Scriptor , seu *Joannes Picus* dictus *Mirandulanus* , eò quòd *Mirandulæ Dominus* , & *Concordiæ Comes* esset , ac princeps , in omnium artium , scientiarum , & linguarum varietate fuit usque ad miraculum excul-
 is . Exactè tenebat Linguas Græcam , Latinam , ebræam , Chaldaicam , & Arabicam , sui que sæ-
 uli ingeniorum *Phenix* à viris eruditis nuncu-
 atur . Juvenili ardore impulsus Romam venit , bi Conclusiones nongentas in omni scientiarum enere disputandas annos natus dumtaxat xxiv. roposuit . Verũ , *Innocentius VIII.* Libellum , omplectentem hujusmodi nongentas Conclusi-
 ones *Joannis Pici Mirandulani* damnavit anno cccclxxxvii. & sub pœna Excommunicationis egere prohibuit , eò quòd in his Propositionibus Dialecticis , Phycis , Methaphysicis , Moralibus ,

Theologicis, Magicis, Cabalisticis, nonnullæ si
spectæ & hæresim sapientes visæ essent Episcopis, &
 aliis Sacræ Theologiæ, & juris utriusque Profe
 soribus, quibus illarum examen demandaverat
 Pontifex. Nullam indè tamen labem contraxit
Joannes Picus Mirandulanus, quia prædictas Con
 clusiones gratiâ tantùm Scholasticæ Disputati
 onis, ac sub Apostolicæ Sedis correctione disputa
 das publicaverat, & tales demùm se eas habituru
 professus fuerat, quales per Summum Pontifice
 judicarentur: jurejurando promittens, se cuicum
 que Declarationi, quam ipsum *Innocentium VI*
 Pontificem Maximum super hoc facere conting
 ret, lubentissimè assensurum. Hinc *Joannes Picus*
Mirandulanus, misso Philosophiæ studio, castis
 Theologiæ totus incubuit, Christianæ Religio
 nis veritatem adversùs Judæos & Mahumetanos
 tandem suscepit, præsertim verò impiam ac in
 ptam Astrologorum gentem aggressus fundi
 debellavit. Deo, & Sacris Litteris jugiter vacans
Joannes Picus Mirandulanus, decreverat, reli
 quæculo, in Ordine FF. Prædicatorum totum se Deo
 consecrare, sicut testatur ejus ex fratre Neptele
Joannes Franciscus Picus Mirandulanus, qui illi
 Vitam edidit, Patruo suo doctrinâ non impar
 ipse egregiis lucubrationibus non minùs, quàm
 nobilitate illustris. Obiit *Joannes Picus Miran*
ulanus annos natus xxxi i. Florentiæ, xv. Kalen
 Decembris anni mccccxciv. quo die *Carolus VIII*
 Galliarum Rex, eandem Urbem ingressus est in
 habitu FF. Prædicatorum, quem suscepturum
 idem voverat vir ille, non minùs pietate, quàm
 doctrinâ conspicuus, sepultus est in Ecclesia Sa
 ti

arci. De *Francisco à Ruvere*, natione Italo, Patriâ Savonenſi, Ordinis FF. Minorum, qui poſtea Summum Pontificatum provectus, *Sixtus IV.* it appellatus, plura jam diximus in Colloquio II. gendo de Romanis Pontificibus. Quapropter, c referre ſufficiet Opera ab eo edita, dùm adhuc cardinalis eſſet. Scripſit Tractatum *De Sanguine Chriſti*: alium Tractatum *De potentia Dei* contra errorem cujuſdam Carmelitæ Bononiensis, affirmantis, Deum ſuâ omnipotentiâ damnatum hominem ſalvare non poſſe. Uterque Tractatus proſit Romæ anno mccccclxxi. Alios inſuper duos tractatus, quorum unus eſt *De futuris contingendis*, alter *De Conceptione Beatiffimæ Virginis*, memorat *Lucas Wadinghus* in libro de *Scriptoribus Ordinis Minorum*, eoſque in Bibliothecis Italiæ adhuc MSS. aſſervari ait. Aggreſſus eſt etiam idem *Sixtus IV.* dum adhuc Cardinalis eſſet. Opus admodum neceſſarium; oſtendere enim anniſus eſt rationibus quidem, & non vulgaribus, Thomam Aquinatem, & Scotum in Sententiis convenire, licet verbis diſſerre viderentur, ad tollendas diſcordias, & altercationes, quæ ob hanc rem inter utrumque Ordinem quodiè naſcebantur: tantæ enim integritatis habebatur doctrinæ, ut huic uni ex cætu Cardinalium ad fidem pertinencia potiſſimum committerentur. Verba ſunt Latina in Vita manuſcriptâ ejuſdem Summi Pontificis *Sixti IV.* Sed de celebrioribus Italiæ Sæculi XV. Scriptoribus ſatis hætenùs dictum ſit.

D. Clariffimos Scriptores, qui ob ſingularem eruditionem Sæculo XV. nomen ſuum in Hiſpania poſteris commendarunt, in quarta Claſſe collocaſti, de illis itaque juxta præſcriptum ordinem

dinem hic breviter differendum nobis est.

M. De Scriptoribus, qui Monasticæ, aut Regulari vitæ addicti Sæculo XV. Hispaniam doctrinâ illustrarunt, in sequentibus Classibus, in quas illos distribuimus, opportuniùs dicturi, quatuor dumtaxat celebres hic proferam Hispania Scriptores, qui in Classibus proximè sequentibus locum habere haud possunt. Hi porro sunt *Paulus à Sancta Maria*, *Hieronymus à Sancta Fide*, *Alphonfus Tostatus*, & *Jacobus Perezius*, quorum Opera toti Orbi notissima paucis verbis indicabo. Et primò quidem, *Paulus à Sancta Maria*, natione Hispanus, Sectâ Judæus, nobilitate, opibus & doctrinæ laude, in ea Gente facilè Princeps, ac Christianam Fidem lectione Operum Sancti *Thomæ Aquinatis* conversus est. Carthaginensis primum Episcopus creatus, deinde ad Burgensem translatus fuit, unde illi *Burgensis* cognomen adhæsit. Hispaniæ Regibus charissimus fuit, & scrinio Regio Præfectus, multa prudentiæ, industriæ, fideique suæ in hoc obeundo munere egregii specimina dedit. Sacras Litteras, in quibus versatissimus erat, illustravit tum *Additionibus notabilibus ad Postillas Nicolai de Lyra*, tum *Scrutinio scripturarum* duos in Libros diviso. Obiit die xxix. Augusti anni mccccxxv. ac tres reliqui filios, quos in Judaismo procreaverat, videlicet *Alphonsum*, qui Patri in Episcopatu Burgen succedit, & Author est *Anacephaleosis Regum Hispaniæ*; *Gonsalvum*, qui fuit Episcopus Placentinus, & *Alvarum Garciam*, qui familiam propagavit, & de rebus à Joanne II. Castellæ Rege gestis *Commentarios* scripsit. *Hieronymus à Sancta Fi*
di

, natione itidem Hispanus , & ex Judæo Christianus, nec non *Petri de Luna* , seu *Benedicti XII.* edicus, edidit librum *de refellendis Judæorum erroribus*, in quo eorum perfidiam non modò ex propheticis Oraculis, sed ex Rabbinorum sententiis refellit . Alium etiam composuit librum ad confutandos *Talmudis* Judaici errores . Uterque perhibetur in Bibliotheca Patrum Colonienſi Tomo xiv. & Lugdunenſi Tomo xxv i. *Alphonſus Toſtatus*, Doct̃or Salmanticenſis, & Abulenſis Epiſcopus , Vir fuit ſtupendæ memoriæ , incredibilis diligentiæ, inexhauſti laboris, ac rari planè judicii , qui non modo intima Theologiæ adita penetrabat, ſed in omni genere Diſciplinarum , Philoſophiæ, Mathematicæ, Geographiæ, Hiſtoriæ, ac ceteris utriuſque notitiâ erat exercitatiffimus, præcipuè verò in Sacris Scripturis tam Veteris, quàm Novi Teſtamenti , ad quas dilucidandas grandia viginti quatuor Volumina edidit , præter varia Opuscula , quæ Tomo xxv. ſunt comprehenſa. Fertur etiam , pluſquàm quadringentos illius libros , dum ex Hiſpaniis in Italiam prælo deſtinati adveherentur, naufragio interiſſe . Aliquas *Alphonſi Toſtati* propoſitiones *Eugenius IV.* damnavit, eaſque noſter *Joannes Cardinalis de Turrecremata* edito libro impugnavit, quas tamen idem *Toſtatus* Commentario, cui *Defenſorio* nomen fecit, vindicavit, & *Eugenio IV.* Pontifici Maximo porrexit Schedulam, quâ ſe Eccleſiæ & Sanctitatis ipſius iudicio lubenti demiſſoque animo ſubjiciebat . Obiit, non minùs pietate, ac Religionis zelo, quàm doct̃rinâ inſignis , anno ætatis ſuæ quadrageſimo , Chriſti verò milleſimo quadringenteſimo

fimo quinquagesimo quarto, & sepultus est in Ecclesia Abulensi, isto Elogio ab Hispanis donatus:

Hic stupor est Mundi, qui scibile discutit omne.
Denique, *Jacobus Perezius*, Valentia oriundus, ex Ordine Eremitarum Sancti *Augustini*, ad Cristopolitanum, seu Chrysopolitanum Episcopatum assumptus, & *Roderici Borgia* Cardinalis Valentini Suffraganeus, edidit Commentarios in Psalmos & Cantica Salomonis, necnon Libellum contra Judæos de Christo generis humani Redemptore. Migravit è Vita anno mccccxi.

D. Cùm retinuerit adhuc Sæculo XV. Ecclesia Anglicana antiquam fidem, verum Dei cultum, Patrum Dogmata, Summorum Pontificum & Conciliorum Decreta, facile adducor ut credam, complures eo Sæculo floruisse in Anglia Scriptores, qui moribus inculpati, & doctrinâ exornati magnam laudem & nominis gloriam bonis artibus compararunt.

M. *Joannes Pitseus* in Libro de *Illustribus Angliæ Scriptoribus*, *Ætate decima quinta*, & *Joannes Baleus* in Libro *Illustrium Scriptorum Majoris Britannia* Centuriis VIII. & IX. benè multos recensent Scriptores Anglos, qui Sæculo XV. literis & pietate floruerunt, quique fermè omnes vitam Monasticam, aut Regularem Disciplinam in Ordinibus Religiosorum Mendicantium, potissimum in Ordine Carmelitarum, professi sunt. Non verò de Scriptoribus Anglis, qui Sæculo XV. vitam Monasticam, aut Regulari Disciplinam fuerunt ad dicti, in sequentibus Classibus dicturi, illos dumtaxat Scriptores Anglos hic referemus, qui ac
se

sementes classes ablegari haud possunt, quos in primo loco hi reponi debent, qui grassantem in Anglia Wicleffianam Hæresim eruditis libris confutarunt. *Thomas Arundellius*, ex illustrissima Comitum Prosapia apud Anglos oriundus, ad natalitium familiæ splendorem virtutes eximias & singularem adjunxit doctrinam. Factus est primus Episcopus Eliensis, deinde Archiepiscopus Eboracensis, tum Angliæ Cancellarius, & tandem Archiepiscopus Cantuariensis. In fide Catholica oppugnanda, & in Wicleffiana profliganda hæresim multum laboravit. *Commentarios* edidit in *Librorum Sapientiæ*, & *Explicationem Passionis Domini nostri Jesu Christi*, obiitque anno mccccxv. *Richardus Grasdalus*, natione Anglus, & Doctor Academiæ Oxoniensis Wicleffianam Hæresim acriter oppugnavit, quippè qui, teste *Thoma Waldensi* suo zizaniorum fasciculo, unus fuit ex duodecim Doctoribus, qui sub *Thoma Arundellio*, Cantuariensi Archiepiscopo, *Joannis Wicleffi* errores condemnarunt. Multa de Historia, & de aliis argumentis partim versu, partim solutâ oratione percipit, ut videre est apud laudatos *Pitseum*, & *Waleum*, qui etiam testantur, eum fuisse virum pietate & doctrinâ celebrem, Poetam non spernendum, elegantem Oratorem, Philosophum acutum, Historicum insignem, & Theologum solidè doctum. *Richardus Snetishamus*, natione Anglus, sacre Theologiæ Doctor, & Professor Oxoniensis, ejusdemque Academiæ Cancellarius, electus patet cum aliis undecim Doctoribus ad examinandam Hæresiarchæ *Joannis Wicleffi* doctrinam, & ad suam Censuram de ea ferendam, librum.

brumque scripsit contra quosdam *Wicleffi* articulos, & diversa alia Opera, quorum Catalogum texunt *Baleus* & *Pitsens*, asseruntque, eum fuisse virum pietate, vitæ integritate, morum candore, castitate, temperantiâ, modestiâ præditum & charitate in proximos, magnoque divinæ gloriæ zelo ferventissimum. His Scriptoribus Anglis qui Sæculo XV. in *Wicleffi* errores calamum acuerunt, accenseri itidem debent *Guillelmus Berton* Oxoniensis Cancellarius, *Rodolphus Strode* ex Martonensi Oxonii Collegio; *Joannes Svaffanius*, & *Stephanus Patringtonius*, Menevenses Episcopi *Robertus Vvaldebie* Eboracensis Archiepiscopus *Robertus Alingtonius* Oxoniensis Academiae Cancellarius, *Joannes Luccus*, Doctor Oxoniensis, qui sub *Thoma Arundellio* Archiepiscopo Cantuariensi Censor designatus est Operum *Joannis Wicleffi*, & ex his erroneos articulos collegit ducentos sexaginta, quos Concilio Londinensi damnandos proposuit; pluresque alii Angli Scriptores, quos longum esset hic per censere, & de quorum Operibus doctrinâ & pietate latè disserunt *Baleus*, & *Pitsens* Regnante in Anglia Sæculo XV. *Henrico VII.* fuisse litteras in Anglia, & à diversis multa Collegia iis addiscendis erecta esse in Civitatibus & Academiis Oxonii & Cantabrigiæ, scribit *Polydorus* ad finem libri xxvi. *Historiæ Anglicanæ*, & inter illos, qui eo Sæculo magnum in Anglia litteris incrementum dederunt, maximè commendat *Joan nem Coletum*, patriâ Londinensem, & Decanum Ecclesiæ *S. Pauli* ejusdem Civitatis, qui, ut ait, mentis virtute & vitæ integritate ornatus, apud suos Anglos alter penè Apostolus *Paulus* habitus est

Magnificam Londini ad Cœmeterium Paulinum
 Scholam erexit, in qua Civitatis instruerentur
 liberi, & ex suis facultatibus in annos singulos
 stipendium, seu stipendium constituit, quò Ludi-
 magistri bonis litteris juventutem erudientes om-
 nino inceptis tempore gratuito docerent. Vixit
Johannes Coletus usque ad annum MDXIX. quo multis
 virtutibus Christianis clarus obiit, ac non pauca
 scripta reliquit Opera, quæ recensent *Baleus*,
 Anglus, qui librum edidit *de Scriptoribus*
Anglicis in novem Centurias digestum, & *Joan-*
Pitfeus, natione item Anglus, qui *illustrium*
Angliæ Scriptorum Catalogum per singulas ætates
 tributum contexuit. Hos itaque duos Autho-
 res Anglos, qui eo de argumento datâ operâ &
 religiosissimè differunt, potissimum consulere de-
 bet, si plura scire aveas de Viris illustribus, qui
 sæculo XV. doctrinâ & pietate Angliam nobili-
 tavit, variisque editis Operibus eruditionis lau-
 claruerunt.

D. Juxtâ Ordinem, quem, in referendis
 sæculi XV. Scriptoribus Ecclesiasticis, in limine
 hujus Colloquii præfixisti, ad illos Scriptores
 hic recto tramite pergere debemus, qui eodem
 sæculo in Germania celebriores fuerunt, quo-
 rum res gestas maximè memorabiles, præser-
 tim ad Ecclesiæ, & Reipublicæ litterariæ sta-
 tum pertinentes, necnon Opera ab ipsis edi-
 tæ, & historicâ narratione perstringere
 debemus.

M. Præter benè multos celebres Scriptores
 Germanos, qui Sæculo XV. Monasticam vitam, vel
 gularem Disciplinam in Ordinibus Religioso-
 rum

rum Mendicantium Professi, Ecclesiam doctrinâ & Sanctimoniâ illustrarunt; quosque in sequentibus Classibus, in quas illos ordinavimus, mox laudaturi sumus; suppetunt alii Germaniæ Scriptores, qui eodem Sæculo nec vitæ Monasticæ, nec Disciplinæ Regulari addicti, litteras impensè coluerunt, & perdoctis suis lucubrationibus præclarum apud Viros eruditos nomen sibi compararunt, de quibus breviter in præsentia, juxta ordinem Chronologicum, differemus. Circà annum mccccxx. *Theodoricus Engelhusius*, natione Germanus, Ecclesiæ Hildesheimensis Canonicus, claudit, & scripsit *Chronicon Chronicorum*, seu *Chronicon Universale rerum in Ecclesia & Republica gestarum ab Orbe condito ad annum mccccxx*. Primus hoc Chronicon è tenebris eruit ac publici juris fecit *Joachimus Joannes Maderus* Helmstadii anno MDCLXXI. Alter Scriptor, dictus *Messfretus* Ecclesiæ Misnensis Presbyter; floruit in Germaniâ circa annum mccccxliii. & scripsit *Hortulum Reginæ*, seu Sermones de Sanctis, & Dominales per totum annum in partes Æstivalem & Hyemalem distributos, qui prodierunt Norimbergæ anno mccccclxxxvii. & Basileæ anno mccccclxxxviii. Huic Scriptori coævus fuit *Petrus De Pilichdor*, natione itidem Germanus, qui librum scripsit contra *Sectam Waldensium*, quem cum *Reinerii* Ord. Prædic. Opere ejusdem argumenti *Gretserus* edidit Ingolstadii ann. MDCXIII. Verùm, illos Germaniæ Scriptores doctrinâ long superavit *Nicolaus de Cusa*, in vico Cusæ ad Mosellam in Diœcesi Trevirensi natus. Hic quippè in Concilio Basileensi eximie doctrinæ specimen de-

di, à quo postea secedens, & *Eugenio IV.* Pontifici Maximo adhærens, ejus auctoritatem contra Aristites Basileenses, qui ei parère detrectabant, acrimè tuitus est. Inter Ecclesiæ Romanæ Cardinales à *Nicolao V.* successore *Eugenii IV.* anno MCCXLVIII. adscriptus, deinde Brixienfis Episcopus creatus, maximis Sedis Apostolicæ Legationibus in Germania, Gallia, & Anglia præclarè functus est. Vir fuit ob summam eruditionem & pro miraculo habitus, in divinis Scripturis, secularibus litteris, & in omni disciplinarum genere diligentissimè versatus, Theologorum suo tempore facilè Princeps, Philosophus, Rhetor, Mathematicus celeberrimus, ingenio subtilis, eloquio disertus, trium linguarum, Hebraicæ, Græcæ, & Latinæ egregiè peritus, vitâ & conversatione integerrimus, pietatem cum omnigena eruditione conjunxit, multaque præclara scripsit opera, quæ sæpiùs typis excusa tribus Tomis sunt comprehensa, in Editione Basileensi anni MDLXIV. obiit Tuderti in Umbria, anno MCCCCLXIV. ejusque corpus Romam translatum sepulturæ mandatum est in Ecclesia ejus titulari *S. Petri in Vinculis*, ipse Testamento caverat, pro sua singulari erga gloriosum illum Apostolum religione. Hunc *Nicolaum Cusanum* inter Scriptores Dominicanos referret noster *Ambrosius de Altamura* in *Bibliotheca Dominicana* Centuriâ tertiâ ad ann. MCCCCLXIV. verùm, ut candidè fatear, nulla suppetunt præclaræ fidei monumenta, ex quibus evinci possit, hunc *Nicolaum de cusa* Familiæ Dominicanæ fuisse alumnum. Ne quis autem existimet, me quidquam gloriæ Familiæ Dominicanæ inde decerpere voluiss-

voluisse, libenter hic usurpabo verba doctissimi Patris *Mabillonii*, Congregationis S. *Mauri* Benedictini, qui in Præfatione ad Sæculum secundum Benedictinum respondens iis, qui contra eum querebantur, quod plures Scriptores Monachos, quos illi Ordini Benedictino vindicando esse censebant, ad extraneorum Classem ablegasset, hæc numero VII. habet: *Quid attinet emeritos & afflictitos Ordini Benedictino (dicam ipse Dominicano) affingere honores? Ne illi ignavia & otiosam familiæ suæ expendunt operam, qui ejus decora immodicis efferunt elogiis: nec tantum perficere in ejus injuriam possent injusti contemptores, ac vituperatores, quantum laudatores nimii, & precipites, qui dum laudibus sine delectu student, & veris falsis immiscent, etiam veritatem in discrimen adducunt, contingitque illis, ut nec vera dicentibus credatur. Haud vulgarem laudem apud Viros eruditos Sæculi decimi quinti sibi conciliavit Joanne Naucerus, natione Germanus, Professor, & Rector Academiae Tubingensis, qui scripsit *Universale Chronicon* comprehendens res memorabile Sæculorum omnium ac gentium, ab Orbe condito usque ad annum MD. Prodiit primum Tubinganno MDXV. deinde Colonia cum *Surii* Appendice ab anno MDI. usque ad annum MDLXIV. sæpius fuerit excusum. Inter celebres Sæculi XV. Germani Scriptores Joannem Reuchlinum, dictum Capnionem natione Germanum, reponunt nonnulli, quos inter *Desiderius Erasmus* pluribus eum commendat in ea, quam suis Colloquiis inseruit, *Apotheosis Joannis Reuchlini Capnionis*: Verum ipse, licet ultra fatear, Joannem Reuchlinum accuratissimâ lingua*

Latinæ, Græcæ, Hebraicæ, & Chaldaicæ
ciatiâ fuisse apprimè excultum, eumque in Ger-
mania Hebraicarum & Græcarum Litterarum,
anarumque elegantiarum studium maximè pro-
fuisse; illum tamen inter illustres Germaniæ
doctores non recensebo, tum quia omnes pro-
prie Monachos, & Religiosos Ordinum Men-
tium, edito *Obscurorum Virorum Epistolarum*
volume, deridendos propinavit, indèque eorum
nomina gravitèr pupugit; tum quia etiam Hebrai-
cæ Cabalæ Mysteriis initiatus, totum sese his nu-
meris & insomniis devovit. Quò factum est, ut Ja-
cobs *Hogstratus*, Dominicanus, eum apertè Ca-
tholicum profitentem acerrimè impugnaverit. Quod
respondens *Joannes Reuchlinus*, Dominicanos
universim infectatus est, & ut illis infamiæ notam
infundere posset, fabulam finxit de quatuor Domi-
nicanis ob ficta miracula apud Bernates ad ignem
condemnatis, quam *Desiderius Erasmus*, ei amicissi-
mus, & status Religiosi osor, propalare ausus est
in suis Colloquiis Familiaribus, videlicet in *Col-
loquio de Exequiis Seraphicis*. Sed hanc malè con-
fictam fabulam, quam nonnulli Historici ex
Joanne Reuchlino, & *Desiderio Erasmo* exscripse-
runt, invictis momentis confutavit *Joannes Casa-*
nus, Scriptor elegans, Ordinis Prædicatorum, in
libro Apologetico, cui Titulus est: *Candor Lilii*,
p. 420. & seq. Sed misso *Joanne Reuchlino*, quem
Theodorus Beza in libro suarum Iconum Calvini-
cæ Principibus accensuit, veniamus nunc ad illu-
stres Viros, quos in septima Classe reposuimus,
ad Clarissimos illos Scriptores, qui sæculo
tercio quinto Monasticam Vitam professi, do-
ctrinâ

Erinâ & pietate in Ecclesia præfulserunt.

D. Obsecro te, ut in ista Classe delectum aliquem habeas, ac illos dumtaxat percenseas Monachos, qui Sæculo decimo quinto celebres & Sæculorum memoriâ digni habentur, præteritis aliis, qui vel minus noti sunt, vel nulli nominis. Hos quippè omnes si hic in medium proferre velles, longiùs, quàm par sit, nostrum protraheretur Colloquium.

M. Primùm in hac Classe, juxtà Ordinem Chronologicum, constituam *Gobelinum Personam* natione Germanum, in antiqua Saxonia, quæ nunc *Westphalia* dicitur, natum. Floruit circa annum mccccxviii. Paderbornensis Ecclesiæ primum Decanus, postea mundo nuncium remittens cucullam induit; & sexagenario major abiit è vita. Scripsit *Chronicon* ab Orbe condito usque annum Christi mccccxviii. quod vulgò *Cosmographium* appellatur, prodiitque cum Notis Appendice *Henrici Meibonii* Francofurti an. 1559. Edidit etiam vitam *S. Meinulphi* Paderbornensis Diaconi & Confessoris, quem ex fonte sacro suscepit *Carolus Magnus* Imperator. Confundi autem non debet hic *Gobelinus Persona* cum *Joanne Gobel* Vicario Bonnenfi, qui *Pio II.* Pontifici Maximo ab Epistolis fuit, & cujus sub nomine prodierunt *Commentarii Rerum Memorabilium*, quæ ejusdem temporibus contigerunt. In conscribendis *Chronicis* & *Historiis*, *Gobelino Persona* hæud inferiorum fuerunt quatuor Sæculi decimi quinti Monachi videlicet *Thomas Walsinghamus*, *Joannes Trithemius*, *Ambrosius Camaldulensis*, & *Wernerus Relewink* Laer, quorum primus, seu *Thomas Walsingham*

ione fuit Anglus , patriâ Norfolciensis , Ordini Benedictini Monachus in Cœnobio S. *Albani*. *as* de Rebus Anglicis scripsit Historias , bre- rem unam, quæ initium sumit ab an. MCCLXXIII. quo *Matthæi Parisii* Historia Anglicana desinit, ue ad annum MCCCXXI. Altera Historia, quæ olitior est , cuique titulus est: *Hypodigma Neu- æ*, incipit ab irruptione Normannorum in An- am , seu ab anno MLXVI. & producit usque ann. MCCCXVI. Præter isthæc, scripsit *Wal- thamus Auctarium Polycronici Ranulphi Higdeni*, od, teste *Baleo* Centuriâ VII. cap. 88. *De illu- bus Britannia Scriptoribus*, habet rarissimas Hi- rias , & à nullo alio scriptas . Denique , *Wal- thamus* Historiam *Henrici V.* Angliæ Regis, cu- temporibus vixit , litteris consignasse dicitur. *annes Trithemius* , prius Abbas Spanheimensis , t Abbas Wirciburgensis , natione Germanus , us est anno MCCCXLI. in pago Trittenheim Mosellam . In Academiis Trevirensi , & Hei- bergensi humanioribus Litteris excultus , Or- ni S. *Benedicti* annos natus viginti duos in Cœ- bio S. *Martini* Spanheimensi nomen dedit , tan- que sibi apud sodales rarâ eruditione , & pie- e eximiâ auctoritatem conciliavit , ut juve- adhuc communi Monachorum suffragio Abbas rit electus . Totum deinceps animum ad litte- prosequendas cum appulisset , intima recon- loris eruditionis penetralia referavit , evasit- e eruditus Philosophus , Mathematicus , Poeta, storicus , & Theologus adeò insignis , ut inter Sæculi Scriptores doctrinâ claros , paucos ha- erit æquales , incertum an ullum superiorem .

Scriptit *Chronicon Monasterii Hirsaugiensis* in Diœcesi Spirensi: *Chronicon Monasterii Spanheimensis*, in Diœcesi Moguntina: *Chronicon Monasterii S. Jacobi Majoris* in suburbio Herbipolitano: *Librum De illustribus Germaniæ Viris*: *Librum De illustribus Viris Ordinis S. Benedicti*: *Librum De laudibus Ordinis Fratrum Carmelitarum*: *Catalogum Scriptorum Ecclesiasticorum*, in quo Scriptorum DCCCCLXX. circiter vitas accuratè descripsit, elogia contexit & Opera ab eis edita enumeravit. *Trithemii Opera Historica* Francofurti anno MDCI. edi curavit *Marquardus Freherus*, ejus verò Opera ascetica *Ioannes Busæus* Societatis Jesu Theologus edidi Moguntia anno MDCIV. De *Ioannis Trithemii Operibus* plura legesis apud *Vossium* lib. 3. *De Historici Latinis* cap. 10. & apud *Labbeum* in *Dissertatione Historica De Scriptoribus Ecclesiasticis*. Hoc unum dumtaxat hic obiter observabo, Opus, quod *Ioannes Trithemius* edidit de *Steganographia*, seu de Arte occultis caractèribus scribendi, à pluribus fuisse Magiæ insimulatum, sed perperam; ut videre est apud *Spondanum* ad annum MCCCCXCIX. Numer. IX. & X. ubi *Ioannem Trithemium*, de Ecclesia, de Ordine suo, ac re Litteraria optimè meritum ab omni adeò nefandi criminis culpâ immunem fuisse ostendit, nihilque toto eo Opere esse quod magicam artem oleat. Obiit *Ioannes Trithemius* anno MDXVI. Italiam Sæculo XV. plurimi illustravit *Ambrosius Camaldulensis*, Porticu Fiminiæ Oppido; non procùl Florentiâ oriundu Ordinis Camaldulensium Abbas Generalis. Linguam Græcam apprimè callebat, ejusque opus *Eugenius IV.* Pontifex Maximus ad promovend:

ionem Græcorum cum Latinis in Conciliis Ferriensi & Florentino feliciter usus est, præter varia Opuscula Scriptorum Græcorum, quæ Latio navit *Ambrosius Camaldulensis*, alia non commenda ingenii sui monumenta proprio Marte imposuit, inter quæ numerantur *Chronicon Monacensi*, & duo libri Rerum à se gestarum, cum generalem Ordinis sui Præfecturam obiret. Exant etiam libri ejus Epistolarum xvi. MSS. in Bibliotheca S. Marci Florentina. Obiit Constantie anno mccccxc. & à Poggio, Paulo Jovio, Rachele Volaterrano, & Iacobo Philippo Bergomatelebratur. Circa finem Sæculi XV. claruit *Wernerus Relewink de Laer*, natione Westphalus, Ordinis Carthusianorum Monachus in Cenobio Sancte Barbaræ Colonienfi, qui, præter varia Opera, edit *Fasciculum Temporum*, omnium Antiquorum Chronica complectentem, & per sex Ætates distinctum, ab Orbe condito ad sua usque tempora, nec est, usque ad annum mccccclxxx. Huic *Werneri* fasciculo temporum, seu Chronico Appendicem jecit *Joannes Linturius* Hoffiensis in Voilandia Pastor; & continuavit ad annum usque mdxiv. De hoc Carthusiano Scriptore plura legis apud *Arnoldum Bostium* libro *De Viris Illustribus Carthusianis* cap. ultimo, & *Ioannem Trithemium* tam in Catalogo Scriptorum Ecclesiasticorum, quàm in libro *De Viris Illustribus Germaniæ*. Clarissimis hisce Monachis, quos hætenùs laudavimus, quique Sæculo decimo quinto de Historia scripserunt, quid immeritò addi debent duo alii Ordinis Cisterciensis Monachi, *Ioannes Brando*, & *Bonifacius moneta*, qui eodem Sæculo magnum sibi nomen

fecerunt. Primus, natione Belga, & in Cœnobio Dunensi Monachus, scripsit Historiarum Volumen triplex, quod *Chronodomon* appellavit, ab Orbe condito ad annum millesimum quadringentesimum decimum quartum, quodque *Ægidius à Roya* in compendium redegit, & ad annos octodecim continuavit. Alter, seu *Bonifacius Simoneta*, gente Italus, patriâ Mediolanensis, & Abbas Monasterii S. *Stephani de Cornu* in regione Placentina, scripsit ad *Carolus VIII.* Galliarum Regem, *Commentarios de Persecutionibus Christianis, & Pontificum Historia à S. Petro usque ad Innocentium VIII.* Prodiit Opus istud Mediolani anno mccccxcii. & *Basileæ* anno mdix. Alios Monachos, qui Sæculo decimo quinto pietate insignes, libros asceticos, seu morales, vel Commentaria in Scripturam sacram vel Sermones de Sanctis ediderunt, si hîc inferere vellem, vix in tanta rerum dicendarum copia finem posset invenire oratio. Sufficiet itaque duo eo in genere scribendi peritos proferre Monachos qui agmen claudent nobilium Scriptorum, quo eodem Sæculo protulit Monasticus Ordo. Primus est, *Henricus de Hassia*, natione Germanus, Ordinis Carthusiani Professor, qui *Regulas ad discernendum peccatum mortale à veniali*, & librum *De Contractibus & Ordine Censuum* composuit. Inter Asceticos Scriptores locum etiam idem Author habere debet, ob *Speculum anime*, & librum *De Discriminatione Spirituum*: inter Scripturæ sac. Interpretes pariter commendandus ob Commentaria in *Genesis*, & *Exodum*, in *Proverbia*, in *Apocalypsim* inter Scholasticos similiter annumerandus ob *Magistri Sententiarum* libros egregiis Commentariis

stratos. Obiit anno mccccxxviii. eumque
 ebrant *Trithemius*, *Petrus Sutor*, *Sixtus Senen-*
Possevinus, & alii. Alter Scriptor Monachus
Ioannes Raulinus, patriâ Tullensis, sacre Facul-
 s Parisiensis Doctor, Ordinis Cluniacensis exi-
 is Concionator, qui *Sermones Quadragesimales* :
Adventu Domini : *De Festivitatibus Sanctorum* :
us anni : *De Eucharistia* : *Itinerarium Paradisi* ,
Sermones de Pœnitentia, & alia id genus con-
 navit Opuscula. In vivis esse desiit Lutetiæ, in
 niacensi Collegio anno MDXIV. ætatis suæ LXXI.

de illustrioribus Monachis Scriptotibus ha-
 nus satis. Nunc amplissimam Ordo FF. Prædi-
 corum dicendi suppeditat materiem, cui, ut
Ieronymi verbis utar, *Homerus*, *Demosthenes*,
Iulius succumberent, aut inviderent. Ex eo quip-
 sacro Ordine prodierunt Sæculo decimo quin-
 doctissimi Scriptores, Fidei pugiles fortissimi,
 lesiæ Athletæ invictissimi, sanæ doctrinæ vin-
 es, quorum libri splendent eloquentiâ, ardent
 tate, & zelo; reconditamque in omni scien-
 tum genere continent doctrinam, adeo ut pos-
 gloriari cum Apostolo *Paulo*, se plus omnibus
 orasse, & etiam profecisse, seu Infidelium ad
 em conversione, seu victoriis de hæresi antiquâ
 recenti reportatis, seu fidelium ad pietatem
 ogressu, sive denique singularibus in Summos
 ntifices, in Ecclesiam Catholicam, & in omnes
 ristianos promeritis, quibus totum, quâ latè
 tet, Orbem impleverunt. De celeberrimis ita-
 e Ordinis FF. Prædicatorum Scriptoribus in-
 xsentia dicturus, eos in primis laudabo, qui
 culo XV. insignes Theologi fuerunt. Dein, illu-

striores Concionatores, vel qui de Rebus Asceticis scripserunt; tertio loco, clariores Scripturæ Sacræ Interpretes, postremò, Historicos, & Theologiæ Moralis Doctores, seu Casuitas. Brevitèr autem de illis Scriptoribus disseram, tum quia in tam latè patenti campo longiùs excurrere non patiuntur temporis angustia; tum quia, ut jam te alibi præmonui, doctissimus noster *Jacobus Echardus* hanc provinciam in se recepit, & Bibliothecam Scriptorum Ordinis FF. Prædicatorum improbo labore aggressus, eam tum Notis Criticis & Historicis, tum præclaris undecunquè adju mentis, quæ locupletissimæ Parisiorum Urbi Bibliothecæ, & privata Musea ei suppeditarunt sic omnibus numeris perfectam & absolutam Parisiis nuperrimè in lucem emisit, ut nulli dubium sit, quin virorum eruditorum voto atque expectationi abundè sit factura satis.

D. Agedum, incipiamus à doctissimis illis Theologis, quos Sæculo XV. dedit Ecclesiæ Ordo Fratrum Prædicatorum.

M. Ordo FF. Prædicatorum innumeros p nè Sæculo XV. protulit Theologos, quos inter, brevitati consulam, sex potissimum seligam om exceptione majores, videlicet *Joannem De Turrecremata*, *Joannem De Monte-Nigro*, *Joannem De Iugisio*, *Andream Rhodium*, *Henricum Kalteisen*, & *Joannem Nider*, quorum patriam, præclare gesta ac doctissima ab illis edita Opera paucis hìc re remus. In primis, *Joannes de Turrecremata*, nat ne Hispanus, Theologiæ, & Pontificii juris pe tissimus, tantâ constantiâ Sedis Apostolicæ auctoritatem in Concilio Basileensi propugnavit,

à io II. Pontifice Maximo *Defensoris Fidei* gloriosum nomen promeritus sit, & ob egregiam, quam in prædicto Concilio errores Huiusmodi confutando, Ecclesiæ navavit operam, ab *Eugenio IV.* Pontifice Maximo Cardinalis Tituli *S. Sixti* creatus, postea Sabinensis Episcopus fuerit renunciat. Eâ Cardinalitiâ dignitate auctus *Joannes d. Turrecremata*, nihil omninò immutavit de primo, quem antehac in Ordine Prædicatorum tuerat, vitæ Religiosæ cursu. Suspiciebant omnes huius Cardinalis virtutes non honore imminutas, sed purpurâ ornatas magis & auctas, modestiam, singularem, parcimoniam, frugalitatem, Regularem disciplinam, nobilem rerum caducarum contemptum, summam in pauperes charitatem, quibus erogabat quidquid sibi eripiebat, & eam rem instituit in Ecclesia *S. Mariæ super Mineram* Sodalitatem *B. Mariæ* Virginis Annunciatæ, pupillarum Romanarum inopiæ simul & castitatis consuleret, sicut in proximo Colloquio ostendimus. Verùm, tot virtutibus palmam præripuit devotissimus Ecclesiæ amor, quo sic flagrabat devotissimus ille Cardinalis, ut nihil magis diligeret, quàm ejus splendorem; nihil majori æstu defenderet, quàm ejus auctoritatem; nihil magis in votis haberet, quàm ejus membrorum sanctitatem; nihil acrius insectaretur, quàm Hæreticorum errores. In omnibus de Fide negotiis, quæ in Concilio Basileensi habita sunt, seu de Bohemis ad gremium Ecclesiæ revocandis, seu etiam de reformatione, quæ in ea Synodo potissimum agebantur capita, maximè claruit, & pro Sedis Apostolicæ dignitate strenuè laboravit. *Eugenium IV.* Pontifi-

cem Maximum constantèr adversùs quorundam impetus propugnavit , interfuit Concilio Generali Florentino, ubi fidem Ecclesiæ Romanæ de materia formæque Sacramenti Eucharistiæ Græcis luculenter exposuit , quam & hi se amplecti professi sunt . *Alphonsus Tostat* , qui dicebatur *stupor mundi* , impugnavit coram *Eugenio IV.* qui anno *MCCCCXLI* . Senis aderat , eumque , ut quasdam à se propugnatas propositiones explicaret, coëgit. A plurimis egregiis Scriptoribus laudatur *Joannes Turrecremata* , præsertim ab *Onuphrio Panvino* , *Ciaconio* , *Oldoino* , *Ughello* Tomo 1. *Italia Sacra* , ut interim omittam *Trithemium* , *Possevinum* , *Miræum* , *Bellarminum* , & alios Auctores Familiæ Dominicanæ alumnos , qui Scriptorum Ordinis Prædicatorum Bibliothecas , aut Catalogos adornarunt . Scripsit *Joannes Turrecremata* Volumina *IV.* in *Gratiani Decretum* : *Summam de Ecclesia* in *IV.* libros tributam : *Apparatum* in Definitionem Fidei à Concilio Florentino editam , aliaque perdocta Opera , quorum Catalogum texunt *Antonius* , & *Sixtus* Senenses , cæterique alii , qui de Scriptoribus Ecclesiasticis disseruerunt . Obiit Romæ præstantissimus ille Cardinalis octogenarius eximiâ vitæ sanctitate conspicuus die *xxvi.* mensis Septembris anni *MCCCCXLVI* . atque in Cænobio *S. Mariæ super Minervam* , Ordinis Prædicatorum sepultus est . Alter Dominicanus , seu *Joannes De Monte-Nigro* , natione fuit Italus , Provincialis Lombardiæ , Theologus nulli secundus , & Linguarum Orientalium adeò peritus , ut à Patribus Concilii Generalis Florentini unâ cum *Juliano* Cardinali delectus sit ad disputandum nomine Eccle-

lesiæ Latinæ contra Græcos Schismaticos, præ-
 im contra *Marcum* Metropolitam Ephesinum ,
 in prædicto Concilio Græcorum errores ma-
 animi æstu propugnavit . In hac porro Dispu-
 one *Joannes De Monte-Nigro* de Processioni-
 divinarum Personarum , maximè de proces-
 e Spiritus Sancti à Patre & Filio per commu-
 n & unicam simul Patris & Filii spirationem ,
 significatione vocum *Naturæ*, *Essentiæ*, *substan-*
substantiæ, & *Hypostasis*, summâ ingenii &
 trinx vi differuit. Pari etiam eruditionis fulgo-
 & animi vehementiâ apertè demonstravit , Pa-
 s Græcos , præcipuè *Basilium*, & *Epiphanium*,
 ertè asserere, Spiritum Sanctum ex Patre Filio-
 prodire , & veterum Græcorum Codicum
 ruptionem ipsis Græcis post conflatum Schisma
 eptam referri debere , non verò Latinis , sicut
 ultè calumniabantur Græci. Uno verbo, tam so-
 è juxtâ ac dilucidè *Joannes De Monte-Nigro* con-
 avit quæcumque *Marcus*, vel opposuerat , vel
 ponderat , ut ille Metropoli Ephesinus, quam-
 Linguâ promptus & procax, ad incitas tandem
 lactus , nihil planè hiscere , aut mustitare po-
 erit . Hujus *Joannis De Monte-Nigro* cum laude
 minere cùm domestici Ordinis Prædicatorum
 riptores , tum extranei , præsertim *Leo Allatius*
 ercitatione VI. contra *Chreygtonii* Præfationem
Syropuli, Scriptoris Græci, Historiam Conci-
 Ferrariensis, ubi dùm de *Joanne Ragusino* Or-
 nis Prædicatorum Procuratore Generali, de
 o mox dicturi sumus, delusum *Chreygtonium*,
 otimè arguit, quem ibi cum *Joanne Dominici*
 ardinali Ragusino , *Gregorii XII.* in Concilio
 Con-

Constantiensi Legato, & cum Joanne Turrecremata, tres distinctos omninò homines, in unum conflans, imperitè confundit, ipse tamen *Allatius*, vir cateroquì doctissimus, in similem impingit scopulum, & Joannem de Monte-Nigro, qui erat Provincialis Lombardiæ cum Joanne Ragusino, Ordinis Prædicatorum Procuratore Generali, conjungit & unicum facit, qui tamen & variis muneribus functi sunt, & ex diffitis regionibus orti. Joannes quippe *De Monte-Nigro*, Provincialis Lombardiæ, Italus & Etruscus erat; Joannes verò *Ragusinus*, Ordinis Prædicatorum Procurator Generalis, natione Dalmata erat. Unde facilè intelligitur, eos fuisse Scriptores penitùs diversos. Non minus in confutandis Hussitarum erroribus emicuit in Concilio Basileensi zelus Joannis *De Ragusio*, natione Dalmatæ, in Sacra Facultate Parisiensi Doctoris Theologi, & Ordinis FF. Prædicatorum Procuratoris Generalis. Hic quippè totis octo diebus unus cum Hussitis, spectante Concilio Basileensi, & sedentibus Patribus, manus conferuit, & in eodem Concilio Orationem habuit contra Bohemorum errorem *De Communione sub utraque specie*, apud Henricum Canisium Tomo III. *Lectiōis Antiquæ*, & in Appendice Concilii Basileensis editam. Hunc Joannem Ragusinum perperam nonnulli confundunt cum Joanne Dominici S. R. E. Cardinali, Archiepiscopo Ragusino, Ordinis Prædicatorum, qui tempore Schismatis *Angelesini* à Corario nomine Gregorii XII. Schismatico Pontifici, à quo fuerat Cardinalis creatus, persuasit ut ad Ecclesiæ pacem cederet Pontificatui, & nov. Pontificis assentiretur electioni, quique ad Concilium

cum Constantiense profectus , nomine ipsius
 Gregorii XII. cessit Pontificatui , & ipse Cardina-
 lis dignitati ; cùmque assurgens ibat sessum in-
 te Archiepiscopos , Imperator , omnesque Con-
 cilio Constantiensis Patres obstitere , & ob sua
 obclara in Ecclesiam merita jusserunt , ut hono-
 re suo frueretur , collaturi hanc dignitatem , nisi
 illis obtinuisset . Ab hoc , inquam Joanne Domi-
 nicali Archiepiscopo Ragusino planè di-
 fus est mox laudatus Joannes Ragusinus , quam-
 vis uterque fuerit Familiæ Dominicanæ alumnus .
 Concilio Generali Florentino ad promovendam
 Ecclesiæ Græcæ cum Latina unionem plurimùm
 laboravit Andreas Rhodius , Ordinis Prædicato-
 rum , ob eximias animi dotes ad Archiepiscopatum
 eodum , dictum etiam Colossensem , in Phrygia
 electus . Ille siquidem Græcæ Lingux , Græco-
 rumque Dogmatum peritissimus , inter Patres
 Concilii primùm Ferrariæ coacti , post Florentiam
 translatus , singulariter enituit , & cum nostro jam
 electo Joanne De Monte-Nigro Latinæ Fidei since-
 ram puritatem contra Græcorum , illam oppu-
 gnantium , conatus strenuè defendit , effecitque ,
 ut magnus Bessario , Græcus , qui postea inter Car-
 dinales S. E. R. relatus , eximium extitit Eccle-
 siæ Latinæ ornamentum , ejurato Schismate , in
 Latinorum partes transferit , hisque indivulsè
 imper adhæserit . Perstitit Florentiæ Andreas ,
 Rhodius Archiepiscopus , usquequò Armeni , Ja-
 cobitæ , subjectæque ipsis Orientis Ecclesiæ ad
 concordiam cum Ecclesia Romana redierunt , fi-
 nemque Catholicam integram amplexæ sunt . Tum
 erò à Summo Pontifice in Cyprum Insulam mis-
 sus

sus est, qui rem omninò perficeret, & devios adhuc ac dissidentes Græcos ad communionem Ecclesiæ Romanæ reduceret, quod strenuè & egregie confecit. Sed præclarè ab eo gesta fusiùs narra ipsemet *Eugenius IV.* Pontifex Maximus in Diplomate dato Romæ anno MCCCXLV. VII. Nonas Augusti, Pontificatus sui XV. ubi sic habet: *Sane post celebratam in Oecumenico Concilio Florentino Orientalis Ecclesiæ cum Occidentali unionem, post Armenorum, Jacobitarum, & Mesopotamiæ populorum reductionem, Venerabilem Fratrem nostrum Andream Archiepiscopum Colossensem* (qui idem et ac Archiepiscopus Rhodius, cum Urbs ipsa Rhodus etiam appelletur Colossus ex illo celebri Colosso aliàs ibidem erecto, indèque Rhodii nominentur itidem Colossenses) *ad partes Orientis & Cypri insulam destinavimus, ut & Græcos, & Armenos & Jacobitas ibidem degentes prædicationibus suis, & Decretorum pro eorum unionem ac reductionem editorum expositionibus & declarationibus in suscepta fide confirmaret, & quos ex aliis sectis à vera doctrina alienos tam Nestorii, quàm Macarii sectatores inveniret monitionibus & exhortationibus nostris ad fidem reducere conaretur. Quod pro sua sapientia aliisque virtutibus, quibus eum largitor gratiarum dominus insignivit, diligentissimè prosecutus, post diversas multiplicesque disputationes, post varios tractatus, eliminata tandem ex eorum cordibus primùm omnium Nestorii impietate &c. deinde Macarii Antiocheni impiissimi &c. Timotheum Metropolitam Chaldaeorum quos ad hæc usque tempora Nestorianos in Cipro vocaverunt, & Eliam Episcopum Maronitarum cum sua Natione Macarii Dogmatibus in eodem Regno infectum*

in omnium multitudine populorum & Clericorum
in insula Cypri ei subiecta, ad veritatem fidei Ortho-
doxæ, divino sibi assistente Numine convertit, &c. Cæ-
tera leges apud Odoricum Raynaldum, qui istud
ploma Eugenii IV. Pontificis Maximi integrum
habet ad annum MCCCCXLV. Num. XXI. In Con-
cilio Basileensi maximam laudem promeriti sunt
Henricus Kalteisen, & Joannes Niger, quorum pri-
us natione Germanus, Ordinis Prædicatorum
theologus eximius, Fidei apud Colonenses Quæ-
stor, & Nidrosiensis & Cæsariensis Archiepisco-
us, triduanam disputationem contra Hæreticos
suffragatus in Concilio Basileensi habuit, obiitque
kalendis Octobris anni MCCCCXLV. Alter verò, seu
Joannes Nider, FF. Prædicatorum Conventus Basi-
lensis tum temporis Prior, à Concilio Basileensi
legatus missus est, ut deliniret Bohemorum ani-
mos, qui Joannis Hus, & Hieronymi à Praga dam-
natione ac vivicomburio exasperati, ad prædictum
concilium accedere detrectabant; quos ferocien-
tes tantâ eloquentiæ ac prudentiæ vi compescuit,
ut honorificentissimam quingentorum hominum
ad Concilium Legationem eis persuaserit. Regu-
laris Disciplinæ in Germania conservandæ ac pro-
pagandæ perquam studiosus fuit, & animarum
saluti ingenti cum fructu prospexit. Theologiam
Viennæ in Austria, & in aliis Germaniæ Urbibus
magno cum auditorum concursu docuit, ac tan-
dem multis virtutibus clarus excessit è vivis No-
vembergæ anno MCCCCXXXVI. Sex illis primi sub-
cellii Ordinis Prædicatorum Theologis, duos dum-
taxat adjiciam ejusdem Ordinis celeberrimos
Theologos, quorum primus est Joannes Capreolus,
natio-

natione Gallus , & Oppido Ratinensi Tolosan
 Diœceseos oriundus , interfuit Concilio Basileen
 si, & in eo Summi Pontificis *Eugenii IV.* partes ad
 versùs turbulentas pacem Ecclesiæ perturbantium
 molitiones impavido animo defendit . In Acad
 mia Tolosana Theologiam maximâ cum sui te
 minis famâ , & Auditorum applausu professus e
 ediditque doctissimos Commentarios in iv. lib
 Sententiarum , in quibus, cum *S. Thomæ Aquin*
doctrinæ , quam apprimè callebat , acerrimum
 vindicem præbeat , gloriosum *Principis Thomisti*
rum nomen jure optimo adeptus est . Alter The
 logus insignis Ordinis Prædicatorum fuit *Barth*
lomeus Lapacius , natione Italus , & Florentiæ ri
 bili loco natus anno Christi mcccxcix. Adolēse
 litteris humanioribus Græcis & Latinis insti
 tus, in Cœnobio S. Mariæ Novellæ Florentiæ O
 dinis Prædicatorum religiosum habitum indu
 sicque studiis Philosophicis & Theologicis oper
 navavit , & Sanctorum Patrum cum Græcorum
 tum Latinorum lectioni incubuit, ut postea Ecc
 siæ non parùm laboranti, ob exortum *Eugenium*
 Pontificem Maximum inter & Basileenses d
 diam, plurimùm profuerit . Interfuit Conc
 Florentino , in quo contra Græcos Schismati
 strenuè disputavit , & ab *Eugenio IV.* creatus
 Episcopus Coronensis , quo titulo *S. Antoni*
æ qualis illum ornat ad annum mccccxlv. in Ch
 nico part. iii. Titul. xxi i. cap. xi. sub initium
 ubi hæc habet: *Ille tamen (Marcus) Ephesinus a*
rimus disputator permanens in perfidia sua , cum
ad veritatem fidei reverti noluit . Verùm, ad patr
rediens , cùm Cardinalis Venetus destinatus lego

in regionem illam, Constantinopoli moram traheret, in ejus societate esset Venerabilis Episcopus Coronensis D. Bartholomæus de Florentia, Sacræ Theologie Professor egregius, & Græci Idiomatis non ignarus, placuit eidem Imperatori Græcorum (videlicet Ianni Palæologo) & proceribus ejus, ut fieret publica concertatio inter Episcopum Ephesinum præfatum & Coronensem Episcopum jam fama ibi celebrem. Facto Ephesinus præfatus iterum ab eo superatus & confusus est, & tanta ab eo absorptus est tristitia, intra paucos dies expiraverit cum sua perfidia. Tandiu autem Bartholomæus Lapacius administravit Ecclesiam Coronensem, ad quam scilicet ab ingenio IV. promotus fuerat, ut in Peloponneso commoratus Græcos in unione à Concilio Florentino pactâ retineret, vel etiam adhuc renitentes eam suâ eruditione ac facundiâ adduceret, non minò liquet. Probabilius est, captâ semel à Thomæ II. Constantinopoli anno MCCCCLIII. & orone cum aliis Peloponnesi Urbibus sub Turcum Imperio redactâ, Bartholomæum Lapacium Italiam fuisse reversum, maximè cum certum, eum Vitæ suæ ultimos annos Florentiæ apud Fratres Dominicanos in Conventu S. Mariæ Novellæ egisse, Ecclesiæ S. Romuli in eadem Civitate sibi commendatæ suscepto censu & titulo: quod iam tempore Pio II. Pontifici Maximo anno MCCCCLVII. electo fuit acceptissimus, ab eoque aliquandiu Florentiæ commorante sæpius & cum regulari voluptate pro concione auditus est. Obiit Florentiæ Bartholomæus Lapacius anno MCCCCLXVI. sepultus est in Ecclesia S. Mariæ Novellæ, Ord. P. Prædicatorum.

D. Cùm Familiæ Dominicanæ Alumni, iussu Pontificio, *FF. Prædicatores* eo potissimum nomine appellentur, quòd frequentes ad populum conciones habere, & promovendæ Fidelium salutis toti incumbere debeant, nullus dubito, quin Sæculo XV. benè multi ex sacro illo Ordine prodierint ferventissimi Concionatores, qui pietatem Christianam, frequentiam Sacramentorum, cultum divinum in populo auxerunt, librosque spirituales ad animarum conversionem, ad progressum in omni genere virtutum scripserunt. De his itaque qui in Arte concionandi eâ ætate celebriores fuerunt, pauca hîc inferere necesse est.

M. Id honoris Dominicanis tribuunt multi Scriptores, quòd primi fuerint, qui, Auctore sive Patriarcha S. *Dominico*, Religiosos ac Cœnobiles à claustris & solitudinibus evocarunt ad celebritatem urbium, ut proximorum salutis vacarent & contemplationi actionem adjungerent, unde meritò illis Prædicatorum nomen adhæsit, & non cuiquam operam suam negarent, quos non poterant verbo instruere, libris Asceticis, seu spiritualibus docuerunt. Inter illos unus instar omnium Sæculo XV. effulsit S. *Vincentius Ferreri* suæ ætatis Apostolus ac Thaumaturgus in signatione Hispanus, patriâ Valentinus. Concionatoris munus, vocante Christo, aggressus, conciones suas non humanæ flosculis eloquentiæ, nec subtilibus quibusdam cogitatis aspergebat, ex unico Scripturæ divinæ libro, quem assidue pervolvebat, & ex piis meditationibus salutariter hauriebat documenta, quibus divinam planè sermonibus suis eloquentiam conciliabat, eosque

a minùs stupendis , quàm innumeris prodigiis
 affirmabat . Extremi judicii terrorem frequen-
 timè denunciâns , peccatores ad poenitentiam
 vocabat , ardentissimo in Deum amore fla-
 ns , eodem inflammabat hominum corda , &
 prophetiæ dono illustratus futura multa prædixit,
 diumque abditissima arcana introspectiens , quæ
 sique tacitus in pectore gerebat , acutùm ipse
 intrabat . His divinis præfidiis adjutus , Doctri-
 suæ , prædicationis , & miraculorum theatrum
 uit amplissimum , Hispanias , Gallias , Italiam ,
 Britannicarum Insularum partem . Centum mil-
 Christianorum ad meliorem frugem , octo mil-
 Saracenorum à Mahometana superstitione , &
 inti quinque millia Iudæorum à pertinacia ad
 tistianam fidem traxit . Quantâ porrò authori-
 e in Ecclesia , & apud Reges polleret *Vincentius*
Ferrerius , ex tribus potissimùm capitibus facile
 nosci potest . Primò , quia de Regno Castellæ
 identium Principum consensu sequester ipse
 stitutus , uni contendentium Regnum Arago-
 adjudicavit , ejusque sententiæ cæteri assense-
 t . Secundò , quia *Vincentius Ferrerius* , perspe-
 semel *Benedicti XIII.* pseudo-Pontificis pertina-
 rejectisq; Episcopalibus & Cardinalitiis infulis
 ab eo oblatis , Author fuit *Ferdinando Arago-*
Regi , & *Alphonso* , ejus filio , ut *Benedicti XIII.*
 edientiam ejurarent , atq; ab eodem secessionem
 subditis imperarent ; quod , nullâ interpositâ
 râ , piissimi Principes executioni mandarunt .
 tiò , quia singulari honore , cultuque *Vincen-*
n Ferrerium prosecuta est Synodus Constân-
 nsis , missis Legatis , qui ejus nomine rogarent ,

ut ad hanc Synodum veniret. Obiit *Vincentius Ferrerius* Veneti in Britannia Minori anno MCCCCXIX. & à *Calisto III.* quem futurum Pontificem prænunciaverat, Sanctorum Fastis adscriptus est die XXIX. Junii anni MCCCCLV. Scripsit Sanctus *Vincentius Ferrerius* Tractatum de Vita Spirituali, Tractatum consolatorium in Fidei tentationibus: Tractatum de Fine Mundi: varias ad diversos Epistolas, & alia Opera, quæ partim edita sunt, partim adhuc MSS. in Bibliothecis adservantur. Circumferuntur Sancti *Vincentii Ferrerii* Conciones de Tempore, & de Sanctis tribus Voluminibus comprehensæ, quas tamen, ut editæ sunt, ipsius esse, ægrè adducor ut credam, maximè cum in his concionibus citetur interdum, non sine aliqua honoris præfatione S. *Vincentius Ferrerius*, quod certe non sapit summam illius Sancti modestiam. Adde etiam multas in his Concionibus offendi minutias, quæ ob levitatem, sublimi Sancti *Vincentii Ferrerii* ingenio parùm digna dignoscuntur. Verùm, cum noster *Sixtus Senensis* in suâ Scriptorum Ordinis Prædicatorum Bibliotheca tres Tomos Sermonum Sancto *Vincentio Ferrerio* attribuat hæc verbis: *Vincentius Valentinus ex Ordine Prædicatorum declamator suo tempore omnium celeberrimus scripsit in Lectiones Evangelicas, quæ per singulos anni dies in Ecclesia leguntur, Sermonum Tomos tres qui inter Sermonarios Scholasticos primas habent non in eam velim descendere Sententiam quorundam Criticorum, qui omnes illos Sermones Sancto Vincentio Ferrerio abjudicant, sed potius standum esse censeo judicio nostri Seraphini Thomæ Miguel, Valentini, qui in Vita Sancti Vincen-*

rerii novissimè à se editâ , asserit , hos omnes mones non manu Sancti *Vincentii Ferrerii* , sed ditorum , qui ex ore dicentis reportarunt , fuisseptos , adeoque mirum non esse , quòd in his erdum non sine aliqua honoris præfatione , letur *Vincentius Ferrerius* , & nonnulla minus atè & accuratè scripta inveniantur . Vitam Sancti *Vincentii* scripsit *Petrus Ranzanus* , *Panorcanus* , Ordinis Prædicatorum , postea *Lucerius* Episcopus , quam *Henschenius* , & *Papebrochius* MS. Codice ediderunt in Actis Sanctorum ad m v. Aprilis . *Gabrielem Barletam* , Nationem , Ordinis Prædicatorum insignem Theologum , & alios nonnullos ejusdem Ordinis , inter nios Sæculi XV. Concionatores refert , & laudat noster *Ambrosius Altamura* in sua *Bibliotheca ninicana* , quos tamen ipse silentio hic omninò mittam , quia , ut candidè fatear , in his , e nunc extant *Gabrielis Barletæ* , & aliorum , usmodi Concionibus , passim inveniuntur nuneptiæ , facetiæ , inconditi sales , novi concess ex Scriptura , ex SS. Patribus contra apertam rum mentem , summa vi & obtorto collo traqui tamen concionandi modus condonari de illius Sæculi ruditati , quod his similia admitat in Concionatoribus , etiam tunc temporis rissimis . Verùm , hanc , quæ in concionibus Sæi XV. invaluerat , barbariem & infantiam , fetèr Sæculo sequenti , seu XVI. ab Ecclesia derunt viri Ordinis FF. Prædicatorum gravissimæ & eloquentissimi , *Ludovicus Granatensis* , *Franciscus Forerius* , & *Joannes Baptista Lanuza* , qui Arrectè concionandi Regulas præscripserunt , &

Sanctorum Patrum gravitatem & eloquentiam revocarunt, quos nunc hi, qui in Ecclesia celebriores Concionatores audiunt, sequi & imitari gloriantur. Addo etiam, ejusmodi conciones, quae nunc sub nomine *Gabrielis Barletæ* editæ circumferuntur, vel fuisse interpolatas, vitiatas & adulteratas, vel ab eo nunquam fuisse lucubratas. Sic enim de *Gabriele Barleta*, concionibusque sub ejus nomine editis æqualis ei, aut saltem suppar *Leander* asserit in Descriptione Italiæ Regum, Editionis Italiæ pag. 200. Latinæ verò *Kiliandri* pag. 370. ubi loquens de Barulo oppido, vernaculè *Barleta*, in quo putat ortum habuisse, indeque cognomen traxisse *Gabrielem Barletam*, hæc habet: *Nomen hujus oppidi per universam Italiam Gabriel Ordini Prædicatorum eruditus atque disertus homo valde illustravit, qui nostris temporibus diu cum immensi animarum fructu Sacra docuit. Editæ sunt typi conciones aliquot illi inscriptæ, quibus eo viro certum nihil potest esse indignius: nam ab imperito quodam mihi tum juveni noto fabricatæ sunt, qui ut decore Operi ineptissimo quæreret, falsum Gabrielis nomen prætexuit. Sunt in iis multa, quæ longè honesti omitti, quàm scribi debebant, ut, qui leget optime cognoscere poterit. Hæc recentiorum Concionatorum gratia commemorare volui, quod non sine judicio vendendum in iis intelligant, ne quas continet ineptiæ & offensus ipsi præferentes indocti ac rudes habeantur. Hæc *Leander*, Ordinis Prædicatorum accuratissimus Historicus, comperta sibi que ceteris refert, quæ si *Theophylus Raynandus* sub *Petri Valleclausa* nomine latens, eique similes tantisper attendere voluissent, *Gabrielem Barletam* non i*

fte dehonestassent. His Concionatoribus Or-
 dinis Prædicatorum quatuor adjungam ejusdem
 Ordinis Authores, qui de rebus Asceticis, seu de
 Vita Spirituali scripserunt, & tuta, vera, ac vici-
 nara salutis docuerunt. Primus est *Petrus Auran-*
gæ, natione Gallus, qui Author est Libri Gallicè
 scripti, cui titulus est: *Scintillæ Divini Amoris*, à
 quo si semoveas verba jam temporis diuturnitate
 aliquata, nihil ardentius ad inflammandos igne
 divini amoris animos legi potest. Alter Scri-
 ptor, est *Alanus de Rupe*, qui edidit *Psalterii Ma-*
riæ compendium, librum de *Miraculis S. Rosarii*
 &c. tertius est *Michael Franciscus*, natione Gallo
 Flander, patriâ Insulensis, Rosarii Beatissimæ Vir-
 ginis cultor ac propagator, cui hæc tribuuntur
 Opera: *Quodlibeticæ Decisiones de VII. Doloribus*
Beate Mariæ Matris Dei: quodlibeticæ Decisiones
Confraternitate Sanctissimi Rosarii Beate Mariæ:
Confraternitas Dolorum Beate Mariæ: Clavis Cella-
re divine & humane Sapientiæ: De Abusibus Au-
ditorum, seu de *vanitate sequentium Curiam*, qui
 per, teste *Miræo* cap. 8. De *Scriptoribus Eccl. Sæ-*
culi XVI. extat MS. apud FF. Prædicatores Insu-
 lenses, Commentarium etiam in Antiphonam
Ave Regina composuit idem Author. Postremus
 est *Leonardus Matthæi*, vulgò de *Utino* cognomi-
 tus, eò quòd Utini, quæ Civitas est perantiqua
 regionis Venetæ, in Ducatu Foroliviensi, & ab
 anno MCCXXII. Patriarchæ Aquilejensis Sedes,
 factus sit, & ibidem Ordini Prædicatorum nomen
 præderit. Insignis fuit Concionator totâque cele-
 stis Italiâ, qui & Florentiæ coram *Eugenio IV.*
 prædicavit annis MCCCCXXV. & coram Aula

Romana conciones ; Venetiis quoque & Utini pluribus annis magno populorum plausu & fructu prædicavit , ergà doctrinam S. Thomæ maxime affectus, cuius Scita Sermonibus suis ut fundamenta ponit, iis superstruens, & æque intellectum docens ac movens affectum . Ejus cum laude meminerunt hi, qui de viris illustribus Ord. Prædicatorum scripserunt, quos inter *Leander* eum appellat Virum excellentissimæ doctrinæ & ornatissimæ vitæ, ac circa annum MCCCCLVIII. florentem. Hic de *Hieronymi Savanarola* Ordinis Prædicatorum Patriâ , vitâ , moribus , gestis , obitu , & operibus latè differere animus erat , sed habitâ deinceps, ut prudentiæ lex exigit , præsentis temporis ratione, consultius duxi omninò tacere, donec opportuniori loco & tempore quid de *Hieronymo Savanarola* , ejusque Operibus sentiam, orâ & calamo candidè profiteri valeam . De illo itaque Ordinis Prædicatorum Scriptore nunc temporis serviens penitùs silebo , quia ejusdem arti est aptè tacere & aptè dicere , sive , ut ait sapientissimus post homines natos *Salomon* cap. III. Libi Ecclesiastis : *Omnia tempus habent , & est tempus tacendi & tempus loquendi* . Sed de Concionatoribus Ordinis Prædicatorum , sicut & de aliis Vitæ Asceticæ Scriptoribus , plura legesis apud nostrum *Ambrosium de Altamura* in *Bibliotheca Dominicana* , & apud illos , qui datâ operâ differunt de *Viris Illustribus Ordinis Prædicatorum* .

D. Alios Sæculi decimi quinti celeberrimos Ordinis FF. Prædicatorum Scriptores tum Historicos, tum Scripturæ Sacræ , vel Theologiæ Moralis Interpretes breviter percurrere debemus

ms, ne in his plus justò immorando, nobis sat
temporis non suppetat ad differendum de cæte-
r. Viris Illustribus, qui eodem Sæculo in aliis
Religiosis Ordinibus summa cum laude florue-
rat.

M. Inter Dominicanos Sæculi XV. Histo-
ricos Scriptores locum habere debent *Petrus Ran-*
zanus, *Joannes Annius Viterbiensis*, & *S. Antoni-*
us, Archiepiscopus Florentinus. Primus, seu
Petrus Ranzanus, Panormitanus, præter *Vitam*
Sæcti Vincentii Ferrerii, edidit *Annalium Libros*
III. de omnium ferè Gentium Rebus, ex quibus
nunc superest dumtaxat ultimus, qui extat inter
Hungaricarum Rerum Scriptores, & dividitur in
Liberulos xxxvi. Quæ enim sequuntur, non *Petri*
Ranzani sunt, sed *Sambuci*. Desinit quippè *Ran-*
zanus in bello inter *Matthiam Corvinum Hun-*
ariæ Regem, & *Fridericum III. Imperatorem*.
liberalibus propè omnibus disciplinis claruit
Petrus Ranzanus. Erat quippè Orator & Rhetor
simius atque Poeta, Historiæ peritiâ & Sacræ
Theologiæ præstantissimus. A *Sixto IV.*
Pontifice Maximo anno mccccclxxviii. Lûceri-
ensis Episcopus promotus Ecclesiam suam eximiè
curavit, multis affecit, ditavitque pretiosis orna-
mentis, Sacrisque vestibus, organis atque dona-
tis. Cleri sui, gregisque mores ad Sacrorum Ca-
nonum regulam induxit, egenorum sublevavit
opiam, omnibusque curæ suæ subjectis pastor
pater amantissimus carissimusque ad obitum
pergit, ac meritis & ætate gravis ex hac mor-
tali luce ad æternam piissimè convolvit anno
mccccxcii. Multa posteris Scriptorum monu-

menta reliquit, quæ à Viris eruditis impensè laudantur. Alterum, quem laudavi, Historicum Scriptorem, *Ioannem Annium*, natione Italum, patriâ Viterbiensem, & sacri Palatii Apostolici Magistrum, nonnulli impensè laudant, tanquàm acerrimi iudicii Censorem, Historiarum omnium, quotquot sint, vel fuerint, exactissimâ cognitione celeberrimum, Antiquarium præstantissimum, vetustissimarum omnium rerum sagacissimum indagatorem, & inventorem admirabilem, ejusque in *Berosum* Babylonium, *Metasthenem*, seu potius *Megasthenem* Persam, *Manethonem* Ægyptium, *Philonem* Judæum, aliosque multos antiquissimæ vetustatis Historicos Commentaria magnis præconiis efferunt. Verùm, ipse candidè fatebor, nostrum *Ioannem Annium* fuisse quidem eximium Theologum, peritum Historicum, Latinè, Græcè, Hebraicè, Chaldaicæ, & Arabicè eruditum, in Scriptura sacra versatissimum, ut probant Commentaria, quæ scripsit in Psalterium & in Apocalypsim, cum tamen deceptum fuisse ac plures in errorem abduxisse, dùm commentitia Antiquorum, quos mox laudavi, Scriptorum aliorumque ejusdem farinae Authorum Opera quæ bonâ fide, sed inaccurato examine, autumavit, vera ac sincera esse, Commentariis illustravit, prælo commisit, publicâque luce donavit. De his fictitiis à *Ioanne Annio* editis antiquis Authoribus legesis accuratam Censuram *Volaterran* libro xiv. *Anthropologiæ*, *Ludovici Vives*, lib. v. De tradendis Disciplinis, *Melchioris Cani* lib. xi. De locis Theologicis cap. vi. *Antonii Augusti* Antiquitatum Dialogo xi. *Benedicti Pererii* in Daniele

1. *Antonii Possevini* libro xvi. selectæ Bibliothecæ Sectione iv. Id autem sedulò observare debet, quia multi posteriores Scriptores, *Ioannes Eedo*, *Naclerus*, *Valerius*, *Ioannes Lucidus*, *Michael Medina*, *Sixtus Senensis*, & alii ignorant *Ioannem Annium* fuisse deceptum, & ipsi decepti sunt, imposueruntque illis, oculatis licet, Auctores illi ficti Anniani e mentito nomine prodantes. Cæterum, sese parùm veritatis studio in Censorem præbet *Theophilus Raynaldus*, Scripturum Dominicanorum acerrimus insectator, cum in eo, quem scripturavit, libro *De Immunitatibus Cyriacorum* perfrictâ fronte asserere audet, *Ioannem Annium* non modò deceptum, sed deceptorum, falsarium, & impostorem fuisse, eumque industria hæc supposititia antiquorum Scripturum Opera in lucem emisisse, ut & alios ipse deciperet, quod unum scelus falsariorum est & interpolatorum. Certè, *Ioannem Annium* nullus, quod sciam, ante *Theophilum Raynaldum*, falsarii nomine suspectum habuit, quamvis non negent viri eruditi, eum deceptum fuisse, quod nemini verum videri debet, cum necdùm eâ ætate viget. Critices Disciplinæ studium ad genuina Scripturum Opera à spuriiis & adulterinis secernenda minò necessarium. Obiit *Ioannes Annius* sub Pontificatu *Alexandri VI.* & in Ecclesia S. Mariæ super *Minervam* sepultus est. Inter Scriptores Historicos sibi nomen peperit S. *Antoninus*, Archiepiscopus Florentinus, quippè qui *Summam Historiam*, seu *Chronicon Tripartitum* edidit, cujus archetypon Florentiæ in Conventu Sancti Marci, Ordinis Fratrum Prædicatorum, asservatur. Pri-

ma Pars hujus Chronici res gestas ab Orbe condito usque ad *Silvestrum I.* Pontificem Maximum & *Constantinum Magnum* Imperatorem. Altera inde usque ad *Innocentium III.* Summum Pontificem idest, ad annum usque *mcxcix.* Tertia exin usque ad *Pium II.* Romanum Pontificem, & *Fridericum III.* Imperatorem, hoc est, ad ann. *mccccxviii* completitur. Nec solum inter Historicos, sed etiam inter Theologiæ Moralis Interpretes annumerari debet Sanctissimus ille Antistes, cum *Summam Doctrinalem* quatuor in partes distributam composuerit, quæ tutissimam salutis viam doce & ad benè informandos Fidelium mores, dirimendosque Conscientiæ Casus saluberrima suppeditat documenta, quæ omnibus animarum Rectioribus prorsus necessaria sunt. Scripsit etiam Sanctus *Antoninus* librum *De eruditione Confessorum* Tractatum *De Censuris Ecclesiasticis*, *De Sponsalibus & Matrimoniiis*, & alios tam editos, quam ineditos, quos refert noster *Altamura* in Bibliotheca Dominicana pag. 183. Familiam Dominicanam in quam sedecennis fuerat cooptatus, tanto affectu colebat S. *Antoninus*, ut ad Florentinum Archiepiscopatum ab *Eugenio IV.* promotus, multationibus, precibus, & lacrymis, hoc onus angelicis humeris formidandum, deprecatus fuerit nec acquieverit, nisi imperio ejusdem Summi Pontificis, additis graviorum Censurarum minis, parère detrectaret. Paruit quidem *Antoninus* sed ut amissæ solitudinis se aliquâ spe, aut conversatione recrearet, non solum vestem sui Ordinis mores, ritus, disciplinamque regularem ad summos juris apices servavit, sed etiam clavem can-

quam in Cœnobio habuerat, secum semper
habebat, quasi libertatis aliquandò restituendæ
causæ. Hinc Magnatum Florentinorum conati-
pro juribus Ecclesiæ invicto animo obsistenti,
extrema quæque mala impii minarentur,
exactâ suæ cellæ, quam secum habebat, clave,
condidit: *invitus Præsulatum adivi, sed pro illius
iuris juribus mortem oppetere non formido, sed nec
timere ausim, martyrio indignus: si redire ad mo-
nasterium, prioremque statum, hoc gravi onere depo-
nit, per viam mihi concessum fuerit, immortalis me vo-
bis beneficio devincietis.* Longior essem, si singu-
las virtutes planè Heroicas, quibus in Episcopa-
to præfulsit, summam in Deum pietatem, effusis-
simam erga pauperes charitatem, miram mode-
ratam, paupertatem maximam, in restauranda di-
sciplina, & extirpandis vitiis assiduam vigilan-
tiam hîc describere vellem, sufficiet si dixerim,
Antoninum, etiam dùm adhuc viveret, tantam de
se excitasse sanctimoniam opinionem, ut Nico-
laus V. Pontifex Maximus de eo dicere soleret,
Antoninum non minus vivum, quàm Bernardinum
Sensensem mortuum, in Sanctorum album referri
meruisse. Obiit Sanctus Antoninus Florentiæ an-
no MCCCCLIX. ætatis suæ LXX. eique in Ecclesia
Sancti Marci sepulto Pius II. Pontifex Maximus,
qui tùm temporis Florentiæ aderat, magnifica
funeralia persolvit, ingenti concursu populi, mortem
optimi Pastoris desolantis, cohonestata. Tan-
tum multis in vita & post mortem miraculis cla-
sus Antoninus, Sanctorum Fastis ab Hadriano VI.
Pontifice Maximo, anno MDXXIII. solemni ritu
descriptus est, cumque jam de se benè meritum

Civitas Florentina sibi patronum in Coelis adscivit, cujus præsentissimum præsidium sæpius, in publicis præsertim calamitatibus, feliciter experta est.

Hic prætermittere haud possum tres alio Sæculi decimi quinti Scriptores Ordinis Prædicatorum, quorum duo, videlicet *Iacobus Sprengerus*, & *Henricus Institor*, natione Germani, communibus studiis ediderunt *Malleum Maleficarum* contra Lamias, seu Stryges, quibus Germania Sæculo XV. erat infestata. Scripsit etiam *Henricus Institor* librum de *Auctoritate Papæ* contra *Monarchiam Antonii Roselli*, Jurisconsulti Patavini, & alia Opera. Tertius verò Scriptor, est *Thomas Anglicus*, patriâ Galensis, qui multos in Scripturam sacram lucubravit Commentarios, Sancto *Thomæ Aquinati* adscriptos Librariorum incuriâ, qui, ut observat *Sixtus Senensis* libro IV. Bibliothecæ, ex *Thoma Anglico*, *Thomam Angelicum* fecerunt. Extant etiam, teste *Sixto Senensi*, alij ejusdem *Thomæ Anglici* Commentarii MSS. in Scripturam sacram, qui in Bibliotheca SS. *Joannis & Pauli*, Venetiis asservantur. Sed de Clarissimis Scriptoribus, qui Sæculo XV. in Ordine Fratrum Prædicatorum floruerunt, satis hætenus servatâ justâ Colloquiorum nostrorum brevitate diximus, relictâ pleniori messe doctissimo nostro *Jacobo Echard*, qui novam & locupletissimam Bibliothecam (quæ tamen ad manus meas nondum pervenit) Scriptorum Ordinis FF. Prædicatorum adornavit, typisque Parisiensibus excusâ nuperrimè publici juris fecit, in qua fusiori calamo aget de omnium Scriptorum Ordinis FF. Prædic

ditorum ortu , patriâ , natione , genere , ingenio
professione , doctrinâ , officiis , fortunâ , morte &c.
valas de illorum Operibus tam editis , quàm
ineditis incredibili labore , quo Authores , ante-
hâ incognitos , è tenebris erutos publicam in lu-
cem revocavit , nec mediocri doctrinæ apparatu
ornavit Dissertationes , sicque Opus suum novis
accessionibus , & Observationibus Historicis , Cri-
ticis , & Chronologicis illustrabit , ut nullus dubi-
tet , quin cæteris omnibus , qui Virorum Illu-
strum Ordinis FF. Prædicatorum Bibliothecas ,
atque Catalogos concinnarunt , palmam longè sit
precepturus . Hæc igitur , quæ ipse brevitati con-
suetus , ex infinitis paucula selegi , jejuna licet &
arida , æqui bonique consulas velim , donec sitim
tuam lectione hujus , quam mox commendavi ,
saturatissimæ Bibliothecæ , ad satietatem usque
colere valeas .

D. Præclaris , ut video , ornamentis abun-
de Familia Dominicana , quæ tot illustres peperit
vires cæteris aliis doctissimis Scriptoribus haud
inferiores , sive spectem Theologorum peritiam ,
multitudinem librorum , quos de rebus Theo-
logicis ediderunt , sive animum referam ad Con-
monitionum eloquentiam , ad Polemicorum
controversias , ad singularem Interpretum in Scri-
pturam sacram eruditionem , ad uberrimam Theo-
logiæ moralis doctrinam ; sive denique expendam
notitiam , atque librorum spiritualium copiam
præstantiam . Sed age nunc , & , missâ omni
inhibitione , profer in medium nobiliores Scri-
tores , qui Sæculo XV. in aliis Religiosorum
Men-

Mendicantium Ordinibus doctrinâ & pietate inclaruerunt.

M. Tres in primis Concionatores eximia pietate ac doctrinâ celebres tulit Sæculo decimo quinto Ordo FF. Minorum, quos inter primas tenet S. *Bernardinus*, dictus *Senensis* à Patre Senensi & à frequenti Senarum Urbis incolatu, quamvis in *Massana* Etruriæ civitate natus esset. Totam Italiam summâ nominis sui famâ & maximo concursu populi, quem ad singularem *Nominis Jesu* venerationem in suis ferventissimis concionibus excitare solitus erat, peragravit, cùmque S. *Vincentius Ferrerius*, Ordinis Prædicatorum, per Europam Apostolus, Italiæ fines ingressus esset statim inde in alias regiones discessit in reverentiam S. *Bernardini*, cui hanc Orbis Christiani partem longè nobilissimam illustrandam reliquit. Ad concionem S. *Vincentii Ferrerii* accessit quidam die S. *Bernardinus*, ei facie, & fortè etiam nomine ignotus, & confertæ multitudini sese immiscuit. Substitit *Vincentius*, quasi aliud cogitans, & subindè hæc verba protulit Prophetico spiritu abreptus: *Adest huic Concioni junior quidam S. Patris Francisci filius dignissimus; eum oportet crescere, me autem minui, & festinatis honoribus ante eum Ecclesia colet, cui jubet me Deus loco cedere, Italiam relinquere, illius exemplis, institutis, concionibus excolendam.* Quibus verbis *Vincentius* designabat *Bernardinum*, sui Sæculi & Italiæ Apostolum, qui obiit Aquilæ in Vestinis an. mcccccl. die xx. Maji ætatis lxi. & à *Nicolao V.* Pontifice Maximo inter Sanctos anno mcccccl. adscriptus est ante S. *Vincentium Ferrerium*, qui dumtaxat à Ca-

II. successore Nicolai V. in Sanctorum Catalogum
 us est. Vitam S. Bernardini Senensis, & Gesta
 imè prosequitur *Wadinghus* in Annalibus Fra-
 Minorum Tomis IV. & V. Edidit, præter
 ones, alios Tractatus Morales & Asceticos,
 recenset idem *Wadinghus* in Bibliotheca Scri-
 um Ordinis Minorum. S. Bernardini Senensis
 pulus fuit S. *Joannes Capistranus*, sive à Capi-
 Brutiorum oppido, Regularis Observantiæ
 rdine FF. Minorum, cui nomen dederat, pro-
 or, & concionator ferventissimus. Hæreticos
 cellos, Hussitas, Adamitas auctoritate repres-
 plurimos ad Catholicam fidem convertit.
 ratem, Turcarum Imperatorem, *Albam Græ-*
 vulgò dictam *Bellegrade*, munitissimam in
 garia Arcem, obsidentem, collectâ Cruce-Si-
 orum & rusticorum copiâ, cum magna Tur-
 m strage ignominiosè depulit, turpique fugâ
 igavit. Eo etiam agente, Crucis Insigne ple-
 sumperunt, & ad sacrum bellum nomina-
 essi, prælia cum Turcis per id tempus secun-
 narte obierunt. Obiit Willaci in Diœcesi
 queecclesiensi die III. Octobris anni MCCCCLVI.
 is LXXI. A Gregorio XV. Pontifice Maximo
 Beatos adscriptus est, & ab *Alexandro VIII.*
 andis Novembris anni MDCXC. in Sanctorum
 m relatus. Plura reliquit ingenii sui monu-
 ta, videlicet *De electione Papæ: De dignitate*
esiae: De auctoritate Papæ & Concilii: De Matri-
io: De Excommunicatione: De Usuris, Contracti-
, & Restitutionibus: De Confessione facienda pro-
Sacerdoti: De Canone pœnitentiali: Speculum Con-
tiæ: Tractatum de Fidei veritate adversus Roki-
sanam

sanam, Hæreticum Hussitam, & alia Opera sive edita, sive adhuc inedita, quorum Indiculum exhibent *Possevinus* in Apparatu sacro, *Bellarminus* in libro de Scriptoribus Ecclesiasticis, & præsertim *Wadinghus* in Bibliotheca Scriptorum Ordinis Minorum. Sancto *Joanni Capistrano* coævus fuit *Nicolaus Auximanus*, gente Italus, patriam *Fecenus*, Ordinis Minorum Sodalis, & Sancto *Bernardino Senensi* familiaris. Scripsit ille vir doctus juxta ac pius *Summam Casuum Conscientiæ: Supplementum ad Summam Pisanellam: Interrogatorium Confessorum*, & alia nonnulla Opera inedita, quae refert *Lucas Wadinghus* in Bibliotheca Scriptorum Ordinis Minorum. His tribus Ordinis Minorum Concionatoribus, doctrinam & pietate conspicui alios ejusdem Ordinis septem Scriptores adjungam, qui sæculo decimo quinto de Rebus Asceticis, vel de Doctrina Morali libros ediderunt. Primus est *Harpius*, seu *Herpius*, ex Pago de *Erp* Brabantia oriundus, qui, præter Sermones, *Theologiam Mysticam cum speculativam, tum affectivam* aliosque Tractatus Asceticos lucubravimus, quorum Catalogum exhibet *Wadinghus* in Bibliotheca Ordinis Minorum. Obiit in Conventu Mechlinico Ordinis Minorum anno MCCCCLXXVI. Alter Scriptor, est *Baptista Salvis*, sive *De Salis*, Ligur, scripsit *Summam Casuum Conscientiæ*, quæ ab autore suum sortita nomen, vulgò *Baptistiana* pellatur. Florebat in Ordine Minorum anno MCCCCXCIV. Tertius Scriptor, est *Baptista Tromalis*, natione Italus, qui *Summam Casuum Conscientiæ* pariter effudit, quam *Rosellam* vocant. Quartus Scriptor, est *Angelus à Clavasio*, Ligu-

ido, vir non minus pietate, quàm doctrinâ in-
 nis, & Author *Summæ Casuum Conscientiæ*, quæ
 gelica nuncupatur. Edidit quoque idem *An-*
us à Clavasio Tractatum De Restitutionibus, &
 erum inscriptum: *Arca Fidei*. Obiit Cunii in
 nobio Sanctæ Mariæ de Angelis anno mccccxcv.
 intus Scriptor nuncupatur *Pacificus*, Novarien-
 & est Author *Summæ Casuum Conscientiæ*, quæ ab
 dicta est *Pacifica*. Claruit in Ordine Minorum
 o circiter mccccclxx. Sextus Scriptor, est
 nardinus de Bustris, patriâ Mediolanensis, qui
 riale, seu Sermones de Beata Virgine Maria,
 sque excellentiis, non solum per singulas ejus
 vitates, verum etiam per omnia totius anni
 obata composuit. Author est etiam *Quadragesi-*
alis, & *Rosarii Sermonum per Quadragesimam*,
 ctosque totius anni tam Dominicales, quàm festos
 s, necnon de unaquaque materia prædicabili. Po-
 emus Scriptor, est *Franciscus Ximenius*, natione
 spanus, patriâ Catalaunensis, quem, ut in su-
 priori Colloquio observavimus, *Petrus de Luna*,
 ctus in sua Obedientia *Benedictus XIII.* in Con-
 cio Perpiniano à se anno mccccviii. indicto
 avit Patriarcham Hierosolymitanum. Scripsit
 orum de *Natura Angelica*: *Tractatum De Scala*
i: *Pastorale pro instructione Episcoporum & Su-*
riorum: Libros quatuor *De Vita Christiana*. Præ-
 hæc Opera, quæ in Hispania sub finem XV.
 culi typis edita sunt, alia quamplurima, quæ
 guâ patriâ conscripsit, in Bibliotheca Cæno-
 i Sanctæ Mariæ de Jesu propè Barcinonem MSS.
 huc asservari testatur *Lucas Wadinghus* in Libro
 : *Scriptoribus Ordinis Minorum* pag. 140. Alios

Ordinis FF. Minorum Scriptores, qui de Theologia Scholastica, vel de *Formalitatibus Scoti* Sæculi XV. scripserunt, aut Commentarios in IV. Libro Sententiarum ediderunt, de quibus differit *Lucas Wadinghus*, lubens hic, ne in immensum diffundar, silentio prætermittam. At præterire haud possum S. *Catharinam*, dictam *Bononiensem*, quæ est Civitate Bononiæ in Italia esset oriunda, quæque sub Regula Sancti *Francisci* in Ordine S. *Clari* Deo serviens, librum scripsit *De sibi revelatis Domino*, qui Bononiæ prodiit in lucem anno MDX apud *Platonem Benedictum*, deindè ab Hæredibus *Hieronymi Benedicti* anno MDXXXVI. denique Venetiis anno MDLXXXIII. Testatur *Casimirus Onanus* in *Supplemento de Scriptoribus Ecclesiasticis* hunc librum, propriâ manu Sanctæ *Catharinæ Bononiensis* scriptum, extare apud Sanctimoniam *Corporis Christi*, quæ sunt in eadem Urbe, ubi ipsa Abbatissa fuit. Inter Sanctas Virgines *Catharinam Bononiensem* anno MDCCXII. solemniter adscripsit *Clemens XI.* Pontifex Maximus, nunc universæ Ecclesiæ clavum feliciter moratur.

D. Nihil Hactenùs dixisti de Scriptoribus qui Sæculo XV. prodierunt ex Ordinibus Eremitarum Sancti *Augustini*, & Carmelitarum, tamen, ut opinor, in confutandis Hæresibus & in conscribendis doctissimis lucubrationibus egregiam eo Sæculo Ecclesiæ operam navarunt.

M. Duos hîc præ cæteris laudabo dumtaxat illustres Ordinis Eremitarum Sancti *Augustini* Scriptores, videlicet *Jacobum Magnum*

Joannem Capgravium, quorum primus natione Hispanus, Patriâ Toletanus, insigni Sacræ Scripturæ peritiâ, & jugi veterum Theologorum cognitione egregium sibi nomen apud viros eruditione comparavit. Claruit sub initium Sæculi decimi quinti, & Archiepiscopatum Burdigalensem sibi à *Carolo VII.* Galliarum Rege oblatum, in modici modestiâ suscipere detrectavit. Opus magne scripsit *De Sermone & Inquisitione Divinæ Scientiæ*, cui *Sophologium* indidit nomen, in decem libros distributum, quod ex Veterum Philoſophorum, Poetarum, atque Oratorum Scriptis conspecto concinnatum esse prodit ipse in Operis Prefatione. Alia Opera ab eodem Scriptore, & laudata fuisse testatur *Josephus Pamphilus* in Chronico Ordinis Eremitarum Sancti *Augustini*. Obiit *Jacobus Magnus* Lutetiæ Parisiorum, & ad Augustinianos sepultus est. Alter Scriptor, *Joannes Capgravius*, gente Anglus, patriâ Caninus, inter Theologos sui ævi Anglos principem locum tenuit. Catalogum scripsit, seu Legendam Scriptorum Angliæ, quæ typis excusa est Londini anno MDXVI. Alia etiam quamplurima partim Historica, partim Theologica Opera edidit, quorum Catalogum satis amplum texit *Baleus* in libro *Illustrium Scriptorum Majoris Britanniae Centuriâ VII.* Cap. I. & ex eo *Pitſeus* in libro *De illustribus Scriptoribus Angliæ*, ac *Josephus Pamphilus* in Chronico Ordinis Eremitarum Sancti *Augustini* pag. 83. Incertum est, quo anno obierit. Eum mortuum esse in Anglia anno MCCCCLXIV. affirmant *Baleus*, & *Josephus Pamphilus*. Alii verò cum *Pitſeo*, *Vossio*, & *Miræo* ejus mortem referunt

ad annum MCCCCLXXXIV. Adverte hìc obiter, me
consultò inter illustres Sæculi XV. Scriptores Or-
dinis Eremitarum Sancti *Augustini* non annume-
rare *Augustinum De Roma*, & *Antonium Rampelo-*
gum, viros alioqui hujus Sæculi doctissimos, &
ejusdem Ordinis Professores. Ratio hujus est,
quia *Augustini De Roma* libros, tanquàm erro-
neam continentes doctrinam proscripsit Conci-
lium Basileense Sessione XXI. eosque inter libros
prohibitos, teste *Bellarmino* in libro *De Scriptori-*
bus Ecclesiasticis, in Indice Romano Summi Pon-
tificis reposuerunt. Similiter, eundem honorem
non detuli *Antonio Rampelogo*, quia hic Author
licet Concilio Basileensi interfuerit, & contra
Hæreticos Hussitas disputaverit, edidit tamen
librum, cui titulus est: *Bibliorum Figura*, qui
ber, teste *Casimiro Oudino* in Supplemento *De Scr-*
ptoribus Ecclesiasticis, fuit à *Clemente VIII.* Pont-
fice Maximo prohibitus, & extat in *Indice Roman-*
Librorum prohibitorum donec fuerit expurgatu
Observat etiam idem *Casimirus Oudinus*, multo
errores graves ab Ecclesia confixos eo in lib-
comperiri, & ex illo expungenda esse nonnulla
desumpta ex Magistro Historiæ Ecclesiasticæ, a
surda illa quidem, ac potius fabulas, quàm Hist-
rias olentia; plura itidem ex eo tollenda, qu-
aliter in Bibliis habentur, quàm *Rampelodus* f-
fuit: quin & Scripturam Sacram parùm sincer-
& nonnunquam malè in eo libro citari, Apocr-
pha quoque, qualia efferebantur è tertio lib-
Esdræ, atque ex Epistolis Sancti *Cyrilli Hierosol-*
mitani ad Sanctum Augustinum de morte San-
Hieronymi. Quæ omnia, inquit *Casimirus Ou-*

que certè sunt plurima, aut emendanda, vel corrigenda sunt, ne quis tyro Concionator, postea amplius tanquàm certa & explorata populo proponat.

Quod spectat Ordinem Carmelitarum, Myræm proferre possem Scriptorum hujus Ordinis qui Sæculo XV. in Anglia præsertim floruerunt, de quibus latè differunt *Baleus* in libro *Illustrationum Scriptorum Majoris Britanniae*, & *Pitsæus* in *De Illustribus Angliæ Scriptoribus*. Verùm, ex his omnibus impræsentiarum agere cùm nec unus nostri sit, nec otii; his referendis supererit, & unum tantummodò Ordinis Fratrum *Beate Mariæ de Monte Carmelo* Scriptorem, quicumque omnium facilè Princeps est, producam in medium, *Thomam* videlicet *Vvaldensæm*, nationis Angliæ, ex vico *Vvalden* ortum, qui Regibus Angliæ gratissimus fuit, utpotè ab *Henrico IV.* ad Concilium Pisenum pro tollendo Schismate, ab *Henrico V.* ad Concilium Constantiense ad debellandam Hussitarum Hæresim Legatus missus, & ab *Henrico VI.* à Secretis & Confessionibus fuit. Insuper penè scripsit, è quibus unicum typis expressum habetur Opus inscriptum: *Doctrinale Anglicanæ Fidei contra Vvicleffistas & Hussitas*, quod in tres Tomos distributum est, ac *Martino V.* Pontifici Maximo nuncupatum. In primo Tomo de Christo, Petro, Ecclesia, & Religiosis; in secundo de Sacramentis; in tertio de Sacramentalibus agit. Hoc Opus plurimùm arrisit *Martino V.* qui illud Apostolicis litteris commendavit his verbis: *Placuit primò nobis Opus, quod scripsisti contra Hussitas Hæreticos; Teque fuimus*

hortati, ut id quod restabat in materia de Sacramentis, simili perficeres studio & diligentia, quod te fecisse gaudemus, & tuum studium utile & salutare Ecclesiæ commendamus &c. Alia Thomæ Vvaldensis Opera recenset Joannes Baleus in libro Illustrium Scriptorum Majoris Britannię Centuriâ VII. cap. 84.

D. Nihil igitur, ut video, tibi superest dicendum de Scriptoribus, qui statum vel Monachalem, vel Regularem Sæculo XV. amplexi, doctrinâ & pietate Ecclesiam illustrarunt.

M. Mane tantispër. Supersunt adhuc tredecim Scriptores Regulares, quos, utpotè Clericos, seu Canonicos Regulares Ordinis Sancti Augustini, ad Classes Illustrium Scriptorum Monachorum, & Religiosorum Ordinum Mendicantium revocare minimè potui. Hi porrò sunt *Laurentius Justinianus*, *Thomas à Kempis*, & *Gabriel Biel* Primus, seu *Laurentius Justinianus*, patriâ Ventus, dignitate Patricius, Canonicus fuit Regularis Ordinis Sancti Augustini Congregationis Sancti Georgii in Alga, & post triginta annos in Regulari vita exactos, Venetiarum Episcopus ab *Henrico IV.* invitatus licèt, constitutus est, ac dein Patriarchali titulo ac dignitate anno MCCCCL. *Nicolao V.* donatus, Patriarchæ honorem ac juris primus Episcopis Venetiarum Urbis patriæ intulit. Complura Ascetica Opera, & Spiritus Sancti unctione perfusa scripsit, sive antequam Episcopales infulas, sive post adeptum Patriarchatum, & Patriarchatum, quæ omnia prodierunt Basileæ anno MDLX. Lugduni anno MDLXVI. Venetiis anno MDCVI. Obiit *Laurentius Justinianus*.

die VIII. Januarii anni MCCCCLV. ætatis suæ
 L. IV. & à *Clemente VII.* Pontifice maximo anno
 M. XLIV. in Sanctorum album relatus est ob præ-
 ceras, quibus in terris fulsit, virtutes, quas inter
 præcipuissimum eminebant germana & infucata in-
 dum pietas, prodiga in pauperes Charitas,
 summa humilitas, maximus Religionis zelus, &
 præstantissima Dei dona, quæ legi possunt in
 eius Vita, quam *Bernardus Justinianus*, illius ne-
 pos, eleganti stylo descripsit. Sancti *Laurentii*
Justiniani Vitæ Sanctimoniam, modumque de-
 voutus Asceticis scribendi planè imitatus est *Tho-*
mas à Kempis, sive à *Campis*, modico in Diœcesi
Coloniensi oppido ad *Rhenum* oriundus, undè
 cognomen adhæsit, quamvis *Hemerchin*, hoc
 est, *Malleolus*, nomine familiæ appellaretur. Ordini
 Canonicorum Regularium Sancti Augustini
 Congregationis *Vvindefimensis* in Monasterio,
 quod in Monte *S. Agnetis*, Virginis & Martyris,
 prope *Swollensem* civitatem in Diœcesi *Ultraje-*
ctensi situm est, professus, eâ vixit innocentia, &
 sanctitatis opinione, ut plurimi ejus videndi &
 audiendi gratiâ, è remotioribus etiam locis, cer-
 tim ad eum confluerent. Sermo illi omnis de
 deo & Sacra Scriptura erat. Nunquàm otiosus,
 semper vel lætatabat aliquid, vel in communem
 scribebat, vel pro instructione Fratrum
 commentabatur. Nihil in Mystica Theologia
 obscurum latebat, cujus perfectam in-
 telligentiam divino collustratus lumine non
 seculum assecutus. Scripsit *Chronicon Monasterii*
Agnetis: Sermones XXX. ad Novitios Re-
 gulares: Sermones IX. ad Fratres: Utilissi-

mas Conciones & Meditationes, seu Orationes de Passione Domini, numero xxxvi. Soliloquia Anima. Tractatus de Disciplina Claustralium: De Fideli Dispensatore: De tribus Tabernaculis: De Eleuatione mentis ad inquirendum summum Bonum: Spiritualia Exercitia Religiosorum, aliosque Tractatus Asceticos, & Vitas quorundam Piorum, scilicet Gerardi Magni, & Discipulorum, primorum Fratrum Vitę communis. Non desunt etiam periti Critici, qui Thomę à Kempis, ceu vero ac legitimo Authori, asserunt ac vindicant utilissimum, in tota Ecclesia summo omnium consensu receptum & frequentatum, atque in omnes penę linguas conversum *De Imitatione Christi* Opusculum, quod tam efficaciter ad amorem Dei, & ad terrenarum rerum contemptum movet corda legentium, ut jure merito dici possit, ejus Authorem, instar alterius *Promethei*, cœlestem ignem rapuisse, ad corda nostra divino amore, & Christianę perfectionis ardenti cupiditate inflammanda. Sed, ut cordatę fatear, de Authore aurei istius libri *De Imitatione Christi* acerrimę inter se etiamnum digladiantur Scriptores, & eruditi Critici. Alii hunc librum tribuunt Joanni Gessen, seu Gersen, Benedictino, Abbati Vercellensi. Alii eum adjudicant Thomę à Kempis, Canonico Regulari. Alii denique volunt, eum esse genuinum fœtum Joannis Gersonii, Facultatis Parisiensis Cancellarii. Quò fit, ut in tanta sententiarum discrepantia de Authore libri *De Imitatione Christi* nihil certi affirmari possit, ut clariùs constabit ex his, quę in proximo Colloquio de eadem Controversia inter PP. Benedictinos & Canonicos Regulares postremis hisce temporibus

tribus ventilatâ dicturi sumus. Obiit *Thomas a Kempis* anno MCCCCLXXI. ætatis suæ nonagesimo cundo, ejusque corpus, ut narrat *Papebrochius Conatu Chronologico ad Catalogum Romanorum Pontificum*, non sine prodigiis repertum est die III. Augusti anni MDCLXXXII. Canonorum Regularium Ordinem, præter illos duos, quos mox memoravi, eximios Scriptores Asceticos, haud parùm Sæculo XV. singulari doctrinâ illustravit *Gabriel Biel*, natione Helvetus, aut, ut alii volunt, Spirensis, Theologiæ Doctor, & in Academia Tubingensi Professor publicus, ab *Eberardo Comite Witembergensi*, qui Academiam istam anno MCCCCLXXVII. fundavit, evocatus, ut Theologiam & Philosophiam accepto stipendio edoceret. Hanc Cathedram Tubingensem per plures annos magno cum honore rexit, ediditque doctrinam in quatuor sententiarum libros *Commentaria*, & *Sermones De Tempore, De Deipara, & De Sanctis per totum annum; Tractatum De Monetarum potestate, nul & utilitate*, & alia quædam Opuscula. Nonnulli Scriptores tribuunt eidem *Gabrieli Bielo* Expositionem Canonis Missæ, quæ tamen, ut probabilius censent periti Critici, reverà parentem habet *Engelingu* Brunsvicensem, paucis à *Bielo* omissis, nonnullis additis aut mutatis, quod quidem ipse in calce Operis ingenuè profitetur. Obiit *Gabriel Biel* anno MCCCXCV. non verò, ut quidam ajunt, anno MDXX.

D. Pervenimus tandè ad ultimam Illustrium Sæculi XV. Scriptorum Classsem, in qua locum habent periti Jurisconsulti, seu hi, qui Jus Civile, quàm Canonicum, & Pontificium doctissime

ctissimis commentariis enuclearunt , à quibus non breviter expedire debemus, ut præsentì Colloquio ne longius excurrat , finem imponamus .

M. Iurisconsultorum , qui Sæculo XV. excelluerunt , agmen ducet *Petrus De Ancharano* , si dictus ab *Ancharano* Farnesiorum Castello , ubi natus est . *Baldum* , insignem Iurisconsultum , Magistrum habuit , & Ius Pontificium magna cum sui nominis famâ Patavii , & Bononiæ docuit . Collegium pauperum studiosorum Bononiæ instituit quod ejus nomen etiamnum retinet . Obiit circæ annum mccccxv . Sepultus Bononiæ in Ecclesia FF. Prædicatorum , & Epitaphio cohonestatus , qui prædicatur tanquam *Canonis speculum Civilis & Anchora juris* . Egregios Commentarios reliquit in *Decretales* , *Sextum* , & *Clementinas* . Petro De Ancharano cœvus fuit , & doctrinâ perinde insignis *Antonius De Butrio* , Bononiensis , qui scripsit in *Decretales* , & *Clementinas* , item *Consilia* , & duo *Repertoria* , unum in Iure Canonico , alterum in Iure Civili . Obiit anno mccccviii . Iisdem temporibus floruit *Franciscus De Zabarellis* , qui ex Sabadinorum Bononiensium stirpe natus Patavii , ibidem Ius Canonicum interpretatus est , atque inter sui temporis professores maximè enituit , & ob divini humanique juris peritiam singularem cum eximia morum probitate conjunctam , à *Johanne XXIII.* Pontifice Maximo Archiepiscopus Florentinus , ac postea Cardinalis Tituli SS. *Cosmæ & Damiani* creatus est , missusque ab eodem Pontifice Legatus ad Concilium Constantiense , ubi è Vita migravit anno mccccxvii . ætatis suæ lxxviii . vel ut alii scribunt lxxx . Luculenta *Responsa* , atque egre

regia in *Decretales*, & in *Clementinas* *Commentaria* reliquit, ac de *Horis Canonicis* librum, alterum de *Schismate*, & de *Artibus liberalibus*, & *Naturali Philosophia* quædam *Opuscula*. Citari solet sub titulo *Cardinalis*. Hunc *Franciscum De Zabarellis* in studio *Iuris Canonici Bononiæ* Magistrum habuit *Nicolaus Tudeschus*, *Catanæ* in *Sicilia* natus, & *Ordinis S. Benedicti* Monachus, qui *Senis*, *Parmæ*, tandem *Bononiæ*, assignato octingentorum annuorum stipendio, jus Pontificium magna cum eruditione interpretatus est. Dein, ad Archiepiscopatum *Panormitanum* promotus, hoc nomen retinuit, ac vulgo *Panormitanus* dici solet. A *Felice V.* antipapa creatus fuit *Cardinalis*, sed postea à *Nicola V.* successore *Eugenii IV.* in ea dignitate confirmatus. Ejus commentaria in *Quinque Decretalium libros*, & *Clementinas*, septem Tomis edita habentur. Tomus octavus complectitur *Consilia*, *questiones subtiles*, *Practicam* in *Curia* observari solitam, & repetitionem in *Caput per tuas extra de Arbitris*, nonus Tomus comprehendit *Thesaurum singularium* in *jure Canonico* *Decisionum*. His novem *Commentariorum* Tomis jus *Canonicum* illustravit, aliaque Opera edidit *Nicolaus Tudeschus*, qui à *juris Pontificii Interpretibus* sæpè sub *Panormitani*, vel sub uno *Abbatis* nomine citari solet. Obiit celebris ille *jurisconsultus Panormi*, mense *Julio* anni *mcccclv.* Floruerunt eodem *Sæculo XV.* tres alii peritissimi *Iurisconsulti*, videlicet *Joannes Franciscus Pavinus*, *Joannes ab Imola*, & *Joannes Antonius à S. Georgio*. Primus, seu *Joannes Franciscus Pavinus*, civis & *Canonicus Patavinus*, in *Sacra Theologia* haud parùm versatus, cum

cum per aliquot annos Jus Canonicum in patria docuisset, Romam à Paulo II. Pontifice Maximo accitus est, & Palatii Apostolici Causarum Auditor circa annum MCCCCLXVI. factus, in *Joannis XXII.* & aliorum Pontificum *Extravagante* commentaria scripsit, aliaque composuit Opuscula *De Officio & potestate Capituli Sede vacante: De Decimis: De Charitativo subsidio: De Visitatione Episcopi &c.* Romanæ quoque *Rotæ Decisiones* diligenter collectas in unum volumen redegit. Decessit Romæ, sepultus in Ecclesia, quæ dicitur Ara Cœli. Joannes ab Imola nomen sortitus est à patria, Romandiolæ civitate, quæ olim *Forum Cornelii*, nunc *Imola* dicitur. Patavii, Ferrariæ, ac tandem Bononiæ Jus Canonicum & Pontificium interpretatus est, & in utroque jure adeo excelluit, ut ejus opiniones præ aliis recipiantur, magisque utriusque juris Doctoribus probentur. Extant in Jus Canonicum ipsius Commentaria ad tres *Decretalium* libros, ad sextum *Decretalium*, & *Clementinas*; præter *Consilia & Repetitiones quasdam*. Abiit è vivis Bononiæ anno MCCCCXXXVI. & apud FF. Prædicatores sepultus est. Tertius, quem laudavi, Jurisconsultus, seu Joannes Antonius à S. Georgio, Placentinus fuit, & Patricius Mediolanensis, qui anno ætatis suæ vigesimo octavo Ticini Jus Canonicum profiteri cœpit, dein, Præpositus fuit Ecclesiæ S. *Ambrosii* apud Mediolanum; undè ipsi inditum *Præpositi* cognomen. Ab Innocentio VIII. Pontifice Maximo, ob doctrinæ, ac sanctitatis famam, Auditor Sacri Palatii, ac Referendarius Apostolicus; postea Alexandrinus in Longobardia Episcopus, ac tandem anno

MCCCXCIII. Presbyter Cardinalis est renunciatus sub titulo Sanctorum *Nerei & Achillei*. Habuit ejus Commentarii in *primas duodecim Causas Decreti*, cujus & primam partem interpretatus est, quemadmodum & *Clementinas*. Extat etiam ejus Interpretatio in *Quartum Decretalium*. Cessit ex hac vita anno MCCCXCIII. Cæteros autem Sæculi XV. peritos Jurisconsultos indigitare contaxat, eorumque Opera hîc breviter indicare sufficiet. *Andreas Barbatius*, seu *Barbatias*, natione Sículus, scripsit Commentaria in *Decretales*, & *Clementinas*, aliaque composuit Opuscula, quæ Parisiis & alibi edita sunt. Obiit circa annum MCCCCLXXXII. sepultus Bononiæ apud S. Petrum. *Philippus Francus*, Perusinus, in patria jus Pontificium diu professus, deinde Ticinum evolutus, magnâ nominis famâ claruit circa annum MCCCCLX. Extant ejus in *Decretales*, & *Sextum* eructa Commentaria. *Rodolphus*, ex clarissima stirpe Florentiæ natus, ibidem Jus Pontificium interpretatus est, egregiumque commentarium in *Decretum* edidit, necnon Tractatum *De Usuris*. Inter aros *Antonii Butrii* Auditores, fuit Dominus à sancto Geminiano, qui Bononiæ publicus Juris Pontificii Professor, scripsit Commentaria in *Decretales*, in *Sextum*, ejusque feruntur *Consilia*, sive *Responsa*, & *Repertorium juris*. Claruit sub fine sæculi XV. *Nicasius Voldanus*, Mechliniensis, qui licet à quarto ætatis suæ anno oculis captus esset, Theologiæ attamen Lauream in Academia Lovaniensi consecutus, & in Coloniensi Universitate Juris Doctor inauguratus, Leges Cæsareas, quas nusquam legerat, sed audiverat tantum, ita memoria

moriâ complexus est , ut eas ex tempore recitaret , & interpretaretur . Commentarios edidit in *IV. libros Institutionum Justiniani* , & obiit Colonia anno *MCCCCXCII* . Postremò , *Felinus Sandeus* ex nobili *Sandeorum* familia Ferrariæ natus, ibidem primùm docuit Ius Pontificium ; postea Pisis Ius Civile interpretatus est, tantâ eruditionis laude, ut ob insignem Juris scientiam Romam ab *Innocentio VIII.* Pontifice Maximo evocatus , Rotæ Senatui Præfectus sit, mox Referendarius Apostolicus ac demùm Episcopus Lucensis factus . Obiit anno *MDIII* . & præclara reliquit ingenii sui Monumenta , præsertim *Commentarium in quinque libros Decretalium* , & varia Opuscula utrumque Ius Civile & Canonicum, spectantia. Hi sunt celeberrimi Sæculi *XV.* Iurisconsulti , quos inter annumerari etiam debent *Joannes De Turrecremata* , Cardinalis , Ordinis *FF. Prædicatorum* , & *Robertus Gaguinus* , Ordinis Sanctissimæ Trinitatis Præpositus Generalis, Iuris Canonici Doctores præstantissimi , quorum tamen hîc nullam mentionem fecimus , quia eis jam locum dedimus in superioribus classibus illustrium Scriptorum Sæculi decimi quinti .

Hîc sub finem nostri Colloquii , de Arte Typographica , quæ in commune rei litterariæ commodum , & ad publicâ luce donanda Illustrium Scriptorum Opera , Sæculo decimo quinto inventa, sensim sine sensu omnibus suis numeris tandem absoluta evasit , breviter differere meditabar , sed ne diutiùs te detineam, aliàs eâ de re sermonem instituam .

D. Non te profectò dimittam , nisi priùs
expe

exposueris exordium ac progressus Artis Typographicæ, quæ unicum est contra tineas & blatticæ, omnis eruditionis inimicas, remedium, & eam operâ indicaveris hujus utilissimæ Artis Inventores, qui certè gloriâ, quam merentur, care nequaquam debent.

M. Typographiam, quæ cum omnibus Verum inventis facilè certare potest; originem, in Germania Sæculo XV. habuisse communis est Scriptorum sententia. Hinc de hoc nobilissimo Germanorum Invento ait *Philippus Beroaldus*;

O Germania muneris repertrix,

Quo nihil utilius dedit vetustas;

Libros scribere quæ doces premendo.

Laurentius etiam Valla Artis Typographicæ inventionem Germanis acceptam refert his Versibus:

Abstulerat Latio multos Germania Libros,

Nunc multò plures reddidit ingenio.

Et quod vix toto quisquam perscriberet anno,

Munere Germano conficit una dies.

Verùm, licèt inter omnes fermè conveniat, eam Typographicam in Germania sumpsisse exordium, incertum tamen est, an Moguntia, vel Argentorati hæc Ars fuerit adinventæ. Probabilior, meâ quidem sententiâ, est, hujus nobilissimæ inventionis gloriam Argentoratensibus debendam esse. Id quippè liquidò evincitur ex MS. Chronico Argentoratensi, in quo hæc leguntur verba: *Anno Christi mccccxl. præclara & humano generi utilissima Ars Typographica primum in lucem, Argentorati, prodiit, Auctore Joanne Mente- . Cui cum famulus esset Joannes Gansfleisch, Moguntia oriundus, ejus conscientia ac fidei negotium*
hoc

hoc credidit ; sed hic in herum perfidus , Joanni Gutemburgio , nobili ac opulento , cuique jam aliqui de Mentelii invento suboluerat , totam rem palam fecit , atque pacto cum eo inito , quòd Argentorati scilicet se affecuturos desperarent , Moguntiam indè se recepere , multum lucri è compendiosa Arte sibi polliciti . In hoc Chronico , ut vides , exprimitur nomen Auctoris , nempe Joannis Mentelii , anni Typographiæ inventionis , seu annus mccccx locus quoque non præteritur , nimirum Argentinae Urbs , ubi inventa est Ars Typographica & Moguntia civitas , ubi perfecta est . Vero igitur quam simillimum est , Joannem Mentelium patriam Argentoratensem , Artis Typographice inventorem fuisse , cui tamen cum tanti sumptus non suppeterent , ut Officinam Typographicam Argentinae statim erigeret , Gutemburgius , quem ut mox diximus , perfidus Joannis Mentelii famulus Artem Typographicam edocuerat , Moguntiam delatus , prius ibi hanc Artem publicè exercuit , indèque multorum animos pervasit opinio de Arte Typographica à Joanne Gutemburgio Moguntia adinventâ . Nicolaus Serarius , Scriptae Societatis Jesu , dubius hæret , nec quidquam cepronunciare audet de loco , & primo Inventore Artis Typographicae . Sic enim libro 1. *Rerum Moguntinarum* cap. 36. & seqq. ait : *An Argentoratensis fuerit artificii hujus Auctor , itemque an ibi de hoc aliquid aut cogitarit , aut etiam tentari mihi haud satis liquet . Interim potuit aliquis de Argentinensis , & civitate tamen Moguntinus , quid Argentinae cogitare , atque conari , hocque id ipsum Moguntia jam in lucem afferre , atque perficere*

ique , quia citrà causam , idoneosque Auctores , non est quisquam facilè mendacii arguendus , cre-
qui volet illi affirmanti .

Ars Typographica , quæ novis subindè adin-
tionibus illustrior progressu temporis reddita
in Galliam , Italiam , Hispaniam , Angliam ,
oloniam sub finem Sæculi XV. illata est . Pri-
s tamen , qui Græcè excudere cœpit , fuit *Aldus*
Manutius , qui circà annum MD. Officinam Venet-
instituit , & Typos etiam Hebraicos primus
hac arte adhibuit , cùm antehàc Typographi ,
uæ Græca , vel Hebraica vox in manuscripto
dice , quem excudebant , occurrisset , vacua
spatia relinquere solerent . Litteras itidem
icas , quas *Cursivas* vocant , *Aldus Manutius*
enisse dicitur , eique debet Respublica Littera-
tot Sanctorum Patrum , & Scriptorum Græ-
am elegantissimas Editiones . Præter *Aldum*
Manutium , Græcas Litteras tum Sacras , tum
phanas insigniter suis Prælis promoverunt tres
celeberrimi Typographi , videlicet *Robertus*
Stephanus , *Ioannes Frobenius* , & *Guillelmus Morel-*
us , quorum primus , seu *Robertus Stephanus* , fi-
lius Henrici Stephani , natione Gallus , patriâ Pa-
nus à *Francisco I.* Rege Christianissimo , Typo-
phus Regius constitutus , Vir fuit Litteris La-
is , Græcis , & Hebraicis admodùm eruditus ,
cujus Officina , quæ vulgò *Stephanea* appellari
ot , prodierunt Græcè Sanctorum Patrum Ope-
tam splendide , nitide & emendatè excusa ;
tola typorum elegantia quemlibet ad eorum
ionem alliceret & invitaret . Fertur etiam ,
eundem *Stephanum* solitum esse , singula folia ,

antequam exirent in lucem, perlegenda, hinc illuc per plateas, certis locis affigere, adjuncto pretio illi, qui quædam Typographiæ vitia detexisset. Alter Typographus, seu *Joannes Frobenius*, natione Germanus, patriâ Basileensis, nullis vigiliis, nullis laboribus, nullis denique impendiis pepercit, ut, ad rem Litterariam adjuvandam, eximios Authores ornaret, nitidè & fideliter ornatos publicâ luce donaret. Denique *Guillelmus Morelius*, patria Caletensis, & Typographiæ Græcæ Galliarum Regis post *Hadrianum Turnebum* Præfectus, accuratâ Linguæ Græcæ peritiâ insignitus, & in Græcorum Patrum Operibus, utroque Sermone Græco & Latino excudendis, tum Characterum pulchritudine, tum Editionis perfectione cæteros Galliæ Typographos longo post se intervallo reliquit, & ad invidiam provocavit. Mitto alios penè infinitos, præcipuè recentiorum Typographos, de quibus peculiari capite agat *Bernardus Malincrotius* Dissertatione Historicâ 1. *Arte Typographica* cap. 14. pag. 91. Dicam tantum obiter, in Regia Parisiensi Urbe aliquot etiamnum reperiri insignes Typographos, ex quorum Operibus Veterum præclara monumenta, cum Græcâ tum Latina è tenebris eruta, blattarum & tinctorum imperio erepta, pulcherrimis Typis, & diligentiâ adhibitâ curâ, prodierunt in lucem, necnon doctissima recentiorum Galliæ Scriptorum Opera præsertim *Petavii*, *Sirmondi*, *Coeffetæi*, *Combesii*, *Goari*, *Labbei*, *Cotelerii*, *Dacherii*, *Mabillonii*, *Huetii*, *Thomassini*, *LeQuien*, & Sanctorum Operum tam Græcorum, quam Latinorum Editiones, quas stupendâ planè curâ & indefessâ

gentiâ adornarunt eruditissimi Patres Benedictini
Congregationis S. *Mauri*.

D. Optandum sanè esset, ut horum, quos
laudasti, præstantissimorum Typographorum in
legendis libris curam ac diligentiam nunc pressio
de sequerentur hi, qui eandem Artem exercen-
tem suscipiunt, quorum tamen, ut probè nosti,
pauci sunt, qui lucro solùm ac quæstui inhian-
tes, Typographiæ suæ Correctores quidem admo-
vent, libris prælo parandis invigilatu-
ros, sed Viti-
gnaros & vili pretio conductos, qui levi,
modò ajunt, digito, rem suam oscitanter agen-
tes, in causa sunt, cur libri innumeris mendis à
vite ad calcem scatentes in lucem protrudantur,
tamen hæc provincia corrigendi libros, qui
prælo parantur, his maximè demandari deberet,
non minùs doctrinâ, quàm prudentiâ & inte-
gritate præstant. Sed de origine, progressu ac
perfectione Artis Typographicæ, ex qua in Rem-
publicam Litterariam nunquàm interitura gloria
fundavit, satis hætenùs diximus. Nunc do-
num me confero, ubi per aliquot dies in meo
seculo, ad parandum labili memoriæ subsidium,
breve describam Catalogum tot illustrium Sæ-
culi decimi quinti Scriptorum, quos in præsentì
Colloquio laudasti, quique suis moribus, doctri-
nâ eruditione, & præclaris monumentis Ecclesiam
ornarunt, illustrarunt, unâque nomina sua æter-
nitati consecrarunt. Sedulò etiam annotabo Ca-
talogos librorum, quos lucubrarunt Viri cla-
rissimi, Editiones, ex optimis MSS. expressas, &
in Officinis clariorum Typographorum excusas;
videlicet possim diligentius ab eo declinare,

vitio, in quod frequentèr impingere solent mei similes, seu juniores, qui primoribus dumtaxat labris Historiam Ecclesiasticam degustarunt, & in studio Theologico sunt minus exercitati. Hi quippè in libris antiquorum Scriptorum in usus suos comparandis, nullâ curâ, nulloque Editionum habito delectu, arripiunt quidquid primâ statim fronte se se illis offert. Quò sit, ut non sine gravi sumptus, & quod pretiosius adhuc, ipsius temporis dispendio, Editiones antiquorum Scriptorum quotidie terant imperfectas, mutilas, interpolatas, vitiis & erroribus scatentes, quæque à recto veritatis tramite illos abducere possunt. Hæc omnia cum accuratè pro meo modulo in ordinem digressero, ad tuas ædes, modò boni consulas, redditum maturabo, ut te de Doctrina, & Disciplina tam Ecclesiasticâ, quàm Monasticâ, atque de morali Christiana Sæculi decimî quinti differentem attento animo auscultare possim. Horum quippè notitia omninò necessaria est Clerico, quæ Ecclesiæ commodo, animarum saluti, veneranda antiquitatis cognitioni, & Historiæ Ecclesiasticæ studio gnavitèr incumbere cupit.

M. Id si feceris, dilectissime Discipule, scio, post paucos dies & tibi seriò gratulaberis quòd studia tua, faventibus Musis, feliciter succedant, & mihi gratias ages, qui sæpius monuerim, ut animum inducas, amare studia, quæ licet initio nonnihil habeant molestiæ, tamen assuetudine dulcescunt, multùmque habent admixtum mellis si paululùm in ea processeris. Magnam, mihi crede, in studiis tædiorum partem citò superabis, si ad ea curam, amorem & assiduitatem att

uleris, sed præcipuè si frequenter verferis in-
Viros eruditos, quorum quotidianis confabu-
tionibus quàmplurima cognitu digna minimo
ore perdisces.

*Optimus ille quidem, qui paret recta monenti.
At qui nec per se sapiat, neque mente reponat
Ex aliis audita, Vir undique inutilis hic est.*

COLLOQUIUM VI.

*Doctrina, Disciplina tam Ecclesiastica,
quàm Monastica, & Ethica Christiana
Sæculi XV.*

GI-
S. R. **L** Utherani, Calvinistæ, alique hujus
temporis heterodoxi solent per
summam impudentiam calumniari
Ecclesiam Romanam, dictitantes, antiquam fidei
doctrinam circà duo potissimum capita Sæculo
decimo quinto fuisse ab ea immutatam. At enim,
inuiunt illi Hæretici, Ecclesia Romana definivit
Sæculo XV. contra Vvicleffistas, præter Sacrifi-
cium, quo Christus idem Sacerdos & Victimam
semetipsum in Cruce Deo Patri obtulit, aliud
mittendum atque credendum esse incruentum
Missa Sacrificium verum, proprium, & propitia-
rium pro peccatis nostris. Contendunt autem,
hic dogma, quòd etiamnum firmitè credit Ec-
clesia Romana, non solum recens fuisse invecum,
sed etiam injuriam apertè irrogare Sacrificio,
quòd Christus semel in Cruce obtulit, & fuso

pretioso Sanguine suo plenissimè ac sufficientissimè satisfecit pro peccatis nostris. Secundò, acriter iidem hæretici invehuntur in Ecclesiam Romanam, eò quòd communionem sub utraque specie, quam jure divino omnibus promiscue fidelibus necessariam esse pertendunt, Sæculo XV Laicis denegandam esse decreverit, & Hussitas aliter sentientes, hæreticos pronuntiaverit. Ac has confutandas Hæreticorum calumnias immensa non minus mole, quàm eruditione volumina lucubrarunt Polemici Ecclesiæ Romanæ Doctores, qui sole clariùs demonstrarunt, semper in Ecclesia Romana viguisse, ac sartam tectam fuisse conservatam Fidem puram, primævam Apostolicam; publicum Divini Numinis cultum integrum & illibatum; omnia Veteris Ecclesiæ Sacramenta, ac Sanctorum Patrum Dogmata nullis quæsitis coloribus fucata, nullis novitatibus aucta vel interpolata, sed pura, sincera, simplicia qualia olim à Christo Domino instituta, ab Apostolis tradita, in Conciliis contra Hæreticos vindicata, ad nos usque imperturbatâ temporum serie fuerunt propagata. Post tot itaque in lucem editas Polemicorum Scriptorum eruditas lucubrationes, possem ipse jure merito putidas illas ac sæpiùs decantatas Hæreticorum calumnias hinc furdâ aure præterire. Verùm, cùm in hocce Colloquio, juxtâ præscriptam methodum, de Doctrina Ecclesiæ Sæculi XV. differendi nobis onus incumbat, non abs re erit, in referendis istis Hæreticorum calumniis hic paululùm immorari.

D. Quibusnam argumentis Polemici The

legi evincunt , semper in Ecclesia Catholica creditum fuisse , *Missam* esse verum , proprium , & propitiatorium pro peccatis nostris Sacrificium ?

M. Benè multa ex Sacris Litteris , ex Conciliis , & ex Sanctis Patribus , cum Græcis , tum Latinis , Theologi Polemici desumunt argumenta quibus invictè adversus Heterodoxos probant , fideles ab ipsis Apostolorum temporibus ad præsentis usque Sæculum constantè credidisse , *Missam* esse verum & propriè dictum novæ legis Sacrificium . Infinitus essem , si singula argumenta hinc trahere vellem . Sufficiet ex multis pauca seligere quæ rem planè conficere videntur . Primum , & meâ quidem sententiâ , efficacius argumentum citatur ex unanimi omnium Ecclesiarum tam Orientis , quàm Occidentis consensu , quem representant antiquissimæ Liturgiæ , quas ad celebranda in Altari tremenda Religionis Mysteria omnes Ecclesiæ hætenus adhibuerunt , & in quibus milliès fit mentio oblationis , immolationis , sacrificii , Sacerdotum , Altarium , Sacrorumque officiorum . Quæ omnia apertè probant , universæ Ecclesiæ semper persuasum fuisse , *Missam* esse verum & propriè dictum novæ Legis Sacrificium . Porro recensentur inter has Liturgias Ecclesiarum Orientalium ea , quæ Sancti Jacobi Apostoli nomine inscripta est ; ea , quæ sub Clementis I. Patris nomine in Lib. *Constitutionum* descripta est ; ea , quam *Dionysius Areopagita* cap. III. *Ecclesiasticæ Hierarchiæ* magnifico stylo describit . Quæ omnia antiquissimæ sunt . Item Liturgiæ SS. *Basilii* & *Chrysostomi* , quibus addi debent Liturgiæ Chal-

daica, quâ Nestoriani & Jacobitæ, per Syriam, Assyriam, Persidem, Indiam, aliasque finitimas Asiæ regiones dispersi utuntur: *Coptica*, quam *Athanasius Kircherius* in suo Prodomo Copto veterem Ægyptiacam esse docet: *Æthyopica*, *Armenica* & *Maronitica*, seu Maronitarum. Quin, & *Abraham Echellensis* in suis Notis ad Catalogum Hebræorum pag. 134. ait, apud Orientis Christiana Gentes numerari supra quinquaginta Liturgias partim communes, partim proprias singularum Gentium, & ex his extare penes se triginta & unam, quas recenset. Plures etiam Christianorum Orientis Liturgias enumerat, ac doctissimi Dissertationibus & Notis illustrat *Eusebius Renaudotius*, Linguarum Orientalium peritissimus in eâ, quam nuperrimè, seu anno MDCCXVI. Parisiis edidit, Collectione *Liturgiarum Orientalium*. Jam verò, quod spectat Occidentalem, seu Latinam Ecclesiam, certissimè constat, eam semper credidisse, ac docuisse, *Missam* esse verum & propriè dictum novæ Legis Sacrificium, ut videre e in Sacramentario *Gregorii Magni*, Pontificis Maximi, in vetustissimis Ritualibus *Rabbani*, *Amalarii*, *Walafridi Strabonis* &c. in *Missâ Ambrosiana*, quam Sanctus *Ambrosius*, Archiepiscopus Mediolanensis, suæ Ecclesiæ, & aliis Liguribus præscripsit, quæque etiamnum in Ecclesia Mediolanense celebratur: in *Missâ Mozarabica*, quæ, ut observavimus in superioribus Colloquiis, in usu fuit apud Hispanos ab initio quinti sæculi usque a *Gregorio VII.* Pontificem Maximum, quo præcipiente Romanum Ritum susceperunt: Denique in veteri *Missâ Gallicana*, quam *Missæ Mozarab*

æ similem fuisse probat doctissimus Cardinalis *Bona* lib. 1. *Rerum Liturgicarum* cap. XII. Ex hac ergo constanti utriusque Ecclesiæ Orientalis & Occidentalis consensione manifestè colligitur, hanc fuisse perpetuam omnium Fidelium doctrinam, Missam esse verum & propriè dictum Legis novæ Sacrificium. Credibile quippe non est, hoc Dogma, si novum esset, & errorem contineret, sicut effutiunt Hæretici, fuisse in universam Ecclesiam inductum, nullis contradicentibus Episcopis, siue Græcis, siue Latinis, nullis reclamantibus Doctoribus, Clericis, Monachis, & Theologis, sed omnibus alto somno oppressis, & in utramvis aurem dormientibus. Incredibile etiam est, hoc Dogma de incruento Missæ Sacrificio potuisse unquam Græcis post Schisma *Photii* probari, si reverà novum esset, & Sæculo XV. in Ecclesia Latina procusum, sicut obstrepunt moderni Hæretici, Græcos tamen post Schisma *Photii*, immò & Sæculo Ecclesiæ Sæculo XV. idem de incruento Missæ Sacrificio sensisse, quod censebant Latini, pluribus momentis demonstrari potest. Primò, quia *Joannes Palæologus*, Græcorum Imperator, & cum ipso Orientales Episcopi Florentiæ per biennium commorati sunt, adfuerunt Concilio Generali, quod in ea Urbe *Eugenio* Papa IV. Præsidente celebratum est, ac subindè perspectum habuerunt Latinorum de Sacrificio Missæ Dogma. Nec Latinos quoque latere potuit, quid de eo ipsimet Græci sentirent. At nec Græci Latinis, nec Latini Græcis circa illud Dogma quidquam molestiæ crearunt. Secundò, Orientales, qui aderant Concilio Florentino sæpius intra Missarum

farum solemnia , procubuerunt coram Eucharistia , quam Latini consecrarant , adoraveruntque *Missam Romanæ Ecclesiæ more , Pontifice celebrante*, ut testatur *Andreas à Sancta Cruce* in sua Concilii Relatione . Tertiò , eo in Concilio, consentientibus omnibus , Græcos inter & Latinos unio sancta est . Quartò, *Marcus* , Ephesiorum Metropoli-
 ta, ubi Florentiâ rediisset in Patriam, debacchatus quidem est in Synodum Generalem Florentinam datis Epistolis *ad omnes ubique terrarum degentes Christianos* . At licèt hujus Synodi plures articulos Scriptis exagitaverit, Dogmata tamen, de præsentia reali Corporis Christi in Augustissimo Eucharistiæ Sacramento , De Transubstantiatione, & de Incruento Missæ sacrificio intacta omninò reliquit, illa tamen, utpotè præcipua, nequaquam prætermisurus, si erronea credidisset . Postremò, omnes Populi Christiani, qui nunc Orientem incolunt , quamvis moribus , Sectis , ac variis Ritibus inter se sint diversi , & ab Ecclesia Latina diro Schismate divulsi , nihiloseciùs omnes profitentur, ut videre est in eorum Liturgiis, quas recenset doctissimus *Eusebius Renandotius* , Missam esse verum novæ legis Sacrificium . Hoc autem Dogma cùm post *Photii* tempora ab Occidentalibus , seu Latinis, haurire haud potuerint , utpotè ab illis funesto Schismate divisi , necesse est , ut illud ante Photianum Schisma à Majoribus acceperint , sibi que traditum ad posteros transmiserint . Huic argumento petito ex consensione omnium Ecclesiarum , quod Hæreticorum jugulum petit , aliud addere non pigebit , quod ipsorum hac in re inconstantiam ac malitiam aperte pro-

rodit. At enim, moderni hæretici *Joannem Hussum*, Hæresiarcham Sæculi XV. impensè laudant, eumque, cèu Martyrem, magnis encomiis celebrant; & tamen *Joannem Hussum* ad extremam usque vitæ periodum Missam celebrasse, eam erum ac propriè dictum novæ Legis esse Sacrificium firmitè credidisse, & in nullo dogmate dissensisse ab Ecclesia Romana, quàm in articulo de Communione sub utraque specie, evidenter ostendit Illustrissimus *Jacobus Bossuet*, Episcopus Meldensis, in Libro XI. *Historiæ Variationum Ecclesiarum Protestantium*, idque etiam fatetur, ac multis argumentis probat, *Larroquius*, Calvinianæ Sectæ Minister, in Historia, quam de *Eucharistia* scripsit, part. 2. cap. 19. Quâ fronte ergò audient hæretici incruentum Missæ Sacrificium excludere tanquam novum Dogma ab Ecclesia Romana excogitatum, cùm ipsimet *Joannem Hussum*, ejusdem licèt Dogmatis assertorem, velut Martyrem prædicent, colant ac venerentur. Mitto alia, quæ Catholici Doctores Polemici ex Scriptura sacra ex Conciliis, & ex Sanctis Patribus depromunt argumenta, tum quia longiùs me abducent, tum quia etiam solenne est Hæreticis loca Scripturæ Sacræ, quæ ipsis adversantur, sinistris ac detortis interpretationibus eludere, Conciliorum Decreta flocci facere, atque Sanctorum Patrum testimonia, à quibus sese expedire non possunt, repudiare.

D. Expone, quæso, quo pacto incruentum Missæ Sacrificium non deroget, nullamve injuriam inferat Sacrificio, quod Christus Dominus obtulit in Cruce, quodque omnes Catholici

ci supponunt ad plenam, perfectam, & integram hominum redemptionem sufficientissimum fuisse.

M. Ideò incruentum Missæ Sacrificium, non derogat, nec ullam infert injuriam Sacrificio, quod Christus obtulit in Cruce, quia omnes ad unum Catholici profitentur, Christum uno Crucis Sacrificio redemptionem nostram promeritum esse, abundèque æterno Patri satisfecisse, juxtà illud Apostoli Pauli ad Hebræos cap.x. *Una enim oblatione consummavit Christus in sempiternum sanctificatos*. Sed licèt unicum sit Sacrificium redemptionis in ara Crucis à Christo oblatus, cui omnia quæcumque ad salutem nostram pertinent, accepta referre debemus, necesse tamen est, ut oblationem illam generalem à Christo in Cruce factam, seu pretiosum ex ipsius latere Sanguinem fusum, per instrumenta, & quasi canales quosdam ad nos derivemus. Ejusmodi canales sunt Sacramenta, & incruentum Missæ Sacrificium, quod Sacrificium non *Redemptionis*, sed *Religionis* nuncupamus, quodque Sacrificium *Redemptionis* in Cruce peractum non tantum in memoriam revocat, sed ejus efficaciam nobis applicat. Undè sicut, fatentibus etiam hæreticis, jure merito derideretur ille, qui sic argumentaretur: Oravit pro nobis Christus, & ejus oratio sufficientissima fuit ad obtinenda omnia ad salutem nobis necessaria, nihil igitur necesse est ut oremus: ita sese omnibus deridendos propinant hæretici, dùm clumbe istud proponunt argumentum: Oblatus est semel Christus in Cruce ad exhaurienda peccata nostra, & fuit ejus oblatio sufficientiens

ens pretium redemptionis nostræ: Nulla est
ur deinceps in Ecclesia oblatio facienda. Ra-
i in promptu est, quia una Oblatio Christi,
semel in Cruce oblatus est ut consummaret
empiternum sanctificatos, non impedit quo-
rûs eandem hostiam, quam ille obtulit, secun-
n ejus mandatum æterno Patri sistamus, oran-
ut illius contemplatione nobis placatus
propitius esse, suæque promissionis, ac
ctus, quem illa mundo attulit universo,
participes esse velit. Falsò itaque nobis
pingunt Satanæ Ministri, quod per incruen-
n *Missæ* Sacrificium, illud in Cruce peractum,
curetur, cum illustretur magis, nihilque aliud
hoc incruento *Missæ* Sacrificio à nobis quæatur,
am ut quod Christus unicâ illâ Oblatione in-
uce factâ nobis promeruit, in nos transferat, &
ad salutem nostram uti valeamus. Nec huic do-
inæ adversatur Apostolus *Paulus* cap. 7. Episto-
ad Hebræos, ubi in eo novum Testamentum op-
nit Veteri, quod in isto essent plures Sacerdotes,
in illo verò unus sit tantum, seu Christus: *Et*
quidem plures facti sunt Sacerdotes Hic
tem (Christus) eò quod maneat in æternum sem-
pernum habet Sacerdotium: undè & salvare in per-
tuum potest. Non, inquam, huic Ecclesiæ Roma-
e doctrinæ eò loci adversatur Apostolus *Paulus*,
nippè qui in hoc dumtaxat vetus Testamentum
ovo opponit, quod in veteri Testamento Sacer-
otes, cum perpetuum non esset eorum Sacerdo-
um, sibi invicem succederent; in novo autem
estamento Sacerdotes ab Ecclesia inaugurati non
cedant Christo, cum Christus maneat Sacerdos
in

in æternum , semperque vivat ad interpellandum pro nobis . Verùm , quamvis Sacerdotes novi Testamenti Christo non succedant , sunt tamen illius Ministri , ejusque vices agunt in terris , juxta illius Apostoli Pauli secundæ ad Corinth. cap. 4. *Sic no existimet homo , ut ministros Christi, & dispensatores Mysteriorum Dei .* Necesse quippè fuit , ut Christu haberet in terris Sacerdotes Ministros , qui in nova lege offerrent Sacrificium non in aliquo peculiari loco , sicut Samaritani in Monte Garizim , & Judæi Jerosolymis Sacrificabant, quemadmodum ait Christus mulieri Samaritanæ Joannis capite quarto, sed illud offerrent in omni loco à Solis ortu usque ad occasum , juxta istud Prophetæ Malachie Oraculum Capite primo : *Non est mihi voluntas in vobis , dicit Dominus Exercituum , & munus non suscipiam de manu vestra . Ab ortu enim Solis usque ad occasum magnum est nomen meum in Gentibus , & in omni loco sacrificatur & offertur nomini meo oblatio munda , quia magnum est nomen meum in Gentibus, dicit Dominus Exercituum.* Aliud autem non est in Novo testamento Sacrificium externum & visibile , quod in omni loco à Solis ortu usque ad occasum Deo offertur, præter incruentum Missæ Sacrificium , seu Corporis & Sanguinis Christi in Eucharistia , quod Christus , ut docent Sancti Patres, in supræma cæna obtulit , & in sui commemorationem ab Apostolis , & eorum successoribus fieri mandavit his verbis : *Hoc facite in meam commemorationem* , ut igitur illud externum ac visibile Sacrificium à Prophetâ Malachia prædictum, quod juxta SS. Patrum doctrinam nihil aliud est , quàm incruentum Missæ Sacrificium , posset ubique ge-

in offerri, necesse prorsus erat, ut Christus, est summus Sacerdos, haberet in nova lege Sacerdotes ministros, qui ejus in terris vices gererent, & ubique locorum incruentum Eucharistice offerrent Sacrificium, in quo victimæ in Cruce oblatae, jugiter repræsentatur memoria, & per id Sacrificii in ara Crucis oblati fructus Fidelibus applicatur, sicut eleganter ait Sanctus Chrysostomus Homilia xvii. in Epistolam ad Hebræos: *Pontifex noster ille est, qui illam obtulit Hostiam, quæ mundat. Illam quoque nunc offerimus, quæ tunc oblata, quæ non potest consumi. Hoc fit in recordationem ejus quod tunc factum est. Hoc enim facite, in mei recordationem. Non aliam hostiam, sicut Pontifex, sed eandem semper facimus &c.*

D. Fitne in Sacrificio Altaris, seu Missæ, mactatio & immolatio Victimæ eo pari modo quod facta est in Sacrificio Crucis?

M. Nequaquam. In Sacrificio quippe Crucis facta est cruenta mactatio & immolatio Victimæ cum Sanguinis effusione & morte Victimæ, seu Christi Domini, qui in Cruce pro redemptione generis humani oblatus & occisus est, quod certè non contingit in Sacrificio Altaris, alioquin dicendum esset, Christum toties mori & occidi, quoties in Altari offerretur Missæ Sacrificium, quod est alienum à fide, quæ docet, Corpus Christi post resurrectionem esse impassibile, & ut ait Apostolus ad Rom. cap. 6. *Christus resurgens ex mortuis, non moritur, mors illi ultra non dominabitur &c.* Verùm, quamvis in Sacrificio Altaris non fiat cruenta mactatio seu immolatio Victimæ per ejus sanguinis effusionem, & mortem veram ac realem, fit

fit tamen mactatio & immolatio Victimę per mortem Mysticam , quę contingit vel per specierum Sacramentalium consumptionem , quę fit à Sacerdote , vel per hoc , quod ex vi verborum , per quę oblata consecrantur , Sanguis solus sub vini speciebus , & solum Corpus sub specie panis constituitur , quamvis per concomitantiam utrumque si sub una tantum specie . Hęc autem mystica separatio Corporis à Sanguine Christi , quę fit vi verborum consecrationis , hujus naturę est , ut , si Apostoli in triduo mortis Christi panem consecrassent , vi verborum consecrationis constituissem dumtaxat sub specie panis Corpus Christi sine Sanguine , & similiter si in hoc triduo mortis vinum consecrassent , vi verborum consecrationis vini posuissent sub specie vini Sanguinem Christi sine Corpore , sufficit autem ad Sacrificium , ut ex vi actionis , per quam fit , hostiæ , seu victimæ Sanguis effundi debeat , quamvis tamen actu non effundatur , Deo nimirum effusionem impediente aut obsistente hostiæ statu , idque probari potest exemplo *Abrahami* , qui , teste *S. Chrysostomo* , Isaacum verè in Sacrificium obtulit , quamvis actu illius non effuderit Sanguinem : *Abraham* , inquit *S. ille Doctor Hom. 52. in S. Eustathium Antiochenum* , *non gladium cruentavit , non altare rubefecit , non Isaac jugulavit ; sed tamen Sacrificium perfecit . Quis hoc ait ? ille ipse qui Sacrificium suscepit : Non pepercisti enim , inquit , filio tuo dilecto propter misericordiam ? Atqui eum vivum recepit , & incolumem reduxit quomodo igitur non pepercit ? quod non ex factorum exitu , sed ex animi sententia , inquit , de ejusmodi Sacrificiis judicare soleam . Non mactavit manus ,*

untas mactavit, non gladium pueri jugulo immer-
 , non cervicem incidit . Sed est Sacrificium etiam
 sanguine ; sciunt illi , qui Mysteriis initiati sunt,
 id dicamus . Propterea illud Isaaci Sacrificium sine
 guine perfectum est , quoniam illius figura esse de-
 bet . Vides in Veteri Testamento imaginem multò an-
 dumbratam, noli veritati fidem derogare . Quam-
 autem in Missæ Sacrificio non fiat cruenta ma-
 ctatio Victimæ per reale ejus sanguinis effusionem
 mortem , sed solum fiat mactatio Victimæ per
 sticam ejus sanguinis effusionem , vi verborum
 consecrationis expressam , hoc tamen non impe-
 dit , quominus Missa sit verum , propriè dictum ,
 incruentum novæ legis Sacrificium , quod
 tantum abest , ut Crucis Sacrificium obliteret ,
 faciatque , sicut allatrant hæretici , ut homines
 Cruce non amplius cogitent, sed tantummodò
 Missa , cujus virtute sperant consecuturos se
 remissionem peccatorum,quin potius incruentum
 Missæ Sacrificium, tanquam viva Sacrificii Crucis
 imago , ipsum veluti ponat ob oculos , & nemini
 obdonet peccata nisi in virtute sanguinis , quem
 Christus Dominus quondam effudit in Cruce .

D. Ritus & Cæremoniæ , Vestes & Instru-
 menta , quæ nunc in Missæ Sacrificio adhibentur ,
 continentne ad substantiam , seu essentiam Sacrifi-
 cii Missæ ?

M. Non pertinent ad essentiam Sacrificii
 Missæ . Primò , quia Eucharistici Sacrificii essen-
 tia in eo solo posita est , quòd Christi Corpus &
 sanguis sub speciebus panis & vini conversâ utri-
 que elementi substantiâ, ejusdem Servatoris ver-
 itatis reipsâ sistantur & incruento modo Deo offe-

rantur & immolentur, quemadmodum Christus in suprema Cœna fecit, & Novi Testamenti Sacerdotibus, ut in sui commemorationem facerent præcepit. Secundò, nemini dubium est, quin Christus in ultima Cœna Missam instituerit ac celebraverit eo planè penitusq; simplici ritu, quem apud tres Evangelistas *Matthæum*, *Marcum* & *Lucam*, necnon in prima ad Corinthios *Pauli* Epistolâ scriptum legimus, ac subindè Christum non eas omnes adhibuisse cæremonias, quæ nunc à Sacerdotibus in peragendo Missæ Sacrificio usurpantur solent. Quòd spectat Apostolos, censent plerique Scriptores, *Petrum*, *Jacobum*, *Matthæum*, & *Marcum* scripsisse Liturgias, quæ illorum Apostolorum nomine inscribuntur, & extant in primo Tomo *Maximæ Bibliothecæ Patrum* Editionis *Lugdunensis*; indè verò inferunt, Apostolos eum ordinem in celebrando incruento Missæ Sacrificio servasse ritum, qui nunc servatur apud Græcos, quæ Liturgiæ *SS. Basilii*, & *Chrysostomi*, quibus nunc utuntur Græci, nihil aliud sunt, quàm ipsam *S. Jacobi* Apostoli Liturgia, quam illi Sancti Patres contraxerunt. Verùm, certò non constat Apostolos esse Auctores illarum Liturgiarum, quæ eorum nominibus sunt inscriptæ, quæ viri eruditi in dubium revocant, quia in Liturgia, quæ tribuitur *S. Jacobo* reperiuntur termini *ἐμὸς οἶκος*, *θεοῦ οἶκος*, qui tunc in Ecclesia nondum erant in usu, sed solum post Concilia *Nicenum* & *Ephefinum* frequentari cœperunt, legitur etiam *Doxologia*, seu Hymnus: *Gloria Patri: Filio, & Spiritui Sancto*, quem tamen ante quintum Sæculum in Ecclesia cani non consuevisse certum

. In eadem Liturgia S. Jacobi Trisagium *San-*
ctus Deus , Sancte fortis , Sancte immortalis miserere
tri, cantandum adsignatur, quod tamen in
 ecclesia ante annum cccxlv. quo *Proclus* Urbis
 Constantinopolitanę Patriarcha sedebat, planè
 cognitum fuisse constat apud omnes Historiæ
 ecclesiasticę peritos. Denique, in hac Liturgia
 Jacobi fit mentio *Confessorum*, atque *Monachorum*.
 Constat autem, nomen Confessorum in Sacris
 ysteriis & in Officio Divino diu post S. *Jacobum*
 usum esse cœpisse, ac Monasteria fuisse extructa.
 Idem argumentis Pseudepigraphas, seu suppo-
 sitas esse pariter Liturgias, quæ *Petro*, *Matthæo*,
Marco adscribuntur, evincunt Viri eruditi. Cre-
 derim ergò ipse, Apostolos, aliosque Christi
 scipulos in exordio Ecclesiæ, dùm Tyrannorum
 assabatur persecutio, Missam, ubi liceret eis
 r tempus, celebrasse juxta Ritum, quem S. *Ju-*
nnus Martyr describit in altera pro Christianis
 ologia, quamque Sæculo Ecclesiæ secundo
 hnicis Imperatoribus obtulit; crescente autem
 steà, Fidelium numero, plures tum Lectiones,
 m preces, aliasque cæremonias, quibus illud
 orandum Sacrificium majori Christianorum
 ltu ac veneratione perageretur, ab Ecclesia sive
 ccid. sive Orient. additas fuisse, quæ licèt diversæ
 t, ut videre est in utriusq; Ecclesiæ Liturgiis, ad
 mdem tamen collimant finem, videlicet ad con-
 iandam majorem huic augustissimo Sacrificio
 nationem, sive, quemadmodum loquitur
 nodus Tridentina, ut & *Majestas tanti Sacrifi-*
commendetur, & mentes fidelium per hac visibi-
religionis & pietatis signa ad rerum altissimarum,

quæ in hoc Sacrificio latent, contemplationem excitarentur. Has ergò solemnes Missæ cæremonias, quarum nonnullæ ab ipsis Apostolis, aliæ ab Apostolorum Discipulis institutæ, aliæ à Summi Pontificibus, vel ab Episcoporum Conciliis additæ sunt; pias & utiles esse, probant communis naturæ sensus, quæ homines religiosos esse docet Veteris Legis Auctoritas, & Apostolica Traditio Ecclesiæque toto Orbe diffusæ perpetuus & constans usus: Harum & aliarum ejusmodi Disciplinarum, inquit Tertullianus in libro de Corona, si legem exoptules Scripturarum, nullam invenies: Traditio tibi prætendetur auctrix, consuetudo confirmatrix, & fides observatrix. Rationem traditioni, & consuetudini, & fidei patrocinatorum aut ipse perspicies, aut ab aliquo, qui perspexerit, disces. Quibus Tertulliani verbis confutantur Hæretici Lutherani & Calvinistæ, qui contra solemniem Mæremoniarum apparatus eo solo nomine decernere solent quòd hujusmodi Cæremonias Scriptura Sacra nec præscribat, nec observari jubeat. Hæreticis repono cum Tertulliano: si nulla scriptura determinavit, certè consuetudo roboravit, quæ, dubio de Traditione manavit, multisque exemplis ibidem probat antiquissimus ille Scriptor, plura in Ecclesia esse observationes, quæ sine ullius scripturæ instrumento, solius Traditionis Titulo, & eadem consuetudinis patrocinio vindicantur. Singulas Cæremoniarum, quæ modò in peragendo Missæ Sacrificio adhibentur in Ecclesia Latina, significationem si scire aveas, consule illos Authores, de Ritibus, & Officiis Ecclesiasticis scripsere, sed Præcipuè Cardinalem Bona in lib. Rerum

rgicarum, & *S. Thomam*, Doctorem Angelicum, parte suæ Summæ Quæst. LXXXIII. Art. IV.

D. Jam probè intelligo, Hæreticos, qui neant, Missam esse verum & propriè dictum novæ legis Sacrificium, à perpetua omnium Ecclesiarum recessisse doctrina, eosque non aliâ ratione contendere, incruentum Missæ Sacrificium injuam irrogare Sacrificio Crucis, nisi quia volunt, Christum per Sacrificium Crucis ita satisfacisse pro nobis, ut modò nec pœnitentia, nec Sacrificium Missæ, nec bona opera ad æternam salutem consequendam sint necessaria, sed sat superque efficiat Fides in Christum Mediatorem, quam solum Fidem non solum homines justificare dicunt Hæretici, sed etiâ mordicùs pertendunt, hanc Fidem justificantem nullo, quamvis gravissimo peccato, excepto Infidelitatis, seu Apostasiæ Fide peccato, amitti unquàm posse, adeò ut Fornicarii, Adulteri, Homicidæ &c. dummodò credant in Christum Mediatorem, nullam justitiæ, inimicitiae Dei, & salutis æternæ jacturam faciant. ex quo pestilenti dogmate, ut sæpiùs me monuisti, sequitur planè omninò totius Doctrinæ Moralæ Christianæ integrum exterminium. Sed misso hoc Capitali Hæreticorum errore, quo nullum Religioni ac pietati infestius excogitari potest, expendamus nunc, obsecro te, rationes, quibus Sæculo XV. adducta fuit Ecclesia Catholica, ut Laicis, atque etiam Clericis non conficientibus communionem sub panis tantummodò specie porrigendam esse decerneret.

M. Justis causis & gravissimis rationibus sæculo XV. permota fuit Ecclesia Catholica, ut

Laicos, atque etiam Clericos non conficientes, sub panis tantummodò specie communicaret. Prima ratio petitur ex reverentia, quæ huic Sanctissimo Sacramento debetur, & cui aliter quàm per subtractionem Calicis consuli haud poterat. Periculum quippè erat, ne pretiosus sanguis effunderetur solemnioribus præsertim Festis præ Communicantium copiâ, & plurium senum, debiliū, rusticorum parū cauto concursu, in quo, quantacumque à Ministris, qui Calicem porrigebant, diligentia adhiberetur, vix tamen sanguinis effusio poterat impediri, cui malo, si accidisset, nullum poterat apponi remedium. Altera ratio desumitur ex Abstemiis, aut aliis, qui non sine nausæa vinum hauriebant ex Calice, qui pluribus jam oblatus erat, inter quos haud pauci occurrebant mucosi, salivantes, excreantes, halitu foetentes, impuri, inculti, aut etiam quibusdam morbis affecti, qui vel nauseam intolerabilem cum periculo vomitus in aliis sanioribus succedentibus, sed plerūque contagiosas ægritudines progignere poterant, ut contingit in Hæcticis, Phtificis, Dysentericis, Leprosis, & Lue venereâ infectis. Tertia ratio colligitur ex antiqua Ecclesiæ praxi, secundum quam infirmis Communic sub una tantum specie panis dari solebat, ut evincunt exempla *Serapionis* senis, & *S. Ambrosii* Episcopi Mediolanensis, qui in ultima vitæ periodo constituti solo pane consecrato, non vino donati fuerunt, sicut de *Serapione* testatur *Dionysius Alexandrinus* in Epistola ad *Fabium* Antiochenum quam *Eusebius* lib. 6. Historiæ Ecclesiast. cap. 44 describit, & de *S. Ambrosio* narrat in illius Vita

Paulinus, ejus Diaconus. Hinc in Veteribus monumentis solius corporis Christi sub specie panis, non verò ejus sanguinis sub specie vini fit mentio, quotiès agitur de infirmorum Communione. Veneres etiam, cùm de Vasis loquuntur, in quibus peracto Sacrificio servabatur Sacro-Sancta Eucharistia, non calicum meminerunt, sed vel pixidum, vel vasorum, quæ vel in turrium, vel in columbarum speciem elaborata erant. Et sanè, cùm species vini, si vel aliquibus diebus servetur, accedat & corrumpatur, conveniens non erat, ut sanguis Christi sub specie vini conservaretur; & hæc causa est, cur etiamnùm Græci in solâ specie panis conservent Viaticum pro infirmis, quod semel tantùm in anno parant: *Conficiunt Græcorum Presbyteri Eucharistiam* (inquit *Arcudius* libro 3. de Sacramento Eucharistiæ cap. 55.) *feria quinta, Sanctioris hebdomadis in memoriam Cœnæ Domini, ut habeant Viaticum pro infirmis per totum annum.* Non inficior tamen, panis & vini speciem infirmis aliquandò fuisse antiquitùs dispensatam, quando videlicèt mox à Sacrificio peracto Viaticum infirmis dabatur; nec mirum: tunc enim opus non erat ut species vini diu servaretur. Sed hoc non impedit, quominùs tùm apud Latinos, tùm apud Græcos vigeret consuetudo servandi pro infirmis Viaticum sub solâ specie panis consecrati. Quarta ratio ducitur ex Infantibus, quibus mox à baptismo Eucharistia sub solâ specie vini porrigebatur juxta vetustissimum Ecclesiæ morem, qui etiam labente undecimo Sæculo adhuc obtinebat apud Latinos, sicut testatur *Hugo à Sancto Victore* lib. 1. cap. 20. ubi hæc habet: *Pueris re-*

*cens natis idem Sacramentum in specie sanguinis est ministrandum digito Sacerdotis, quia tales naturaliter sugere possunt . Eadem praxis constanter apud Græcos permansit , ut referunt Leo Allatius, multique alii authores , qui de Græcorum ritibus scripsere , omnesque Christiani Orientales solam vini speciem infantibus unà cum Baptismate & Confirmatione dispensant . Quin , & pueris ratione fruentibus Eucharistiam sub sola specie panis fuisse tam in Ecclesia Occidentali , quàm Orientali aliquandò dispensatam , apertè probant varia utriusque Ecclesiæ monumenta , quibus constat , parvulos impuberes , qui Scholas frequentabant , interdum esse advocatos , ut superstites fidelium , communioni particulas certis diebus in templis ederent . Hujus consuetudinis meminit Evagrius , qui sexto Sæculo floruit , libro 4. *Historiæ Ecclesiæ* cap. 35. his verbis : *Vetus fuit consuetudo Constantinopoli , ut si quandò multæ admodum particule puri & immaculati Corporis Christi Dei nostri superessent , pueri impuberes , qui Scholas frequentabant , accerferentur , easque manducarent . Testatur quoque Nicephorus libro 17. Historiæ Ecclesiasticæ cap. vigesimo quinto , se , cùm puer esset , sæpius in Ecclesia Constantinopolitana Eucharistiæ reliquias comedisse . Quintam rationem suppeditat Domestica Communio , quæ tùm in Oriente , tùm in Occidente pluribus Sæculis jugiter observata est , & ex qua invictissimè probatur , Veteres Christianos , sæviente maximè tempore persecutionis , extra Sacrificii tempora , sub sola panis specie sumpsisse Sanctissimum Eucharistiæ Sacramentum . Antiqui Scriptores & Sancti Patres , dùm hujusmodi**

odi Communionis domesticæ meminerunt , som panis speciem exprimunt , nullâ speciei vini etâ mentione: *Non sciet maritus*, inquit Tertullianus libro 2. ad uxorem , *quid secretò ante omnem-
bum gustes , & si sciaverit panem , non credit illum
se qui dicitur .* Scribit S. Cyprianus in lib. de La-
tis , quòd mulier quadam cum arcam suam , in qua
anctum Domini erat , indignis manibus tentasset
perire , igne indè surgente deterrita est. Afferit S. Ba-
lius in Epistola ad Casariam Patriciam , consue-
isse Anachoretas , qui sæpiùs in Ecclesiam com-
modè convenire haud poterant , Eucharistiam
referre in suas cellulas . Gregorius Nazianzenus
in Oratione de obitu Gorgoniæ sororis suæ , ait ,
illam adorasse Eucharistiam , quam privatim asser-
abat , & confestim eo morbo , quo laborabat ,
convaluisse . Narrat S. Ambrosius in Sermone de
obitu fratr. sui Satyri , eum adhuc Catechumenum ,
ne sine mysterio gravi naufragii discrimine peri-
ret , ab uno sociorum Eucharistiam precibus im-
petrasse , eamque sudario involutam sibi ad col-
lum alligasse . Ex quibus Sanctorum Patrum testi-
moniis liquidò patet , Veteres Christianos , gra-
fante præsertim tempore persecutionis , Eucharis-
tiam sub sola specie panis , & non sub specie vini ,
quæ diu conservari non potuisset , domum aspor-
tassee , ibique communionem domesticam peregis-
se . Immò , Antiquos fideles , non tantum in pri-
vatis ædibus , sed etiam in Conventibus publicis
& intra Missarum solemnities nonnunquam sub sola
panis specie Eucharistiam sumpsisse , manifestò
docet Ordo Romanus , ad cujus præscriptum di-
vina officia octavo Sæculo & sequentibus apud

Occidentales celebrabantur. Statuit quippè Ordo Romanus, ut Feriâ quintâ Majoris Hebdomadæ in cœna Domini, toto Sanguine consumpto, Corpus Christi sub speciebus panis in diem parasceves reservent, quo, sine Sanguine, omnes in die parasceves communicent. Ex his, quæ hætenus adduximus, momentis, perspicuum ac exploratum est, praxim sumendi Eucharistiam sub una, tantum specie in Ecclesia olim invaluisse, ac subindè nullum esse præceptum divinum de sumenda communione sub utraque specie, alioquì si revera divinum extaret præceptum, quo omnes omninò fideles ad communionem sub utraque specie obstringerentur, omni procul dubio visi fuissent alicubi Episcopi, Parochi, Doctores, ac pii Monachi, qui nequaquam passi essent, ut hæc in Ecclesia invalesceret novitas, quâ Sacramentorum, Sanctissimum contra divinam legem mancum fieret ac mutilum. Res tanti momenti delata fuisset ad Summos Pontifices, agitata in Conciliis, sicut & in aliis Fidei capitibus contigit, quotiès adversus ea quidpiam novi tentatum est. Cum igitur nihil horum contigerit in retroactis Ecclesiæ temporibus, argumento est, semper omnibus utriusque Ecclesiæ Orientalis, & Occidentalis fidelibus persuasum fuisse, nullum extare præceptum divinum, quo singulis promiscuè Christianis incumbat obligatio sumendi communionem sub utraque specie.

D. Solent Hæretici, ut sæpiùs audiui, probare Communionem sub utraque specie singulis fidelibus jure divino dispensari debere, ex verbis Christi Domini dicentis cap.vi. Joannis: *Nisi man-*
duca-

icaveritis carnem filii hominis, & biberitis ejus
inguinem, non habebitis vitam in vobis &c. & Mat-
thæi capite vigesimo sexto: *Bibite ex hoc omnes.*
Prioribus verbis, inquiunt Hæretici, Christus suæ
arnis & sui sanguinis sumptionem præcipit sub
ternæ damnationis periculo. Posterior verò
Christi sententia: *Bibite ex illo omnes*, eo termino,
omnes, qui universalis est, omnes omninò fideles,
sive Laici sint, sive Clerici, complectitur, eisque
alicuius usum injungit. Hoc argumentum Hæreti-
cis instar proræ ac puppis est, illudque, velut
rambem recoctam passim obtrudunt, inculcant,
inferciunt; quod tamen à te facili negotio solutum
mihi non dubito.

M. Hoc argumentum, quod tantoperè ma-
gnificant Hæretici, multifariam solvi potest. Et
primum quidem, si hæc Christi Domini verba: *Bibi-
te ex hoc omnes*, singulis fidelibus Calicis usum
præcipiant, dicant, amabo, Hæretici, quorsum
ipsi parvulos, amentes, abstemios, seu illos, qui
vinum haurire non possunt, ab ea excipiunt uni-
versalitate, quam his verbis: *Bibite ex hoc omnes*,
expressam esse contendunt, cum tamen exceptio-
nem suam ex Sacra Scriptura, quam dictitant
unam ac solam fidei regulam, probare non vale-
ant? Velint itaque nolint, fateri debent Hæretici,
hunc terminum universalem, *Omnes*, restringi de-
bere. Quinam verò sint ii, ad quos restringi de-
beat, apertè nos docet Traditio, quæ semper cre-
didit, eâ lege percipiendi Eucharistiam sub gemi-
na specie panis & vini comprehendendi solos Sacer-
dotes, dum Sacris operantur, idque non obscure
connuere videtur S. Marcus cap. xiv. sui Evangelii,
ubi

ubi universalitatem termini, *Omnes*, de solis Apostolis intelligit, videlicet in eis impletum esse, quod Christus his verbis, *Bibite ex hoc omnes*, præceperat: *Et accepto Calice*, inquit S. Marcus, *gratias agens dedit eis, & biberunt ex illo omnes*. Præterquam quod, Christum præcepisse, ut fideles in percipienda Eucharistia id totum agerent, quod ipse in postrema cœna gessit, tam falsum est, quam quod maximè. Christus si quidem Eucharistiam, cœnatis Apostolis distribuit, an propterea injunxit, ut post cœnam tantum dispensaretur? Acceptum de mensa calicem sibi Apostoli distribuissent, videntur, juxta hæc Christi verba Lucæ cap. 22. *Et accepto Calice gratias egit & dixit: accipite & dividite inter vos*, ergone ob id Laici Calicem sibi ipsis porrigere possunt? Non igitur ex ipsa SS. Eucharistiæ Sacramenti institutione, quæ in postrema cœna facta est, sed ex traditione & usu Catholicæ Ecclesiæ discere debemus quænam ex iis, quæ in ultima cœna peracta sunt, Christus præceperit: quænam verò permiserit Ministrorum prudentiæ. Secundò, errant Hæretici, dum asserunt, Christum his verbis: *Nisi manducaveritis carnem filii hominis, & biberitis ejus Sanguinem, non habebitis vitam in vobis*, præcipere omnibus fidelibus, ut sumant Eucharistiam per duas actiones distinctas, esum scilicet & potum; in hoc, inquam, turpissimè errant Hæretici, quia ipsemet Christus unitantum actioni, esui videlicet, præcipuum adscribit effectum, propter quem instituit Eucharistiam: *Qui manducat hunc panem, vivet in æternum*, Joannis cap. vi. & Discipulis euntibus in Castellum Emmaus Corpus suum sub specie tantum panis por-

porrexit : Et factum est dum Iesus recumberet cum
 , accepit panem & benedixit ac fregit & porrige-
 t illis . Et aperti sunt oculi eorum , & cognoverunt
 m , & ipse evanuit ex oculis eorum . Nec vim fa-
 re debent Hæretici in his verbis: *Et biberitis San-*
guinem , in quibus verbis particula, *Et* , potum ab
 u distinctum præcipere videtur ; nihil, inquam ,
 idè extundere possunt Hæretici , quia hæc parti-
 cula , *Et* , sæpius in Scriptura Sacra non conjun-
 tè , sed disiunctivè sumitur , ut, Exempli gratiâ ,
 sanctus Petrus Actorum cap. 3. v. 6. claudio , cui
 restituit sanitatem , ait : *Aurum & argentum non*
est mihi , idest , nec aurum est mihi, nec argentum.
 Similiter Levitici cap. 20. eodem sensu particula ,
 et , sumitur ; damnatur nimirum morte , *qui Pa-*
tri, Matrique maledixerit , idest , qui Patri, vel
 Matri maledixerit . Cum igitur Christus , ut mox
 diximus , uni actioni , nimirum esui , potissimum
 tribuat effectum, propter quem instituit Sacrosan-
 ctam Eucharistiam , necesse est ut , juxta morem
 scripturæ , hæc particula, *Et* , disiunctivè sumatur,
 seu pro particula *Vel* , ita ut horumce verborum
 Christi : *Nisi manducaveritis carnem Filii hominis ,*
& biberitis ejus Sanguinem non habebitis vitam in-
vobis , hic genuinus sensus sit : *Fidelis, qui nec meum*
Corpus ederit, nec biberit Sanguinem, vitam æternam
non consequetur. Hunc esse germanum horumce ver-
 borum Christi sensum palàm innuit Apostolus
 Paulus Epistolæ 1. ad Corinth. cap. xi. ubi post-
 quam vers. 26. præmisit hæc verba: *Quotiescumque*
manducabitis panem hunc & Calicem bibetis &c. ex-
 plicat versu immediate sequenti , hanc particulam
Et disiunctivè, seu pro particula *Vel* esse sumendam,
 ait

ait enim: *Itaque quicumq; manducaverit panem hunc, vel biberit Calicem Domini indignè, reus erit Corporis & Sanguinis Domini.* Nullum igitur ex Apòtolo Paulo extat præceptum divinum, quo omnes omninò fideles teneantur percipere communionem sub utraque specie.

D. Christus his verbis: *Nisi manducaveritis carnem filii hominis, & biberitis ejus sanguinem, non habebitis vitam in vobis,* voluit haud dubiè, ut non solùm carnem ejus manducemus, sed etiam ejus sanguinem bibamus, idque faciamus in memoriam ipsius Passionis. At, necdùm planè intelligo, quì fieri possit, ut fideles bibant Sanguinem Christi, dùm Eucharistiam sub una tantùm specie panis sumunt. Nec pariter capio, quo pacto Eucharistia sumpta sub una dumtaxat specie panis possit esse memoria Passionis Christi, cum nihil in ea sit, quo adumbretur Sacrificium Crucis, in quo Sanguis Christi à Corpore fuit separatus, quod certè nullo plane modo contingit in Eucharistia, quandò sub una tantùm specie panis percipitur. Hæc, si placet, quæ nondùm plenè assequor, crassiori minervâ expone.

M. Hæc facilè admodùm perspecta habere poteris, si in memoriam revoces duo fidei capita, quæ Catholica Ecclesia omnibus credenda proponit; Primum in hoc situm est, quòd totus ac integer Christus non minus sub una Eucharistiæ specie contineatur, quàm sub duplici. Christus siquidem in hoc Sacramento non solùm nobis sufficit carnem suam divinitati conjunctam, sed etiam sanguine & anima informatam. Quò sit,

, ut fideles , qui Eucharistiam sub una specie panis percipiunt , per eandem actionem non tantum carnem Christi manducant , verum etiam et concomitantiam , ut loquuntur Theologi , Sanctum & divinitatem sumant , nullaque per subtractionem speciei vini gratiam , quæ ad salutem necessaria sit , defraudentur . Alterum fidei caput hoc sistit , quod in unaquaque in individuo specie passio Christi Domini adumbratur , quia , ut superius diximus , species Eucharistiæ seorsim consecrantur , & per verba consecrationis , quæ sunt ad instar gladii spiritualis , Christi corpus & sanguis à se invicem mysticè separantur ; nec necesse est ut Eucharistia sit Sacramentum , quod perfecte exteriorè repræsentet passionis Christi mysterium , sed satis est ut fideles , qui ejus sunt participes , ejusdem mortis meminerint , quam , sumptâ etiam solâ specie panis , facile in suam memoriam revocant , certissimè credentes , se corpus recipere , quod pro se ipsis à Christo Servatore nostro Cruci confixum est . Id totum illustrare juvat exemplo baptismi , qui nunc per infusionem datur , & quem hæretici eo modo administratum ultrò fatentur esse verum novæ legis sacramentum . Et tamen baptismus per infusionem collatus non perfecte exteriorè repræsentat passionem , sepulturam , & resurrectionem Christi , quæ tantum perfecte adumbrantur in trina immersione , ut post Sanctum *Thomam* docent omnes Theologi , quibus hac in re ipsimet hæretici non refragantur . Sic pari quoque ratione Eucharistia sub una tantum panis specie sumpta verum est Sacramentum , licet perfecte non repræsentet

sentet passionem Christi, ac subindè fideles, qui communicant sub una dumtaxat specie, Eucharistiam percipiunt, ut Sacramentum est, sed non ut Sacrificium est; quia Eucharistia, quatenus Sacrificium est, perfectam mortis Christi representationem exhibet per utriusque speciei, panis & vini, sumptionem, quæ fit per duas distinctas actiones, esum scilicet & potum. Sacerdotes itaque, dum sacris operantur, Eucharistiam percipiunt & ut Sacramentum, & ut Sacrificium est. Cæteri verò fideles, qui tantum sub una specie communicant, Eucharistiam sumunt ut Sacramentum est, sed non ut Sacrificium.

D. Tàm luculentè demonstrasti hætenus, nullum prorsus extare præceptum divinum, quæ ad Eucharistiam sub utraque specie percipiendam adstringantur fideles, ut non possim, quin deploram cæcitatem Hæreticorum, qui magno, sed inani studio sese torquent, ut ejusmodi præceptum in Sacris Scripturis expiscari possint. Semissis Hæreticis, quorum errorem jam abundè confutasti; rogo te, ut tria breviter dissolvas dubia, de quibus Viros eruditos inter se disceptantes nuperrimè audiebam. Primum est, utrum Laici in prioribus Ecclesiæ Sæculis usque ad duodecimum passim & ordinariè publicis in Conversionibus Eucharistiam sub duplici specie sumpserint. Alterum est, utrum Ecclesia quondam Legem tulerit de communione sub duplici specie sumenda. Postremum est, an possit Ecclesia hisce temporibus concedere Laicis usum Calicis, & utrum ea concessio expediret?

M. Ut hæc tria à te proposita dubia breviter

er dirimam, à primo exordiar, circà quod duo
 servare sufficet, quæ jam in præcedentibus no-
 is Colloquiis obiter indicavimus. Primum est,
 eles ab incunabulis Ecclesiæ ad duodecimum,
 que Sæculum, etiam Laicos, in publicis Conven-
 us passim & ordinariè sub duplici specie com-
 nicasse, eam tamen praxim sensim sine sensu
 culo XIII. exolescere cæpisse in multis Occiden-
 Ecclesiis, sicut Sanctus Thomas, Doctor Ange-
 us, qui extremam diem clausit anno MCCLXXIV.
 ertè docet 3. part. quæst. 80. Art. 12. ubi quærit,
 rum liceat sumere Corpus Christi sine Sanguine? &
 affirmativam tuetur sententiam hoc argumen-
 : *Sed contra est multarum Ecclesiarum usus, in*
ibus populo communicanti datur Corpus Christi
sumendum, non autem Sanguis. Et in Corpore ar-
 culi ait: *In quibusdam Ecclesiis observatur ut po-*
lo Sanguis sumendus non detur, sed solum à Sacer-
te sumatur. Hanc tamen praxim sumendi com-
 unionem sub utraque specie semper observa-
 nt, & etiamnum observant Græci, apud quos
 on Clerici modò, sed & Laici, qui communicant,
 im celebratur Liturgia, utramque speciem su-
 unt. Præterea, observare debes, irrepsisse Sæ-
 clo Ecclesiæ septimo quemdam abusum apud
 onnullos Sacerdotes Latinos, qui intinctam
 cro Sanguine speciem panis Laicis communi-
 ntibus porrigebant, sed eum abusum à quarta
 nodo Bracarensi anno DCLXXV. habità Canone
 cundò confixum esse his verbis: *Illud verò, quod*
o complemento Communionis intinctam tradunt
ucharistiam populis, nec hoc prolatum ex Evange-
o testimonium recipit, ubi Apostolis Corpus suum

& Sanguinem commendavit . Seorsum enim panis
 & seorsum Calicis commendatio memoratur . Nam
 intinctum panem aliis Christum præbuisse non legi-
 mus , excepto illi tantum discipulo , quem intincta
 bucella magistri proditorem ostenderet , non quæ Sa-
 cramenti huius institutionem signaret . Hic abusus
 Sæculo septimo proscriptus , iterum Sæculo XI.
 prodiit, sed à Paschali II. Pontifice Maximo , & à
 Concilio Claromontano sub Urbano II. anno
 mxcv. celebrato compressus , mox apud Occiden-
 tales evanuit , viget tamen septingentis abhinc
 annis apud Orientales , qui fideli populo utram-
 que speciem in cochleari commixtam exhibere
 consueverunt . Alterum quod spectat dubium, an
 videlicet Ecclesia aliquandò legem tulerit de su-
 menda communione sub utraque specie ? Respon-
 deo , nullam in quatuor prioribus Sæculis extare
 legem, quâ Ecclesia fideles adegerit , ut dum so-
 lemnitèr & intra Missarum solemnias communi-
 carent , utramquesumerent speciem . Id consta-
 ex duplici facto historico . Primum contigit, San-
 cto Chrysostomo Sedem Constantinopolitanam oc-
 cupante , & à Sozomeno libro 8. Historiæ Eccle-
 siasticæ cap. 5. his verbis enarratur : *Vir quidam*
sectator hæresis Macedonianæ, ejusdem Sectæ uxorem
habebat . Hic cum Joannem de sincera religione
differentem fortè audiisset, doctrinam amplexus , e
uxorem quoque ut sibi consentiret, hortatus est .
illa , quoniam notarum mulierum solita consuetudin
captiva teneretur , ut maritus quamvis admonuiss
sæpè, nihil tamen proficeret . Nisi , inquit ille , in
religione mihi consors fueris , nec in vitæ communi
ne posthac eris . Ibi mulier , data fide se id facturam

*am ancilla quadam, quam fidelem arbitrabatur, de
 ac re communicat, eamque sibi ad fraudem facien-
 am marito sociam adjungit. Itaque tempore com-
 municationis (intelligunt autem qui Christo sunt
 initiati quid dicam) illa quod acceperat, continens,
 elut oratura procubuit. Famula autem interim
 stans furtim porrigit id quod manibus adveniens fe-
 bat; quod quidem simul ac dentibus admotum fuit,
 lapidem induruit. Tum mulier timore consterna-
 ta, ne quid sibi gravius eveniret, ob tantum miracu-
 lum in se divinitus editum, cum festinatione ad Epi-
 scopum (Sanctum Joannem Chrysostomum) ac-
 currit, se ipsam indicat, ac lapidem ostendit, qui
 manifesta vestigia morsus, sed materiam ignotam &
 usitatum quemdam colorem referebat, cumque
 profusis lachrymis veniam impetrasset, cum marito
 princeps concors vixit. Subdit etiam Sozomenus:
 cui autem hæc verisimilia esse non videntur, testis
 est ipse lapis, qui etiam nunc hodie inter Constantino-
 politanæ Urbis cimelia conservatur. Ex hoc facto
 historico liquet, nullam eo Sæculo, quo tam-
 asigne contigit miraculum, obtinuisse Legem
 ecclesiasticam, quæ fideles ad utriusque speciei
 communionem adigeret. Si enim extitisset hu-
 iusmodi lex, certè Macedoniana illa mulier nullo
 facto potuisset communionem simulare, nec ulla
 arte declinare calicem, quem Diaconus offerebat,
 ubi primùm fideles exceptum manibus panem ori-
 ndmovissent. Alterum factum historicum petitur
 ex simulatione Hæreticorum Manichæorum, qui
 in quinto Ecclesiæ Sæculo in Occidente grassan-
 tes, ut Catholicorum invidiam & Imperatorum
 iram declinarent, irrepebant in cætus fidelium,*

Sacram Eucharistiam sub una tantum specie panis sumebant, & ab specie vini omninò abstinebant, rati vinum esse à principio malo, sicut de illis Hæreticis testantur S. *Leo* Papa I. Serm. 4. in Quadragesima, & *Gelasius* I. Porro, si ante tempora Summorum illorum Pontificum *Leonis* & *Gelasii* extitisset aliqua lex Ecclesiastica, quæ omnes omninò fideles obstrinxisset ad sumendam, utramque speciem, dùm solemniter in templis communicarent, nullâ ratione Manichæi Eucharistiam sub una tantum specie panis sumentes, impietatem suam occulere potuissent, sed potius eam apertè prodidissent, quippè qui palàm infregissent legem Ecclesiasticam de sumenda communione sub utraque specie, ac subindè in infidelitatis, seu hæreseos, quâ erant infecti, suspensionem confestim venissent. Hinc, ad faciliùs detegendam hanc sacrilegam Manichæorum in sacris Mysteriis simulationem, Summi jam laudati Pontifices *Leo* I. & *Gelasius* I. legem in quinto Sæculo tulerunt, quâ iussi sunt omnes fideles utramque speciem, panis videlicet & vini, publicis in Synaxibus sumere, ita ut quicumque deinceps à vini specie abstinerent, ex Ecclesia velut Manichæi eiicerentur. Hæc autem lex de sumenda communione sub utraque specie, quam *Leo* I. detegendæ Manichæorum hæresis causâ, tulit circà annum ccccxliii. quamque *Gelasius* I. anno ccccxvi. confirmavit, obtinuit in Ecclesia Occidentali, quandiù serpsit Manichæorum hæresis, sed eâ semel extinctâ hæresi, hæc lex in desuetudinem abiit contrariâ fidelium praxi, cui non intercesserunt Præsules, quòd scirent, hanc legem à Sum-

mi:

is Pontificibus *Leone I. & Gelasio I.* fuisse latam disciplinæ tantum & Æconomix causâ, hoc est, ad iram hæreticis Manichæis detrahendam, eoque detegendam in divinis Mysteriis simulationem.

Ad tertium denique dubium, an videlicet possit Ecclesia hisce temporibus concedere Laicis calicis usum, & an ea concessio expediret, & cerneret in bonum Ecclesiæ? dico, nullum esse dubium quin possit Ecclesia etiam his temporibus calicis usum indulgere Laicis, sicut olim post synodum Constantiensem illum concessit Laicis in Regno Bohemiæ & locis ei adhærentibus. Patres Concilii Tridentini jus, de quo agitur, Ecclesiæ competere profitentur Sessione 21. Canone 4. ubi ad petitionem Legatorum, qui nomine Imperatoris, ac multorum Germaniæ Principum, necnon *Caroli IX.* Galliarum Regis postulabant, ut calicis usus Laicis concederetur, quod nempe magna affulgeret spes, fore ut heterodoxi, si eum synodus indulsisset, ad unitatem & gremium Ecclesiæ redirent, respondent his verbis: *Duos vero articulos aliàs propositos, videlicet an rationes, quibus Sancta Catholica Ecclesia adducta fuit ut communicaret Laicos, atque etiam non celebrantes sacerdotes, sub una tantum panis specie, ita sint retinendæ, ut nulla ratione Calicis usus cuiquam sit permittendus, & an, si honestis & Christianæ charitati consentaneis rationibus concedendus alicui vel nationi vel Regno calicis usus videatur, sub aliquibus conditionibus concedendus sit, & quanam sint illæ: Eadem Sancta Synodus in aliud tempus, oblata ubi quamprimum occasione, examinandos atque desin-*

niendos reservat. Consultiùs tamen duxerunt Patres Concilii Tridentini horumce duorum articulorum definitionem arbitrio & prudentiæ Summi Pontificis relinquere, ut videre est in Sessione 22. in qua hæc verba leguntur: *Decrevit (Sancta Synodus) integrum negotium ad Sanctissimum Dominum nostrum esse referendum*, prout præsentì Decreto refert, qui pro sua singulari prudentia id efficiat quod utile Reipublicæ Christianæ & salutare petentibus usum calicis fore judicaverit. Extat in Commentariis Rerum ad Synodum Tridentinam spectantium à Clarissimo Puteano editis pag. 203. Monitum, in quo Galliarum Regis Oratores postularunt à Patribus Concilii Tridentini, ut nullum fieret præjudicium prærogativæ Regis Christianissimi, qui die inaugurationis suæ Eucharistiam sub utraque specie sumit: & quorundam Monasteriorum in Galliis vetustissimæ consuetudini, in quibus monachi Ordinis Cisterciensis, etiam non celebrantes, statis quibusdam anni diebus sub utraque specie Communicant. Denique, post celebrationem Concilii Tridentini Pius IV. Pontifex maximus, eo jure anno MDLXI. usus est, dùm Germaniæ Episcopis indulsit, ut, servatis Legibus, quas Ecclesia Bohemis præscripserat, Calicem Laicis communicantibus concederent. Nullus itaque dubito, quin penès Ecclesiam sit jus Calicis usum concedendi, sed hanc concessionem passim expedire non censeo, tum quia vix præcaveri potest effusionis Sanguinis periculum, quod Ecclesiam præsertim movit, ne facultatem communicandi sub utraque specie passim Laicis annueret; tum quia periculum

lum quoque esset, ne eâ facultate, si passim concederetur, abuterentur hæretici ut Ecclesiæ inflarent invidiam, sicut Lutherani sub obtentu huiusmodi concessionis Calicis, quam, ut mox diximus, charitas à *Pio IV.* pro Germanis extorsit, mox causati sunt, agnovisse tandem Ecclesiam Romanam, se contra jus Divinum populis subtraxisse Calicem. Undè, jure merito Ecclesia, Lutherani eâ calumniâ, quam temerario auspergebant, incautos deciperent, hanc concessionem Germanis factam confestim revocavit.

D. Optimo jure Ecclesia Romana Laicis, Clericis non conficientibus Communionem, ut utraque specie nunc indulgere haud debet, non solum ob rationes, quibus Sæculo XV. gloriante Hussitarum Hæresi, adducta est ad subtrahendum Laicis usum Calicis, sed etiam quia, ut rectè observasti, Lutherani, & Calvinistæ, qui Hussitarum hac de re errorem ex orco revocant, ansam & occasionem arriperent Ecclesiam, calumniandi, & ubique clamitandi, antiquam doctrinam de Communionem sub utraque specie fuisse sæculo XV. immutatam, ac tandem aliquandò Ecclesiam Romanam agnovisse, se contra jus Divinum Laicis Calicem ademisse. Sed de Doctrina sæc. XV. satis hætenus contra Hæreticos disserui. Præstat nunc, ut paucis agamus de Disciplina tum Ecclesiasticâ, tum Monasticâ, quæ eodem Sæculo obtinuit, & præcipua, quæ ad utramque Disciplinam spectant, Capita expendamus.

M. Ad Disciplinam tum Ecclesiasticam, tum Monasticam Sæculi decimi quinti attinet gra-

vis illa Controversia, quæ eodem Sæculo Parochos inter & Religiosos Mendicantes circa administrationem Sacramenti Pœnitentiæ seu circa fidelium Confessionem tempore Paschali faciendam oborta est. Conquerebantur Religiosi Mendicantes, quòd Parochi Confessiones fidelium Viris Religiosis, secundùm formam Clementina *Dudum*, approbatis, tempore Paschali factas ipsis Sacerdotibus Parochis iterandas esse assererent. Ex adversò Parochi succensebant Religiosi Mendicantibus, quòd ab Ecclesiis Parochialibus frequentandis Parochianos avocarent, ac se priorum Sacerdotum nomine, quibus, juxta Canonem Concilii IV. Lateranensis *Omnis utriusque Sexus*, semel in anno facienda sit Confessio, etià intelligendos prædicarent. Ad hanc dirimendam Controversiam Summi Pontifices complura Sæculo XV. ediderunt Diplomata, quibus jus assertum Religiosis Mendicantibus fidelium Confessione tempore Paschali excipiendi approbarunt, & auctoritate Apostolicâ confirmarunt. In primis *Alexander V.* anno millesimo quadringentesimo nono propugnatas à nonnullis quasdam *Joannis de Poliacò*, cujus in superioribus Colloquiis jam meminimus, Assertiones, & alias recens adjectas confixit Diplomate, quod incipit: *Regnans in excelsis*. Novæ illæ Assertiones erant: I. *Confessus fratri admissò in forma, Dudum, tenetur eadem peccata in numero iterùm Curato Confiteri*: II. *Conclusione Joannis de Poliacò damnatæ per Joannem XXII. sunt satis veræ: & à quocumque Literato sufficienter possent teneri*. III. *Statutum Joannis XXII. editum, Va electionis, est irritum & inane, quia, cùm illud feci*

et hereticus. IV. Stante Statuto, Omnis utriusque Sexus, nec Deus, nec Papa de potentia sua potest esse, quin confessus Fratri Mendicanti admissio, iten teneatur confiteri suo Curato. V. Confessio Fratris admissis facta, est dubitabilis & incerta. Quapropter omnes tenentur dimittere incertum, & sic solum confiteri suis Sacerdotibus curam animarum habentibus, sub pœna peccati mortalis. VI. Quamvis patres admissi habeant auctoritatem absolvendi & audiendi Confessiones; tamen populus subjectus non habet potestatem accedendi ad Mendicantes admissos, sine licentia Proprii Sacerdotis, & Fratres petentes privilegia pro Confessionibus audiendis, & Sepulturis habendis, sunt in peccato mortali, & excommunicati: Et Romani Pontifices talia Privilegia concedentes Mendicantibus, aut iisdem confirmantes, sunt in peccato mortali, & excommunicati. VII. Fratres non sunt aut fuerunt Pastores, sed fures, latrones, & lupi. VIII. Sacerdos Curatus, dans licentiam Mendicantibus audiendi Confessiones, magis dispensat contra Statuto, Omnis utriusque Sexus, quam Papa paratribus dans licentiam, juxta formam Decretalis, Dudum. Hos Articulos erroneos, & sacris Canonibus contrarios proscripsit Alexander V. Pontifex Maximus, statuitque, ut si quis deinceps illos serere, aut in scholis vel alibi glossare, defendere, aut tenere aut predicare præsumpserit, tanquam Hæreticus sit censendus, & excommunicationis sententiam incurrat ipso facto, à qua nisi per Summum Pontificem, præterquam in mortis articulo, non possit absolvi. Eisdem Articulos ab Alexandro V. confictos, pariter damnavit Eugenius IV. Diplomate quod incipit: Dudum felicitis dato die xvii. Kalen.

lend. Februarii anni MCCCXLVI. & Constitutionem Bonifacii VIII. super Cathedram: ac Joannis XXII. Decretalem: *Vas electionis*, in gratiam Fratrum Mendicantium editas, confirmavit. Ejusdem causæ Religiosorum Mendicantium adversus Parochos patrociniū suscepērunt alii decimi quinti Sæculi Romani Pontifices Nicolaus V. Callixtus III. Sixtus IV. quorum postremus anno millesimo quadringentesimo septuagesimo tertio, pridie Kalend. Septembris Constitutionem edidit, FF. Minorum Privilegia continentem, quæ *Mare Magnum* nuncupari solet, quâ Joannis XXII. Eugenii IV. & Nicolai V. Decreta de non iteranda Confessione Fratribus Mendicantibus factâ confirmat, & adversus eos, qui contrarium asseruerint, tanquàm de Hæresi suspectos, ab Episcopis, & Fidei Inquisitoribus agi jubet. Hæc fuit constans Summorum Pontificum XV. Sæculi mens de jure, quo potiuntur Religiosi excipiendi fidelium confessiones etiam tempore Paschali. Verum, hæc lis, non obstantibus tot Romanorum Pontificum Decretis, Sæculo XV. finita non est, sed ei identidem repullulanti finem tantum Sæculo XVI. imposuerunt Summi Pontifices, quorum Decreta, ut exitum istius Controversiæ exploratum habere possis, hic breviter indicabo. Leo X. in Constitutione, quæ incipit: *Dùm intra mentis arcana*, quæ in Concilio Lateranensi v. Sess. XI. lecta & approbata est, perspicuè declaravit, eos qui Fratribus Mendicantibus confessi sunt, Canoni *Omnis utriusque Sexus*, satisfecisse: *Possint*, inquit Summus ille Pontifex, *per eosdem Episcopos, & Prælatos, super sufficienti literatura, & aliqua saltem hujusmo-*

Sacramenti peritia dumtaxat examinari: talibus
 presentatis admissis, vel etiam indebitè recusatis
 itentes, Constitutioni, quæ incipit, Omnis
 iusq; Sexus, quoad Confessionem dumtaxat, satisfac-
 censeantur. Anno millesimo quingentesimo
 quadragesimo nono *Paulus III.* licentiam genera-
 Patribus Societatis Jesu concessit audiendi fi-
 ium Confessiones, nullumque omninò tempus
 cepit, nequidem Quadragesimale, aut Paschale,
 articulum mortis. *Paulus IV.* Diplomate, quod
 ipit: Ex *Clementi*, dato anno MDLV. Privilegia
 atribus Minoribus de Observantia ab *Euge-*
IV. Nicolao V. & Sixto IV. super audiendis Fi-
 ium Confessionibus confirmavit. *Clemens VIII.*
 no MDXCII. Constitutionem edidit, quâ præci-
 Archiepiscopo Cameracensi, & Episcopo
 rebatensi, ut Parochos in Officio contineant,
 ne prohibeant plebem sibi subditam quominus
 gularibus tempore Paschali confiterentur:
 senti nostro Decreto, inquit, sancimus
 re Sæcularibus Christi Fidelibus universis,
 erè Missas audire, &c. Et tam dictis Fratribus
 Presbyteris dictæ Societatis, quàm aliis Privile-
 tis prædictis, quibus id à Sede Apostolica indul-
 n est, idoneis tamen & ab Ordinario approbatis,
 cata sua, etiam Quadragesimali & Paschali, &
 ovis alio tempore confiteri licitè posse: dummodò
 nen iidem Sæculares Christi Fideles Sacramentum
 charistiæ die Festo Paschalis Resurrectionis in pro-
 a Parochia ab eorum Parocho sumant. Hæc Sum-
 orum Pontificum Sæculi XVI. Decretis in gra-
 m Religiosorum Mendicantium editis novum
 bur addiderunt Pontifices, qui Sæculo XVII.

Romanam Ecclesiam gubernarunt. Ortâ siquidem anno MDCXLV. inter *Henricum*, Burdegalensem Episcopum, & Regulares Controversiâ de audiendis Fidelium Confessionibus tempore Paschali, *Innocentius X.* post maturam à sacra Congregatione Cardinalium Interpretum Concilii Tridentini causæ discussionem habitam, pronuntiavit, licere Regularibus, Apostolica Privilegia habentibus, Fidelium Confessiones audire à Dominica Palmarum usque ad Dominicam in Albis inclusivè, deditque eâ de re Constitutionem septimo Idus Februarii, quæ incipit : *Exponi nobis &c.* idem sanxit *Alexander VII.* anno MDCLIX Kalend. Februarii in Censura quarundam Propositionum ab Illustrissimo Episcopo Andegavensi ad Sedis Apostolicæ examen transmissarum Denique *Clemens X.* Constitutione, quæ incipit *Suprema*, datâ Romæ xi. Kal. Junii anni MDCLX declarat, *Regulares simpliciter ab Ordinariis approbatos posse in Diœcesi Episcopi approbantis, quovis anni tempore, etiam Paschali, & quorumcumque etiam infirmorum Confessiones audire absque nullo Parochorum, vel ipsius Episcopi licentia. De qua tamen Confessione teneri dictos Religiosos eorundem infirmorum Parochum illicò certiore reddere. Et hoc posse illis ab Episcopo, sub pœna suspensionis à facie tate audiendi Confessiones præcipi : Sufficere tamen ut certioratio hujusmodi fiat saltem per Scripturam apud ipsum infirmum relinquendam, & eos, qui dictis Religiosis simpliciter approbatis Paschali tempore confessi fuerint, Constitutioni, quæ incipit : Omnis Utriusque Sexus, quoad Confessionem dumtaxat, transfecisse censendos. Hæc Summorum Pontificum*

creta , quæ causæ Religiosorum Mendicantium
rte suffragantur , si quis , semoto omnium par-
n studio , expendere non gravetur , mirabitur
fectò , quòd *Gaspar Iuenin* , Gallicani Orato-
Presbyter , in suo *Commentario Historico & Do-*
ctico De Sacramentis , Quæstione v. *De Confessio-*
Parag. II. confidentèr asserat , nullam profer-
osse Romanorum Pontificum Constitutionem ,
facultatem permittat Religiosis Mendicanti-
Confessiones Fidelium excipiendi tempore
chali absque licentia Parochi , & simul declaret ,
eles tempore Paschali confitentes Religiosis
ndicantibus ab Episcopo approbatis satisfacere
noni Concilii Lateranensis *Omnis utriusque Se-*
. Mirabitur , inquam , quisquis hanc prædicti
iptoris Assertionem audiet , tùm quia certissi-
m est , Summos Pontifices in istius Controver-
discussione secundùm Religiosos semper tulisse
tentiam: ad conservanda eorum Privilegia , quæ
idi & æmuli obtrectatores , præsertim in Gal-
 , elevare , aut abrogare penitus moliebantur ,
openfissimam voluntatem demonstrasse , atque
n laudata dedisse Diplomata , ut sensum Cano-
 , *Omnis utriusque Sexus* , aperirent , ac Fide-
s palàm facerent , *Proprii Sacerdotis* nomine ita
signari Parochum , ut Episcopus in tota Dice-
i sua , & ubique Christianarum gentium Ro-
anus Pontifex , *Proprii Sacerdotis* nomine ad
entem Concilii Oecumenici Lateranensis IV. in-
ligendi sint , qui subindè alios à Parochis Sacer-
otes , cùm Sæculares , tùm Regulares ad audien-
s Confessiones Fidelium , etiam tempore Pa-
nali , coadjutores & cooperatores jure , & abs-
que

que Parochorum licentiâ assumere possunt : Tum quia etiam ab omni veri specie alienum est, *Innocentium III.* Pontificem Maximum, & quadringentos amplius Episcopos, qui hunc Canonem, *Omnis utriusque Sexus*, in Concilio Lateranensi condiderunt, & approbarunt; Sacramenti Pœnitentiæ administrationem ita Parochis addixisse ut Romano Pontifici, & Episcopis, quibus Fideles, & ipsi Parochi subditi sunt, jus Sacramenti Pœnitentiæ Fidelibus tempore Paschali administrandi adimere voluerint. Quod si semel fateantur Parochi, *Innocentium III.* & Patres Concilii Generalis Lateranensis IV. nomine *Proprii Sacerdoti* intellexisse non solum Curatos, sed etiam Summum Pontificem, & Episcopos, necesse itidem est ut fateantur, Summum Pontificem, & Episcopos non solum per se Confessiones audire, sed etiam administrandi quovis anni tempore Pœnitenti Sacramenti provinciam selectis & à se approbati Sacerdotibus, sive Regularibus, sive Sæcularibus committere posse, ac subindè Religiosos Mendicantes à Summo Pontifice, vel ab Episcopis approbatos facultatem habere Confessiones Fidelium excipiendi, etiam tempore Paschali, absque licentia Parochi.

D. In tuam sententiam lubentissimè descendo, & ad veram pacem in utroque Clero, tam Sæculari quàm Regulari, factam rectam perpetuam conservandam vehementer opto, ut omnes, cum Parochi, tum Viri Regulares, ob unam Dei gloriam & animarum salutem in Sacramenti Pœnitentiæ administratione summâ semper consensu ne collaborent, & obsequia, quæ reddunt Ecclē

; exigant ad charitatis Regulam, secundum
 am facile ista finietur Controversia, quæ tamdiu,
 tâque animorum contentione disceptata est. Si
 in Parochi solâ charitate ducantur, Viros Re-
 losos ab Episcopis approbatos, zelo salutis ani-
 rum ferventes, sibi in Sacramenti Pœnitentiæ
 ministracione adjutores & cooperatores datos
 ximâ benevolentiam complectentur. Similiter, si
 gulares Privilegia sibi à Summis Pontificibus,
 nciliisque in Fidelium Spirituale commodum,
 ccessa, eorumque usum ad unius charitatis finem
 erant, iis modestè utentur, nec ullum unquam
 gotium facessent Parochis, quibus ad procuran-
 n animarum salutem velut cooperatores &
 adiutores à Summis Pontificibus & Episcopis
 ut adjecti, sicque mutuam sibimetipsis opem fe-
 ut juxtâ prudentissimum Joannis Gersonii, Sacræ
 cultatis Parisiensis Cancellarii, Consilium, quod
 per legebam in libro ab ipso edito *De Statibus*
Eclesiæ Consideratione II. ubi hæc habet: *Status*
arque studeat alter alterius onera portare sine con-
tentione & æmulatione ne si invicem more
nicum se mordeant, consumantur. Ne prætereâ
gat fæda opinio Ecclesiasticorum apud Laicos &
uperetur ministerium Verbi Dei. Nonne Deus, quæ-
abundè dives est pro omnibus? nonne pacis est Deus,
divisionis? Denique, quid prodest Pharisaica con-
tentio de status præeminencia? quid Sanctius est dare
eram, ut quis perfectus inveniatur quàm si jacens
imis, de perfectione status gloriatur? Sed alia, si
acet, prosequamur quæ spectant Disciplina m-
clestasticam Sæculi XV.

M. Electiones Episcoporum, & Abbatum

Sæculo XV. liberè adhuc in Galliis fiebant, Archiepiscopi tamen, Episcopi, Abbates, & alii Beneficiati electi persoluebant Romano Pontifici Tributum temporarium, cui *Annatæ* nomen inditum est, quòd ratione fructuum primi anni, titulo subsidii, solveretur, ut Romanus Pontifex pater esset ferendis universæ Ecclesiæ oneribus, quæ ipsi gravissima incumbunt, & præsertim ut faciliù posset Imperii Christiani adversùs Infideles defensionem suscipere; subvenire Catholicis Regibus, Hæreticorum quorumvis perduellium conjunctiones reprimere; Prædicatores in terras Infidelium ad fines Ecclesiæ propagandos mittere; Neophytis, & pro Fidei causa exulibus necessariis suppeditare subsidia, & pauperum Urbis ac Nationis totius Ecclesiasticæ levare inopiam. Hæc universalis Ecclesiæ necessitatibus ut commodè consulere possent Romani Pontifices, Tributum illud temporarium, seu Annatas Beneficiorum Ecclesiasticorum percipiebant Sæculo XV. etiamnum jure optimo percipiunt. Fuerunt tamen nonnulli Scriptores, quos inter censetur Joannes Launojus, in libro quem edidit *De Veneranda Romanæ Ecclesiæ Traditione circa Simoniam*, qui *Annatas*, velut execrandum Simonix genus, perstringere ausi sunt, contra quos Prosper Fagnanus, Venerabilis Pontificii juris peritissimus, Commentariis in primam partem libri v. *Decretalium*, ad Titulum *Ne Prælati vices suas*, &c. & ad Caput, *Præterea*, Annatarum originem, honestatem, æquitatem ac necessitatem multis rationibus probat & tuitur, quarum præcipuas hic subjicere non pigebit. L. Summo Sacerdoti *Decimam partem Decima-*

in solvi lex vetus præcipiebat (Numerorum ,
 c. xviii.) Debent igitur, loco Decimarum ,
 vi Annatæ Romano Pontifici , qui Summus
 Levitæ Legis Sacerdos est , & cujus ministerium
 magis amplius est ac præstantius , quàm legalis
 Pontificis, qui Sacrificiorum duntaxat curam ge-
 nere tenebatur , & eorum, quæ judaicam Religio-
 nem spectabant ; Romanus verò Pontifex Supre-
 mus est totius Ecclesiæ Sacerdos , ut in confesso
 est apud omnes Catholicos . II. Omnibus curam
 Decimarum gerentibus soluuntur Decimæ , quantò
 magis Romano Pontifici , qui constitutus
 Pastor totius gregis Dominici, & qui omnium
 Ecclesiarum curam ac sollicitudinem habet , An-
 natæ , Decimarum loco , persolvere oportet. III.
 Ecclesia universalis unum Corpus mysticum est
 multa membra divisum , cujus Caput visibile
 Romanus Pontifex , membra autem sunt cate-
 chizati Ecclesiæ per orbem Christianum diffusæ . Cùm
 igitur omnia membra Capiti subvenire debeant ,
 debentur Ecclesiæ Annatas, quæ sunt subsidia tem-
 poralia, Summo Pontifici conferre. IV. Cathedra
 Ecclesiæ & Abbatix fundatæ & erectæ non su-
 nt absque Romanæ Ecclesiæ auctoritate, quæ pro-
 pterea *Omniū Ecclesiarum Mater* appellatur, quia
 omnes Ecclesiæ ex ea prodierunt . Porro, Ecclesiæ
 Romanæ sponsus visibilis est Summus Pontifex ,
omniū Christianorum Pater & Doctor. Cùm igitur
 illis incumbat obligatio Patri naturali submini-
 strandi alimenta , ut ipsa lex naturalis docet, mul-
 to magis Patrem Spiritualem juvare debent Filii
 spirituales , eique temporalia subsidia non nega-
 re . Annatæ autem sunt subsidia temporalia , quæ

Romano Pontifici, utpotè Spirituali Omnium Christianorum Patri, debentur. V. Principi Laico tributa & stipendia solvantur, eique hujusmodi debentur subsidia, quia justitiæ in suis ditionibus servandæ invigilat; igitur potiori jure Romano Pontifici, qui universæ Ecclesiæ præest, & qui tam justitiæ, quàm Disciplinæ toto in Orbe Christiano custos est & vindex, majorum judex & arbiter causarum, subsidia quædam, seu Annata debentur, quò possit ferre regiminis onera, & publicis Ecclesiæ necessitatibus pro viribus prospicere, quibus certè, vacuo ærario, consulere minime posset. His & aliis rationibus *Prosper Fagnanus* locis mox à me laudatis invictè probat, Annata jure optimo esse debitas Romano Pontifici, ibi dèmq̃ diluit omnes Objectiones Scriptorum tam Hæreticorum, quàm quorundam Catholicorum, qui in illas invehebantur, earumque exactiorem Simoniacam & illicitam esse asserebant. Legitiam potest idem *Prosper Fagnanus* in Commentario in Librum I. Decretalium, *De Pactis*, Capitulum *Cum pridem*, ubi quærit, utrùm Annatæ in Romana Curia licitè exigantur, & sine labe Simoniacæ cui quæstioni breviter respondet, Annatarum exactiorem esse licitam & sine ulla Simoniacæ labe fieri, quia Annatæ solvantur non pro collatione beneficii Ecclesiastici, seu provisione, sed solùm pro fructibus primi anni beneficiorum vacantium, qui pro dimidia spectant ad Sedem Apostolicam & justissimo titulo reservationis, quam Romani Pontifices pro tanti officii, laboris, & dignitatis sustentatione sibi fecerunt. Undè solutioni Annatarum, quam exigat Camera Apostolica non p
ul

o jure Spirituali, aut Spiritualibus annexo, sed
 o fructibus merè temporalibus, ad se legitimè
 rtinentibus, nefas est ullam simoniæ, aut turpis
 ri notam inurere. Ob emergentes Sæculo XV.
 ivissimas Ecclesiæ necessitates, concesserunt ali-
 andò Pontifices Romani Principibus Christia-
 , ut Decimas, vel certam pecuniæ Summam ex
 nibus ditionum suarum Ecclesiis colligerent.
genius IV. centesimam reddituum Ecclesiastico-
 n Hispaniæ, Angliæ, Franciæ, & Delphinatus
 no MCCCCXXXI. concessit Regi Cypri, ut obsides
 ltano Ægypti dados, cum ex ipsius carceribus
 nissus est, liberaret. Concessit itidèm anno
 CCCXLIII. *Alphonso* Aragoniæ & Siciliæ Regi
 bsidium ducentùm mille florenorum auri per
 os annos ex Ecclesiis ditionum suarū percipien-
 m. *Nicolaus V.* anno MCCCCLIII. vindicandæ à
 rcarum tyrannide Constantinopolis desiderio
 grans, Sacram Expeditionem indixit, ad eam-
 te promovendam universo Ecclesiæ Clero Deci-
 as imposuit. *Callistus III.* anno MCCCCLVII. à
 rolo VII. Galliarum Rege obtinuit, ut Sacra
 riter Expeditionis contra Turcas causâ, Deci-
 as omnibus Galliarum Sacerdotibus imponeret,
 constat ex Epistola ejusdem Summi Pontificis,
 iâ *Carolo VII.* gratias agit, editâ Tomo IV. *Spici-*
gii pag. 391. *Pius II.* in Mantuano Conventu anno
 CCCCLIX. Decimam generalem, indicto bello
 acro, ab universalis Ecclesiæ Clero solvi decrevit,
 onsentientibus Christianis Principibus. Sæcu-
 o XV. cusa fuit in Galliis *Pragmatica Sanctio*, seu
Carolina Constitutio, quæ nihil aliud est, quàm ce-
 bris illa Constitutio in Bituricensi Concilio sub

Carolo VII. Galliarum Rege anno mccccxxxviii. edita ac promulgata, quæque xxii. continebat articulos, & eò potissimum tendebat, ut Regni Beneficiorum Collatoribus ordinariis sua relinquerentur conferendi jura: Ut Cathedrali vacante Sede, à Clero sive Capitulo eligerentur Episcopi, & ut Reservationes particulares, & gratia expectativæ abolerentur. Viguit aliquandiu in Galliis hæc Pragmatica Sanctio, sed tandem post obitum *Caroli VII.* ejusque successorum *Ludovici XI. Caroli VIII. & Ludovici XII.* sublata est per *Concordatum Gallicum* anno mdxvi. initum inter *Leonem X.* Romanum Pontificem, & *Franciscum I.* Christianissimum Galliarum Regem. De hoc Concordato Gallico plenius disseremus in Colloquio sexto in Historiam decimi sexti Ecclesiæ Sæculi. In Germania Sæculo XV. pro Beneficiis tam collativis, quàm electivis initum est *Concordatum* inter *Fridericum III.* Imperatorem & *Nicolaum I.* Romanum Pontificem anno mccccclviii. & confirmatum à *Clemente VII.* & à *Gregorio XIII.* in hoc Concordato Germanico circa Beneficia determinantur quatuor ista potissimum Capita. Primum Collationes Beneficiorum omnium in Curia Romana, vel intra duas dietas ab Urbe, quomodo cùmque vacantium, Summo Pontifici reservantur. Secundò, pro electivis Beneficiis relinquuntur Cathedralibus Ecclesiis jus eligendi suos Episcopos, & Monasteriis jus eligendi Abbates, Summo Pontifici jus confirmandi, ita ut, quacumque electione factâ, Summus Pontifex eum promoveri possit, quem de Cardinalium Consilio digniorem & utiliorem Ecclesiæ judicaverit:

Conica fuerint electiones, Confirmabimus, nisi ex
 rationabili & evidenti causa, ac de Fratrum Consilio
 digniori & utiliori persona duxerimus providen-
 do. Tertiò, pro collativis Beneficiis statuitur,
 alternatim ità à Papa & Collatoribus ordinariis
 beneficia sive sæcularia, sive regularia conferantur
 beneficia, ut à Summo Pontifice mense *Januario*
 vacantia, ab ordinariis verò mense *Februario*, &
 deinceps alternis mensibus, adeò ut Papa Be-
 neficia vacantia conferat per sex menses alternos,
 ideo *Menses Papales* dicuntur; ordinarii verò
 collatores per sex alternos alios menses. Excipiun-
 tamen Cathedralium, & Collegiatarum Eccle-
 siarum Dignitates, quæ semper à suis Collatoribus
 ordinariis conferendæ relinquuntur. Quartò de-
 inde, pro Dignitatibus, Personatibus, & aliis
 quibuscumque Beneficiis à S. Sede collatis, decer-
 tur, ut primi anni horumce Beneficiorum reddi-
 ti, per modum *Annatæ* solvantur, exceptis ta-
 men, quæ vi expectativæ gratiæ, vel permutatio-
 nis causâ, fuerint collata, aut quæ valorem vigin-
 ti florenorum auri de Camera non excedunt. Hoc
 Imperiale Concordatium, quo reguntur etiam
Lotharingia, & in *Alsatia* Galli, jussu *Maximi-*
ni Imperatoris fuit promulgatum Leodii anno
 M^{CC}LVIII. & *Caroli V.* Imp. Edicto in Ecclesia Ca-
 racensi executioni mandari jussum anno MDLIV.
 postque per extensionem, ex speciali indulto, in
 Ecclesiis Metensi, & Virdunensi, quæ Metropoli
 Ecclesiæ Trevirensi subduntur. Rex tamen Chri-
 stianissimus *Ludovicus XIV.* Indultum obtinuit ab
Alexandro VII. anno MDCLXIV. quod postea à *Cle-*
mente IX. confirmatum est anno MDCLXVIII. pro

nominatione ad Episcopatus *Metensem, Tullensem, & Viridunensem*, necnon ad alia in his Dioccesibus sita Consistorialia Beneficia, ut videre est apud *Doujatium in Specimine juris Ecclesiastici*.

D. Quam Disciplinam Sæculo XV. circa Episcopos, & Clericos observavit Ecclesia?

M. Episcopi electi Fidelitatem Romano Pontifici ante Consecrationem suam Sæculo XV. jurabant, qui solemnibus ritibus etiamnum observatur, ejusque juramenti formula extat in Romano Pontificali, *Clementis VIII.* jussu restituito atque edito, juxta quem consecrandus Episcopus à Consecratore interrogatur in hunc modum: *Vis Beato Petro Apostolo, cui à Deo data est potestas ligandi ac solvendi, ejusque Vicario Domino nostro N. Papæ N. suisque Successoribus Romanis Pontificibus, fidem subjectionem, & obedientiam, secundum Canonicam Auctoritatem, per omnia exhibere?* qui respondet *Volo*. Translationes Episcoporum non fiebant Sæculo XV. nisi ob Ecclesiæ necessitatem, vel majorem utilitatem. Residentiam antiquis Canonibus, & Decretalibus Summorum Pontificum Epistolis imperatam, observabant Episcopi, eorumque absentia grege sibi commisso, nisi eam Ecclesiæ necessitas, aut gravis utilitas excusaret, magno in vitio habebatur. Plures Episcopatus sive in titulum, sive in Commendam possidere non licebat, vel alia à Episcopatu Beneficia absque legitima Sedis Apostolicæ dispensatione. Contra Beneficiorum pluralitatem *Jacobus Cardinalis Papiensis* qui Sæculo XV. floruit, elegantem scripsit Epistolam, quæ est quingentesima quadragesima septima, ad *Gonzagam, Cardinalem Mantuanum*, in qua hæc habetur

t; Congeries hæc Sacerdotiorum, ad quem usum
 ut in domibus Sacerdotum? Si ad necessitatem pa-
 untur, audiamus admonentem Apostolum: Haben-
 s alimenta & quibus tegamur, his contenti simus.
 ad cupiditatem explendam, etiam ejusdem incre-
 ntis vocem intelligamus: Mortificate avaritiam,
 æ est Idolorum servitus: quia non potestis,
 quit Salvator, Deo servire & Mammonæ. Sin-
 rò ad luxum vitæ & pompam, idem quod Chana-
 æ responsum nobis sciamus: Non est bonum su-
 ere panem filiorum & canibus mittere
 ecense verò mecum coacervatarum administratio-
 m quanta sint mala, quantisque nos involvant cri-
 inibus. Defraudamus primo loco Deum gloria justi
 sequii sui: quod enim illi persolvi pluribus admi-
 nistrantibus oporteret, per unum cogimus fieri. Quàm
 rò ritè, quàm diligenter pièque fiat, ipsi nos consci
 mus. Per Prophetam ideò Dominus comminatur:
 æ qui conjungitis domum ad domum. Rursus
 bilitamus corpus Ecclesiæ. Quatuor, quinque,
 uriumve Præsulum sedes occupat unus
 e ovibus creditis meremur indignè, à quibus, juxta
 erbum Apostoli, metentes carnalia, non seminamus
 s spiritualia. Nostrum unicuique sigillatim præci-
 tur: Cognosce diligenter vultum pecoris tui,
 nosque greges considera: in quibus, quòd debito-
 es Deo omnium sumus, quidquid perit, animabus no-
 ris hand dubiè perit, reddituris ante Tribunal justi
 edicis, piè crediti, sed malè administrati operis seve-
 ssimam rationem, quam nesciæ reddere, in tenebras
 exteriores ejicientur, ubi fletus erit & dentium stri-
 or. Adde publicum odium meritò ex tanta insania
 nos comparatum. Lamentari Ecclesias vides, quòd

his cumulis egenorum panes eripimus ; dolere populos, quod veneranda Pastoribus loca plena nunc mercenariis vident : Clamant, non esse nos memores paupertatis antiquæ, propter quam crevit Ecclesia : non videri discipulos Christi, qui de crastino vetuit esse sollicitudinem, & duas vestes habentem dare alteri non habenti præcepit : omnia ad privatam pompam luxumque referri, quodque multorum esse oporteret, injusta dispensatione ad unum aliquem redigi : Animæ autem tam esse curam exiguam, quàm magna est corporis . Hoc, longiusculum licet, Jacobi Cardinalis Papiensis testimonium hîc exscribere necessarium esse duxi, ut indè intelligeres, spirituales polygamiam, seu Beneficiorum pluralitatem Sæculo XV. sicut & in aliis præcedentibus, proscrip- tam ac prohibitam fuisse Clericis, quandò unum ad vitam honestè sustentandam sufficit, nec subest aliqua necessitas, aut Ecclesiæ utilitas plura Beneficia possidendi . Episcopi, & Beneficiati bonorum Ecclesiasticorum dispensatores tantum, & non domini Sæculo XV. censebantur, eisque vetitum erat, ne ex redditibus Ecclesiæ consanguineos, familiaresve suos locupletarent, aut illorum causâ bona Ecclesiastica distraherent, aut dissiparent . Clerici Jurisdictioni Episcoporum ita Sæculo XV. subditi erant, ut ad sæculare judicium trahi non possent, sed eorum causæ ac lites à solis Episcopis componerentur . Deniquè, Clerici ab exactionibus, vectigalibus, publicisque oneribus erant liberi, & his, qui tùm doctrinâ, tùm pietate digniores erant, Beneficia conferebant Episcopi, ad quos solos de jure pertinebat provisio, seu institutio Beneficiorum Ecclesiasti-

corum, quamvis tamen Patroni, etiam Laici, jus haberent aliquem ad Beneficia sui jurispatronatus Episcopo, seu loci ordinario, præsentandi.

D. Monasticæ Disciplinæ, quæ Sæculo XV. vigit, priusquàm præcipua capita percurramus, Rogo te, ut in medium proferas Religiosos illos Ordines, quos eodem Sæculo peperit, aut reformavit Ecclesia.

M. Inter Religiosos Ordines, quos Sæculo XV. peperit aut reformavit Ecclesia, primum locum, habitâ ratione temporis, obtinet Congregatio *Sanctæ Justinæ*, ita dicta à Monasterio *Sanctæ Justinæ* apud Patavium. Huic Monasterio *Gregorius XII.* præfecit Abbatem *Ludovicum Barbum*, Patritium Venetum, & Congregationis Canoniorum *Sancti Georgii in Alga* Moderatorem, qui collapsam in eo Regularem Disciplinam feliciter instauravit, & Ordini *Sancti Benedicti* pristinum splendorem in Italia conciliavit circa annum *MCCCcviii.* Hæc celebris Congregatio dicta est etiam *Cassinensis*, eò quòd prædicta Ordinis *Sancti Benedicti* in Italia reformatio, ac exacta Monasticæ Disciplinæ Observantia maximè vigeret in Monasterio apud Montem Cassinum ex quo innumeri prodierunt Monachi doctrinâ & pietate conspicui. De hac *Sanctæ Justinæ*, seu *Cassinensi* Congregatione plura leges in *Historia Cænobii Sanctæ Justinæ*, & apud *Maurolicum* in *Mari Oceano* omnium Religionum, & apud *Aubertum Miræum* in *Originibus Benedictinis*. Prodiit eodem anno *MCCCcviii.* altera Congregatio Canoniorum Regularium *Sancti Salvatoris Silvæ lacus*
propè

propè Senas , instituta à *Stephano Senensi* , Ordinis Eremitarum Sancti Augustini ; qui, ut videre est apud *Henricum Spondanum* ad ann. MCCCXIII. Num. XIX. mutato, auctoritate *Gregorii XII.* Pontificis Maximi, habitu , Canonicus regularis effectus est, ejusque operâ coaluit hæc Congregatio, quæ primùm ab Ecclesia Sancti *Salvatoris* , quæ est in Silva Illicum ad lacum Civitati Senensi vicinum , nuncupata est Congregatio Sancti *Salvatoris Silva-lacus* , sed postea à vulgo *Scopetinarum* Congregatio dicta est ab Ecclesia Sancti *Donati de Scopeto* Florentiæ sitâ , quam *Martinus V.* huic Congregationi Sancti *Salvatoris* univit . Congregationem illam confirmavit *Gregorius XII.* Nonis Aprilis anni MCCCXIII. cujus ea de re Constitutio edita est in Bullario Romano. Regulam Sancti *Augustini* his Canonicis tradidit idem Pontifex, voluitque ut sub albo Scapulari Rochetum, superius autem cappam grisei coloris lanæ morden- tis , instar capparum Converforum Chartusien- sium gestarent . Eandem Congregationem gra- tiis ac privilegiis amplissimis auxit , atque exor- navit *Julius II.* Constitutione , quam dedit anno MDXII. quæ incipit : *Inter cæteros* , & extat in Tomo I. Bullarii Romani . De ista Congrega- tione si plura scire desideres , consule *Gabrielem Pennottum* lib. 2. *Historiæ Tripartitæ* cap. 51. & sequentibus . Observat *Spondanus* , nonnullos re- ferre hujus Congregationis initium ad Pontifi- catum *Gregorii XI.* sed eos similitudine nominis fuisse deceptos , cùm certum sit , eam solùm cœ- pisse sub Pontificatu *Gregorii XII.* Congregatio Eremitarum Sancti *Hieronymi de Fesulis* , quæ à Beato

Beato Carolo filio Antonii Comitis Montisgranelli Diœcesis Sarfinatis in Romandiola anno MCCCLXXX. fuerat inchoata, ad Regularem Professionem secundum Constitutiones Sancti Hieronymi nomine insignitas ab Innocentio VII. admissa & approbata est anno MCCCCV. confirmata etiam à Gregorio XII. anno MCCCCXV. Regulam Sancti Augustini deinde Eremitæ hujus Congregationis amplexi sunt, approbante Eugenio IV. qui Generalis Præpositi eligendi facultatem ipsis concessit, & multis gratiis ac privilegiis Congregationem cumulavit Constitutione datâ VII. Kalendas Augusti anni MCCCCXLI. Celebris erat Sæculo XV. Congregatio *Frisonaria* instituta à Bartholomæo Columna, nobili Romano, qui in Monasterio Sanctæ Mariæ *Frisonariæ* non procul à Luca, Urbe Tusciæ, Canonicam disciplinam sub Regula Sancti Augustini circa annum MCCCCXCVI. primum restituit, quæ tota deinde in Italia recepta est titulo *Congregationis Lateranensis*, à Basilica Lateranensi Romana, ubi restituti per Eugenium IV. Canonici Regulares eam rexerunt usque ad tempora Sixti IV. qui eorum loco Canonicos sæculares constituit. In Hispania Martinus Vargas, Doctor Theologus, & Monachus Cœnobii Petræ in Aragonia, Romam reversus cum aliis duodecim sodalibus, in Monasterio *Montis Sion* non procul à Toletis confedit, ubi veterem disciplinam Ordinis Cisterciensis revocavit, & Congregationem sub titulo Sancti Bernardi anno MCCCCXXV. instituit, quam Martinus V. approbavit. Reformationem Ordinis Sancti Francisci Sæculo XV. hoc est, circa annum MCCCCXIX. aggressus est Sanctus

Bernardinus ejusdem Ordinis, magni tunc nominis, ac pietatis, doctrinæque Vir, sed præcipuè Sanctissimi nominis *Jesu* cultor & amator. Hic patriâ Senensis, Monasteria Fratrum Minorum, quos ab antiqua Sancti *Francisci* severitate sensim descivisse ægrè videbat, ad veterem disciplinam revocare satagit, indequè Franciscanis, qui huic Sancti *Bernardini* Reformationi adhæserunt, inditum est *Observantinorum* nomen, ad discrimen Fratrum *Conventualium* ejusdem Ordinis, qui in recepta jam vivendi formâ juxta privilegia & dispensationes à Sede Apostolica concessas permanere voluerunt. Extant Sancti *Bernardini* præclaræ res gestæ à diversis Authoribus conscriptæ, quæ ingentium ab eo editorum miraculorum, & copiosissimorum, quos è suis fervidis per totam Italiam prædicationibus colligebat, fructuum sunt evidentissima argumenta. Obiit hic Sanctus Ordinis Franciscanorum reformator, & ardentissimus atque efficacissimus Concionator anno MCCCCXLIV. Aquilæ in Vestinis, sive, ut nunc vocant, in Aprutio, ubi adhuc ejus corpus integrum visitur. Fuit à *Nicolao V.* in Sanctorum numerum solemniter ritu anno MCCCCL. relatus. Ejus vitam ab Auctore coævo descriptam refert *Surius* ad diem xx. mensis Maii, omniaque Opera de rebus Sacris & pietatis ab ipso edita prodierunt Parisiis anno MDCXXXVI. curâ & studio F. Joannis de la Haye Franciscani. Eodem tempore, quo reformationi Ordinis Sancti *Francisci* incredibili zelo incumbibat Sanctus *Bernardinus*, Ordinem Sanctæ *Clare*, seu Monialium Ordinis Sancti *Francisci* pariter reformavit *B. Coleta Boyleta*, Virgo
Cla

Clariffa, Corbejæ in Picardia nata, quæ ad Sanctum illud perficiendum opus, ufa est potiffimum confilio P. *Henrici de Balma* Confessarii fui, Viri norum integritate præstantiffimi, ficque contigit, ut uno eodemque tempore in Ordine Sancti *Francisci*, pari ardore Sanctus *Bernardinus* Viro- rum, & B. *Coleta* fæminarum reformationis cu- ram fufceperint. B. *Coletam*, ob miraculorum, merita, Officio Ecclefiaftico à fuis coli *Clemens VIII.* concessit, & *Paulus V.* confirmavit. Extat apud *Surium* ad diem VI. mensis Martii Vita Beatæ *Coletæ*, in qua legitur, S. *Vincentium Ferrerium*, Ordinis Prædicatorum, motum vifione de illa, divinitus habitâ, ex Hispania in Galliam veniffe ut ipsam inviferet, quod fanè hujus Virginis Cla- riffarum Reformatricis laudi ac præconio pluri- mum confert. Prodierunt etiam Sæculo XV. duæ Congregationes Reformatæ, quarum una, dicitur *Congregatio Lombardiæ*, Cremæ per *Gregorium Rocchium* Papiensem, & *Gregorium* Cremon- nensem anno MCCCXLIV. instituta, quæ eminet inter Congregationes reformatas Eremitarum, Ordinis Sancti *Augustini*. Altera Congregatio, *Bursfeldensis* appellata, initium habuit in Mona- fterio S. *Matthiæ* apud Treveros, cujus Abbas tum temporis erat *Joannes Rodius*, insignis pietatis Vir, qui auctoritate Apostolicâ ex Carthusiano factus Benedictinus, Monasticam vitam secundum Regulam Sancti *Benedicti* instauravit. Hujus Re- formationis Decreta *Bursfeldiæ* primùm anno MCCCXXXV. fufcepta sunt, undè hæc Congregatio *Bursfeldiana* fuit nuncupata. Est autem *Bursfeldia* exiguum Diœcesis Moguntinæ Monasterium, cu-
jus

jus exemplum secuta Germaniæ, & Gallo-Belgii Monasteria, sese huic Congregationi adjunxerunt. De hac Congregatione *Bursfeldiana* legendi sunt *Trithemius* in Chronico Spanheimensi, & *Miræus* in Originibus Monasticis lib. 2. cap. 25. & 26. Iam in Colloquio VI. in Historiam Sæculorum XIII. & XIV. observavimus, Regulam, quam B. *Albertus*, Patriarcha Hierosolymitanus, tradidit Carmelitis, fuisse ab *Hugone à Sancto Caro* Tituli Sanctæ *Sabinæ* Presbytero Cardinali, Ordinis Prædicatorum, & à *Willelmo*, Anteradenſi Episcopo, auctoritate ab *Innocentio IV.* sibi commissâ, declaratam, correctam, mitigatam, eamque mitigationem ab eodem Pontifice esse confirmatam Diplomate dato Lugduni Kalendis Septembris anni MCCXLVIII. At, præter illam primam Regulæ B. *Alberti* mitigationem, aliam ejusdem Regulæ relaxationem, seu mitigationem, Sæculo XV. obtinuerunt Carmelitæ ab *Eugenio IV.* Pontifice Maximo, & qui eam ex eodem ordine hætenus observant, *Mitigati Carmelitæ* nuncupantur. Quâ de re extat ejusdem Pontificis Constitutio data XV. Kalendas Martii anni MCCCCXXII. Tomo I. Bullarii Romani. Denique, Sæculo XV. hoc est, anno MCCCCLXVII. Sanctus *Franciscus Paulanus* in Cœnobiolo propè Paulam fundamenta jecit Ordinis *Minimorum*, qui humilitate, quam ipso nomine profitetur, verè magnus dici debet, & ob arctissimam Disciplina Regularis observantiam, ac summam, quâ erga omnes diffunditur, charitatem, toto Orbe Christiano clarissimus existit. Hunc nascentem Ordinem *Sixtus IV.* Pontifex Maximus confirmavit sub nomine Eremitarum

um Sancti *Francisci*, plurimisque ornavit privilegiis, Constitutione, quæ incipit, *Sedes Apostolica*, datâ die xxiii. Maii anni MCCCCLXXIV. Hunc Ordinem confirmarunt etiam sequentes Pontifices Romani, præsertim *Alexander VI.* qui iussit, ut hic Ordo deinceps appellaretur *Ordo Fratrum Eremitarum Fratris Francisci de Paula*. Humilitatem, Charitatem, & austeram Vitæ observationem ita coluit Sanctissimus ille Institutor, ut & alumnos suos *Minimos* vocari, & pro totius Ordinis Insigni, seu Stemmate, nomen *Charitatis* gerere voluerit, eosque quarto voto adstrinxerit, quo tenentur cibis Quadragesimalibus toto anni tempore vesci, exceptâ gravi infirmitate & ex Medicorum consilio. Tres Regulas condidit *S. Franciscus à Paula*, Fratrum, Sororum, & Tertiæ Ordinis utriusque sexus, quæ omnes à Sede Apostolica confirmatæ fuere, ac præsertim à *Julio II.* pluribus Constitutionibus paulò ante *S. Francisci* obitum, & postea ab ejus successoribus. Avitam Disciplinæ Regularis observantiam adhuc studiosè retinent hujus Ordinis Religiosi, qui virtutum fragranti odore peccatores ad pœnitentiam alliciunt, jugi corporis mortificatione nocturnè diùque Deo inserviunt, & Ecclesiam doctrinâ, & pietate, haud parum illustrant, sectantes vestigia majorum suorum, qui eruditione & sanctimoniâ conspicui sese totos Ecclesiæ utilitatibus devoverunt, suaque omnia dicta ac gesta soliti erant condire ac temperare suavitate charitatis, quæ, juxta Apostolum *Paulum*, omnia suffert, omnia sperat, discordias averfatur, non quærit, quæ sua sunt, sed quæ *Jesu Christi*, atque de singulis

lis benè mereri studet . Poteris aliquandò , si tibi per otium liceat , lectitare præclaros Ordinis Minimorum Annales , in quibus tam *S. Francisci à Paula* , quàm cæterorum Fratrum , totiusque Ordinis egregia pietatis , necnon doctrinæ exempla , & documenta accuratè referuntur .

D. Rem sanè mihi longè gratissimam faceres , si *S. Francisci à Paula* , Sanctissimi Minimorum Ordinis Institutoris , cui , ex voto à Parentibus meis nuncupato , fui à teneris annis consecratus , heroicas virtutes ac res præclarè gestas paulò fufius hìc describere velles , ut novis additis stimulis mea magis ac magis inardescat pietas ergà *S. illum Patronum* , quem impensè colo , & cui secundùm Deum incolumitatem meam ac bonam corporis valetudinem lubentissimè acceptam refero .

M. Apud *Paulam* , Calabriæ oppidum , post longam Matris sterilitatem , ex voto factò Deo , & *S. Francisco Affiliati* , natus est *S. Franciscus* dictus *de Paula* , qui post actam in summa puritate pueritiam , & in solitudine asperrimo victu adolescentiam , ad natale solū reversus , Oratorium in fundo paterno extruxit , & adjunctis sibi aliquot sociis , novum instituit Religiosorū Ordinem . Fuit Sæc. sui Taumaturgus , qui stupendis claruit miraculis , quorum illud in primis celebre memoriæ proditum , est , quòd à Nautis rejectus , Siciliæ fretum , strato super fluctibus pallio , cum socio transmisit . Summis Pontificibus , Regibus , Principibusque , ob sanctitatis famam longè latèque diffusam fuit acceptissimus , & omnium gentium commendatione celebratus . *Ludovicus XI.* Galliarum Rex , gravi morbo detentus , *Franciscum de Paula* ex Calabria

oria ad se mitti à *Sixto IV.* Romano Pontifice im-
 petravit, eam in spem erectus, fore ut ejus precibus
 prolixiorē vitam adipisceretur. *Franciscum* ve-
 nientem summo honore in genua procidens exce-
 pit Rex Christianissimus, eique ac Fratribus Cæ-
 nobium extruxit ad *Plessiacum Parci* propè Turo-
 num. *Philippus Cominaus*, qui *Franciscum* de *Paula*
 viventem adhuc in Galliis vidit, eum velut san-
 ctitatis & prudentiæ miraculum commendat in
Historia quam edidit *Ludovici XI.* lib. 6. cap. 9. ubi
 ait, ipsum Virum Sanctum vulgò appellatum, à Re-
 ge Christianissimo accersitum, venire noluisse absque
 Summi Pontificis & Regis sui facultate. Nunquam
 se vidisse hominem viventem, qui magis sanctè vive-
 ret, & in quo magis appareret quòd Spiritus Sanctus
 loqueretur per os ejus. Licet Clericus aut literatus
 non esset, satis ei fuisse Italicam Linguam suam ut se
 admirabilem redderet. Illum Neapolim transeuntem,
 honoratum & visitatum à Rege & filiis ejus fuisse cœu-
 magnum aliquem Legatum Apostolicum, cum ipsisque
 locutum velut hominem in Aula educatum. Indè Ro-
 mam transeuntem, ab omnibus Cardinalibus visitatum,
 & triplici vice audientiam habuisse apud Summum
 Pontificem, solum cum solo egisse, & propè ipsum
 assidere jussu triu[m] quatuorve horarum spatio, quo-
 tiens ad ipsum accessit. *Ludovicum XI.* in genua ante
 eum procubuisse, orasseque ut vitam sibi prorogaret.
 Illum autem respondisse quod vir sapiens respondere
 debebat. Addit *Cominaus*, sæpè eum se audivisse
 coram Rege differentem, adstantibus Magnatibus &
 Primoribus Regni, & visum fuisse divinitus inspira-
 tum circa ea, quæ dicebat, commonebatque. Hoc lo-
 cupletissimum *Philippi Cominaei*, probatissimæ fi-

dei, & coævi Historici testimonium abundè sufficere debet ad plenam, suisque omnibus numeris absolutam commendationem virtutum *S. Francisci de Paula*, qui annis & meritis plenus, vitæ sanctitate illustris, & miraculorum magnitudine atque frequentiam clarissimus ad Deum migravit Turonis in Gallia quarto Nonas Aprilis, in Parasceve Paschæ, anni MDVII. ætatis suæ anno nonagesimo primo. Eum *Leo X.* Pontifex Maximus, rogatus à *Francisco*, Galliarum Rege, & ingentium miraculorum, quæ tam in vita, quam etiam post mortem edidit, famam ubique volitante excitus, in Sanctorum album retulit anno MDXIX. Hanc Sancti illius viri omnium votis exoptatam Canonizationem incredibili lætitiâ exceperunt Reges Christianissimi, qui subindè non aliter quam *Patrem nostrum S. Franciscum* auditi sunt nominare, & ut palam facerent, quâ in veneratione nomen ejus, memoriamque haberent, quotiès *S. Francisci de Paula* nomen proferrent, totiès Rex Caput reverentè discooperiebat, Regina verò humiliter inclinabat. Jussit etiam *Franciscus*, Rex Christianissimus, monetam cudi, quæ ex una parte effigiem suam, ex altera *S. Franciscum de Paula* representaret, cum hac Inscriptione: *Regiæ Stirpis Propagatori*. At, proh dolor! nefandi Hæretici Calvinistæ, veræ virtutis & pietatis osores, Sacrum *B. Francisci de Paula* Corpus, quod post quinquaginta quinque quietis ejus annos integrum ac incorruptum fuerat anno MDLXI. repertum, tartareo sacrilegio igne combusserunt, ac totam Galliam tam charo ac pretioso thesauro per summam impietatem privarunt. Plura de *S. Francisco de*

Paula,

aula, Ordinis Minimorum Fundatore, legesis apud *enschenium*, & *Papebrochium* in Supplemento Historico Actorum S. *Francisci de Paula* ad diem 11. Aprilis. Inter Religiosos Ordines, quos Sæculo XV. aut peperit, aut reformavit Ecclesia, locum etiam obtinere debent Congregatio Eremitarum Discalceatorum Ordinis S. *Augustini*, & Ordo Monialium in honorem Conceptionis Beatissimæ Virginis Mariæ institutus. Congregationi Eremitarum Discalceatorum initium dedit *Baptista Poggius*, qui pietate ac doctrinâ apud *Carolum VII.* Galliarum Regem, & *Galeatium Mariam* *forciam*, Ducem Mediolanensem, spectatissimus, primum Genus Conventum instituit, sicut refert *Augustinus Justinianus*, Nepefinus Episcopus, lib. v. Historiæ. Hæc Congregatio à *Sixto IV.* Pontifice Maximo fuit confirmata, uti testatur *Odoricus Raynaldus* ad annum MCCCCLXXIV. Ordinem Monialium, in honorem Conceptionis Beatissimæ Virginis Mariæ, *Toleti* in Hispania nobilis Virgo *Lusitana*, dicta *Beatrix à Silva*, fundavit, eumque, rogante *Isabella* Hispaniæ Reginâ, *Innocentius VIII.* Romanus Pontifex approbavit an. MCCCCLXXXIX. concessitque, ut sub Regula Cisterciensis Ordinis, & Diocesani Præsulis obedientia Moniales Deo servirent, titulo tamen Conceptionis Mariæ Virginis, & veste primùm acceptâ, videlicet Tunica & Scapulari albis, ac Chlamyde cæruleâ servatis. Sed *Beatrice*, hujus Ordinis Fundatrice anno MCCCXC. Defunctâ, ejus Sodales Sanctæ *Clare* Regulam sub eodem semper Conceptionis Mariæ Virginis nomine anno MCCCXCIV. amplexæ sunt, easque demùm *Julius II.* Pontifex Maximus Fran-

ciscanorum curæ anno MDXI. commendavit. De hoc Ordine Monialium Conceptionis *Mariæ* Virginis differit *Miræus* lib. v. *Monasticarum Originum* cap. xiii.

D. His Congregationibus, & Ordinibus Religiosis, quos hætenùs in medium protulisti, adjungere nunc debes Equestrès Ordines, si qui tamen Sæculo XV. fuerunt instituti.

M. Priusquàm de Ordinibus Equestribus, qui Sæculo XV. fuerunt instituti, breviter differam, prætermittere haud possum Ordinem Virginum, *Annunciationis B. Mariæ Virginis*, quem sub finem Sæculi XV. B. *Joanna Valesia*, Francorum Regina, *Ludovici XI.* filia, Avarici Biturigum in Galliis instituit. Hæc quippè nupta *Ludovico XII.* Christianissimo Regi, sed postea ab eo repudiata, mundo nuncium remisit, & Annunciatarum B. *Mariæ* Virginis Ordinem fundavit, quem Summi Pontifices *Alexander VI.* *Julius II.* & *Leo X.* confirmarunt, ac subindè subsecuti Pontifices Privilegiis auxerunt. Regula, quam sectantur hujus Ordinis Sanctimonialès, ex præcipuis decem Virtutibus, quibus Beatissima Virgo *Maria* in Evangelio commendatur, concinnata est; videlicèt castitate, prudentiâ, humilitate, veritate, devotione, obedienciâ, paupertate, patientiâ, charitate, & compassione, & ad illarum virtutum exemplar Sacras illas Virgines informat ac dirigit. Veste utuntur leucophæâ, seu griseâ, ut vulgus loquitur, in testimonium vitæ pœnitentis; chlamyde candidâ, in memoriam Virgineæ puritatis Dei-paræ *Mariæ*, quam imitari gestiunt; Scapulari rubro in formam Crucis ante pectus aptato, memoriæ Passionis

tionis Domini assiduè in mentem revocandæ cau-
 sâ. Hic *Annunciatarum Virginum* Ordo, de quo li-
 rum edidit *Aubertus Miræus*, latè per Galliam,
 & Belgium propagatus est, multis erectis cæno-
 iis, quibus, sic statuente B. *Joanna*, hujus Ordinis
 Fundatrice, præsunt FF. Minores, dicti *Obser-*
antes. Silentio etiâ hîc prætermittere non pos-
 sum *Societatem*, quam noster Cardinalis *Joannes*
de Turrecremata Sæculo XV. Romæ instituit sub
 nomine *Beatæ Virginis Annunciatæ*, in qua Casti-
 tati puellarum Romanarum inopum sic providè
 consulitur, ut tam his, quæ sese Deo in Mona-
 teriis consecrare volunt, quàm illis, quæ in Sæ-
 culo remanere, & matrimonium inire cupiunt, nu-
 merentur Dotes, datâ omnibus utriusque status
 optione. Sed veniamus modò ad Ordines Eque-
 stres, qui Sæculo XV. fuerunt instituti. Ordinem
Equitum Velleris Aurei instituit anno mccccxxx.
Philippus cognomento *Bonus*, Burgundiæ Braban-
 tiæque Dux. Hujus Equestris Ordinis originem,
 atque appellationem alii ducunt ab *Jasone*, qui in
 Colchida cum Argonautis profectus est, ut inde
Vellus Aureum adveheret, hoc est, auri gazam,
 quod hujus regionis Incolæ per rivos & monte
 Caucaſo dilapsum villosis pellibus piscari, quasi
 retibus, soliti erant. Alii verò istius Equestris Or-
 dinis originem & appellationem accersunt à *Ge-*
neone, magno illo Israelitarum Duce, qui, ut le-
 gitur in Scriptura Sacra, seu cap. vi. libri Judicum,
Vellus primò siccum, deindè rorulentum vidit,
 tactæ scilicet Virginis *Mariæ* Symbolum, eoque
 signo confirmatus, trecentos jussu Dei viros ele-
 git, quibus numerosas Madianitarum copias pro-

figavit. Sed, ut sit de istius Equitum *Velleris aurei* origine & appellatione, certum est, *Philippum*, dictum *Bonum*, Burgundiæ & Brabantiae Ducem Sæculo XV. Ordinem Equestrem *Velleris aurei* instituisse, seu delegisse viginti quatuor Equites, quos torque aureo, in cujus imâ parte Vellus aureum pendebat, donavit, eosque singulos toga coccineâ, sive purpureâ laneâ in Comitiiis publicis uti voluit. Hanc tamen Equitum togam purpuream *Carolus Audax*, filius *Philippi Boni*, in holosericam commutavit in Comitiiis in Urbe *Valentiniana* in Belgio habitis anno MCCCCLXXIII. Hic *Velleris Aurei Equitum Ordo*, dum cæpit, viginti quatuor tantum Equitibus constabat, sed idem *Philippus Bonus*, Burgundiæ Dux, hunc Equestrem Ordinem à se institutum equitum xxxi. deinceps futurum pronunciavit, dato Diplomate in Comitiiis in Urbe *Insulensi* in Belgio celebratis anno MCCCXXXI. ac tandem *Carolus V.* Imperator, *Conventum Bruxellis* agens anno MDXVI. hunc *Velleris aurei Equitum Ordinem* unius & quinquaginta Equitum in posterum fore statuit. Diploma *Philippi Boni*, Burgundiæ Ducis, de institutione Ordinis Equitum *Velleris aurei*, ex Gallico Latine redditum refert *Aubertus Miræus* lib. 2. De *Originibus Ordinum Equestrium*. Anno millesimo quadringentesimo sexagesimo quarto *Renatus*, *Andegavensium Dux*, & *Rex Siciliae*, instituit Ordinem Equitum, quibus figuram *Lunæ Crescentis* attribuit. Anno autem MCCCCLXIX. *Ludovicus XI.* Galliarum Rex, instituit Ordinem Equestrem S. *Michaelis*, ita dictum, quod hujus Ordinis Equites imagine S. *Michaelis* Archangeli, Cacodæmonem

nem è Cœlo deturbantis , ornari voluerit . Denique , *Amedeus VIII.* Sabaudia primus Dux , sui Sæculi , seu decimi quinti , *Salomon* acclamatus , Torquatorum Equitum Ordinem , quem Sæculo XIV. *Amedeus VI.* Comes Sabaudia instituerat in memoriam Annunciationis B. Virginis *Mariae* , ob navalem victoriam eâdem die ab Avo suo *Amedeo* reportatam , multis additis pietatis legibus instauravit . Instituit etiam idem *Amedeus VIII.* primus Sabaudia Dux , Ordinem Equitum S. *Mauritii* , & tandèm rerum humanarum pertæsus , *Ripallianam* Eremum , ad *Lemani* Lacus ripam , cum decem *Mauritianis* Equitibus secessit . Hic est ille *Amedeus* , qui , ut in superioribus nostris Colloquiis diximus , creatus est in Conciliabulo *Basileensi* Pseudo-Pontifex , contra *Eugenium IV.* verum ac legitimum Pontificem Romanum , dictusque est *Felix V.* qui tamen post novem annos , sex menses & septem dies ab electione suâ pseudo-Pontificatu in Conciliabulo *Lausanensi* sese abdicavit , & solo *Cardinalis* ac *Legati* munere contentus in *Ripallianam* Eremum iterùm se recepit , ut videre est in *Arbore gentilitia Augustæ Regiaque Sabaudæ Domus* , quam anno MDCCI. *Augustæ Taurinorum* publicâ luce donavit *Franciscus Maria Ferrerus à Labriano* .

D. Multi , ut video , Ordines cùm Regulares , tùm Equestres , Sæculo XV. in Ecclesia prodierunt , indèque facilè conjecturam facio , Disciplinam Monasticam & Regularem magnum eo Sæculo suscepisse incrementum , eoque Ecclesiam fuisse plurimùm illustratam .

M. Monasticam ac Regularem Disciplinam

Sæculo XV. maximè floruisse non solum probant recensiti superiùs à nobis Religiosi Ordines, quos peperit, aut reformavit Ecclesia, sed etiam apertè demonstrat summus ille ardor Missionum, seu per totum Orbem spargendi Evangelii, & lucis inferendæ sedentibus in tenebris & umbra mortis nationibus, quo hujus Sæculi Monachi & Religiosi Mendicantes erant accensi. At enim statim ac Sæculo XV. Lusitani Indiam Orientalem auspiciis Joannis II. eorum Regis; & Hispani Indiam Occidentalem, Duce Christophoro Columbo Genuensi, necnon Americam, quartam mundi partem, Duce Americo Vesputio, qui ei nomen suum indidit, detexissent; acutùm tam Monachi, quàm Religiosi Mendicantes, quasi nubes in aera sublatae, ad latissimas illas oras, novumque Orbem convolarunt, ut ibi Evangelii prædicatione infideles illustrarent, Ecclesias fundarent, atque cænobia excitarent, in quibus Viri Apostolici, quâ verbo, quâ Disciplinæ Regularis observantiâ, Ecclesiæ dilatandæ, Fideique Catholicæ propagandæ jugiter incumbere possent. Inter eos, qui Sæculo XV Evangelium in Orbem novum invexerunt, primo loco censerì jure debent Monachi Benedictini, qui (sicut testantur Gravina cap. 6. Opusculi *De voce Turturis*, & Thomas Bosius De Signis Ecclesiæ lib. IV. cap. 3.) in Occidentales Indias an. mccccxcvii. Christi Fidem intulerunt, Duce Patre Bucil, ejusdem Ordinis Benedictini. Eâ siquidem orbis parte hætenus inaccessâ, facili tandem navigatione à Christophoro Columbo reферatâ, & omnium primâ Insulâ illâ, quæ Sancti Dominici die festo cum fuisset inventa, ejusdem nomine nobilitata est; sta-

im P. *Bucil* duodecim aliis Benediſtinis ab *Ale-*
andro VI. Pontifice Maximo præfectus & ad has
ras destinatus, Christianam Religionem longè
atèque propagavit, dignissimus sanè tot Benedi-
tinorum hæres, qui, ut in superioribus Collo-
quiis ostendimus, innumeris Nationibus à Fide
Christiana alienis, Germanis, Duce S. *Bonifacio*;
Anglis, procurante S. *Augustino* Apostolo, Evan-
gelii lucem importarunt; quorum omnium lon-
am præscorum temporum, & nostræ ætatis, ad
gloriam Benediſtini Instituti, seriem texuit Au-
thor *Congeminate vocis Turturis* ad Caput novum
Taveæ Turturis. Neque Patres Franciscani suâ hic
arent, aut fraudandi sunt laude, cùm noster jam
itatus *Gravina* cap. 6. *Vocis Turturis* observet,
Ferdinandum Cortesium, post *Columbum*, & *Ameri-*
um Vesputium, latissimas Oras Mexicanas reperis-
e, & multis sibi adjunctis sociis è Familia S. *Fran-*
cisci, innumeros Christo populos acquisivisse, ita-
ut Indiarum Mexicarum primus Episcopus creatus
uerit *Joannes Cadebus* Ordinis S. *Francisci*, sicut
estatur *Thomas Bosius*. Denique, Dominicani his
omnibus operariis sese adiutores adjunxerunt,
utramque Indiam, Orientalem & Occidentalem
penetrarunt, Indorum saluti magno studio allabo-
arunt, eosque veluti filios in Christo multo sudo-
re genuerunt, vastissimas regiones prædicationis
causâ pedibus circumcursantes, nec quidquam ta-
men de abstinentia à carnibus ac jejuniis ex itinere
fatigati remittentes: non aurum, lapidesque præ-
ciosos expetentes, sed per rupes montesque fursùm
irrepentes, & quæ cavernis locisque inaccessis In-
di occultarant Idola argentea & aurea sollicitè
con-

conquirentes , & si quæ reperissent illicò comminuentes , & à materiâ , quâ conflata erant , velut sacrilego usu , abstinentes ; rati nimirum non convenire hominibus Apostolico ministerio addictis , hujusmodi rebus uti , & inde commoda vitæ capere . Mira de Novi Orbis Missionariorum Ordinis *S. Dominici* Vitæ sanctimoniâ & eximio paupertatis ac Religiosæ disciplinæ studio narrat *Joannes Lopes* Historiæ suæ parte quartâ , illosque Viros Apostolicos in omnem terram dispersos , eorumque sonum exivisse , & in fines Orbis terræ verba eorum , multa ex prisca ætate hodiè servata monumenta testantur , in quibus multò majora & illustriora his , quæ hætenus dixi , in eorum laudem referuntur , quæ tamen , brevitati consulendo , silentio prætermittere cogor , ut pauca dicam de quibusdam Monasticæ & Regularis Disciplinæ Capitibus , quæ Sæculo XV. erant in usu . In primis , Jus eligendi Abbates & Priores Monasteriis Sæculo XV. adhuc competebat , quod postea per Concordata , *Leonem X.* Pontificem Maximum inter & *Franciscum I.* Regem Christianissimum inita , extinctum est , & ad Regem in Galliis translatum , uti fusiùs exponemus in nostris Colloquiis in Historiam Sæculi XVI. Hic tria tantum obiter advertere debes , primò , Regiæ Nominationi in Galliis in vim Concordatorum ea non subesse Monasteria , quæ per Præpositos Generales & Capita Ordinum regi consueverunt , quibus adjungendæ sunt quatuor Cisterciensis Abbatix filix , *Pontiniacum* , *Feritas* , *Claravallis* , & *Morismundus* . Item Abbatix , sive Prioratus , quorum Caput est *Casa-Benedicti* in Bituricensi Diœcesi , Gallicè *Chesalbenoist* , & ce-

lebris altera Abbatia in suburbio Biturigū S. *Sulpitio* consecrata. His enim omnibus suos eligendi obates & Priores servata est libertas. Secundò, advertere debes, Galliarum Regem in vim Concordatorum teneri quidē ad Abbantias & Prioratus nominare Religiosum ejusdem Ordinis, eum tamen Sedis Apostolicæ Indulgentiā, præscriptā eam consuetudine & possessione firmatā, Clericos seculares ad Abbantias & Prioratus nominare, sed à lege ut solo Commendationis titulo hæc Beneficia possideant. Quas Cænobiorum Commendationes tardius & ægrè admodum in Galliis fuisse receptas facili negotio ostendere possem, si per tempus liceret. Denique, advertere debes, Regem Christianissimum ad Abbantias Monialium nunc in Galliis nominare, non in vim Concordatorum, sed in vim Pontificii Indulti, quo *Clemens VII.* Pontifex Maximus cum *Francisco I.* Galliarum Rege, Massiliæ congressus, Ius ad eas nominandi concessit. Pecunias exigere pro Monachorum, aut Monialium ad Professionem Religiosam receptione prohibuerunt Concilia, quæ Sæculo XV. fuerunt celebrata, Frisingense anno mccccxl. Sueffionense anno mccccclvi. & Senonense anno mccccclxxxv. Dotales tamen eleemosinas in Monialium Professione, & receptionem pecuniæ ab his, qui Religiosam Vitam inire volunt, spontè Monasteriis oblata, approbarunt. Monachi Sæculo XV. adeundæ hæreditatis, quæ per ipsos Monasterio acquireretur, incapaces non erant, ut liquet ex Diplomate *Eugenii IV.* Pontificis Maximi, quo Monachis Benedictinis Congregationis S. *Justinæ* in Italia, anno mccccxxxvi. confirmavit facultatem acquirendi

rendi bona mobilia & immobilia , & quæ si in Sæculo remansissent, jus petendi & exigendi, ipsis eorum Monasteriis acquirenda ; non obstantibus quibuscumque Statutis , Ordinationibus , & Decretis cujusvis Ecclesiasticæ sive Sæcularis Personæ, Communitatis , Collegii &c. Verùm , Sæculo XVI. Monachi , alii-que Religiosi Principum Legibus , aut Consuetudine , seu jure Municipali , ab adeunda hæreditate pluribus in locis , præsertim in Germania, Gallia & Polonia exclusi sunt. Cujus exclusionis Chassaneus in Commentariis Consuetudinis Burgundiæ hanc rationem affert : quia inquit , si Religiosi hæreditati succederent , esset annihilatio temporalitatis in Republica , cùm Religiosi semper traherent ad se temporalia , eò quòd succederent Laicis , & Laici eis non succederent , sed eorum Ecclesiæ & Monasteria . Undè nulla æqualitas observaretur . Cùm Regularis Disciplinæ vigor diù stare haud possit absque pace & tranquillitate , quæ inter Religiosos omnium Ordinum vigere debet , opportunè quatuor Ordinum Mendicantium supremi Moderatores, qui Concilio Basileensi anno mccccxxv. intererant , necessarium esse judicarunt , quasdam præscribere & statuere Leges, quibus Religiosa pax , nullo deinceps turbanda dissidio, firma semper consisteret, omnisque præcluderetur aditus dissensionibus, quæ indentidèm quorundam Fratrum imprudentiâ emergentes , mutuam concordiam dirimebant . Eam ob rem , post maturam deliberationem , ad perpetuam inter Fratres quatuor Ordinum Mendicantium concordiam stabiliendam , Epistolam Encyclicam scripserunt , suis nominibus & sigillis munierunt , quam ipse adhuc ineditam vidi

legi in Charta pergamena descriptam, quæ Rō-
mæ in Archivo Reverendissimi Patris Generalis
Ordinis FF. Prædicatorum asservatur. Hujus au-
tem Epistolæ Encyclicæ hoc est initium: *Univer-*
sis & singulis Fratribus Sacrarum Religionum, Præ-
dicatorum B. Dominici; Minorum B. Francisci: He-
remitarum S. Augustini: & Carmelitarum B. Mariæ,
fratres Bartholomæus Texerii Magister Generalis
Ordinis Prædicatorum, Guillelmus de Casali Minister
Generalis Ordinis Minorum, Gerardus de Ariminio
Prior Generalis Ordinis Heremitarum S. Augustini,
et Joannes Fachì Prior Generalis Ordinis Carmelita-
rum B. Mariæ: aeternæ salutis & perpetuæ pacis mu-
nus &c. Data est Basileæ die 2. mensis Aprilis anni
mccccxxxv. Porro in hac Epistola Encyclicâ injun-
gitur Fratribus, ne, dum quis aliquem è sui Or-
dinis Sanctis laudat, aliorum ex cæteris Religiosis
Familiis merita detrahat: ne quis, dum sui Ordi-
nis Doctorum Sententias propugnat, aliorum do-
ctrinam præpostero zelo abreptus incautè carpat:
ne quis aliorum contemptum suum Ordinem extol-
lat, ac de aliorum dignitate, & auctoritate oblo-
quens, eundem in comparisonem vocet, quâ de-
primat alios. Præcipitur insuper Fratribus, ut om-
nes conjunctis animis quatuor Ordinum Mendi-
cantium commune bonum certatim curent: &
nullus, cum Frater aliquis alterius Ordinis de suis
Moderatoribus conqueritur, ejus causam tuendam
suscipiat, sed potius quietis impatientes ad pacem
reducant: si de Cænobiorum limitibus aliqua sub-
oriatur lis, quàmprimùm componatur amicè à
Provincialibus, vel si illi convenire non potue-
rint, Arbitrorum auctoritate intra mensem tran-
figa-

figatur : si Fratres ullius quatuor Ordinum Mendicantium Cænobium fundent in aliquo loco, in quo alterius Ordinis Cænobium jam constructum est, spatium inter illa servetur, quod interjacere Summi Pontifices jubent : ne quis Religiosos Novitios ex aliis Ordinibus ad suum alliciat, vel pertrahat : ne denique Sæculares, qui sepulturam habent in Ecclesiis aliorum Ordinum inducat ad illam transferendam in Ecclesias Ordinis sui, vel ad mutanda legata adhortetur. Hæ & aliæ hujusmodi Leges ad fovendam Religiosam pacem prorsus necessariæ præscribuntur in hac Epistola Encyclica, quam anno millesimo quadringentesimo quinquagesimo octavo renovarunt alii quatuor Ordinum Mendicantium Præpositi Generales, videlicet *Martialis Auribelli* Magister Generalis Ordinis FF. Prædicatorum, *Jacobus Garfola* Minister Generalis Ordinis Minorum, Magister *Alexander de Saxo Ferrato* Heremitarum Sancti Augustini Vicarius Generalis, *Paulus de Panorma* Vicarius Generalis Ordinis Carmelitarum, ut videre est in eorum litteris Encyclicis, quæ simul cum laudata mox Epistola Encyclicâ in Pergamena charta sunt descriptæ, & datæ sunt Romæ apud Beatam Mariam super Minervam die sextâ Julii anni millesimi quadringentesimi quinquagesimi octavi. Has Epistolas Encyclicas obiter indicare necessarium esse duxi, non solum quia necdum editæ sunt, sed quia etiam ex his nullo negotio percipitur, Regularis Disciplinæ observationem & incrementum pendere ex mutua Religiosorum concordia, quia, ut *Sallustius* ait : *concordia res parvæ crescunt, discordia maximæ dilabun-*

untur. Sed hæc de Monastica & Regulari Disciplina, quæ Sæculo XV. vigit, breviter annotare sufficiat.

D. Ad benè beatèque vivendum cum certas atque Regulas præscribat Doctrina Moralis Christiana & ad probè informandos mores plurimum itidem conferat piorum librorum lectio, notarem ut sub finem nostri Colloquii brevem exhiberes notitiam Ethices Christianæ Sæculi XV. & eadem, operâ, digitum ad fontem intendens, illis hujus Sæculi Scriptorum indicares libros, ex quibus salutaria cum morum, tum Vitæ Asceticæ possim haurire documenta.

M. Notitiam Ethices Christianæ Sæculi XV. meliùs perspectam habere, ac securius, meâ quietem sententiâ, haurire non poteris, quàm ex S. Antonino, Archiepiscopo Florentino, Ordinis Prædicatorum nobilissimo Sæculi XV. Scriptore, qui *summam Doctrinalem* in quatuor partes tributam composuit, in qua quidquid ad considerationem Sacratissimæ Theoriæ, quidquid ad nobilissimarum virtutum acquisitionem, quidquid denique ad beatè beatèque vivendi usum pertinere videtur, dilucidè sapientèrque conscriptum est. Nihil ibi prætermissum, nil obscure, nil concisè, mutilatèque dictum. Non enim de universalibus tantùm rebus scripsit, verùm etiam ad particularia quæque descendens, ad hunc nostrum vivendi usum, & ad singularem quamdam humanæ vitæ operationem doctrinam accommodavit. Scripturæ Sacræ, Patrum, & Canonum, quorum peritissimus erat, testimoniis sua de rebus moralibus pronuntiata confirmavit, adeò ut nemo unquam in tanto Opere quidquam minùs rectè, minùs elimatè, aut imprudenter pro-

prolatum redarguere potuerit, Verba sunt *Francisci Castellionensis* in ejus Vita, quam ex Autographo Florentino Conventus S. Marci, Ord. Præd. in quo Corpus S. *Antonini* colitur, descriptam, ediderunt Patres *Henschenius* & *Papebrochius* cum Additionibus *Leonardi de Sur-Ubertis* ex MS. codice Bibliothecæ ejusdem Cænobii ad diem secundam Maii. Hanc itaque S. *Antonini* Moralem Doctrinam, quæ Sæculo XV. pervulgata erat, obviis ulnis amplectere, quam si sequaris, duas perinde periculosas nimix laxitatis & rigiditatis extremitates, ceu Doctrinæ Moralis scopulos, facili negotio declinabis. Non eos audies Theologiæ Moralis Interpretes, quorum Opera jure merito proscripsit Ecclesia, quique, ut peccatorum libidini indulgerent, legem Dei plus æquo laxarunt, emollierunt, & tanquam plumbeam, lesbiamque Regulam flectere moliti sunt, *consuentes pulvillos sub omni cubito manus, & facientes cervicalia sub capite universæ ætatis ad capiendas animas*, ut dicitur *Ezechielis* cap. xiiii. v. 18. Nec minus repudiabis Doctrinam Moralem quorundam Recentiorum, quos pariter damnavit Ecclesia, quique rigidiores, durioresque opiniones magno animorum æstu propugnantes, in aliud severitatis exemplum prolapsi sunt, alligantes onera gravia & importabilia super humeros hominum, consilia cum præceptis promiscuè confundentes, ubique cespitantes & trepidantes timore, etiam ubi non est timor, semper ad difficiliora & quasi impossibilia non sine desperatæ salutis periculo obligantes, omnia ferè de peccato lethali damnantes, peccatores morosâ quâdam & nimium asperâ agendi ratione

tionem à Tribunali poenitentiae arcentes, Coelique
 tramitem sic arctantes, ut quasi impervium red-
 dant & occludant. Has, inquam, duas semitas è
 diametro oppositas, nullo negotio declinabis, si
 in Doctrina Morali post S. Thomam, Scholae An-
 gelum, sequaris S. Antoninum, eoque Duce ac
 Magistro ad optatissimum veritatis ac tranquillae
 conscientiae portum feliciter, tutoque poteris
 pervenire.

Inter omnes libros asceticos, qui Saeculo XV.
 prodierunt, & ex quibus saluberrima Vitae Spiri-
 tualis documenta depromi possunt, unus instar
 omnium est liber *De Imitatione Christi*, non tam
 mole, quam usu & fama magnus, appositis Sen-
 tentiis, eloquio simplici & aperto, igneis pietatis
 scintillis splendidissimus, nihilque eo solidius, al-
 tius, salubrius ad componendos mores, vel divi-
 nius & efficacius ad ciendos pietatis affectus. Non
 reperiuntur quidem in hocce libro novi illi & sub-
 tiles conceptus, quos ex Scriptura Sacra & ex
 Sanctis Patribus contra apertam illorum mentem
 summam vi & obtorto collo nonnulli hac nostram
 tempestate trahere solent, quibus nihil infructuo-
 sius ad mores, nihil frigidius ad movendos pieta-
 tis affectus, nihil ineptius etiam ad sensum com-
 munem, qui doctoribus movent risum, & solis
 imperitis admirationem; sed totus quantus est hic
 liber complectitur simplicem ac coelestem doctri-
 nam, quae omnibus ex aequo sese accommodat, sub-
 mittit se parvulis, ad illorum modulum sese attem-
 perat, lacte illos alens, ferens, confovens, sustinens,
 donec grandescant in Christo, & rursùm ita non
 deest infimis, ut summis sit etiam admirabilis. Ad

amorem Dei, ad contemptum rerum terrenarum, & ad exercitium omnium virtutum ita omnes hortatur, invitat & animat, ut, si quis ad hunc librum legendum attulerit animum, ut par est, pium ac promptum, & in primis simplici, purâque fide præditum, totam Christianam Philosophiam ex eo, velut ex limpidiſſimo fonte, facile haurire poſſit. Hunc igitur aureum librum, chariſſime Diſcipule, in ſinu tuo jugiter circumferre, hunc ſemper habere in manibus, ſingula in eo piâ curiositate cognoscere, diſquirere, venari, & excutere debes, ut ſtudia tua abeant in mores, & ſaluberrima, quæ legentibus inſtillat, pietatis documenta, in purum putumque, ut dici ſolet, ſuccum convertere ſtudeas. Ego (inquit Bellarminus, de hoc *Imitationis Chriſti* Opusculo judicium ferendo in libro *De Scriptoriſus Eccleſiaſticis* pag. 387.) ab adoleſcentia, & uſque ſenectam hoc Opusculum ſæpiſſimè volvi & revolvi, & ſemper mihi novum apparuit, & nunc etiam mirificè cordi meo ſapit.

D. Quis eſt Author iſtius libri *De Imitatione Chriſti*, cujus dignitatem & utilitatem, necnon uberrimos fructus, qui ex illius aſſidua lectione, colligi poſſunt, tam magnificis verbis deprædicatiſti?

M. De Authore hujus libri *De Imitatione Chriſti* graviffima noſtris temporibus Benedictiones inter & Canonicos Regulares oborta eſt controverſia, cui licet memet in præſentia immiſcere nolim, nec meum ſit tantas tot Virorum eruditorum componere lites, varias tamen, quæ hinc indè circumferuntur, ſententias breviter hîc annota-

notare tibi non ingratum fore arbitror. Patres Benedictini hunc librum *De Imitatione Christi* vindicant Joanni Gersen Benedictini Ordinis Abbati Sancti Stephani Vercellensis. Ex adversò Canonici Regulares hunc librum Thomæ Kempensi, Canonico Regulari, adjudicant. Manuscriptorum Codicum fide causam suam utraque pars acerrimè tuetur, &, ut eximii illius Operis meritum suo Ordini adscribat, tanquam pro aris ac focis pugnat. Joannem Gersenem hujus libri *de Imitatione Christi* Authorem esse probant Patres Benedictini Codicibus MSS. Padolironensi, Aronensi Collegii Societatis Jesu in Ducatu Mediolanensi, Cavenensi, Allatiano, Slusiano, & Canonorum Regularium, in Monte Sanctæ Agnetis prope Zuvollam, cujus in fine leguntur hæc verba minio descripta: *Finitus & completus anno Domini MCCCCXLI. per manus Fratris Thomæ Kempensis in Monte Sanctæ Agnetis prope Zuvol.* Quæ verba Thomam Kempensem hujus libri non tam Authorem, quàm exscriptorem, fuisse insinuare videntur. Alios etiam duodecim MSS. Codices nomen Joannis Gersen Abbatis præferentes adducunt PP. Benedictini, adduntque suas conjecturas ab Authoris patriâ, stylo & professione petitas, necnon varias hujus libri *de Imitatione Christi* Editiones, quæ diversis in locis sub nomine Joannis Gersen prodierunt, ut videre est in Dissertationibus & Vindiciis, quas eâ de re lucubrarunt doctissimi illi Monachi, Constantinus Cajetanus Congregationis Cassinensis Monachus Benedictinus, Franciscus Valgravius, Ordinis etiam Benedictini Monachus, Prior de Alneto Congregationis Cluniacensis, Robertus Quatri-

marius ejusdem Ordinis Professor, & *Franciscus Delfavius*, Monachus Benedictinus Congregationis Sancti *Mauri*, quibus accessit *Joannes Launojus*, Theologus Parisiensis. Iisdem armis pugnant Canonici Regulares, quippè qui, ut *Thomæ à Kempis* Canonico Regulari asserant librum *De Imitatione Christi*, multos proferunt MSS. Codices, scilicet Sancti *Martini* Lovaniensis Codicem MS. exaratum anno MCCCCLXXXII. Domus SS. *Petri & Antonii Dailhem* alium manuscriptum Codicem anni MCCCCLXX. Tertium, Domus Sanctæ *Barbaræ* in Colonia, Ordinis Carthusiensis, scriptum anno MCCCXLVII. Quartum, dictum *Bruxellensem*, qui asservatur in Cænobio Carthusianorum, à doctissimo *Chiffletio* in Apologia MS. commendatum, & exaratum anno MCCCCLXIII. Quintum, Sancti *Martini* Tornacensis ab eodem *Chiffletio* inspectum & laudatum. Sextum, *Montis Blandinii* Ordinis Benedictini, cujus idem meminit *Chiffletius*. Septimum & Octavum, *Reinsbergensem*, & *Maseychensem*, quorum mentionem facit *Ros-Weydus* Societatis Jesu. Nonum, *Kirchemiensem Davidis Ehingeri*, & alios Codices MSS. dictos *Rebdorfianos*, eò quòd asserventur in Monasterio Rebdorfensi Sancti *Joannis Baptistæ*. His manuscriptis Codicibus addunt Canonici Regulares quàmplures hujus libri *de Imitatione Christi* Editiones, quibus *Thomæ Kempensis*, Canonici Regularis, nomen inscriptum est, antiquorum Scriptorum testimonia, variasque conjecturas, quæ legi possunt in Vindiciis, quas pro *Thoma à Kempis* adornarunt *Heribertus Rosveydus*, *Heserus*, *Bollandus*, *Theophilus Raynaudus*, Societatis Jesu Scripto

tores ; *Fronto* , & *Verlinus* Canonici Regulares ,
Gabriel Naudeus Artigiæ Prior , *Chiffletius* Abbas
Balernensis , *Nicolaus Desnos* , Canonici Regularis ,
& alii . In hac controversia à PP. Benedictinis ,
& Canonicis Regularibus magno æstu & summâ
eruditione ventilatâ consultius esse ducō
meum non interponere iudicium , nec quidquam
in hac lite , quæ adhuc sub iudice est , derogare
uri , quod tam PP. Benedictini , quàm Canonici
Regulares sibi ex plurimis titulis , perdoctis con-
fecturis , & Codicibus MSS. sinceræ fidei & optimæ
notæ hac in re tribuunt . Dicam tamen obiter .
His Scriptoribus mox à me laudatis , qui *Vindi-*
cias & *Dissertationes* eo de argumento ultrò ci-
ròque ediderunt , haud immeritò aptari posse
illud *Terentii* Dictum : *Fecistis probè , incertior sum*
multò , quàm dudum . Ex his itaque *Dissertationi-*
bus cum nihil certi ad dignoscendum verum *Au-*
thorem libri *De Imitatione Christi* colligi possit ,
duo dumtaxat ex eodem libro hîc annotare haud
pigebit , quæ spectant dotes , tempus & modum
scribendi hujus Authoris adhuc incogniti . Et
primò quidem ex hoc *De Imitatione Christi* Opu-
culo , quod in quatuor libros tributum est , com-
pertum habemus , ejus Authorem *Monasticam*
Vitam fuisse professum . Sic enim Author libro 3.
De Imitatione Christi Cap. 10. Num. 11. de se ipso
loquitur : *O fons amoris perpetui , quid dicam de*
te ? Quomodo potero tui oblivisci , qui mei dignatus
es recordari , etiam postquam contabui & perii ? fe-
cisti ultra omnem spem , misericordiam cum servo tuo ,
& ultra omne meritum , gratiam , & amicitiam
exhibuisti . Quid retribuam tibi pro gratia ista ? non

enim omnibus datum est, ut omnibus abdicatis, sæculo renuncient, & monasticam Vitam assumant . Et Cap. LVI. ejusdem libri, Num. III. hæc scribit : Domine Jesu , sicut dixisti , & promissisti , sic utique fiat , & mihi promereri contingat . Suscepi , suscepi de manu tua Crucem ; portabo, & portabo eam usque ad mortem , sicut imposuisti mihi . Verè , Vita boni Monachi, crux est, sed dux Paradisi . Inceptum est , retrò abire non licet, nec relinquere oportet . Quid autem per vitam monasticam intelligat hic Author , luculentè ipsemet explicat libro I. De Imitatione Christi capite vigesimo quinto, seu ultimo, his verbis : Quomodo faciunt tam multi alii Religiosi, qui satis arctati sunt sub disciplina claustrali ? rarò exeunt , abstractè vivunt , pauperrimè comedunt, grossè vestiuntur, multùm laborant, parùm loquuntur, diu vigilant , maturè surgunt , Orationes prolongant, frequenter legunt , & se in omni disciplina custodiunt . Attende Carthusienses, Cistercienses , & diversæ Religionis Monachos ac Moniales , qualiter omni nocte ad psallendum Domino assurgunt ; & ideò turpe esset, ut tu deberes in tam Sancto opere pigritare, ubi tanta multitudo Religiosorum incipit Deo jubilare . Quibus ex verbis liquidò patet , Authorem libri De Imitatione Christi, Monasticam, seu Religiosam Vitam verè fuisse professum , ac subindè stare non posse sententiam illorum , qui hoc De Imitatione Christi Opusculum attribuant Joanni Gersonio , Sacræ Facultatis Parisiensis Cancellario , cùm certissimè apud omnes constet, Joannem Gersonium nunquam Vitam Monasticam , seu Religiosam fuisse amplexum . Ultrò tamen fateor , in quibusdam Manuscriptis Codicibus libri De Imitatione Christi in-

Scriptum reperiri nomen *Joannis Gersonii*, sed id ex eo accidisse arbitror, quòd loco nominis *Joannis Gersen*, Ordinis Benedictini, Abbatis Sancti Stephani Vercellensis, qui erat Scriptor parùm notus, suffectum fuerit nomen *Joannis Gersonii*, Academiae Parisiensis Cancellarii, & Sæculi XV. Scriptoris celeberrimi. Explodi etiam debet tanquàm omninò improbabilis, opinio eorum, qui quatuor libros *De Imitatione Christi* adjudicant S. Bernardo Abbati Claravallensi, cùm certo certius sit, Authorem Opusculi *De Imitatione Christi* posteriorem esse Sancto Bernardo, ut apertè evincunt hæc verba, quæ in calce capitis quinquagesimi libri tertii *De Imitatione Christi* leguntur: *Nam quantum unusquisque est in oculis tuis, tantum est, & non amplius, ut ait humilis Sanctus Franciscus.* Non potuit autem Sanctus Bernardus citare Sanctum Franciscum, cùm in confesso sit apud omnes, S. Bernardum obiisse anno MCLIII. & S. Franciscum ex hac vita migrasse anno MCCXXVI. Non est ergo S. Bernardus Author Opusculi *De Imitatione Christi*. Nec oppositam sententiam probant quidam antiqui manuscripti Codices Opusculi *De Imitatione Christi*, in quibus nomen Sancti Bernardi præfixum est, quia vero quàm simillimum est, Amanuenses, cùm hoc Opusculum inter Opera manuscripta Sancti Bernardi absque ullo Authoris nomine invenissent, sibi persuasisse illud esse Sancti Bernardi legitimum factum, eique Sancti illius Doctoris nomen apposuisse, ut inde majorem huic libello conciliarent auctoritatem, in quorum errorem postea impegerunt nonnulli Typographi, qui aliquot Editionibus Opusculi *De Imi-*

tionem Christi nomen Sancti Bernardi præfixerunt. Addo etiam stylum, quo inter scribendum usus est Author Opusculi De Imitatione Christi, multò simpliciorum esse stylo Operum Sancti Bernardi, & Joannis Gersonii, ex quo, juxta Critices disciplinæ Regulas, optimo jure concludi debet, nec S. Bernardo, nec Joanni Gersonio tribuendum esse Opusculum De Imitatione Christi. Sed, ut ut sit de excellentissimi istius Opusculi Authore, de quo non ita pridem plures lites & altercationes, non sine magno temporis, & tantum non charitatis detrimento, motæ sunt: in hanc omnes conspirant sententiam, nempe ut credamus, hoc De Imitatione Christi Opusculum sanctissimis Documentis, exquisitis Sententiis, cœlesti doctrinâ & Spiritus Sancti unctione plenissimè perfusis à capite ad calcem abundare. Tot inter saluberrima documenta, duo tantum hîc seligam, ex quibus istius omni laude superioris Opusculi utilitatem, velut ex ungue Leonem, facillè dignoscere poteris, & eandem operâ intelligere, quàm parum profit scientia, nisi cum genuina pietate amico fœdere sit conjuncta. Primum Documentum extat capite primo libri primi De Imitatione Christi, ubi hæc verba leguntur: Qui vult plenè & sapidè Christi verba intelligere, oportet, ut totam vitam suam illi studeat conformare. Quid prodest tibi, alta de Trinitate disputare, si careas humilitate, unde displiceas Trinitati? Verè, alta verba non faciunt sanctum & justum, sed virtuosa vita efficit Deo carum. Opto magis compunctionem, quàm scire ejus definitionem. si scires totam Bibliam exterius, & omnium Philosophorum Dicta: quid totum prodesset, sine caritate

Dei

rei & gratia? Vanitas vanitatum, & omnia vanitas, præter amare Deum & illi soli servire. Ista est summa Sapientia, per contemptum mundi tendere ad regna cælestia. Alterum Documentum, quod eodem collimat, legitur cap. 3. ejusdem libri primi, ubi sic Author loquitur: Non est culpanda scientia, aut qualibet simplex rei notitia, quæ bona est in se considerata, & à Deo ordinata; sed præferenda est semper bona conscientia, & virtuosa vita. Quia verò plures magis student scire, quàm benè vivere; deò sæpè errant, & penè nullum vel modicum fructum ferunt. Certè adveniente die iudicii, non quæretur à nobis quid legimus, sed quid fecimus; nec quàm benè diximus, sed quàm religiosè viximus. Dic mihi, ubi sunt modo omnes illi domini & magistri, quos benè novisti dùm adhuc viverent, & studiis flourerent? jam eorum Præbendas alii possident, & nescio utrùm de iis recogitent. In vita sua aliquid esse videbantur, & modò de illis tacetur. O quàm citò transit gloria mundi! Utinàm Vita eorum, scientiæ ipsorum concordasset, ! tunc benè studuissent & legissent. Quàm multi pereunt per vanam scientiam in sæculo, qui parùm curant de Dei servitio! Et quia magis eligunt magni esse quàm humiles, ideò evanescunt in cogitationibus suis. Verè magnus est, qui magnam habet charitatem. Verè magnus est, qui in se parvus est, & pro nihilo omne culmen honoris ducit. Verè prudens est, qui omnia terrena arbitratur ut stercora, ut Christum lucrificet. Et verè benè doctus est, qui Dei voluntatem facit, & suam voluntatem relinquit. Hæc duo præclara Documenta si negligas, carissime Discipule, nunquàm illam assequeris sapientiam, quam fin-

cera

cera pietas comitatur, quia, ut inquit Apostolus *Jacobus cap. 3.* suæ Epistolæ Canonicae: *Quæ de sursum est sapientia, primum quidem pudica est, deinde pacifica, modesta, suadibilis, bonis consentiens, plena misericordiae, & fructibus bonis.*

D. Cùm nihil in vita hominis suave esse possit, nisi adsit animus nullius mali sibi conscius, undè ceu fonte scatet vera voluptas; totus in hanc curam deinceps incumbam, ut ex jugi lectione cùm Scripturæ Sacræ, tùm libri *De Imitatione Christi* veram adipisci possim conscientiae pacem, ac sinceram morum emendationem, quam sola efficit doctrina Cœlestis, quia sola sapientia est. Hanc unicam Christiani hominis felicitatem frustrâ quærerem in libris Ethnicorum Philosophorum, quibus hæc cœlestis sapientia penitus ignota fuit, & in quorum mores si quis diligenter inquirat, inveniet iracundos, pecuniæ cupidos, libidinosos, arrogantes, protervos, & sub obtentu sapientiæ suæ vitia celantes, domi facientes ea, quæ in Scholis arguissent, ita ut cum eorum vita & vitiis mirabiliter pugnet oratio. Philosophorum itaque libri, utpotè terrenam tantum sapientiam, falsam, variam, & multiplicem, totamquæ sibi contrariam complectentes, hominem Christianum nec meliorem, nec feliciorē reddere possunt, sed sola hæc efficit cœlestis sapientia, in Sacris & asceticis libris contenta, quæ, quantum valeat in animis hominum, quotidiana experimenta demonstrant, idque *Lactantius*, scriptor mihi familiarissimus, libro III. *Institutionum Divinarum cap. xxvi.* explicat his elegantissimis verbis: *Da mihi, inquit, virum, qui sit iracundus, male-*

*maledicus, effrænatus: paucissimis Dei verbis tam placidum, quàm ovem reddam. Da cupidum, avaram, tenacem: jam tibi eum liberalem dabo, & pecuniam suam plenis manibus largientem. Da timidum doloris ac mortis: jam Cruces & ignes, & Phalari-dis taurum contemnet. Da libidinosum, adulterum, ganeonem: jam sobrium, castum, continentem videbis. Da crudelem & sanguinis appetentem: jam in veram clementiam furor ille mutabitur. Da injustum, insipientem, peccatorem: continuò & æquus, & prudens, & innocens erit. Num quis hæc Philosophorum aut unquàm præstitit, aut præstare potest? qui cùm ætates suas in studio Philosophiæ conterant, neque alium quemquam, neque se ipsos possunt facere meliores. Itaque sapientia eorum, ut plurimum efficiat: non excindit vitia, sed abscondit. Pauca verò Dei præcepta sic totum hominem immutant, & exposito vetere novum reddunt, ut non cognoscas eundem esse: Cùm igitur nulla ratio, vel scientia, vel lex benè vivendi, nisi in hac unica & vera, & Cœlesti Sapientiâ, quæ ex solis sacris ac piis libris hauriri potest, constituta sit; constanti animo decrevi, cunctis Philosophorum, Poetarum, & Oratorum libris valere iussis, uni deinceps adhærere assiduè Sacrorum & piorum librorum lectioni, præsertim libri *De Imitatione Christi*, quem mihi viæ ac vitæ Spiritualis comitem adsciscam, parvi faciens gloriam vel ignominiam mundi, dummodò ad mentem Christo Salvatore nostro dignam perveniam, & Ægyptum unà cum suis & vitiis & delitiis velis remisque effugiam.*

M. Quò mihi charior es, hoc impensius gratulor tuo tam salutari proposito, quod, spectro,

ro, vel citrà meam operam, fortunabit provehet-
que ipse Deus, qui dignatus est excitare. Hoc
unum dumtaxat te monebo, ut sedulò caveas à
præstigiis, à blandissimis ludibriis, mille nocendi
artibus & insidiis, quibus mundus te, virtutum
iter suscipere meditantem, oppugnare tentabit.
Nunc laudibus animum titillabit, nunc ignomi-
niâ & pudore à sancto proposito avocare studebit. At
tu omnes mundi aperto Marte sævientis insidias
facile superabis, si diligentè illud excusseris, quid
mundus gloriam, ignominiam ac pudorem no-
minet? Laudaris: ob quid & à quibus? Si ob tur-
pia, & à turpibus, ista verò falsa est gloria & ve-
ra ignominia. Vituperaris, ridèris: quâ gratiâ
& à quibus? ob pietatem, ob innocentiam, uti-
que à malis; non ista est ignominia, sed nulla ve-
rior gloria. Esto sanè, vel universus mundus ex-
plodat, exhibiletque, non potest non esse glorio-
sum quod approbat Christus. Et versâ vice, si
quidquid est mortalium applaudit atque accla-
met, euge, euge, non potest non esse pudendum,
quod Deo displicet. Ad hunc modum si omnes
mundanorum curas, gaudia, spes, metus, stu-
dia, laudes, vituperia, sententias excusseris, inve-
nies plena erroris omnia, dùm bonum dicunt
malum, & malum bonum, dùm dulce faciunt
amarum, amarum dulce, lucem faciunt tenebras,
& tenebras lucem, dùm denique ad inanissima
rerum ludibria, vicibus quibusdam affectionum,
iræ, invidiæ, amoris, odii, spei, metus, gaudii,
doloris, quovis Euripo, & turbidissimo mari in-
quietiùs agitari, & continuò æstuarè solent. Ma-
cte igitur animo, dilectissime Discipule, Deum
Opti-

Optimum Maximumque precor , ut istam mentem , tuosque ad virtutem egregios conatus servet , & tui honesti propositi , cujus ipsemet Author est , incrementa felicia largiatur . Finem nostris Colloquiis in Historiam Ecclesiasticam Sæculi decimi quinti his Versibus Horatii, Poetæ tibi familiarissimi , impono .

*Latiùs regnes avidum domando
Spiritus , quàm si Lydiam remotis
Gadibus jungas , & uterque Pænus
serviat uni .*

Finis Tomi sexti.







